

S V M M A  
S A C R A M E N T I  
P O E N I T E N T I Æ,  
E X E R V D I T I S S I M I S  
C O M M E N T A R I I S  
D O C T O R I S N A V A R R I

In Septem distinctiones de Pœnitentia collecta.

*In qua ea omnia, quæ ad Sacramenti Pœnitentiæ doctrinam pertinent, eiusque ad usum,  
& quotidianam praxim necessaria esse possunt, breuiter, dilucideq;  
explicantur.*

Authore R. P. D. GREGORIO SAYRO Anglo, Ordinis D. Benedicti Congreg.  
Cassinensis, aliàs S. Iustinae de Padua Monacho, & Sacri Monasterij  
Cassinensis professo.

*Cum duobus Indicibus, Capitem scilicet, & Rerum notatu dignissimarum.*

DE LICENTIA SUPERIORVM, ET CVM PRIVILEGIIS.



V E N E T I I S. M D C X V.

A P V D B A R E T I V M B A R E T I V M.

SYMMA

ACRAMENTI

PROFITENTIA

REVERENDISSIMO

COMITIBUS

DE

IN

DE

DE

DE

DE

DE

DE

DE

DE

DE

DE

DE

DE

DE

DE

DE

D



ues

2. C

quo

tum

con

tur

eria

Poe

Hi

secu

esse

rab

me

fun

rab

pir

tib

uis

au

cen


uis

ua

qu

qu





D. GREGORIUS ANGLVS  
ORDINIS S. BENEDICTI  
Monachus Casinas

PERPETVAM LECTORI  
Salutem.



*V*M tanta sit humane naturae fragilitas, & imbecillitas, & tot undique inimicis obsessa, ut summa cum difficultate innocentiam, & iustitiam, quam semel in sacro baptismatis fonte suscepit, tueri, ac conservare valeat; sed saepenumero in varia peccata, & multiplices defectus recadat, & relabatur: ne absque remedio opus manuum suarum Psal. 101. reliqueret clementissimus Dominus, Divus in misericordia, Ephe. 2. Pater misericordiarum, & Deus totius consolationis, 2. Cor. 1. Divinum hoc, & saluberrimum Poenitentiae Sacramentum instituisse voluit, in quo Sacerdotum ministerio quaecunque peccata remittuntur. Cuius tum utilitatem, tum necessitatem Patres olim considerantes, Baptismo Sacramentum hoc comparare consueverunt. Sicut enim per Baptismum Christum induentes, nova prorsus in illo creatura efficimur; & plenam, & integram peccatorum omnium remissionem consequimur: ita etiam homo per Baptismum relapsus, & inimicus Dei factus, remissione peccatorum per Poenitentiam accepta, Deo reconciliatur, & ex mortuo vivus, & ex impio iustus efficitur. Hinc Tridentina synodus sess. 14. de Sacram. Poenit. cap. 2. Sacramentum Poenitentiae non secus lapsis post Baptismum, ac nondum regeneratis Baptismum ad salutem necessarium esse docuit. Et antiquiores ecclesiae Doctores Poenitentiam secundam post naufragium tabulam Ambr. ad Virg. lapsam. cap. 8. Hierony. in cap. 3. Esaiæ & epist. 8. ad Demetriadem Pacianus epist. 1. ad Sympronianum Novatianum, appellarunt. Desumpta, scilicet, Metaphora ex similitudine, quam Baptismus, & Poenitentia cum tabulis navis in mari fractae habent; per quas homo ab huiusmodi naufragio liberari cupit, & contendit. Quandoquidem homini nauiganti, si eborta tempestate, & concutientibus fluctibus, navis frangitur; hoc unicum remedium superest, scilicet, tabulas navis fractae arripere, & eisdem inniti, ut salvari possit. Qui nauigat, homo est, navis autem, quam primo ingressus est, & in qua nauigare primo capit, status fuit innocentiae, & rectitudo, & integritas vitae, in qua conditus fuit; fracta vero tunc navis fuit, quando innocentiam illam per inobedientiam, & primi parentis nostri pravicationem amisit; fluctus maris nauem concutientes, vitae huius tentationes sunt, quae magno impetu in hominem irruunt; mare autem hoc magnum, & spaciosum, in quo reptilia, quorum non est numerus, Psal. 103. mundus iste est, in quo innumera

† pericula,



pericula, & infinita peccandi occasiones quotidie reperiuntur. Tabula denique, quibus ho-  
 mo ab huiusmodi periculis, & naufragio liberari potest, Baptismus. & Pœnitentia sunt.  
 è quibus cum prior sit Baptismus, qui ianua aliorum omnium sacramentorum esse  
 dicitur, cap. Per catéchismum, de cognat. spirit. in 6. Trid. synod. de sacrament.  
 pœnit. sess. 14. cap. 2. ideo tabula prima nuncupatur, Pœnitentia verò secunda. Et  
 quidem meritò, sicut enim confraeta naui, unum vitæ seruandæ per fugium reliquum est,  
 si fortè tabulam aliquam de naufragio liceat arripere; ita post amissam baptis-  
 mæ innocentiam, nisi quis ad pœnitentiæ tabulam confugiat, sine dubio de eius salute desperandum  
 est. Ceterum hæc pœnitentiæ tabula, quamvis adeò necessaria sit, talis tamen est, ut pe-  
 riculi potius, quam auxiliij plena sit, si temerè correpta, & non scitè porrecta fuerit;  
 immò nisi ea dexterè utaris, non solum ex vndis euectum te non eruit, sed ponderis sui  
 momento vastioribus te fluctibus inuolutum altius obruit. Vt autem decen-  
 ter huic tabu-  
 læ manum admo-  
 ueris, illique sa-  
 lubriter, & uti-  
 liter innitereris,  
 & adhaeresceres, quam-  
 vis multi modum ac methodum tradiderunt; nemo tamen prudentum iudicio id melius,  
 & diligentius præstitit, quam Doctor Martinus Nauarrus in distinctiones septem de  
 Pœnitentia commentatus. Qui sicut reliquis in materijs pertractandis alios omnes, ita  
 in hac re seipsum longè superasse indicatur. Hoc solum illi à nonnullis vitio verti con-  
 spicio, quod confuse nimis, & inuerso, ac perturbato ordine omnia pertractauerit; quod  
 tamen, si quod vitium sit, non auctori, sed commentantis necessitati adscribendum est.  
 Etenim quod de Aegypti canibus fertur, qui dum ad Nilī fluminis ripas currunt,  
 sæpè subsistendo aquas lambunt, quas quasi intactas statim linquunt, relictas subinde  
 repetunt, & non uno haustu, sed repetitis bibendi vicibus sitim explent; idem ferè scho-  
 lasti, & interpreti in aliorum operibus illustrandis usu venit. Nam dum unum tra-  
 ctat, ad alia trahitur, & ad inchoata, quæ sæpè abrumpit, sapius redit, & tanquam ad  
 nutum auctoris, quem explicat, eò commentando fertur, quò non rerum series, sed con-  
 textus ratio commentantis stylum adducit. Quapropter, ut nihil tam insigni operi deesset,  
 nihilque studiosus quisque haberet, quod iustè reprehendere posset; opere pretium fore  
 arbitrabar, si successiuas aliquot, ac quasi furtiuas horas in recolligendis, & accom-  
 modandis eius sententijs, quas per totum hoc Commentariorum corpus, tanquam sca-  
 pas dissolutas sparsit, consumerem, & quæ varijs in locis de singulis Pœnitentiæ parti-  
 bus Contritione, scilicet, Confessione, & Satisfactione prolixius, ac subtilius di-  
 sputata, & discussa sunt, ad propria sua capita reducerem, & breuiori sermone,  
 styloque faciliore explicarem. Quòd cum perfecero, dignumque visum est opus, ut  
 ad aliorum utilitatem, illorum præsertim, qui in arte artium (quæ ut Magnus, ille  
 Gregorius lib. 1. pastoral. cap. 1. scribit, est regimen animarum) non sunt nimis  
 artifices, & tamen artem hanc passim exercere non dubitant, typis mandaretur, fac-  
 re non potui, quin horum utilitati inferuirem, hac fretus confidentia, fore nempe, ut  
 aliquos cælestis gregis pastores oculatiores, ac proinde diligentiores Domino exhibeam.  
 Vale igitur benigne Lector, & si quam ex hoc opere aliquando utilitatem perceperis, id  
 totum diuinæ bonitati attribuito, cui omnium rerum gloria sit ubique, & semper.



# BARETIVS BARETIVS

Ad Lectorem.



**I**BELLVM hunc (amice lector) ex vastissimis illis, & eruditissimis Doctoris Martini Nauarri Commentarijs, quæ in septem distinctiones de Pœnitentia edidit, collectum, eò libentiùs typis demandamus, quod Flores ex eiusdem Authoris hortis paulo ante in vnum fasciculum congestos, gratissimos tibi fuisse intelleximus. In illis vniuersa ferè vtriusque iuris axiomata, pro quæstionum varietate, doctè, subtiliterque explicantur; in hoc verò quæcunque ad sacramenti Pœnitentiæ doctrinam pertinent, eiusque ad vsum, & quotidianam praxim necessaria esse possunt, breuiter, dilucideque declarantur. In quo colligendo id potissimum Author præstare studuit; vt adhibita conuenienti methodo paucis multa complecteretur, & vnamquamque materiam, prout res ipsa postulat, reiectis superfluis aptè, & sufficienter exponeret. Etenim cum Nauarri contextus, vastissima mole sua, & sumptu nimius (vt reliqua taceam) & portatu onerosus multis videretur; ac propterea plebeis animarum pastoribus quibus alioquin maximo vsui fuisset, minimè commodus fuit, quinimmo nec facile ab omnibus eius authoris sensus ob prolixū disputandi modū, & methodum comprehendere potuit; Ipse vt tam doctis, quam indoctis seruiret opera sua, succum expressit, medullamque hausit, authoris quantum potuit verba imitatus, semper de rebus propriam eius sententiam, sententiæ rationem subiiciens, vt in tanti viri autoritate intellectum (si nuter) apta saltem, & accommodata opinionis ratio vacillantem confirmet. Quia verò pro commentantis ingenio, & consuetudine, textusque occasione, quem explicandum susceperat sparsim, varijsque in locis de vna eademque materia tractatum instituerat, singula ad propria sua capita reuocauit: ita scilicet: vt si quid aliquando vel obiter, uel ex industria, pro ratione disputationis, diuersis in capitulis, & distinctionibus de sacramenti pœnitentiæ partibus edocuerit; illud statim ad contritionem, confessionem, & satisfactionem, id est, ad suum quodque caput retulerit. Opusculum autem hoc quod aliàs per se vnum corpus constituens in lucem prodijt, Clauis Regiæ nunc associauimus ea intentione, vt quilibet vnico volumine, quæ ad Sacramentum Pœnitentiæ spectant, reperire valeat. De quibus omnibus sic breuiter præmonendum te esse censuimus. Vale, & curam hanc nosttam, quam in imprimendis libris in maximam tuam vtilitatem vergeritibus impendere non desistimus, boni consule, ac tuis ad Deū precibus fouere ne desinas.



# I N D E X P R I M V

## Capitulum totius Libri.

- D**E Penitentia, & varia acceptione eius. Prælu-  
 Quod penitentia virtus sit, et  
 quis actus eius, et quid sit. c. 1.  
 Penitentia, ut sacramentum  
 est, quid sit, & quas habet partes cap. 2.  
 De contritione, quid sit. cap. 3.  
 Præter cordis contritionem necessaria est con-  
 fessio in re, vel in voto cap. 4.  
 De confessione, secunda parte sacramenti pœ-  
 nitentiæ, quid sit, & quo iure instituta. c. 5.  
 De tempore, quo tenemur ad contritionem,  
 & confessionem. cap. 6.  
 De circumstantiis peccati, & speciebus eius.  
 capit. 7.  
 Circumstantiæ, quæ confitendæ sunt, & quæ  
 non. cap. 8.  
 De circumstantiis temporis, personæ, modi, et  
 scandali confitendis. cap. 9.  
 An, & quando circumstantia dubietatis ani-  
 mi confitenda sit. cap. 10.  
 An oblitus confiteri circumstantiam necessa-  
 rio confitendam, teneatur iterum confite-  
 ri peccatum cum illa circumstantia; an ue-  
 ro sufficiat eam solum confiteri, non con-  
 fitendo iterum peccatum. cap. 11.  
 De conditionibus confessionis legitimæ. c. 12.  
 An, & quale peccatum sit mendacium in  
 confessione factum. cap. 13.  
 Quibus casibus frequentanda, seu iteranda  
 sit confessio. cap. 14.  
 Quæ, & qualis diligentia sufficiens, & ne-  
 cessaria est ad examen conscientie. c. 15.  
 Quæ ratione constat confessionem debere esse  
 integram, et an aliquo in casu confessio le-  
 gitima esse possit, quamvis non sit inte-  
 gra. cap. 16.  
 Quod confessio alieno sacerdoti sine licentia  
 proprii facta, nulla, & irrita sit. cap. 17.  
 Quibus in casibus licitum est alteri sine licen-  
 tia proprii confiteri. cap. 18.  
 Quis dicitur proprius sacerdos. cap. 19.  
 Confessarium cui licet eligere, is eum, qui  
 exercet curam animarum, eligere potest  
 capit. 20.  
 Habes à Papa, vel Episcopo suo facultatem  
 eligendi confessarium, id nulla parochi  
 sui licentia petita facere potest. cap. 21.  
 Confessarij eligendi licentia à Papa, Episcopo,  
 vel ab alio facultatem habente conce-  
 sa, nec prima electione finitur, nec mo-  
 te concedentis moritur. cap. 22.  
 Confessiones parochianorum, quoties illi  
 lent, parochus audire tenetur. cap. 23.  
 An liceat, aut necesse sit aliquando confite-  
 ri laico. cap. 24.  
 Confiteri bis eadem peccata nemo lege hu-  
 mana obligari potest. cap. 25.  
 De conditionibus Confessarij. cap. 26.  
 An, & qualiter licitum est confiteri exi-  
 stenti in peccato mortali. cap. 27.  
 Qualis scientia necessaria est in confessarij.  
 capit. 28.  
 Quis ad sigillum confessionis obligatur. ca-  
 pit. 29.  
 Quis sub sigillum confessionis cadit. ca. 30.  
 An sit aliquis casus, in quo liceat confessarij  
 auditam confessionem reuelare. cap. 31.  
 An, & quibus in casibus liceat reuelare con-  
 fessionem. cap. 32.  
 De Absolutione, & forma absoluendi. c. 33.  
 Absolutio excommunicato alicui, vel ab ex-  
 communicato facta, an ipso iure teneat.  
 cap. 34.  
 Confessarius pœnitenti contrarius in opinio-  
 ne, an ipsum absolvere possit. cap. 35.  
 Satisfactio quid sit, & quæ opera pro pœni-  
 tentia imponi, & assumi possunt. c. 36.  
 Penitentia in mortali facta an sit satisfac-  
 toria. ca. 37.  
 Penitentiam sibi impositam a confessario, de  
 consilio, vel de præcepto, pœnitens an ac-  
 ceptare teneatur. cap. 38.



# INDEX SECVNDVS

## RERVM NOTABILIVM.

Quæ in hoc opere continentur.

### A



Absolutio ab excommunicato data valet. cap. 34. num. 6.

Absolutio quasi ad cautelam facta, qualiter fieri oportet. cap. 33. num. 10.

Absolutio sub conditione propria de futuro fieri nequit. cap. 33. num. 12.

Absolutionis forma indicatiua efficitur debet. cap. 33. num. 1.

Absolutionis de substantia sunt illa solum verba, Absoluo te. cap. 33. nu. 2.

Absolutionis forme superflue additur, Et restituo te sacramento Ecclesie, &c. cap. 33. num. 3.

Absolutionis forma, quomodo verificatur, quando peccata prius ob contritionem dimissa fuerant. cap. 33. num. 4.

Absolutionis formæ malè additur, absoluo te auctoritate Papæ, vel Episcopi. cap. 33. nu. 5.

Absolutionem a peccatis tria præcedere debent, & quænam illa sint. cap. 33. nu. 6.

Post absolutionem datam, quæ facere debet confessarius. cap. 33. num. 7.

Post absolutionem ab excommunicatione, mandata iusta, & rationabilia pœnitenti imponere debet. cap. 33. num. 9.

Absolvens ab excommunicatione, quem non potuit, quid postea habita rei notitia facere debet. cap. 33. num. 11.

Absolvens a censuris, quatuor obseruet confessarius, & quænam illa sint. cap. 33. num. 8.

Absolutus ab inferiori a non reseruatis, sed antequam absoluitur a superiori de reseruatis, si nouum peccatum committat, quid facere debet. cap. 16. num. 10.

Actio omnis contra libertatem Ecclesie, confitenda est. cap. 8. nu. 17.

Actum ordinis sacri in mortali exercens, mortaliter peccat. cap. 27. num. 5.

Alexandri opinio de faciente aliquid, de quo dubius est, recensetur. cap. 10. nu. 3.

Aulus sine contritione baptismum accipiens, peccat. cap. 6. num. 11.

Auctoritates quædam scripturæ explicantur. cap. 4. nu. 4.

### B

Beatas confessarius ad confessiones audiendas, necessaria. cap. 26. nu. 3.

### C

Cæcilianus opinio de satisfactione sacramentali, eiusq; valore examinatur. cap. 37. nu. 4.

Cap. omnis vtriusque sexus, quodnam præceptum explicet, diuinum, an humanum. cap. 19. nu. 6.

Cap. statuimus. de Maled. explicatur. cap. 38. nu. 6.

Circumstantia nec culpam minuens nec aggravans, potius tacenda quam confitenda est. cap. 8. num. 1.

Circumstantia qualiter definitur. cap. 7. nu. 1.

Circumst. in quot species diuiditur. cap. 7. nu. 2.

Circumstantiarum, alia diuisio affertur. cap. 7. nu. 3.

Circumstantiæ culpam diminuentes, vtiliter possunt in confessione explicari. cap. 8. nu. 2.

Circumstantia culpam aggravans, sed non mutans speciẽ, necessario confitenda non est. cap. 3.

Circumstantia notabiliter aggravans, confitenda est. cap. 8. num. 5.

Circumstantia incestus est confitenda. cap. 8. num. 7.

Circumstantiæ mutantes actionem in aliam speciem peccati venialem non necessario confitendæ. cap. 8. num. 12.

Circumstantia speciem mutans necessario est confitenda. cap. 8. num. 13.

Circumstantia mutans actionem de vna in aliam speciem quænam? cap. 8. num. 14.

Circumstantia loci, quænam necessario confitenda? cap. 8. num. 16.

Circumstantia loci, sanctitati eius specialiter repugnans, vt confitenda. cap. 8. num. 26.

Circumstantia modi, quo peccatur, an confitenda. capit. 9. num. 7.

Circumstantia scandali, an confitenda. cap. 9. num. 8.

Circumstantia dubietatis animi communiter confitenda non est. cap. 10. num. 5.

Circumstantia conscientiæ, vel dubietatis, communiter speciem peccati non mutat. cap. 10. num. 6.

Circumstantia, qua violatio secreti naturæ, in violationem secreti confessionis transit, confitenda est. cap. 26. nu. 15.

Circumstantiam necessario confitendam scienter omittens, confessionem iterare debet. cap. 11. nu. 2.

Circumstantiam necessario confitendam ignoranter omittens, solum circumstantiam prius omissam confiteatur. cap. 11. num. 4.

Circumstantiæ, quæ confitendæ sunt, & quæ non. cap. 8. per totum.

Circumstantias necessario confitendas, qui ignoranter omiserint, quid facere debent. cap. 11. num. 6.

Confessarius, an, & quando interrogare debet pœnitentem de diligentia præmissa in examine facto. capit. 15. num. 7.

Confessarius quid facere debet, quando pœnitens se accusat de non præmissa debita diligentia in examine facto. capit. 15. num. 8.

Confessarius qualiter se gerere debet cum habente reseruata. cap. 16. num. 8.

Confessarius vt rectè confessiones audiat, quas conditiones habere debet. cap. 26. num. 1.

Confessarius Pœnitentem, an peccata sua diligenter in memoriam renouauerit, interrogare debet. capit. 26. num. 5.

Confessarius pœnitentem, an aliqua excommunicatione ligatus sit, interrogare non tenetur. cap. 26. num. 6.

Confessarius, quando peccat non interrogando pœnitentẽ. cap. 26. num. 8.

Confessarius in hoc Sacramento iudicis officium exercet. cap. 26. num. 9.

Confessarius omni ex parte absolutus, totam theologiam moralem, & ius canonicum, & civile scire debet. capit. 28. num. 1.

Confessarius, quando sine sufficienti scientia confessiones audiens, peccat mortaliter. cap. 28. num. 6.

Confessarius dicens, Ego Ioannem absolvere non potui; aut Ioannes non vult pœnitere, an reuelator confessionis sit. cap. 30. num. 4.

Confessarius, ex licentia pœnitentis, confessionem reuelare potest. cap. 31. num. 1.

Confessarius audita in confessione, an vt Deus, vel vt homo scire censetur. cap. 31. num. 5.

Confessarius an circa confitentem ita se gerere tenetur extra confessionem, sicut si confessionem non audiuisset. cap. 32. num. 11.

Confes-



# Index

Confessarius poenitentem sibi parere nolentem, an absol-  
uere possit. cap. 35. num. 1.  
Confessarius poenitenti consulere potest, ut suam opinio-  
nem sequatur. cap. 35. num. 5.  
Confessarius opera alias debita in poenitentiam iniungere  
potest. cap. 36. nu. 6.  
Confessario necessaria est scientia soluendi, & ligandi,  
cap. 26. nu. 2.  
Confessario non satis est, quod formam tantum absoluen-  
di sciat. cap. 28. nu. 2.  
Confessario omni quanam scientia iudiciaria est necessa-  
ria. cap. 28. nu. 4.  
Confessario quinque, secundum Caietan. scitu necessaria  
sunt, & quanam haec sint. cap. 28. nu. 4.  
Confessio, praeter contritionem, ad salutem necessaria. ca-  
pit. 4. nu. 2.  
Confessio Sacramentalis quid sit, & quare auricularis ap-  
pellatur. cap. 5. num. 1.  
Confessio sacramentalis a Christo instituta. c. 5. nu. 3.  
Confessio sacramentalis, nec in paradiso instituta, nec iu-  
re naturali inducta est. ca. 5. nu. 6.  
Confessio sacramentalis a puro homine, aut lege huma-  
na institui non poterit. ca. 5. nu. 6.  
Confessio sacramentalis instituta non fuit in lege ueteri.  
cap. 5. nu. 7.  
Confessio sacramentalis a S. Iacobo instituta non est. c. 5. 8.  
Confessio quare in presbiterio suscipiendo praemittenda.  
cap. 6. num. 13.  
Confessio debet esse simplex. cap. 12. nu. 2.  
Confessio humilis esse debet. cap. 12. num. 3.  
Confessio debet esse Pura. cap. 12. nu. 4.  
Confessio fidelis esse debet. cap. 12. nu. 5.  
Confessio debet esse frequens. cap. 12. nu. 6.  
Confessio Nuda esse debet. cap. 12. nu. 7.  
Confessio debet esse Discreta. cap. 12. nu. 8.  
Confessio Lubens esse debet. ca. 12. nu. 9.  
Confessio debet esse Verecunda. ca. 12. nu. 10.  
Confessio Integra esse debet. cap. 12. nu. 11.  
Confessio in specie facienda est nec sufficit confiteri in ge-  
nere. cap. 12. nu. 15.  
Confessio debet esse secreta. ibid. in 16.  
Confessio sacramentalis corporali praesentia facienda  
est. cap. 12. nu. 22.  
Confessio qualiter esse debet lachrymabilis. ibid. nu. 23.  
Confessio accelerata esse debet. ibid. nu. 24.  
Confessio debet esse fortis. ibid. nu. 25.  
Confessio debet esse Accusans. ibid. nu. 26.  
Confessio non ex eo iteranda est, quod sit informis. cap.  
14. nu. 2.  
Confessio quae integra non fuit, iteranda est. cap. 14. nu. 3.  
Confessio facta confessario, qui caret iurisdictione, nulla  
est, & iteranda. cap. 4. nu. 4.  
Confessio iteranda est ob censuram, qua ligatur poenitens.  
cap. 14. nu. 5.  
Confessio per accidens fieri potest non integra. c. 16. n. 1.  
Confessio parochi intruso facta non ualet. cap. 17. nu. 3.  
Confessio legitime facta iteranda non est, ex eo solo, quod  
poenitens poenitentiam iniunctam, & acceptatam non  
impleat. cap. 38. nu. 9.  
Confessionis condiciones recensentur. ca. 12. nu. 1.  
Confessionis reuelator, qui censendus. ca. 30. nu. 3.  
Confessionem alieno, siue proprii licentia factam, nullam  
esse, quis primo statuit. ca. 17. nu. 1.  
Confessionem reuelare non potest confessarius sine poeni-  
tentis licentia, etiam si reuelatio in honorem poeniten-  
tis cederet. ca. 32. nu. 6.  
Confessus habenti potestatem absoluen-  
di a reservatis, sed vnus reservatus oblitus, quid faciat. ca. 16. nu. 6.  
Confessus bona fide parochi intruso, habita scientia rei,  
quid facere tenetur. ca. 17. nu. 4.  
Confessus in pueritia sacerdoti alieno ex ignorantia, con-  
fessionem licetare tenetur. ca. 17. nu. 5.  
Confessi mendicantibus an eadem parochis suis saltem  
in paschate confiteri teneantur. cap. 25. num. 6.

Confitens absque contritione. aut attritione peccat. ca.  
num. 12.  
Confitens veniale quod non commisit, cum alijs mor-  
tibus commissis, non peccat mortaliter. ca. 13. nu. 6.  
Confitens mortale, quod scit se non commisisse, peccat  
mortaliter. cap. 13. num. 7.  
Confiteri omittens ex contemptu, vel negligentia peccat  
mortaliter. cap. 4. nu. 3.  
Confiteri peccata sua per interpretem nemo tenetur. ca.  
12. nu. 17.  
Confiteri uolens, conari debet peccata sua ad memoria  
reuocare. ca. 15. nu. 3.  
Confiteri sacerdoti meliori, quo sensu S. Augustinus con-  
sultuit. cap. 17. nu. 7.  
Confiteri bis eadem peccata, nemo obligatur. ca. 25. nu.  
Confessione introduci nequit, ut quis ab alieno, sine  
licentia proprii ualide absolui possit. cap. 17. nu. 9.  
Confiteri, & confiteri tenetur homo in articulo mortis.  
9. num. 8.  
Confiteri, & confiteri tenetur existens in mortali ante  
charitatis assumptionem. ca. 6. nu. 4.  
Contritio quid sit. cap. 3. num. 1.  
Contritio cur poenitendo uoluntaria sit. ibid. nu. 2.  
Contritio, qua ratione dolor maximus sit. ibid. nu. 3.  
Contritio dolor est de proprio peccato commissio. ibid.  
Contritio cum spe uenia, & proposito non peccandi con-  
iuncta esse debet. ibid.  
Contritio, licet culpam tollat, obligationem tamen con-  
tendi non tollit. ibid. nu. 6.  
Contritio de praepcepto non est, quoties peccata memo-  
ri occurrunt. cap. 6. nu. 1.  
Contritio de praepcepto non est quoties peccata obiter in  
mentem, & memoriam ueniunt. cap. 6. nu. 4.  
Contritionis, & confessionis praepcepta affirmatiua sunt.  
cap. 6. nu. 2.  
Contritioni nullum tempus determinatum est, attente  
sola lege diuina. cap. 6. nu. 3.  
Contra conscientiam aliquid faciens peccat. ca. 10.  
Coram alijs peccans, an teneatur hanc circumstantiam  
confiteri. cap. 9. nu. 11.  
Crimen committendum in confessione expositum, an  
confessarius reuelare possit. cap. 32. nu. 2.  
Crimini committendo ut obuiet, quid faciet confessarius.  
cap. 32. nu. 3.  
Cui aliquid dicitur cum hac protestatione, *Hoc tibi dico  
in confessione*, sigillo tantum naturae, non sigillo confes-  
sionis tenetur. cap. 26. num. 16.

D

Quid exemplum de confessione, quid probet. ca. 6. nu. 4.  
Difficultas integre confitendi, allatis certis casibus  
ostenditur. cap. 16. num. 2.  
Diligentia, quae, & quanta sufficiens, ad examen con-  
fessionis faciendum. ca. 15. nu. 4.  
Dubia, an, & quando confitenda. ca. 10. num. 4.  
Duae personae diuerso tempore unum absoluentes, cum  
solum Sacramentum perficiunt. ca. 16. nu. 11.

E

Electus a poenitente ex licentia proprii, cuius auctoritate  
absoluit poenitentem. cap. 20. nu. 2.  
Eligens indignum, quem sola confessione talem esse no-  
uit poenam suspensionis incurrit. cap. 32. nu. 12.  
Error Glossae circa institutionem Sacramenti poenitentiae.  
cap. 5. nu. 9.  
Error Petri ab Osma circa institutionem confessionis.  
5. num. 10.  
Error Melchioris Cani circa necessitatem confessionis.  
terioris in omni lege. cap. 5. num. 11.  
Error alius Glossae refertur. ca. 5. nu. 12.  
Error Angeli dicentis posse quem prius a peccatis, qui  
ab excommunicatione absoluit, resellitur. cap. 34. nu. 1.  
Examen conscientiae, quanta diligentia faciendum. ca. 15.  
num. 1.  
Excommunicatio maior ob magnum furtum incurritur.  
test. cap. 8. num. 4.

Excom-



## Rerum Notabilium.

Excommunicationem probabiliter ignorans si a peccatis absoluitur, ualde absoluitur. ca. 34. num. 3.

Excommunicatus sciens petens prius a peccatis, quam ab excommunicatione absolui, peccat. ca. 34. nu. 1.

Excommunicatum se sciens, sed tamen putans posse se prius a peccatis absolui, si absoluitur a peccatis, valet absolutio, sed peccat confessarius. cap. 34. nu. 4.

Excusari potest quis aliquando ne aliquod peccatum confiteatur. cap. 15. nu. 6.

Existens in ecclesia, & illic animum peccandi concipiens, an hanc circumstantiam confiteri teneatur. c. 8. nu. 19.

Existens in mortali an corrigendo alium ex officio peccet mortaliter. cap. 27. nu. 7.

Extra ecclesiam existens, sed peccatum intra ecclesiam committere cupiens, quomodo se in confessione gerere debet. ca. 8. num. 18.

### F

Faciens aliquid, de quo dubius est, an faciendum sit, necne num teneatur id confiteri. cap. 10. nu. 1.

Facultas ad confessarium eligendum data, electione prima non finitur, & quare. cap. 22. num. 2.

Finiis præcepti non est de præcepto. cap. 9. nu. 2.

Furti quantitas confitenda est. c. 8. num. 8.

### G

Lossæ error circa necessitatem confessionis. cap. 4. num. 1.

### H

Abens reservata, & non reservata, quid facere debet. cap. 16. nu. 6.

Habens reservata quam observare tenetur. c. 16. nu. 7.

Habens licentiam a proprio eligere potest etiam non habentem curam animarum. cap. 20. nu. 1.

Habens licentiam a Papa, vel episcopo, eligendi confessarium sine parochi licentia ei confiteri potest. capit. 21. num. 1.

Hæresis crimen an confessarius absque pœnitentis licentia reuelare possit. cap. 32. nu. 1.

### I

Ignorans probabiliter ius aliquod humanum, contrafaciendo non peccat. cap. 35. nu. 3.

Ignorantia proprii an causa sufficiens sit, ut alieno sine proprii licentia confiteri quis possit. cap. 18. num. 1.

In diœcesi Romana vnus tantum est ordinarius, scilicet, Papa. cap. 19. nu. 3.

Integra debet esse confessio quantum ad mortalia non autem quoad venialia. ca. 12. num. 12.

Integritas confessionis qua ratione constat, aut probatur esse necessaria. ca. 16. num. 1.

Iter faciens seu nauigans, cui confiteri possit. ca. 18. nu. 5.

Iteratio confessionis ex quot fontibus oritur. cap. 14. n. 1.

Intrans syluam cum alijs, ut aliquem occidat, & peccatum hoc confessus, quid faciet confessarius, ne confessionis reuelator censeatur. ca. 32. nu. 4.

Ioannis Poliæ errores circa confessionem referuntur. cap. 25. nu. 2.

Iudicis fori interioris, & exterioris in pœna imponenda, ratio diuersa. cap. 38. num. 4.

### L

Lachrimæ quo sensu lauare peccatum dicuntur. cap. 4. numer. 5.

Laicus cui quis in articulo mortis confessus est, ad secretum tenetur. cap. 24. num. 5.

Laicus audita iuste, uel iniuste in confessione, sine pœnitentis licentia reuelare non potest. cap. 31. nu. 8.

Laico confessio non est necessario facienda, ca. 24. num. 1.

Laico in articulo mortis confessionem faciens an peccet. cap. 24. nu. 2.

Licentia proprii necessaria est, ut quis alteri confiteri possit. ca. 19. nu. 7.

Licentia de confessario eligendo concessa, mortuo concedente non expirat. c. 22. nu. 3.

Licentia a pœnitente data ad suam, vel alterius utilitatem spiritualem, vel temporalem dari debet. ca. 31. nu. 3.

Licentiam data confessario reuelandi confessionem, nun-

quam in pœnitentis, aut alterius præiudicium extendi potest. capit. 31. num. 7.

### M

Matrimonium inter aliquos non valere sciens an cum eis dissimulare possit, & debeat. c. 35. n. 4.

Melior quando grauius peccat, quâ minus bonus. c. 9. n. 6.

Mendacium omne peccatum est. ca. 13. nu. 1.

Mendacium in confessione factum, non est semper peccatum mortale. c. 13. nu. 2.

Mendacium in confessione factum circa venialia, aut circa mortalia confessioni extranea, nō est mortale. c. 13. n. 3.

Mendacium circa ea, de quibus a confessario interrogatur, non est semper mortale. cap. 13. nu. 4.

Mendacium circa veniale, quo casu mortale esse possit. cap. 13. num. 5.

Monachi Nigri semel in mense cōfiteri tenentur. c. 25. n. 5.

Mortalia semel legitime confessa, non necessariō sunt iterum confitenda. ca. 12. nu. 13.

Mortalia omnia, quorum quis memoriam habet confiteri tenetur. c. 12. nu. 14.

### N

Necessitas confitendi peccata unde colligitur. c. 5. n. 4.

Nocte tota cum aliqua turpiter concumbens qualiter peccatum hoc confiteri debet. ca. 8. nu. 11.

### O

Oblitus confiteri circumstantiam necessario confitendam an confessionem iterare teneatur. ca. 11. n. 1.

Odium diu continuans, etiam tempus confiteri tenetur. cap. 8. nu. 7.

Opinio Turrecrematis, de requisitis ad licentiam dandā confessario a pœnitente refellitur. ca. 31. nu. 4.

Opinio doctorum dicentium satisfactionem extra charitatem factam non valere refellitur. ca. 37. nu. 2.

Opus sacramentale recedente fictione sortitur effectum. cap. 37. num. 3.

### P

Papa a sacerdote, cui se subiicit, ualde absolui potest, & quæ huius sit ratio. cap. 17. nu. 8.

Pap nullum habet superiorem. ca. 19. nu. 5.

Papa cum confessario dispensare nequit, ut confessionem reuelat. ca. 32. nu. 7.

Parochus quibus temporibus confessiones suorum audire tenetur. cap. 23. nu. 1.

Parochus toties parochianorum confessiones audire obligatur, quoties illi confiteri uolunt. ca. 23. nu. 2.

Parochus quo casu licet matrimonio illos coniungere potest, inter quos impedimentum esse nouit. c. 32. nu. 10.

Parocho non fit præiudicium, ex eo quod sine licentia eius, ex Papæ, vel Episcopi licentia alieno confiteatur. cap. 21. nu. 3.

Parochianus domicilium in diuersis locis habens, cui confiteri debet. c. 18. nu. 3.

Parochianus in aliena parochia delinquens parocho loci confiteri non potest. ca. 18. nu. 6.

Pœnitens animo dispositus esse debet, ut Deo pro peccatis suis satisfaciatur. ca. 12. nu. 27.

Pœnitens se ex uoto ad eadem peccata sepius confitenda obligare potest. ca. 25. nu. 3.

Pœnitens cogi nequit, ut confessario licentiam det reuelandi confessionem. ca. 31. nu. 2.

Pœnitens quo casu ob alterius utilitatem confessario licentiam reuelandi confessionem dare poterit. ca. 31. nu. 6.

Pœnitens excommunicatus qui sciret, aut scire debet se à peccatis prius absolui non posse, & si absoluitur non ualet absolutio. cap. 34. nu. 5.

Pœnitens quo sensu in manus sacerdotis se ponere debere intelligitur. ca. 38. nu. 5.

Pœnitens religionis ingressum in pœnitentiam sibi iunctâ acceptare non tenetur. ca. 38. nu. 7.

Pœnitens ex contemptu, vel negligentia notabili pœnitentiam discrete impositam non adimplens, peccat mortaliter. ca. 38. num. 8.

Pœnitentem in ipsamet confessione quam confessarius interrogare debet. c. 26. num. 7.

Pœnitent-



# Index

**P**œnitentes ipsi an ad sigillum teneantur ca. 30. nu. 8.  
 Pœnitentia a confessario imposita, in peccato mortali facta, ualet. cap. 37. nu. 1.  
 Pœnitentia imposita debent esse discreta. ca. 38. nu. 3.  
 Pœnitentiæ Sacramenti definitio quænam sit. c. 2. n. 1.  
 Pœnitentiæ Sacramentum quando a Christo institutum. ibid. nu. 2.  
 Pœnitentiæ Sacramentum quare a Christo institutum. ibid. nu. 3.  
 Pœnitentiæ Sacramenti tres partes sunt, & quænam illæ sint. ibid. nu. 4.  
 Pœnitentiæ a confessarijs impositæ, regulariter de operibus alias indebitis intelliguntur. ca. 36. nu. 5.  
 Pœnitentiæ a confessario impositam pœnitens acceptare an, & quando tenetur. ca. 38. nu. 1.  
 Pœnitentiæ semel acceptatam pœnitens adimplere tenetur. ca. 38. nu. 2.  
 Pœnitentiæ iniunctam non adimplens, an confessionem iterare teneatur. c. 14. nu. 6.  
 Peccans Deo pro iniuria ei facta satisfacere tenetur. c. 36. nu. 3.  
 Peccata sua manifesta publicè confessario explicare nullo tenetur. ca. 12. nu. 20.  
 Peccata sua ne quis publicè confiteretur, statuit Leo Papa. ibid. nu. 21.  
 Peccatorem, ut sacramenta conferat, communiter inducere non licet. ca. 27. nu. 2.  
 Peccatorem, quibus casibus, ut sacramentum ministret, sine peccato inducere licet. c. 27. nu. 3.  
 Persona complicitis non est confitenda. ca. 16. nu. 4.  
 Persona cuius nomen pœnitens iuste, uel iniuste exprimit in confessione tacenda est. ca. 30. nu. 2.  
 Persona peccatoris confessi, nec ad capiendum consiliū in re dubia manifestari potest. cap. 32. nu. 13.  
 Personæ circumstantia an confitenda. cap. 9. nu. 5.  
 Peregrini cum licentia parochi peregrinantes, quibus confiteri possunt. ca. 21. nu. 6.  
 Petri ab Osina error circa institutionem confessionis. c. 5. nu. 10.  
 Prædicans in mortali an mortaliter peccet. cap. 27. nu. 6.  
 Prælati exempti iurisdictionem quasi episcopalem in subditos suos habent. ca. 19. nu. 4.  
 Priuilegium ita interpretandum est, ut aliquid præter ius commune operetur. cap. 21. nu. 2.  
 Proprij Sacerdotis nomine, in ca. Omnis, de pœnit. & remittit. quid intelligitur. ca. 19. nu. 1.  
 Proprij sacerdotes quinam, & quot sunt. ca. 19. nu. 8.  
 Prudentia tam inquisitiua, quam iudicatiua, confessario necessaria est. cap. 26. nu. 4.  
 Publicè peccans cum intentione, ut alium in peccatum inducat, circumstantiam hanc confiteri tenetur. cap. 9. nu. 9.

**Q**uilibet sacerdos in sua ordinatione iurisdictionem accipit iure diuino. cap. 20. nu. 3.

**R**ati habitio proprij an, & quando sufficit, ut quis alteri ualide confiteatur. ca. 18. nu. 8.  
 Remedia afferuntur, quibus uti debet pœnitens, quando integrè confiteri non expediat. ca. 16. nu. 3.  
 Reuelare confessionem quando censetur confessarius. cap. 26. nu. 11.  
 Reuelatio confessionis sine licentia pœnitentis, est res per se mala, perinde ac mendacium. cap. 32. nu. 8.  
 Reuelator confessionis non est confessarius dicens, ego absolui Ioannem a peccatis suis. ca. 30. nu. 5.  
 Reuelator confessionis non est confessarius, dicens, tale peccatum mortale audiui in confessione. ca. 30. nu. 6.  
 Richardi, & Syluestri opinio circa obligationem parochorum refellitur. ca. 23. nu. 3.

**S**acerdos omnis, a quibuscunque peccatis, & censuris in articulo mortis absolueret potest. ca. 24. nu. 3.

Sacerdotes ante Concilium Trid. cuilibet sacerdoti confiteri poterant. ca. 17. nu. 6.  
 Sacramentum, a sacerdote existente in mortali, non pariter, scienter petens mortaliter peccat. ca. 27. nu. 4.  
 Sacramentum in mortali ministrans mortaliter peccat. cap. 27. nu. 8.  
 Sacramenta alia danti, vel accipienti sola contritio necessaria est, non confessio. cap. 6. nu. 10.  
 Satisfactio quot modis accipi potest. ca. 36. nu. 1.  
 Satisfactio quidnam sit, & qualiter definitur. c. 36. nu. 1.  
 Satisfactio qualiter à S. August. definitur. ca. 36. nu. 4.  
 Satisfactio quæ fit Deo pro peccatis, an rationem habeat iustitiæ. cap. 36. nu. 7.  
 Scientia maior in confessario unius, quam alterius loci requiritur. cap. 28. nu. 3.  
 Scientia medica confessario est necessaria, & quænam illa sit. cap. 28. nu. 7.  
 Scholares, mercatores, & peregrini, quibus confiteri possunt. cap. 18. nu. 7.  
 Secretum confessionis Sacramentalis maius est quod alio secreto, fortiusque ligat. ca. 26. nu. 13.  
 Secretum obseruare tenetur confessarius, & quæ huius sit ratio. cap. 26. nu. 10.  
 Secretum non solum confessarius seruare tenetur. c. 29. nu. 1.  
 Secretum quinam præter confessarios obseruare debent. cap. 29. nu. 2.  
 Sententia excommunicationis contra furtum committentes lata quare morte illam proferentis expirat. cap. 22. nu. 4.  
 Sermo simpliciter probatus de primo actu intelligitur. cap. 22. nu. 1.  
 Sigillum, seu secretum quare appellatum. c. 26. nu. 12.  
 Sigillum confessionis frangens grauius peccat, quam quoduis aliud sigillum uiolat. ca. 26. nu. 14.  
 Sigillum secreti confessionis fortius ligat, quam sigillum secreti naturæ. cap. 32. nu. 9.  
 Statutum Cisterciensium, quo confessi alijs confessarij a superiore deputatis, iterum Abbati confiteri eadem teneantur, ut intelligendum. ca. 25. nu. 4.  
 Subiectio uoluntaria pœnitentis non sufficit ut ab alieno, sine proprij licentia, absolui possit. ca. 20. nu. 4.  
 Syluestri opinio de omittente circumstantiam ex ignortia refertur. cap. 11. nu. 3.

**T**emporis circumstantia an, & quando confitenda sit. 9. nu. 1.

Temporis circumstantia quibus casibus confitenda. c. 9. nu. 1.  
 Tricipiti ferro alium percutiens, qualiter id confiteri debet. cap. 8. nu. 10.

**V**agabundi quibus confiteri possunt. ca. 18. nu. 1.  
 Verecundia an causa sufficiens sit, ut quis alteri sine licentia proprij confiteri queat. ca. 18. nu. 2.  
 Veritas rei ex mente authoris declaratur. cap. 9. nu. 12.  
 Via salutis per institutionem Confessionis non est arctata. cap. 4. nu. 6.  
 Vicarius episcopi licentiam dare potest, ut quis alteri sine proprij licentia confiteri possit. ca. 21. nu. 4.  
 Vicarius Rectoris alicuius ecclesiæ an licentiam concedere possit, ut quis alteri confiteatur. c. 21. nu. 5.  
 Vnico uerbo multa peccata explicari possunt. c. 11. nu. 5.  
 Voluntas confitendi non tantum ualet, quantum confessio actualis. ca. 4. nu. 8.  
 Voluntas sumendi baptismum non equipollet sumptui reali. ibid. nu. 9.  
 Voluntas percutiendi clericum non sufficit ad incurrendam excommunicationem. ibid. nu. 13.  
 Vniuersitate una centum occidere uolens qualiter confiteri debet hoc peccatum. ca. 8. nu. 9.  
 Votum quo sensu pro facto reputatur. c. 4. nu. 7.



[illegible]



P

E

De



lig  
se  
git  
re  
in  
do  
fa  
ru  
qu  
act  
est  
a  
le  
me  
gn  
ru  
aut  
à  
c.  
io.  
per  
&  
a  
qui

Quod

Pen  
Pen  
Pen

C  
lib.  
ma  
red  
thio



## POENITENTIAE

## SUMMA

## EX COMMENTARIIS

Doct̃oris Nauarri in septem distinctiones de poenitentia collecta.

Authore R. P. D. GREGORIO SATRO Anglo, Ordinis S. Benedicti  
Congreg. Casinensis Monacho.

De Poenitentia, & varia acceptione eius.

PRAELVDIVM.

**P**OENITENTIAE nomen cum multiplex, & equiuocum sit, varias eius significationes breuiter explicare oportet, vt de qua re agatur manifestum sit. Penitere igitur in vniuersum significat, nolle fecisse, aut omisisse aliquid a se factum, vel omisum: quod dupliciter contingit, vel sine dolore, vt in beatis, quos sine dolore suorum errorum penitet; vel cum dolore, vt in viatoribus, qui non solum nouit, sed et peccasse dolent, iuxta illud Augustini, lib. de vera, & falsa pen. c. 8. Penitere est penam tenere, & haberi, de pen. dist. 3. c. penitentia. Penitentia itaque seu penitudo proprie habitum virtutis, vel actum bene penitendi de peccato significat, hoc est, nolendi fecisse, vel omisisse facere aliquid a se factum, vel omisum: Improperie autem, & per metaphoram, seu metonymiam transfertur ad significandum sacramentum penitentiae a Christo institutum, vt in ca. qd̃ in te. de poen. & remiss. Magis autem improprie per easdem figuras penam penitenti a sacerdote in satisfactionem iniunctam significat. c. fallas. de pen. dist. 5. & Naua. in Ma. preclud. 10. n. 1. & in praed. de pen. n. 3. & 4. Prout ergo penitentia proprie sumitur in penitentiavirtute, & penitentiam Sacramentum, recte a Theologis & a S. Th. 3. p. q. 85. ar. 1. & 4. dist. 14. diuiditur, de quibus in sequentibus suo ordine dicetur.

Quod Poenitentia virtus sit, & quis actus eius, & quid sit. Cap. I.

SUMMARIVM.

1. Penitentia virtus quaedam est, seu actus virtutis.
2. Penitentia virtus specialis est.
3. Penitentia ad virtutem iustitiae reducitur.

**Q**UOD poenitentia virtus sit, vel actus virtutis, scholastici Doctores cum Magistro in lib. 4. sent. dist. 14. & S. Th. 3. p. q. 85. ar. 1. ea firma ratione probant, quod omnis actus a recta ratione directus ad aliquam virtutem pertinet, secundum Arist. 2. Ethic. actus vero poenitentiae directus est ratione, quae

dictat deum quem poenitere eius, quod malefecit ad satisfaciendum ei, quem offendit, & proinde virtus erit. Nauar. in c. penit. 1. de pen. dist. 3.

2. Neque solum virtus est, sed et virtus specialis, vt idem S. Th. vbi sup. ar. 2. hac ratione docet, quia species habituum distinguuntur secundum species actuum, & vbi occurrit specialis actus laudabilis, ibi ponitur deus specialis habitus virtutis; actus vero poenitentiae verae ea speciali ratione laudabilis est, quatenus interdit destructionem peccatorum, vt sunt offensa Dei super omnia dilecti. Vnde constat non esse charitatis actum: licet enim possit esse actus a charitate imperatus; (sicut et omnium aliarum virtutum actus esse possunt) non est tamen actus ab ea elicitus, cum actus principalis elicitus ab ea sit dilectio Dei, vt S. Th. 2. 2. q. 27. ar. 1. ostendit; actus autem poenitentiae est nolitio, seu nolle peccasse, cum dolore inde nascente ad vindicandam offensam Dei, quem actum a dilectione alienum esse constat. Quamuis enim interueniat amor Dei, quod peccasse dolet, hic tamen non interuenit principaliter, sed minus principaliter, vt circumstantia quaedam, vnumquodque autem a principali denominatur, vt optime S. Th. 1. 2. questio 123. ar. 1. ex Arist. 2. de anima probat. & Naua. vbi sup. n. 5.

3. Reducenda igitur est poenitentia ad iustitiam, non illam, quae est vera & specialis, & quae est circa actus exteriores, & consistit in medio rei, per quod reddendum est aequale pro aequali, vt docet Arist. 5. Ethic. & S. Tho. cōiter receptus 2. 2. q. 58. ar. 7. penult. & vlt. sed ad illam, quae est inter inaequales, quorum alter subest alteri, qualis est inter Deum & creaturam rationalem, inter patrem & filium, inter Magistrum, & discipulum 8. Eth. & S. Th. 2. 2. q. 80. ar. 1. Satisfit enim Deo per poenitentiam, non quidem reddendo aequale pro aequali, iuxta illud Psalm. 115. Quid retribuam Domino pro omnibus, quae retribuit mihi? Sed reddendo id quod Deus ex sua infinita misericordia pro sufficiens retributione acceptare dignatur.

4. Pertinet ergo ad iustitiam vindicatiuam, teste Augustino lib. de vera & falsa poenitentia, ca. 8. & dicente, poenitentiam esse quandam dolentis vindictam, punientem in se quod commisisse dolet; non quidem veram, per quam iudex habens veram iurisdictionem punit delicta aliorum in publicam utilitatem, de qua agit S. Tho. 2. 2. q. 108. & etiam parochus, vel

A alius



alius confessorius habens iurisdictionem in confitentem sibi peccata, imponens ei penam, seu pœnitentiam salutarem, ex Trid. sess. 14. can. 9. & c. omnis vtriusque sexus. de pœnit. & remiss. & cap. sacerdos. de pœnit. dist. 6. Sed ad metaphoricam, per quam quilibet priuatus ad similitudinem prefatorum iudicum exterioris & interioris fori imponit sibi penam in vindictam offensæ diuinæ. Naua. vbi sup. nu. 6.

3 Est autem pœnitentia, vt ait Ambr. in quodam serm. quadragesimali præterita plangere, & plangenda iterum non committere. Quam etiam definitionem tradit Gratianus in c. ecce nunc tempus §. pœnitentia. de pœnit. dist. 1. cui similem ponit S. Greg. Hom. 34. super Euang. & lib. 9. epist. 39. indict. 4. relatus à Magistro 4. distin. 14. Aliam vero definitionem pœnitentiæ (vt est virtus) tradit Naua. in c. pœnitentia de pœnit. dist. 3. nu. 4. & 5. in hunc modum. Pœnitentia vera est virtus, vel actus virtutis plangendi legitime mala præterita, cum proposito legitimo non committendi plangenda, in finem placandi Deum offensum, & vindicandi offensam. Dicitur *virtus*, vel *actus*, loco generis, omnis. n. pœnitentia in hac significatione est virtus, vel actus virtutis, non tamen contra, omnis virtus, vel actus eius est pœnitentia. Et dixi, *virtus generaliter*, ad includendum etiam pœnitentiam à solo Deo supernaturaliter infusam, & naturaliter ex actibus pœnitendi quæsitam, sicut enim aliæ virtutes tam Theologicæ, quam morales infunduntur à Deo, etiam paruulis in baptismo, clem. 1. §. fina. de sum. Trinit. adiuncta glo. in verb. virtutes. Sic etiam eadem ratione & virtus pœnitentiæ. Dicitur *plangendi legitime*, id est, cum dolore, contritione, vel attritione. Dicitur, *cum proposito non committendi plangenda*, ad declarandum non esse de substantia, & essentia pœnitentiæ, q̃ non committat plangenda, sed quod adsit propositum non committendi ea. Dicitur, *ad finem placandi Deum offensum*, ad significandum esse necessarium, vt id fiat amore Dei, & cum spe veniæ. ca. nemo potest. de pœnit. dist. 1. Dicitur, *ad vindicandam offensam*, ad significandum, q̃ sicut iudex punit alium delinquentem ad publicam utilitatem pro delicto: ita pœnitens pro placatione Dei debet vindicare suum delictum ad satisfaciendum ei.

6 Necessaria vero fuit semper non solum tempore legis euangelicæ, siue gratiæ, sed etiam tempore legis naturalis, & scriptæ, pœnitentiæ virtus, vel actus eius interior ad remissionem peccatorum mortalium. c. firmissime. d. 15. & c. omnis. de consecr. dist. 4. & Trid. sess. 14. ca. 1. & 4. estq; hæc virtus a solo Deo, tanquam a causa principali infusa, licet dispositiue incipiat à timore, & spe veniæ, & alijs actibus præparatiuis ad gratiam. Naua. vbi sup. num. 7. & 8.

*Pœnitentia vt Sacramentum est, quid sit, & quas habeat partes. Cap. II.*

S V M M A R I V M.

- 1 Pœnitentiæ Sacramenti definitio quænam sit.
- 2 Pœnitentiæ Sacramentum quando a Christo institutum.
- 3 Pœnitentiæ Sacramentum, quare a Christo institutum.
- 4 Pœnitentiæ Sacramenti tres partes sūt, et quænam illæ sint.

1 **P**œnitentiæ, vt Sacramentum est, definiri potest esse Sacramentum, quo Sacerdos sibi subditū, rite & legitime confessū peccata sua cū iusto dolore, & proposito satisfaciendi absoluit ab eis. Naua. in Man. c. 22. n. 11. & in c. perfectæ. de pœnit. dist. 3. num. 4.

2 Institutū autē fuit Sacramentū hoc a Christo Dño post resurrectionē suā illis verbis, loā. 21. Quorū remiseritis peccata, remittuntur eis, & quorū retinueritis, retenta sunt. vt post scholasticos Doct. in 4. d. 14. & S. Th. 3. p. q. 81. luculenter tradit Conc. Trid. sess. 14. p. totā sessionem.

3 Hoc autē fine præcipue institutū est, vt homines mortaliter post baptismū peccantes Deo reconcilientur, & proinde nihil prodest non baptizato, & rectē secūda tabula post naufragiū a Cōc. Trid. sess. 6. de iustif. c. 14. & sess. 14. c. 2. & can. 3. appellatur. Sicut. n. primū remediū mare transeūtib. est, vt conseruetur in nauē integra, scdm autē est post nauē fractam, vt quis tabulæ adhareat: ita ē primū remediū in mari vitæ huius est, quod homo integritatē suā seruet, secundum autem remediū est, si per peccatum integritatem perdiderit, quod per pœnitentiam redeat. vt S. Th. 3. p. q. 84. ar. 6. docet. & Naua. vbi sup. nu. 6. & c. secunda. num. 1. de pœnit. d. 1.

4 Huius autē Sacramenti pœnitentiæ tres sunt partes, contritio, cōfessio, & satisfactio. de quibus Doctores Scholastici in 4. d. 14. & 15. & S. Th. 3. p. q. 81. & Conc. Trid. sess. 13. c. 13. & c. 4. & alij fusius disputant. & Naua. cit. n. 7.

*De Contritione quid sit. Cap. III.*

S V M M A R I V M.

- 1 Contritio quid sit.
- 2 Contritio cur pœnitudo voluntaria sit.
- 3 Contritio qua ratione dolor maximus sit.
- 4 Contriti dolor est de proprio peccato commissio.
- 5 Contritio cum spe veniæ, & proposito non peccandi coniuncta esse debet.
- 6 Contritio, licet culpam tollat, obligationem tamen confitendi non tollit.

1 **C**ontritio est pœnitudo voluntaria cū dolore maximo actuali, vel virtuali proprii peccati commissi, quatenus est offensa Dei super oīa dilecti, cum spe veniæ, & proposito nō peccandi amplius salte mortaliter, & confitendi, & satisfaciendi, vt minimū virtualiter Naua. in Man. c. 1. num. 1. & in ca. perfect. num. 7. de pœnit. dist. 3. In qua definitione duodecim particulae, hoc modo intelligendæ sunt.

Primo



# De tempore, quo tenemur &c. Cap. III. 3

Primò enim dicitur vt sit *penitudo*, id est, nolle fecisse aliquid a se factū, vel non omisit se aliquid a se omissum. est enim contritio actus penitendi, & nolendi peccasse.

Secundo dicitur vt sit *voluntaria*, ad differentiā penitentię violentę quę est in damnatis, quę ad remissionem peccati nō sufficit, sicut nec illa satis est, quę naturaliter, & subito sine vlla deliberatione puenit, talis. n. nō est actus voluntarius, vt scribit S. Thom. 1. 2. q. 6. ar. 1.

Tertiò dicitur *cum dolore*, ad differentiā penitentię sine dolore in Beatis, qui sine vilo dolore meminerunt peccatorum commissorū, & nollet illa admisisse. Præterea ad differentiā penitentię, quę reperitur in eo viatore, qui nollet peccasse sine actuali consideratione, qđ ipse id perpetravit, sine qua non nascitur dolor.

Quartò dicitur, *vt dolor sit maximus*, quod tamen non ita intelligitur vt sit summè intensus, nullus enim dolor tam intensus est, quin augeri possit; neq; intelligitur, vt dolor iste omnes alios dolores superet, siquidem necessum nō est, vt damnatorū dolores superet, qui omnes huius mundi dolores facile vnicunt, c. fin. de pēn. d. 7. Neq; vt adæquet Christi dolorē acerbissimū, qui maior erat omni alio huius seculi dolore secundū S. Th. 3. p. q. 46. ar. 6. Imò nec debet esse intensior quolibet alio dolore cuiusvis mali; sed debet esse maximus quoad æstimationē, id est, quod malit tolerasse, aut tolerare omnia mala, qđ mortaliter peccasse.

Quinto dicitur, quod sit *dolor actualis vel virtualis* vt enim ait Scot. 4. d. 14. q. 1. ar. 10. sufficit actus, qui licet non sit penitentia talis formaliter, est tamē virtualiter, qualis est actus peccatoris, quo ex Dei amore vult subire martyriū sibi repēte oblatū, sine peccatorū memoria. Imò quilibet amor Dei, quo plus, qđ alia oīa diligitur, virtualis est peccatorū penitētia.

Sexto dicitur, vt sit *dolor propriū peccati commissi*, ad differentiam doloris de peccato alieno, & ad bgnificandum, quod non est opus vt sit de peccato futuro, licet intentio, seu propositum non peccādi amplius, vtrumq; completi debeat, nimirum præteritum, ne illud iterum cōmittat, & futurum, vt illud non admittat.

Septimò dicitur, *Prout est offensa Dei*. Hoc enim principale esse debet in penitente. Quāuis enim malum non sit penitere metu infamix, aut pēnæ, plus tamen penitere debet de peccato, vt est offensa Dei.

Octauo dicitur, *Super omnia dilecti*, quoniam amor Dei, nisi maior sit quam cuiusvis alius cuiuscunque rei (saltem quoad firmitatem, & æstimationem) non sufficit.

Nonò dicitur, *cum spe veniæ*, Quia sine illa saltem virtuali non contigit venia, vt ex Concil. Trid. ses. 14. c. 4. & c. sceleratior. de pēn. dist. 3. colligi potest.

Decimò dicitur, *Cum proposito non peccandi amplius* (saltem mortaliter) quia sine eo nō sufficit, vt sentit S. Ambr. & habetur. c. penitentia 1. de pōn. dist. 3. licet enim poenitudo non se extendat ad peccata nondum perpetrata; requiritur tamen saltem propositum vitandi in

posterū omnia, & singula peccata mortalia. Non tamen necessarium est, vt quis credat se amplius nō peccaturum mortiferē, hoc enim sapit superbiam; satis enim est nolle amplius mortaliter peccare, & id efficere ope diuina proponat. Dixi autem, mortaliter, qua nō est necesse habere propositum nunquā peccandi venialiter. arg. c. septies, de pēn. dist. 3.

Vndecimò dicitur, *Cum proposito confitendi*, Quia licet contrito dimittat peccata quoad culpam, non tamen tollit obligationem confitendi ea proprio Sacerdoti. vt satis cōstat ex ijs, quę Conc. Trid. ses. 14. c. 1. tradit.

Duodecimò dicitur, *Et satisfaciendi*, quia ad remissionem peccati non sufficit noua vita, & cessatio à peccato, aut quod doleat de peccato iam admisso, sed necesse est vt propositum habeat Deo satisfaciendi pro offensa, & iniuria ei per transgressionem præceptorum eius irrogata. Nau. in Man. ca. 1. num. 11. & in cap. satisfactio. num. 1. de pēn. dist. 3.

*Præter cordis contritionem necessaria est confessio in re, vel in voto. Cap. IV.*

## S V M M A R I V M.

- 1 Glossa error circa necessitatem confessionis.
- 2 Confessio præter contritionem, ad salutem necessaria.
- 3 Confiteri omittens ex contemptu, vel negligentia, peccat mortaliter.
- 4 Auctoritates quadam scripturę explicantur.
- 5 Lachrymæ, quo sensu lauare peccatum dicuntur.
- 6 Via salutis per institutionē Confessionis nō est arctata.
- 7 Votum, quo sensu pro facto reputatur.
- 8 Voluntas confitendi non tantum valet, quantum confessio actualis.
- 9 Voluntas sumendi baptismum, non equipollet sumptioni reali.
- 10 Voluntas sumendi Eucharistiam, non equiparatur sumptioni eiusdem.
- 11 Voluntas patiendi martyrium, non tantum valet, quantum ipsa passio.
- 12 Voluntas testatoti legantis non tanti valēt, ac legatum re ipsa factum.
- 13 Voluntas percutiendi clericum non sufficit ad incurrendam excommunicationem.

**Q** Vamuis Glossa 1. & 2. in capi. lachrymæ. & Gratianus de pēn. dist. 1. ferē per totam excusari putent homines à confessione per contritionem, ita vt habita semel contritione, peccata ad eo remitti credant, vt non requiratur confessio tempore debito facienda, quod probant ex cap. Petrus. de pōn. dist. 1. vbi S. Ambr. in Luc. 22. dicit Petri peccatum in negando Christum sine confessione dimissum fuisse. & cap. lachrymæ. vbi S. Chrys. ait lachrymas lauare delictum, quod pudor est confiteri. & ca. Sacrificium Deo, vbi docet solam contritionem suffecisse Dauidi ad delendum peccata. & ead. dist. in cap. Dixi. & ca. Magna. habetur qualiter idem propheta Psalm. 31. dicere videtur remissum fuisse ei



peccatum, ex eo solum quod proposuerat cōfiteri peccatum. & S. Aug. in Psal. 31. expresse affirmat, magnam esse Dei pietatem eo quod ad solam promissionem confessionis dimiserit peccata.

2 His tamen non obstantibus certa fide tuendum est, quod licet sola cordis contritione remittantur peccata sine actuali confessione, is tamen, cui cōdonantur, tenetur illa tempore debito (si facultas adsit) confiteri. Id quod hac ratione probatur; Quia contritio nequit esse legitima sine proposito implicito, vel explicito, sine actuali, vel virtuali rite cōfitendi, perfecteque satisfaciendi tempore debito, adeo qđ Conc. Trid. sess. 14. ca. 4. definierit hanc reconciliationem peccatoris, quę per solam contritionem coniungit, nō esse ipsi cōtritioni ascribendam; sed sacramēti voto, quod in ea includitur: intelligendo per votum Sacramēti propositum legitimē cōfitendi, & rite Sacramētum pœnitentię accipiendi, quod formaliter in hac absolutione Sacramentali à cōfessario faciēda cōsistit. Nau. in præl. n. 6. & 7. de pœnit. ceterū votum, seu propositū cōfitendi, & satisfaciendi virtuale, licet nō sit expressū, sufficit.

3 Neque solū peccat mortifere non confitendo peccatum, per contritionem deletum. cum per cōtemptum omittit confiteri, sed etiam si omitteret cōfiteri per solam negligentiam, sine ullo contemptu admissam; sicut etiam peccat non cōfitendo tēpore debito per negligentiam peccatū, de quo nō erat legitimē cōtritus. Nec solū mortaliter delinquit, qui præceptū obligans sub peccatō mortali infringit, non adimplendo per contemptū illud; sed et non adimplendo per negligentiam. Nau. cit. num. 8.

Neq; repugnat eum, qui restituitur in Dei gratiam per contritionem, teneri ad confitendum offensam, cū & is, cui crimen in foro laico ea lege cōdonatur, ut vnum annum in bello militet, à die quidem condonationis in gratiam Regis redit, tenetur tamen militare illum annum. Nau. in Man. c. 1. nu. 10.

4 Auctoritatibus vero in contrarium allatis facile est respondere, Hęc enim omnia, sicut & illa Ezech. 18. In quacunq; hora ingemuerit peccator, vita viuet, & non morietur. & Psal. 50. Cor contritum, & humiliatum Deus non despiciet: quę contritionem, atq; votum, seu propositum confitendi tantū requirūt, & non actuale confessionem, de tempore præcedente passionem Christi loquuntur, in quo nondū erat Sacramentalis confessio instituta, nec præcepta: & ita non requirebatur tunc sacramentalis confessio, nec propositum eā faciendi ad hoc, ut remitterentur peccata, sicut & tunc remittebantur peccata sine baptismo aque, & pposito sumendi illum, quia nondū erat ille institutus, neq; pceptus. Nau. in præl. nu. 3. de pœnit. vnde nec peccatorū remissiones factę à Christo M. Magdalene, latroni, & alijs aliquid huic veritati obstant, cum & ipsę ante institutionem Sacramenti pœnitentię (qđ post Christi resurrectionem institutū, & præceptum fuit, Ioan. 21. & Trid. sess. 14. c. 1. & 5.

& can. 1. 3. & 4.) factę fuerunt; & etiam quia factę à Christo fuerunt, qui propter excellentem potestatem, quam habuit effectū Sacramentorum sine Sacramentis conferre poterat. Contritio igitur Davidis, cum ante institutionem Sacramenti pœnitentię fuerit, illi satis erat sine confessione. Idemq; de S. Petro dicendum est, cōstat enim negationem illam ante Christi passionem, & proinde ante Sacramenti huius institutionem fuisse: & ideo negationem illam ante Christi mortem factam, & amaro fletu dimissam, Matt. 6. Luc. 22. Ioan. 18. Sacramentaliter confiteri postea Petrus non tenebatur. Sed neque S. Ambrosius vnquam dixit Petrum non fuisse confessum, sed tantum docet, non legisse se in Evangelio, quod ille confessus sit, ex quo tamen non sequitur non fuisse confessum, multa enim, & ab Apostolis, & à Christo facta, & dicta sunt, quę tamen non sunt scripta Ioan. 21. Nau. in ca. lachrymę. num. 1. & 2. de pœnit. dist. 1.

5 Ad illud vero caput lachrymę. Respondetur S. Chrysostomum dicere lachrymas lavare peccatum, non tamen excludit confessionem, aut satisfactionem, quasi dicere vellet sufficere solas lachrymas, aut contritionem sine cōfessione debito tempore, sed adiuncta Sacramentali confessione, & satisfactione; sicut nec excluderet fidem, spem, & charitatē, sine quibus peccatum deleri nequit. Sicut, & Paulus dicens, quem fide iustificari. Rom. 3. & 5. noluit dicere, id fieri sola fide, sed adiuncta spe, & charitate. Nau. vbi sup. nu. 6.

6 Neque obstat, quod per institutionem Sacramentalis confessionis, videtur imminutū esse remedium antiquum querendi veniam peccatorum per solam contritionem; ante illius enim institutionem non erat necessarium propositum actuale, nec virtuale sacramentaliter confitendi, nunc autem sic; Respondetur enim quod parum aut nihil augetur difficultas, cum tam, vel parum minus facile valeat quis concipere dolorem suorum peccatorum cum proposito actuali, vel virtuali sumendi hoc Sacramentum, quā sine illo, ut palam est. Et quia multum augetur utilitas, cum per minorem dolorem, ac contritionem peccatorum queratur remissio, adiunctis confessione, & absolutione, quam illis non adiunctis olim querebatur, immo etiam per illorum adiunctionem sapissimē fit de attrito contritus. vnde multi certo modo attriti ante passum Christum, per suam attritionem peccatorum suorum veniam consequiebantur; qui tamen nūc eodem modo attriti, sumpto Sacramento, eā consequuntur, ut Caietan. tomo 1. opuscul. tract. 4. quęstio. 1. colligitur, quam etiam doctrinam Synodus Triden. sess. 14. cap. 6. & canon. 9. probare videtur, quatenus eum damnat, qui dixerit absolutionem Sacramentalem Sacerdotis non esse actum iudiciale, sed nondum ministerium declarandi remissa esse peccata confitenti. Nau. in prælud. de pœnit. nu. 5.



# De Confessione quid sit &c. Cap. V. 5

7 Sed neque solemne illud dictum, *Votum pro facto reputatur*, id est, voluntas, vel propositum faciendi pro facto habetur, quod ex S. Augustino in Psalm. 3. collectum, in ca. Magna. de poen. di. 1. ponitur, quicquam huic veritati repugnat; siquidem axioma hoc vniuersaliter, absolute loquendo falsum esse constat.

8 Primo. n. licet voluntas confitendi (si desit facultas id faciendi) sufficit ad remissionem peccatorum, non tamen valet tantum ipsa sola voluntas, quantum valet confessio re ipsa facta. voluntas. n. confitendi etiam si desit facultas id faciendi, non excusat a confitendo peccatum tempore debito, cum accesserit facultas id faciendi; confessio autem realiter facta sic. Nec voluntas confitendi absolutionem Sacramentalem, quae dat gratiam ex opere operato, meretur, nec ex attrito facit contritum, sicut ipsa confessio, absolutione subsecuta.

9 Secundo voluntas sumendi baptismum non equipollent summptioni reali. c. sine penitentia. de consec. d. 4. Per realem enim summptionem remittuntur omnia peccata tam mortalia, quam venialia, & originale quoad omnem poenam illis debitam. ca. debitum. de baptismo, & eius effectu. & c. baptismi vicem. de consec. dist. 4. & Trid. sess. 14. ca. 1. non tamen per solam voluntatem sumendi illum. d. c. baptismi vicem.

10 Tertio nec voluntas sumendi Eucharistiam equiparatur summptioni eiusdem, quia licet per talem voluntatem aliqua gratia conferatur, cum sit meritoria ex opere operantis, efficacior tamen, & maior per actualem summptionem gratia sacramentalis infunditur ex opere operato. Et per summptionem realem fieri potest de attrito contritus, immo etiam, & peccata venialia remittuntur, ut docet S. Tho. 3. p. q. 79. ar. 3. & 4. & c. iteratur. de consec. dist. 2. non autem per solam voluntatem sumendi eam. Nau. in cap. Magna. nu. 5. & 6. de poen. dist. 1.

11 Quarto nec voluntas patiendi martyrium tantum effectus est, quantum passio ipsa c. Nullus. de poen. d. 7. & c. baptismi vicem, de consec. d. 4. per passionem. n. remittuntur omnia peccata quoad omnem poenam, tam purgatorij, quam inferni, non autem per solam patiendi voluntatem secundum S. Th. 3. p. q. 68. ar. 2. ad 2. & q. 87. ar. 1. ad 2. sed & aureola, quae datur pro martyrio provenit ex opere operato, & non ex solo opere operantis, ut colligitur ex S. Thom. 4. dist. 49. q. 5. ar. 1. de substantia enim & essentia martyrij est, ut actu mors pro Christo subeatur, ut docet S. Tho. 2. 2. q. 124. ar. 4. & Nau. vbi supra. nu. 7. & 22. & in c. Importuna. nu. 5. & 7. ead. dist.

12 Quinto voluntas testatoris legantis, & subeitis ut aliquot Missae pro anima sua post mortem eius dicantur, reputatur pro facto; quia licet quoad praemium essentiale visionis Dei tantum praesit ei legatio, seu iussio sine illius exequutio ne quantum illa exequuta: non tamen quoad praemium accidentale, quoad ex opere operato illarum Missarum provenit, ut colligitur ex S. Tho. 4. d. 45. q. 1. ar. 1. quaestio. 3. Nau. cit. n. 23.

13 Sexto, nec voluntas feriendi clericum tantum operatur, quantum actualis percussio: non

enim attentans clericum ferire excommunicatus est, sed qui actu ferit. Gloss. in cap. si quis pulsatus. de poen. d. 1. & Nau. in c. si quis pulsatus. nu. 2. de poen. d. 1. Neque attentans occidere hominem, si non occidit, nec mutilat eum, est irregularis. Gloss. & communis in c. si aliquis. de homic. & in c. sicut ex litterarum. eod. ti. & Nau. in c. si quis periculose. nu. 6. de poen. d. 1. Neque qui venit animo infringendi ostia Ecclesiae, & non frangit, eo quod forte alius ea fregerat incurrit in excommunicationem. c. conquestus. de sent. excom. ut docet Card. in Clem. 1. q. 3. de poen. & Nau. in c. si quis. no. dicam. nu. 8. de poen. dist. 1. Neque qui habet voluntatem alienandi bona Ecclesiae incurrit poenam Clem. 1. de reb. Eccles. non alien. quam tamen incurrit actu alienans contra formam canonis. Nau. vbi supra. n. 11. unde in vniuersum verum non est voluntatem pro facto reputari.

## De Confessione, secunda parte Sacramenti poenitentiae, quid sit, & quo iure iustitia. Cap. V.

### S V M M A R I V M.

- 1 Confessio Sacramentalis quid sit, & quare articularis appellatur.
- 2 Peccata propria, non aliena in confessione explicanda.
- 3 Confessio Sacramentalis a Christo instituta.
- 4 Necessitas confitendi peccata, unde colligitur.
- 5 Confessio Sacramentalis, nec in paradiso instituta, nec iure naturali inducta est.
- 6 Confessio Sacramentalis a puro homine, aut lege humana institui non poterit.
- 7 Confessio Sacramentalis instituta non fuit in lege veteri.
- 8 Confessio Sacramentalis a S. Iacobo instituta non est.
- 9 Error Glossae circa institutionem Sacramenti poenitentiae.
- 10 Petri ab Osma error circa institutionem confessionis.
- 11 Error Melchioris Cani circa necessitatem confessionis exterioris in omni lege.
- 12 Error alius Glossae refertur.

1 **C**onfessio Sacramentalis, quae secunda pars Sacramenti est, & quam aliqui *auricularem* vocant eo, quod voce, & in aurem secreto fiat, definiri potest quod sit accusatio peccatoris secreta de suis peccatis, coram proprio Sacerdote, ut ab illis sacramentaliter absoluitur. Nau. in Man. c. 2. nu. 1. & in c. praefata. num. 8. de poen. dist. 3.

Dicitur, *accusatio Sacramentalis*, ad differentiam accusationum, & confessionum iudicialium, & extraiudicialium, quae non sui accusandi gratia, sed alios ob fines fiunt.

Dicitur *secreta*, tum ad differentiam confessionis, quae fit initio Missae, & ad primam, & completorium, & alias septisimae; tum etiam ad significandum quod non debet necessario publice fieri, quamvis sic facta valeret.

2 Dicitur, *de suis peccatis*, ad reiiciendam illam, qua quidam se de suis virtutibus, quidam vero de peccatis alienis accusant. cap. omnis. de poen. & remiss. vbi dicitur *peccata sua*.

Dicitur, *Sacerdoti proprio*, quia confessio quaelibet sit laico, vel Sacerdoti non proprio, sacramentalis



talis non est, cum tales iurisdictionem in foro conscientie super penitentem non habeant. c. omnis. de pen. & remiss. c. placuit de pen. d. 6. & Trid. sess. 14. c. 5. & 6.

Dicitur, *ut ab illis absoluantur*, cum enim essentia Sacramenti penitentiae in absolutione consistat, illa, quæ fit propter alium finem, non est Sacramentalis accusatio.

3 Fuit autem confessio Sacramentalis instituta à Christo, Ioan. 20. illis verbis. *Quorum remiseritis peccata remittuntur eis, & quorum retinueritis, retenta sunt*. Quicumque enim potestatem aliquam cuiquam concedit, concedere videtur etiam ea, sine quibus illa exerceri non potest. l. 2. ff. de iurisd. om. iud. & proinde cum præfatis verbis Christus Apostolis suis, & eorum successoribus potestatem absolvendi à peccatis dederit illis consequenter potestatem dedit illa audiendi, & cognoscendi, an ligari, vel absolvi debeant, cum non nisi dere cognita quispiam iudicare possit. l. de qua re. ff. de iud. Naur in princip. dist. 5. de pœn. nu. 28. & 29.

4 Hinc infertur primo necessitas confitendi peccata, frustra enim data à Christo fuisset Sacerdotibus talis potestas absolvendi a peccatis, nisi constringerentur etiam homines sua peccata illis confiteri, unde alia est potestas quæ datur Sacerdotibus ad ligandum, & solvendum, & alia potestas iudicum, quos *Charitularios* vocant, de quibus agit Barr. in l. 1. ff. de iud. qui illorum tantummodo causas audire possunt, qui coram ipsis elegerint litigare; neminem autem, si noluerit, ad litigandum coram illis compellere possunt. Sacerdotes enim ita à Christo iudices constituti sunt, ut ligare, & solvere possint, adeo ut homines eis peccata sua confiteri tenentur, si saluare velint; frustra enim daret eis Christus potestatem solvendi, nisi etiam, & ligandi daret, & consequenter alijs necessitatem eis confitendi imposuit, ut satis ex Conc. Tri. sess. 14. can. 4. constat. & Naur. cit. nu. 30.

5 Infertur secundo, confessionem Sacramentalem non esse in Paradiso institutam, neque esse iure naturali inductam; sic enim communis esset omnibus gentibus. c. Ius naturale. d. 1. lex autem confessionis non est communis apud omnes gentes, immò apud nullum genus hominum in usu fuit ante Christum, à quo institutum fuit hoc Sacramentum, ut tradunt Doctores in 4. dist. 1. & nuper expressit Conc. Trid. sess. 7. can. 1. de Sacramen. in genere, Sed neq; in paradiso vlla alia lex fuit, nisi illa de non vescendo de arbore scientie boni, & mali. Naur. cit. nu. 3. Et quamvis penitere quodam modo sit iuris naturæ, omnes enim gentes errasse pudet, & lege ipsa naturæ ad erratorum penitudinem tenemur; Hoc tamen solum ostendit penitentiam illam quæ est virtus, secundum naturam esse, ut docet S. Thom. 3. par. q. 85. ar. 1. & rem quandam esse lege naturæ præceptam, (natura enim recta docet, ut qui peccavit, peniteat) non tamen exinde colligitur confessionem Sacramentalem, seu poenitentiam prout Sacramentum est; lege naturæ in-

stitutam, aut præceptam esse.

6 Infertur tertio Sacramentum hoc ita à solo Christo institutum esse, ut a nullo puro homine, aut lege humana institui possit, ut satis ex Conc. Trid. sess. 7. can. 1. & sess. 14. can. 1. & S. Thom. 3. par. c. 64. art. 1. & 2. & alijs Doctoribus in 4. dist. 1. colligi potest, & ratio manifestata est, quia confessio Sacramentalis non solum fieri debet de actibus externis, sed etiam de internis, quæ nec verbo, nec scripto, nec facto foras prodierunt, ut tradit Trid. sess. 14. c. 5. canon. 7. Nulla vero humana potestas est, quæ actus interiores præcipere, aut punire potest. c. cogitationis. de pen. dist. 1. & ea. erubescant. d. 31. Immo etiam si per confessionem constaret iudici de peccato interno alicuius, non tamen ob illud eum punire potest, ut docet Paulus. 4. dist. 17. quæst. 2. & ideo nulla lege humana institui, aut præcipi potuit confessio Sacramentalis, quæ de peccatis etiam internis facienda est. Naur. cit. n. 19. 20. & 21. nulla enim potestas præcipit aliquid, cuius transgressionem punire nequit. c. 2. de const. in 6.

7 Infertur quarto errasse eos, qui dixerunt confessionem institutam fuisse Iosue c. 7. cum illi misero dixerat Achior, *Fili mi da gloriam Domino Deo Israel, & confitere, ac indica mihi, quid feceris, ne abscondas*. Qui mox confessus lapidibus obruitur. Ibi enim de confessione iudiciaria agitur, quæ multum ab hac Sacramentali differt. Et quia illa non fuit omnium peccatorum, sed solum unius: Sacramentalis vero est omnium. c. omnis de pen. & remiss. & quia Sacramentalis à solo Christo instituta est.

8 Infertur quinto errasse etiam eo, qui voluerunt Sacramentum penitentiae à S. Iacobo. 5. iuxta epistolæ institutum esse, illis verbis. *Confitemini alterutrum peccata vestra, & orate pro invicem, ut saluemini*. Nullum enim Sacramentum, aut pars essentialis eius, qualis est confessio, ab homine puro institui potest, & multo minus à S. Iacobo, qui minor fuit S. Petro. c. ita Dñs. 19. d. c. in nouo. 1. d. n. n. decuit Ecclesiam Romanam, cui Petrus præfuit, à Hierosolymitana, cui Iacob præerat, c. Iacobus. de consecra. dist. 1. ligari. Naur. cit. nu. 12. & 13.

9 Infertur sexto, errasse glossam summa de pen. dist. 5. quæ docet integram peccatorum confessionem, nulla veteris, aut noui testamenti auctoritate, sed sola Ecclesiæ vniuersalis traditione institutam, & inductam esse; quam glossam secutus est Pan. in c. omnis. de pen. & remiss. col. 5. nu. 18. & etiam Decius in c. iane. 2. de offic. delegat. quæ opinio ab omnibus, maxime autem à Dur. & Maior. 4. d. 17. reprobatur. Naur. cit. nu. 15.

Infertur septimo errare Caiet. qui in Ioan. 20. docet confessionem sacramentalem à Christo quidem institutam esse non tamen præceptam; siquidem frustra omnino à Christo data esset Sacerdotibus potestas audiendi confessiones nisi alijs imposita esset illa confitendi necessitas. Naur. cit. nu. 31.

10 Infertur octavo, errasse etiam Petrum ab Osma, qui tempore Sixti IV. Saluanticæ, ac



# De Confessione quid sit &c. Cap. V. 7

in aliquot alijs Hispaniæ locis docuit, confessionem Sacramentalem ex instituto humano & Ecclesiæ traditione cepisse, & peccata mortalia quoad culpam, & penam alterius seculi, absq; confessione, sola cordis contritione, prauas vero cogitationis sola displicentia deleri; Sacramentum quoque Penitentia, quantum ad collationem gratiæ naturæ, non autē institutionis noui testamenti existere. Quæ omnia a Sixto IV. damnata fuerunt, Nau. cit. num. 31.

1 Infertur nono falli Canum, qui in relect. de Sacramentis, docet penitentiam, & confessionem exteriorem, non solum tempore legis Euangelicæ, sed etiam legis naturæ, & scriptæ ad salutem fuisse necessariam, actu quidem si adesset facultas confitendi, & voto, & proposito, si deesset. Nau. in prælud. num. 3. de pen.

2 Infertur decimo errasse glossam summa de pen. dist. 5. dicentem apud Græcos non fuisse in vñ confessionem Sacramentalem, vt fuisse docent Scotus 4. dist. 17. & etiam Concilium Colonien. fol. 151 §. restat. cum multis sequentibus. Nau. in tertiam partem. gloss. num. 3. de pen. dist. 5.

## De tempore, quo tenemur ad contritionem, & confessionem. Cap. VI.

### SUMMARIUM.

- 1 Contritio de præcepto non est, quoties peccata memoria occurrunt.
- 2 Contritionis, & confessionis præcepta affirmatiua sunt.
- 3 Davidis exemplum de confessione, quid probat.
- 4 Contritio de præcepto non est, quoties peccata obiter in mentem, & memoriam veniunt.
- 5 Peccata venialia non sunt necessariò confitenda.
- 6 Contritioni nullum tempus determinatum est attendita sola lege diuina.
- 7 Peccatum nullo tempore placere debet.
- 8 Conteri, & confiteri tenetur homo in articulo mortis.
- 9 Conteri, & confiteri tenetur existens in mortali ante Eucharistiæ sumptionem.
- 10 Sacramenta alia danti, vel accipienti sola contritio necessaria est, non confessio.
- 11 Adultus sine contritione baptismum accipiens peccat.
- 12 Confitens absque contritione, aut attritione peccat.
- 13 Confessio quare in presbyterio suscipiendo præmittenda.

**Q**uia maxima est inter contritionem, & confessionem connexio, de tempore, quo vtrumque obligat, breuiter dicendum est. Et quidē Primò, non tenemur sub pena noui peccati contritionem habere, aut confiteri, quādo plenè ac practicè peccatum memorie occurrerit, id est, ita vt abominandum, detestandum, aut amplectendum sit, sed satis est vt peccatum non placeat, licet neq; displiceat, vel etiam displiceat, ita tamen vt illa displicentia non perueniat ad illum gradū, quē contritio requirit, & vt confiteatur tempore debito. Adrianus VI. Papa. in 4. de confessione, quæst. 3. colum. 1. & Caietan. in opus. tract.

18. q. 3. Naua. in 3. p. gloss. nu. 11. de pen. dist. 5. Non enim tenetur quis plus ad conterendum peccatum, quam ad diligendum Deum, ex Paludano 4. dist. 17. q. 1. col. 3. versi. secunda conclusio: at si cui Deus occurrat speculatiue nō tenetur ipsum tūc diligere: ergo neque peccata speculatiue occurrentia conterere tenetur, quia similitum idem est iudicium. cap. dudum. 3. de elect. Præterea nimis durum esset dicere, quod toties de nouo peccaremus mortaliter, quoties memoriæ occurrerent peccata præterita nisi de eis conteramus.

3 Deinde præcepta affirmatiua, qualia sunt de conterendo, & confitendo peccata mortalia, non obligant ad semper, sed aliquo tempore determinando ab habente potestatem determinandi; Nulla autem lege determinatum est, vt statim post peccatum commissum, vel eius habitam memoriam, sub noui peccati pena exeamus a peccato per contritionem, aut sacramentalem confessionem. Præterea sicut lex de baptizando non obligat catechumenos, vt statim baptizentur, immo iure duobus tantum anni temporibus baptizari solent. ca. duo. de consec. dist. 4. & lex de communicando non obligat nisi pro certo anni tempore, c. omnis. de pen. & remiss. ita neque lex de habenda contritione, aut confessione facienda statim obligare dicitur. Nau. cit. nu. 7. & 8.

3 Neque obstat, quod legitur Dauidem statim confessum esse peccatum suum, quando à propheta Nathan de eo monebatur 2. Reg. 11. Multa enim fecit Dauid ad quæ nos non tenemur. Quod autem in Ecclesi. 5. dicitur. non tardes conuerti ad Dominum, neque differas de die in diem: consilium, non præceptum; utilitatem, non necessitatem continet, secundum Alex. Alenf. 4. p. q. 77. memb. 4. ar. 1. Nau. cit. nu. 15.

Quod vero obligatus ex delicto, statim satisfacere teneatur, fur enim semper dicitur esse in mora l. in re furtiua. ff. de cond. furt. & ideo qui peccat statim conterere, & confiteri tenetur, non omnino sufficienter propositum probat; siquidem ex delictis duæ vt plurimum nascuntur obligationes, vna, qua damnū passio a nobis illatum restituere tenemur, & hoc statim fieri debet vt bene probat argumentū, & etiam pluribus docet S. Thom. 2. 2. q. 62. ar. vlt. & ibi Caiet. Altera, qua reipublicæ, vel iniuriam passio tenemur non pro bonis, quæ abstulimus, sed pro iniuria illata satisfacere, & ad hanc penam soluendam, siue corporea, siue pecuniaria sit, in conscientia statim non tenemur, vt docet gl. sing. in cap. fraternitas. 12. q. 2. cum itaque obligatio hæc conterendi, & confitendi non tangat restitutionem alicuius ablati, sed satisfactionem iniuriæ a nobis Deo illatæ, ad illam statim faciendam nō obligamur. Naua cit. nu. 22. & 23.

4 Secundo, multo minus tenemur conterere, quando non occurrunt memoriæ, immo neq; etiam quando obiter, & aliud agenti occurrunt vt si quando, aut Doctore docenti, aut verbū diuinum facienti, aut orationem in concione habenti, vel disputanti, memoria peccati aliquis



cuius occurrat; quoniam in agendis ordo est seruandus. c. Ad hoc. 89. dist. At si aliud agendum oporteret contere peccatum, cuius incidit memoria, actiones diuersæ confunderetur. Nau. cit. nu. 11.

5 Tercio, non tenemur confiteri peccata venialia, aut de eis confiteri, iure saltem communi, neque etiam tenemur cōterere de peccatis mortalibus de quibus semel contriti sumus, aut existimamus iam contriuisse, quamuis vere non fuerimus contriti, eo quod dolor ille non fuerat gratia gratum faciente informatus; cum enim nemo nisi reuelatione diuina sciat an dignus sit odio, vel amore. Eccl. 9. & ca. fin. de purg. canonica. Sequeretur, dato opposito huius quod diximus, omnes, qui vnquam peccauerunt mortiferè semper teneri ad contritionem omnium peccatorum, quamlibet bene contritorum, & confessionē detectorum, quod absurdum esset dicere, unde neque semel legitime confessi, iterum ea confiteri tenemur. Nau. cit. nu. 11. & 18.

6 Quarto, attenta sola lege diuina, nullum tempus contritioni, vel confessioni faciendæ determinatum est; nulla enim talis lex reperitur. Neque lex de conterendo, & confitendo, quæ affirmatiua est, magis astringere videtur, quam lex de baptizando; quia de similib. idē est iudicium cap. dudum. 2. de elect. lex autem de baptizando iure diuino nullum tēpus habet determinatum, vt sentit S. Thom. 3. p. q. 68. ar. 3. & ibi Caiet. Nam & S. Martinus octo annis mansit cathecumenus, & S. Ambrosius longo tempore. Constantinum autem Imperatorem in obitum vsq; suum distulisse baptismum auctor est Ambrosius in oratione de morte Theodosij. Nau. cit. nu. 28.

7 Quinto, tenetur homo ad cauendum, ne vnquam peccatum commissum illi placeat, omnis enim consensus in peccatum mortale, est mortalis. ca. sicut tribus gradibus. de pœn. dist. 1. & c. sed pensandum. de pœn. dist. 6. Nau. cit. nu. 10.

8 Sexto, in articulo mortis constitutus ad cōterendum, & confitendum tenetur, quia præcepta affirmatiua ex parte temporis, tunc demum ligant, quando tempus necessitatis articulum inducit S. Thom. 4. dist. 17. q. 3. art. 1. Et cum contritio cum confessione, durante hac vita, faciendā sit, & ille articulus indicat verisimilem huius vitæ terminum adesse, consequenter in tali tempore necessitatis, præceptum de conterendo, ac confitendo affirmatiuum obligabit. Nau. cit. nu. 30.

9 Septimo tenetur homo conteri, & confiteri, quoties occurrit ei actio aliqua, quæ necessariò exigit, vt illam contritio, & cōfessio præcedat, qualis est illa sacramenti Eucharistiæ assumptio; illud enim post mortale peccatum admissum nemo percipere debet, nisi contritus antea fuerit, & confessus, dummodo adsit copia confessarij, vt tenet gl. in c. de homine. de celeb. Miss. & nuper Concilium Tridentinum definierit sess. 13. cap. 7. can. 11. Nau. cit. num. 31. & 32. Quæquid olim Caietanus ad

summa verb. communio. & 3. p. quæst. 80. ar. 4. & in 1. Corinth. 11. docuerit, nō peccare mortaliter qui communicat habita contritione ante confessionem, data etiam facultate confitendi; quam opinionem, Tridentina synodus, vbi supra, damnat; docens probationem illam de qua locutus est Apostolus 1. Corinth. 11. Probet autem seipsum homo & c. de cōfessione præmittenda intelligi debere, & non de sola contritione.

10 Octauo, quodlibet aliud sacramentum dātū, vel accipienti necessaria est sola contritio, nō confessio, quoniam illa sacramenti datio, vel acceptio necessitatem inducit adimplendi præceptum illud affirmatiuum de conterendo, quia sacramenta neque accipi possunt in se, neque dari ab eo, qui saltem non est contritus, vel se non existimat contritū. cuius rei illa est ratio, quia sacramenta à Christo instituta sunt, vt per ea primam gratiam, vel eius augmentum consequamur, qui ergo scit, vel scire debet, se in illo statu esse qui gratiæ cōsequendæ repugnat, nimirum in statu peccati mortalis, irreuerentiam, & sacrilegium committit, argumento eorum, quæ scribit S. Tho. 2. 2. q. 99. ar. 1. & satis patet ex c. per Esaiam 1. q. 1. & Nau. cit. nu. 34.

11 Hinc inferitur primo, peccare adultum, qui baptismum suscipit non præhabita contritione peccatorum, vel certe attritione tali, quæ sacramenti accessione fiat contritio. c. firmissime. 15. q. 1. c. omnis. c. agunt. de consecr. dist. 4. & tradit S. Thom. 3. p. q. 68. art. 6.

12 Inferitur secundo, peccare eū, qui sine contritione, vel attritione predicta, sua peccata cōfiteatur confessario, & ab eo absolutionem suscipit, accipit enim in malo statu sacramentū cap. quod quidam. de pœn. & remiss. quod habet, confessionem illi, qui non est contritus, admittendam quidem, sed cum non esse absoluumendum. Nau. cit. nu. 36.

13 Inferitur tertio, Non esse vllum præceptum, quo sub nouo peccato tenemur alia sacramenta præmissa confessione suscipere: Nam c. v. de consecr. dist. 5. quod habet, confirmationis sacramento insigniendos, ad confessionem esse monendos, consilium tantum continet, non præceptum. Quo etiam modo intelligitur illud S. Thom. quodl. 1. ar. 11. vbi docet ante ordinem sacrum suscipiendū præmittendam esse confessionem; & illud Palud. 4. distin. 7. q. 2. vbi dicit ad sacramentum confirmationis, ordinis, & extremæ vñctionis, necessariam esse peccatorum confessionem actualem. Hæc enim omnia de consilio sunt, & non de præcepto, Requiritur autem actualis confessio in præsbyterio suscipiendū nō propter ordinem, sed quia tunc communicatur in illius ordinis sacri assumptione, in alijs vero ordinibus, nisi communicant, confessio nō est necessaria. Nau. cit. nu. 40. 41. & Man. c. 22. nu. 18. Et Tridentinum sess. 24. de reform. mat. c. 1. hortatur solam vt ante matrimonij cōsumationē peccata confiteantur, illud autem non præcipit. Nau. cit. nu. 38.



# De Circumstantiis peccati &c. Cap. VII. 9

## De circumstantiis peccati, & speciebus eius. Cap. VII.

S V M M A R I V M.

- 1 Circumstantia qualiter definitur.
- 2 Circumstantia in quot species diuiditur.
- 3 Circumstantiarum alia diuisio assertur.

1 **C**ircumstantia definitur in genere, esse accidens actus humani, qui peccatum est, vt docet S. Thom. 1. 2. q. 7. ar. 1. & Naua. in c. consideret. nu. 1. de pen. dist. 5. & Man. c. 6. num. 1. Dicitur autem circumstantia esse accidens peccati, in quantum peccati est quædam actio, & quoddam ens naturale simpliciter consideratum, quamuis qua parte actio illa peccatum sit, frequenter contingat aliquam circumstantiam esse de illius peccati essentia, in hoc sensu, quod actio illa peccatum non esset, nisi adesset illi ea circumstantia, vt docet Hal. 4. p. q. 77. ar. 2. multa enim sunt peccata, que suo quidem genere, vel bona sunt, vel certe non mala; immo ad bonum, & ad malum indifferenter, & ex sola circumstantia sunt mala, & peccata c. venerabilibus. §. fin. de sent. excommu. in 6. Eleemosina enim propter vanam gloriam data peccatum est, in qua actione circumstantia sola finis, illam facit esse peccatum, qua sublata non esset. Et duplicatis in die ieiunij eius quantumuis moderatus, ob solam temporis circumstantiam malus est, & peccatum, qua sublata virtus potius quam peccatum esset. Nau. cit. nu. 3.

2 Diuiditur autem primo circumstantia in septem species, vt docet S. Tho. 1. 2. quæst. 7. ar. 3. & 5. quæ hoc versu continentur, quis, quid, vbi, quibus auxilijs, cur, quomodo, quando. Quarum circumstantiarum tres tangunt actum, veluti metinenses ipsum; Tempus, scilicet locus, & modus. Vna tangit actum ex parte effectus, scilicet, quid. Tres ex parte causæ, vna scilicet, ex parte agentis principalis quam significat illa dictio, quis. Altera quæ se tenet ex parte causæ instrumentalis, quam significat illa dictio, quibus auxilijs. Tertia quæ tangit causam finalem, quæ designat illa dictio, Cur Male autem addunt Paludanus in 4. dist. 16. quæst. 3. ar. 3. & S. Anton. 3. p. ti. 17. cap. 17. §. 4. particulam Quoties, hæc enim circumstantia non est, nam circumstantia est circa eundem actum, vt optime Arist. 3. Ethic. & S. Thom. 1. 2. q. 7. ar. 1. docent. Numerus autem operationum, quem particula quoties designat, non circumstat vnā, & eandem operationem; secundum enim furtum non est circumstantia primi, aut è contrario neque tertium secundum, vnde neque Arist. neque S. Thom. illam pro circumstantia ponunt.

3 Rursus diuiditur circumstantia in quinque membra; quædam enim neque grauunt culpam, neque leuant, qualis est de xtera manu, vel sinistra furari: Quædam secundo culpam

diminuunt, qualis est finis bonus, vel ignorantia, c. sicut dignum. de homic. quædam tertio culpam aggrauant, non tamen mutant in aliam speciem, qualis est magnitudo rei furto sublata. c. fin. q. 6. Quædam quarto mutant actionem, sed non in infinitum, qualis est festinatio superaddita eiui non opportuno, quæ in infinitum actionem non mutat. ca. quinque. de consecr. dist. 5. Quædam denique grauunt, & mutant in aliam speciem, & in infinitum; qualis est anticipatio notabilis horæ in die ieiunij addita eiui præproprio, secundum Paludanum in 4. dist. 16. q. 3. communiter receptum; dicitur autem mutare in aliam speciem, & in infinitum grauare, quia efficit ex vna gulæ specie veniali, aliam mortalem. Nau. cit. nu. 5. & in Man. prælud. 9. nu. 6.

## Circumstantiæ, quæ confitenda sunt, & quæ non. Cap. VIII.

S V M M A R I V M.

- 1 Circumstantia, nec culpam minuens, nec aggrauans, potius tacenda, quam confitenda est.
- 2 Circumstantia culpam diminuens, vt iliter possunt in confessione explicari.
- 3 Circumstantia culpam aggrauans, sed non mutans speciem necessario confitenda non est.
- 4 Excommunicatio maior ob magnum furtum incurri potest.
- 5 Circumstantia notabiliter aggrauans, confitenda est.
- 6 Circumstantia incestus est confitenda.
- 7 Odium diu continuans, etiam tempus, confiteri tenetur.
- 8 Furti quantitas confitenda est.
- 9 Voluntate vna centum occidere volens, qualiter confiteri debet hoc peccatum.
- 10 Tricipiti ferro alium percutiens, qualiter id confiteri debet.
- 11 Nocte tota cum aliqua turpiter concumbens qualiter peccatum hoc confiteri debet.
- 12 Circumstantia mutant actionem in aliam speciem peccati venialem, non necessario confitenda.
- 13 Circumstantia speciem mutans necessario est confitenda.
- 14 Circumstantia mutans actionem de vna in aliam speciem, quamam?
- 15 Peccati species necessario confitenda.
- 16 Circumstantia loci quamam necessario confitenda?
- 17 Actio omnis contra libertatem ecclesiæ, confitenda est.
- 18 Extra ecclesiam existens, sed peccatum intra Ecclesiam committere cupiens, quomodo se in confessione gerere debet.
- 19 Existens in ecclesia, et illic animum peccandi concipiens, an hanc circumstantiam confiteri teneatur.
- 20 Circumstantia loci, sanctitati eius specialiter repugnans, vt confitenda.

1 **P**rimo igitur circumstantiæ primi generis, quæ scilicet neque culpam grauunt, neque leuant, neque de præcepto, neque de consilio confitendæ sunt; unum melius est eas tacere.

2 Secun-



- 2 Secundo possumus confiteri circumstantias culpam diminuentes, nō tamen tenemur; imō perfectionis est eas tacere, locus enim ille accusationi, & non excusationi est deputatus. c. omnis. de pœn. & remis. & idē cum tales circumstantiæ pœnitentem excusent, aptius tacetur, quam dicuntur; nisi tamen timeretur scandalum in audiente; at si quis confiteretur se carnes in quadagesima comedisse, & non aperiret se id ob ægritudinem fecisse; vel fateatur se polluisse, aut à fidei articulo aliquo dissensisse, & non diceret ea dormientem in somnijs potius passum fuisse, quam fecisse. Naua. in cap. consideret. num. 5. de pœnit. dist. 5.
- 3 Tertio circumstantias, quæ aggrauant culpam, non tamen in aliā speciem mutant, confiteri non tenemur, prout communis opinio docet. S. Thom. 4. dist. 16. q. 3. ar. 2. q. 5. & dist. 32. art. 5. q. 2. & dist. 41. q. 1. ar. 2. q. 1. Palud. 4. dist. 16. q. 3. ar. 3. Gabr. 16. q. 1. col. 9. S. Anton. 3. p. ti. 17. ca. 17. §. 5. Adrian. 4. de confess. q. 3. vers. venio nunc. Caietan. 1. 2. q. 18. ar. 1. & in summa verb. Dies festos. Prierus in rosa aurea casu. 63. & Nau. cit. nu. 6. & in Man. c. 6. nu. 7. Siquidem si quælibet talis circumstantia confitenda esset, vix aliquis eorum, qui multa habent peccata mortalia, & semel in anno confitentur, inueniretur, qui peccata sua legitime esset confessus; cum fere nullus sit qui explicat quantam moram fecit in quocunque malo proposito, quantam in dicēdo, quantam in faciendo, quantam cum aduertentia, aut iudicio. Pauci etiam sunt, aut nulli qui locū sacrum publicum, tempus orationis, ieiuniorū, tentationis, & magnitudinem, vel paruitatē horum explicant, maxime qui multis peccatis mortalibus sunt infecti. Adde quod experientia patet, quod scrupulosas conscientias reddit opinio contraria, (quam sequitur Io. Maior. 4. dist. 17. q. 3.) dum semper timeret quis an omnes circumstantias quomodolibet culpam maiorem efficientes, confessus sit. Cui fauet plurimum Conc. Trid. sess. 14. cap. 5. quatenus ait, circumstantiam, quæ mutat speciem, esse confitendam, & nullius alterius meminit. Nau. cit. nu. 9. & 10.
- 4 Nec quicquam his obstat, quod aliquando excommunicatio maior incurritur pro magno furto, & nō paruo cum tamen necessum sit, vt confessarius sciat, an pœnitens excommunicatus sit. arg. c. excommunicatus. & cap. Rogo. 1. q. 3. & consequenter vt sciat, an furtū fuerit magnum, vel paruum. In hoc enim casu dicimus, non propterea confitendam esse circumstantiam, quia culpam augeat, sed quia est causa, quare sit excommunicatus, cuius absolutio prærequiritur ad absolutionem a peccatis. c. duobus. de sent. excom. & c. celebrat. de cler. excom. ministr. Sed nec c. consideret. de pœn. dist. 5. post multarum circumstantiarū citationem, dicens, omnis hæc varietas confitenda est, quicquam veritati prædictæ repugnat; vt enim constat, multa in eo capite conuulendo, non præcipiendo ponuntur. Neq; necesse est, vt circumstantia aggrauans in confessione aperiatur, vt secundum mensuram delicti fiat plagarum modus. Deut. 24. quia non est opus, vt in hoc conscientiæ foro par pœna pro delictis in sanctificationem imponatur; potest enim pœnitens, si noluerit pœnitentiam impositam acceptare; rogare confessarium, vt eam minuat, imō nec condignæ solent pro peccatis pœnæ iniungi etiam in foro exteriori, vt late docet Caiet. tom. 1. nu. 5. q. 3. de cōfess. multoq; minus in hoc secreto pœnitentiæ foro. Nau. cit. nu. 12.
- 5 Hoc tamen quod de circumstantiis aggrauantibus dicimus, non procedit in ijs, quæ notabiliter, & euidenter aggrauant peccatū, tales enim sunt necessario confitendæ, vt recte docet Marfil. 4. q. 12. ar. 1.
- 6 Hinc infertur primo, quod qui cum matre coiuit, & incestum commisit, quia cōsanguineam agnouit c. lex illa 36. q. 1. Panor. in ca. 1. & de eo qui cog. conf. vx. illam circumstantiam confiteri tenetur, cum incestus talis ceteris longe deformior sit; Immo secundum multos alias species est incestus, qui committitur in linea ascendentium, & descendentium, & alia, quæ in linea collateralis. sicut alia est cognatio spiritalis, quæ paternitas dicitur, alia, quæ compaternitas, & alia, quæ fraternitas. vt S. Thom. 4. dist. 42. & Palud. 16. q. 1. concl. 4. 5. & 6. tradunt. Immo qui cognouit matrem, non satisfacit dicendo se cognouisse vnā ex ascendentibus, neque qui cognouit filiam, se cognouisse vnā ex descendentibus, neq; qui cognouit neptem ex fratre, dicendo se cognouisse vnā ex collateralibus; siquidem species incestus non solum cum consanguinitatis, vel affinitatis linea mutantur, sed etiam cum gradu. Nau. cit. nu. 13.
- 7 Infertur secundo, quod qui continuauit odium proximi toto anno, vel mense, non satisfacit dicendo, odio habui proximum, nisi etiā & tempus tam longum, quo illud habuerit, explicet.
- 8 Infertur tertio, quod qui mille ducatos, vel aliud quid magnum furto surripuit, non satisfacit, dicendo se tantam quantitatem furtum esse, quanta satis est ad constituendum peccatum mortale; constat enim furtum eiusmodi per illam magnitudinem maxime aggruari.
- 9 Infertur quarto, quod qui vna mala voluntate centum homines occidere voluisset, non satisfacit, dicendo se voluisse occidere hominem, vel etiam homines. arg. eorum quæ docet Archid. communiter receptus in ca. inter cetera. 22. q. 4.
- 10 Infertur quinto, quod qui ferro tricipiti alium percuteret, & tria illi vulnera graui infligeret, non satisfacit, dicendo se hominem percussisse, quamuis enim vna fuit percussio, sunt tamen tria vulnera, vnde tenebitur dicere se ea percussione tria æque graui vulnera inflixisse, vt docet Alex. in l. scire debemus. ff. de verb. oblig.
- 11 Infertur sexto, quod qui tota nocte fedit, & turpiter



## Circumstantiæ quæ confitendæ &c. Cap VIII. 11

purpiter cum aliqua concubuit, & se multis modis foedauit, & tamen semel carnis copulam cum ea habuit, non satisfacit, dicendo se cum quadam femina semel coisse. Si enim ea de causa circumstantia mutans speciem peccati confitenda est, non quia in genere mori alius videtur actus, sed quia noua malitia inuenitur, cum qua præcedens coniuncta, multo, & insigniter est maior, etiam & circumstantiæ istæ confitendæ erunt, cum hæc etiam ratio in istis insit, ubi autem eadem ratio iuris inuenitur, idem quoque ius est statuendum, cap. dudum. 2. de elect. Nau. cit. nu. 13. Quia vero huiusmodi circumstantiarum confessio nonnullis scrupulos iniicere potest, & multoties difficulter sciri potest, quanta grauitas sufficit, & requiritur, ut circumstantia grauās, & non mutans speciem confitenda sit, hoc totum arbitrio prudentis confessarij, habita etiā ratione ipsius pœnitentis relinquendum est. Quoties enim aliquid faciendum esse statuitur, nec determinatur quantitas; boni viri arbitratu determinandum est l. i. ff. de iur. delib. & c. de causis. de offic. deleg.

12 Quarto circumstantiæ, quæ mutant actionem in aliam speciem peccati venialem, quales sunt circumstantiæ quarti generis, non sunt necessario confitendæ; sola. n. peccata mortalia confiteri tenemur. c. omnis. de pœn. & remiss. certum autem huiusmodi circumstantias solum venialem efficere actionem, & proinde non sunt necessario confitendæ ratione malitiæ venialis exinde nascētis. Naua. cit. nu. 14.

13 Quinto circumstantiæ, quæ mutant in aliā speciem necessario confitendæ sunt, quales sunt furtum rei sacræ, effusio sanguinis in ecclesia; unde non satisfaceret talis dicendo se furatum esse; hoc enim esset confessio simplicis furti, cum tamen ille sacrilegium commiserit, & proinde confiteri tenetur se furatum esse rem sacræ; & quod hominem in ecclesia vulnerauerit, quod est sacrilegium.

14 Difficile autem est scire, quænam circumstantia actionem de vna in aliam speciem transfert. Nam S. Th. 4. dist. 16. q. 3. art. 2. q. 3. illam talem esse dicit, quæ ultra malitiam actus principalem, etiā specialem cum ratione repugnantiam habet, ut in furto rei sacræ, & percussione in ecclesia constat. unde magnitudo quantitatis rei furto sublata nouam peccati speciem non inducit, quia non addit specialem cum ratione repugnantiam: ea enim ratione furtum peccatum est, quia capitur alienum inuito domino: quod fit, siue multum, siue parum auferatur, modo res sit notabilis, & ideo eadem est cum ratione repugnantia: quia ideo solum id malum est, quia inuito domino capitur alienum. Alij vero, quos sequitur Scotus, dicunt circumstantiam de vna in aliam speciem peccatum mutare, quæ speciali prohibitione vetatur, ut in furto rei sacræ, & percussione in ecclesia constat, Nam per secundum præceptum secundæ tabulæ vetatur occidi, aut vulnerari homo: Exod. 20. c. si non licet. 23. q. 5. At spe-

ciatim prohibetur, ne in ecclesia id fiat cap. ecclesijs, de consecra. dist. 1. & c. proposuisti. de consecr. eccl. vel alt. Alij vero, inter quos est Ioan. Maior. 4. dist. 17. q. 4. dicunt illam circumstantiam mutare de vna in aliam speciem mortalem, quando actio, etiam si alio respectu mala non esset, ratione tamen illius circumstantiæ fieret mala: ut etiam de sanguinis, vel feminis effusione in Ecclesia patet; Quamuis enim illa effusio extra ecclesiam mala non esset, utpote inter maritum & uxorem habita, aut ex iusta iudicis sententia quis in ea occideretur, vel vulneraretur, quia tamen in loco sacro fiunt, mala sunt, & iniusta, d. c. ecclesijs, & Nau. cit. num. 15.

15 Sexto species peccati necessario confitendæ sunt. fit enim confessio Sacerdoti, ut ille de pœnitentis statu iudicet, & iuxta delicti quantitatem taxet ei satisfactionem, ut ex Extrau. Quia quorundam. Ioan. 22. de verb. sig. constat. quod facere non potest confessarius, nisi delictorum species cognoscat. c. iudicantem. 30. q. 5. unde non satis est confiteri, se decem peccata luxuriæ commisisse, vel decies præceptum de non occidendo violasse, sed speciatim tot adulteria, tot fornicationes, tot homicidia confiteri oportet. Et certe vel omnes peccatorum species confiteri oportet: vel nullas: vel quasdam sic, & quasdam non. Secundum, alioqui sufficeret dicere, decies mortaliter peccavi: licet vnum peccatum fuisset homicidij, aliud adulterij, aliud sacrilegij. Non tertium, nulla enim ratio reddi possit, quod quasdam species confiteri teneamur, quasdam vero non teneamur: & ideo dicendum est teneri nos ad confitendum omnes, ut egregie tradit Caiet. Tomo 1. opusc. pract. 5. de confels. quæst. 3.

16 Septimo, omnis, & in illa sola loci circumstantia necessario confitenda est, quæ specialiter repugnat cū aliqua lege speciali, qualis est sanguinis vel feminis effusio in loco sacro, vel voluntas ea in illo loco effundendi. Quam doctrinam docet Caiet. 1. 2. q. 7. art. 1. dicens, circumstantia loci sacri quamuis omnia peccata per accidens grauet, illa tamen sola in sacrilegium conuertit, quæ loci sanctitati directe opponitur, aut his quæ annexa sunt eius immunitati, ut est effusio sanguinis, vel feminis humani; qua diuinus impeditur cultus, ad quem habendum ecclesia sanctificatur, & violentæ extractiones, quæ immunitati eius aduersantur, & his similia, & idem docet Tom. 1. opusc. tr. 31. resp. 12. & Nau. cit. n. 20.

17 Hinc inferrur primo, quod omnis actio, quæ est contra libertatem, & immunitatem ecclesiasticam, necessario confitenda sit, ut est extractio confugientis ad ecclesiam, contra c. inter alia. de immunit. eccl.

18 Infertur secundo, quod existens extra ecclesiam, si tamen habet voluntatem occidendi, vel furandi, vel habendi rem cum aliqua, aut alia similia faciendi intra ecclesiam, confiteri tenetur se habuisse voluntatem hæc facien-



tiendi intra ecclesiam. Qui vero cum intra ecclesiam sunt, cupiunt ista facere, nō tamen intra, sed extra ecclesiam, non tenentur confiteri se habuisse talem malam voluntatem in ecclesia, sed satis erit dicere, se habuisse malam voluntatem occidendi, furandi, vel luxuriandi, sine eo quod exprimant se habuisse malam illam voluntatem in ecclesia.

19 Infertur tertio, quod qui est in ecclesia, & ex conspectu alicuius cupit rem habere cum aliqua, aut inimicum occidere, quem ibi cōspicit, non descendendo tamen ad considerationem loci sacri, vel non sacri, non tenetur circumstantiam loci sacri confiteri, nisi forte illa mente fuerit, ut data ei turpitudinis peragenda oportunitate intra ecclesiam, ibi eam peregrisset, hoc enim casu teneretur loci circumstantiam confiteri, cum voluntate, & proposito maleficia distinguantur. c. cum voluntate, de sent. excom.

20 Infertur quarto, non teneri nos confiteri invidiam, superbiam, gulam, avaritiam, perurium, & his similia in ecclesia commissa, quia hec nec sanctitati, nec libertati loci sacri specialiter repugnant. Nau. cit. n. 21.

*De circumstantijs temporis, personæ, modi,  
& scandalii confitendis.*

*Cap. IX.*

*S V M M A R I V M.*

- 1 *Temporis circumstantia, an, & quando confitenda.*
- 2 *Finis præcepti, non est de præcepto.*
- 3 *Peccatum mortale an magis aduersetur obseruantia diei festi, quam opus manuale.*
- 4 *Temporis circumstantia quibus casibus confitenda.*
- 5 *Personæ circumstantia an confitenda.*
- 6 *Melior quando grauius peccat, quam minus bonus.*
- 7 *Circumstantia modi, quo peccatur, an confitenda.*
- 8 *Circumstantia scandalii an confitenda.*
- 9 *Publicè peccans, cum intentione, ut alium in peccatum inducat, circumstantiam hanc confiteri tenetur.*
- 10 *Opus indifferens, speciem tamen mali habens, & ruinæ occasionem præbens, confitendum.*
- 11 *Coram alijs peccans, an teneatur hanc circumstantiam confiteri.*
- 12 *Veritas rei ex mente authoris declaratur.*

2 **P**rimo circumstantia temporis necessario confitenda non est, nisi quando peccatum ipsum esset opus manuale prohibitum fieri die festo; vel nisi quis ea mente peccaret ut ipsum violaret. Et idem dicendum de circumstantia diei, qui deputatus est ieiunio, vel orationi. Nau. in cap. consideret num. 22 de pœn. d. 5. Et ratio est, Quia nullo præcepto speciali prohibetur fieri peccatum mortale in die festo. Illud enim Exod. 20. Non facies opus seruile; prohibet tantum opus manuale mechanicum, quod propriè dicitur seruile, teste S. Thoma 2. d. 37. art. 5 q. 2. ad secundum. peccatum autem mortale præcepto isto non prohibetur, cum

non sit propriè seruile, sed metaphoricè tantum. Impropriè enim dicitur seruus, qui peccat mortaliter, Ioan. 8. sicut impropriè dicitur auaritia idolorum seruitus. Ephel. 5. ut tradit S. Thom. 2. 2. quæst. 118. art. 3. ad quartum unde cum è sacra scriptura non colligitur argumentum efficax, nisi iuxta sensum literalem ex S. Tho. 1. p. quæst. 1. art. fin. ad primum & secundum sensum literalem & proprium, appellatione seruiiū veniūt sola mechanica Manualia, & non peccata; solo eo præcepto huiusmodi opera Manualia prohibentur; maximè cum multa peccata mortalia sunt omnino mentalia, quæ nullo modo inter opera manualia numerari possunt. Nau. cit.

2 Deinde ut docet Sanct. Thom. 1. 2. quæst. 100. art. 9. & 2. 2. quæst. 44. art. 1. finis præcepti non est de præcepto, & proinde illo præcepto Decalogi de non laborando in Sabbato, non præcipitur finis illius, qui est quies in Deum per gratiam, sed id quod est medium, quo quis peruenire possit ad quietem illam, scilicet quies corporea, & cultus exterior, quo in interiorem inducamur. Neque enim arctius ligat Christianos cultus diei Domini, & festorum ex præcepto, quam Iudæos præceptum de colendo Sabbato; Iudæis vero præcipiebatur tantum quies corporea, & cultus exterior, & non interior, ut S. Tho. 2. 2. quæst. 122. art. 4. ad quartum & Caiet. ibid. tradunt, & ideo Christianis quies interna non præcipitur. Quam opinionem clarè docent Victoria, Caiet. 1. q. 7. art. 12. & 2. 2. quæst. 122. art. 4. & in summa verb. Dies festos. & tom. 1. opusc. tract. 18. q. 3. & Syluest. in Verb. circumstantia. quæst. 3. & verbo Dominica. q. fin. & in Rosa aurea. casu 93. ubi ait omnes Doctores Ordinis S. Dominici conuenisse, & determinasse hanc temporis sacri circumstantiam, neque necessario confitendam esse, neque illud doctrinæ S. Thomæ conuenire. Idemque habetur libello concordantiarum oppositionum dictorum D. Tho. dub. 148. & Nau. cit. n. 32.

3 Nec his, quæ diximus, obstat, quod peccatum mortale magis aduersatur obseruantia diei festi, quam alia opera manualia, ex S. Thom. 2. 2. q. 122. art. 4. ad tertium, & S. Aug. in lib. de decem chordis, ubi ait, melius esse in die festo lanam facere, quàm tota die Næomenijs impudice saltare. Quia hinc tñ probatur peccatum mortale magis aduersari finis illius præcepti cum finis tñ illius, quàm omnis alterius præcepti, sit charitas. Tim. 1. cui maxime repugnat peccatum mortale. Non tñ repugnat magis peccatum mortale ipsi præcepto, quam opus manuale; in quo præcepto prohibentur solum opera manualia: constat autem aliud esse id quod præcipitur, aliud finem, in quem præceptum tendit, secundum ea quæ tradit S. Tho. 1. 2. q. 170. art. 9. verum etiam est, quod ait S. Augustinus, maius peccatum esse die festo lasciuè saltare, quam texere, arare, fodere; siquidem impudicius



# De circumstantijs temporis &c. Cap. IX. 13

præcepto Diuino naturali repugnat, arare ve-  
ro & texere tantū contraria sunt legi diuinæ  
positiue. Quod autem in c. cōsideret. de pen.  
dist. 5. dicitur, circumstantiam temporis confi-  
tendam esse, nihil nostro proposito obstat,  
quia id, sicut alia multa dixit ibi S. Augusti-  
nus consulendo, non præcipiendo. Naua. cit.  
num. 37.

4 Non est igitur circumstantia temporis ne-  
cessario confitenda, nisi quando peccatum ip-  
sum esset opus manuale prohibitum fieri die  
festo; vel nisi quis ea mēte peccaret, vt ipsum  
festum violaret, & idem dicendum est de cir-  
cūstantia diei, qui ieiunio, vel orationi est de-  
putatus: Si quis enim eo animo violet festum,  
vel frangat ieiunium, peccat mortaliter, & e-  
tiam circumstantiam cōfiteri tenetur, is enim  
planè violat seu violare vult diem festum. Vn-  
de fallitur Hal. qui 3. part. quæst. 2. memb. 5.  
ar. 2. docet peccantem mortaliter in die festo,  
duplex peccatum committere quantum ad  
reatum, licet vnum tantum sit quoad actum.  
Falluntur etiam Lyra Exod. 20. & Maior 4. d.  
17. q. 4. Anton. 3. par. tit. 17. c. 17. §. 5. & Adria-  
nus in 4. de confess. q. 4. col. 4. §. venio nunc.  
qui docet illo Decalogi præcepto prohiberi  
peccatum mortale. & Naua. cit. nu. 39.

Secundò, Circūstantia Personæ, quamuis  
aliquando auget delictum, & vtiliter manife-  
stat confessorio, non est tamen necessario  
confitenda, nisi peccatum voto, vel statui con-  
fidentis directè aduersetur. Naua. cit. num.  
50. & 88.

Dixi aliquādo circumstantiam personæ au-  
gere peccatum; ceteris. n. paribus magis pec-  
cat constitutus in dignitate, quam priuatus.  
c. Homo Christianus. d. 40. & c. 2. de translat. præ-  
lat. sic magis peccat prælatus, quam subditus.  
c. præcipue. 11. q. 3. & magis sciēs, quam igno-  
rans; & magis qui affectat ignorantiam quoli-  
berius peccet, quam qui scit. ca. excellentissimus.  
11. q. 3. Sic ceteris paribus magis peccat  
maritus adulterans, quam femina. c. indignā-  
tur. 32. q. 6. quia mulier est fragilior, & minus  
potens resistere tentationi. Item ceteris pari-  
bus, grauius peccat, qui coram pluribus pec-  
cat, tolerabilior enim est culpa, si lateat. 32. q.  
4. c. Nemo, quia plus dat scādali quod coram  
pluribus fit, glo. in d. c. Nemo. vnde etiam pec-  
cata graua & notoria etiam post pœnitentiā  
impediunt a celebratione, non autem regula-  
riter si sint occulta. c. fin. de temp. ordin. & c.  
vestra. & c. fin. de cohab. cler. & mul. & S. Th.  
1. 2. q. 73. ar. 8. & cap. præcipue. 11. q. 3. vbi di-  
citur, tot mortib. digni sunt prælati, quot per-  
ditionis exempla transmittunt; vno. n. peccan-  
te, infirmi percutiuntur. ca. si mala. 2. q. 5. vnde  
& fur occultus dupli, manifestus quadru-  
pli punitur. §. pœna. institut. de oblig. quæ ex  
delicto nascuntur. Nec obstat, quod mitius  
punitur clam cōtrahens cum consanguinea  
collaterali, quam qui palam, l. final. ff. de ritu  
nupt. quia ibi non sunt cetera paria, qui enim  
clam contrahit, præsumitur contrahere sciēs;  
qui vero palam, ignorans, ignorantia autem

si non sit affectata, minuit pœnam. Naua. in c.  
consideret. §. animaduertere. num. 2. & 3. de  
pœn. d. 5.

Item grauius peccat qui est melior, quam  
minus bonus, aut malus, c. consideret. de pen.  
dist. 5. vbi dicitur, Hoc quisq; peccator est cul-  
pa vilior, quo Deo erat acceptior. Et infra,  
Ideo Adam plus peccauit, quia omni bono  
abundauit. Quo enim quisque maior est vir-  
tute, & sapientia, eo facilius peccato resistere  
potest, & ingrator est Deo qui eum maiori-  
bus donis ornauit, & plus suo exemplo alios  
destruit; & ideo plus peccat, ex S. Thom. 1. 2.  
quæst. 73. art. fin.

6 Hæc autem quæ diximus, intelligenda sūt  
de illo meliori, qui ex contemptu, vel coram  
alijs, aut contra suum votum peccaret: Nam  
ille melior, qui ex ignorātia, vel subreptione,  
ac in occulto in alijs, quæ contra sua vota nō  
sunt, peccat lenius ceteris paribus delinquit;  
quam alius malus, vel minus bonus, vt docet  
S. Th. 2. 2. quæst. 186. art. 1. & Naua. in c. confi-  
deret. §. ingratus. num. 4. de pen. dist. 5.

Quod si quis contra hæc dicat, nulli nocere  
debere suam bonitatem, sicut nulli prodesse  
debet sua malitia. cap. 1. de postul. præl. & c.  
Quanto. 2. q. 5. facilis est responsio, Nemini.  
n. tua virtus nocet. non. n. crescit peccatū me-  
lioris ex maiore illius virtute, sed potius ex il-  
lius abusu, quo. n. quisq; melior est & peccat,  
magis abutitur ijs, quæ Deus ei dedit, bonis.  
Sed neq; huic veritati obstat, quod Deus non  
sit acceptor personarum; Rom. 2. & proinde  
non magis punire debet bonum peccantem,  
quam malum; Non enim est personarum ac-  
ceptio, quando melior magis punitur, quam  
alius, eo quia ingrator fuit, & magis pecca-  
uit. Naua. in d. §. ingratus. num. 4.

Dixi tamen, circumstantiam hanc personæ  
non necessario confitendam esse, quia non  
mutat de vna in aliam speciem.

Dixi, Nisi peccatum voto, aut statui confi-  
tētis directè aduersetur, quia si religiosus for-  
nicatur, iam transit in sacrilegium. Ceterum  
si religiosus blasphemet, solius blasphemæ  
reus erit, sicut & quilibet alius blasphemans,  
vt tradit Caiet. 1. 2. quæst. 7. art. 1. & Naua. in c.  
consideret nu. 50. de pœn. d. 5.

7 Tertio, circumstantia modi, quo delinquitur,  
auget nonnunquam peccatum, grauius.  
n. est alio quā alio modo peccare c. origo. 32.  
q. 4. quia tamen modus peccandi raro mutat  
speciem, ideo raro circumstantia hæc confiten-  
da erit. Naua. cit. n. 80. 81. Immo consulunt oēs  
Doctores vt hic modus in peccatis venereis ta-  
ceatur, & parum, vel nihil in eo confitēdo im-  
moretur penitēs, & minus confessorius in in-  
terrogando propter vtriusque periculum cui  
randū. ex S. Anton. 3. p. tit. 17. c. 17. §. 3. Ange-  
lo Verb. in interrogationes. §. 9. & Doctores cō-  
muniter in 4. dist. 16. Ratio est, quia delectabi-  
le carnis, quanto magis in particulari cōfide-  
ratur, tantum magis appetitum mouet, aucto-  
re Arist. 3. Ethic. & tradit S. Tho. in illa dist.  
16. q. 3. ar. 2. quæstiuncula 4. vnde qui cum fe-  
mina



mina osculo, tactu, aut pollutione extra vas naturale peccauit, illud simpliciter confiteri debet, reticendo corporis partem, & modos.

- 8 Quarto, vt sciatur an circumstantia scandali necessario confitenda sit, supponendum est, scandalum esse dictum, vel factum minus reatum præbens occasionem ruinæ. ex S. Hieron. in Matth. 18. & S. Tho. 2. 2. q. 43. art. 1. vbi per verbum illud *Præbens occasionē ruinæ* nō debet intelligi, quod actus ille debeat esse necessario ex sua natura malus, sed quod fiat mente, & intentione scandalizandi, aut quod talis sit, quod verisimiliter, & probabiliter videntem, aut audientem ad peccatum, & ruinam prouocet. Nau. in c. cōsideret. §. animaduvertere. n. 9. de pœn. distin. 5. Quibus positis tria dicenda sunt.
- 9 Primo, Quod qui publicè ea intentione peccat, vt alium in peccatum mortale inducat, necessario talem circumstantiam confiteri tenetur? Hoc enim est peccatum scandali formaliter; & directè opponitur præcepto de non scandalizando proximum. Matth. 18. & patet ex c. Nihil. de præscrip. & in hoc omnes conueniunt; & ideo cum hoc sit speciale peccatum scandali, ex S. Thom. cit. art. 3. & omnia peccata in sua sunt specie confitenda, etiā & hoc peccatum speciale scandali debet in confessione aperiri. Immo non solum confitendum est dictum, aut factum aliquod ea mēte vt alius ad peccatum mortale prouocaretur; sed etiam addendum est genus peccati, ad quod prouocare intendebat: vt satius ipsa species exprimat. Siquidem acta non solum ex obiecto, sed etiam ex fine suam speciem in genere morum sortiuntur, secundum S. Th. 1. 2. q. 18. ar. 4. 6. & 7. c. cum minister. 23. q. 5. & c. cum voluntate. de sent. excom. & Naua. in d. c. consideret. num. 117.
- 10 Secundo, Faciens opus quod est ex genere suo bonum, vel indifferens, tamē propter speciem mali quam habet, occasionem præbens ruinæ tale peccatum cum sub nulla alia specie peccati contineatur, quam sub specie scandali, necessario confitendum est; constituit. n. speciale peccatum scandali, vt notauit Caiet. 2. 2. q. 43. ar. 1. omnia autem peccata sunt in specie sua confitenda.
- 11 Tertio dubiū est inter Doctores, An quando aliquis mortaliter peccat coram alijs, non tamen ea mente, vt alijs occasionem peccandi præbeat, an tunc confitenda sit circumstantia scandali. Adrianus. n. in 4. de confess. q. 4. colum. 4. & Ioan. Maior. 4. dist. 38. q. 3. & Syluest. in Verb. scandalum. q. 2. in fine dicunt esse confitendam. & fauet Palud. in 3. dist. 38. q. 6. colum. 2. vbi ait, paria esse facere aliquid, quod cures alium ad mortale ducere, & facere aliquid quod suapte natura est ad illud inductiuum. Quod ipsum docet S. Anton. 2. p. tit. 9. capit. 3. §. 4. colum. 1. & 6. dicens feminam peccare mortaliter, quæ credens & aduertens, aliquem eius visu cadere in eius concupiscentiam. parui facit illud, & se illius aspectui indifferenter offert, non vt eum inducat

in eā concupiscentiam, sed tātum vt propria leuitati, & voluntati satisfaciat, excurrens forte per vias, manens in ostio, aut in fenestra. quo sua pulchritudo laudetur, vel obliuiam vanitatem. Pro qua opinione facit, quod qui dicit aliquam contumeliam alicui, non quo ipsum dehonestet, sed quo forte corrigat, vel cum eo iocetur, si sequatur dehonestatio, erit contumelia, secundum S. Thom. 2. 2. quæst. 72. artic. 2. Sed etiam qui alicuius malum ex sola animi leuitate, sine animo illum infamandi, profert, si exinde sequitur infamia, erit peccatum detractionis, & necessaria erit famæ restitutio. ex eodem S. Th. 2. 2. quæst. 73. artic. 2. Sicut ergo id quod est detractio materialiter, & per accidens, reducitur ad speciem detractionis, si fama lædatur; Similiter ad contumeliam, si honor lædatur: ita etiam scandalum per accidens, si inde sequatur ruina alterius, ad scandalii speciem reducitur, & consequenter confitendum erit.

- 12 In hac re valde quotidiana, & scitu digna, dicendum est, Quod quoties peccatum a tali persona fit, & coram talib. quibus probabile est, & verisimile nouam ruinæ occasionem per illud dari, toties necessario circumstantia confitenda est, in quo sensu vera est Adriani, & aliorum opinio; Quando autem coram talibus peccatur, quibus non est probabile, nec verisimile dari per illud nouam ruendi occasionem, tunc non est necesse huiusmodi circumstantiam confiteri, verbi gratia, fornicatur quis coram eis, qui ad fornicandum parati erant; vel ferit aliquis ense alterum coram viris mansuetis, de quibus credere par est, eos tali percussione non esse ad percussorem alliciendos; & quoties quis exinde non verisimiliter creditur peccaturus, toties circumstantiam hanc confiteri non est opus. Nauar. cit. num. 9.

Hinc inferitur, non sufficere actionem ex se malam, & sua natura ruinæ occasionem alijs præstantem, ad constituendum aliquid in vera specie scandali, nisi & qualitas illorum, coram quibus ea fit, verisimilē faciat viro prudenti occasionem cadendi dedisse, licet forte ipsi non peccarent.

*An, et quando circumstantia dubietatis animi confitenda sit. Cap. X.*

#### S V M M A R I V M.

- 1 Faciens aliquid, de quo dubius est, an faciendum sit, nec ne, num teneatur id confiteri.
- 2 Contra conscientiam aliquid faciens peccat.
- 3 Adriani opinio de faciente aliquid, de quo dubius est, recensetur.
- 4 Dubia an, & quando confitenda.
- 5 Circumstantia dubietatis animi communiter confitenda non est.
- 6 Circumstantia conscientie, vel dubietatis, communiter speciem peccati non mutat.

Difficultas



**D**ifficultas inter Doctores est, an qui facit aliquid quod sibi putat non faciendum, vel fecit aliquid quod dubitabat an illud esset mortale, necne, teneatur non solum confiteri se peccasse, sed etiam addere debeat, se scienter, seu contra conscientiam id fecisse, seu fecisse id, de quo dubitabat an peccatum mortale esset, nec ne. In qua re quædam certa sunt, quædam dubia, & incerta.

2 Primo certum est, omne quod fit contra conscientiam, siue verè, siue falso distantem aliquid esse peccatum mortale, illud esse peccatum mortale; *Omne enim, quod non est ex fide, peccatum est.* Rom. 14. Vbi glossa dicit, omne quod est contra conscientiam, ædificare ad gehennam. & habetur in ca. si. de præscr. & c. omnis. §. illud 28. q. 1. & clarius docet S. Th. 1. 2. q. 19. ar. 5. & 6. & ibi Caiet. & idem S. Th. quodl. 8. ar. 13. ait, eum qui facit aliquid, quod est ei dubium, an sit mortale peccatum, peccare mortaliter. talis. n. facit contra legem specialem, Eccl. 3. Qui amat periculum, peribit in illo, & specialem habet cum ratione repugnantiam, quod quis periculo perdendi amicitiam Dei, propter amorem sui, vel alterius, se exponat. Nau. in c. consideret nu. 52. de pen. dist. 5.

3 Secundo, Adrianus in 4. de confes. q. 4. col. 4. existimat talem circumstantiam esse confitendam, hac ratione ductus, quod omnis circumstantia specialem habens cum ratione repugnantiam, seu lege speciali prohibita, siue quæ sola efficeret actum mortalem, etiam si aliunde non esset malus, sit necessario confitenda, qualis circumstantia est, facere aliquid quod quis dubitat esse peccatum mortale, aut quod quis contra conscientiam facit.

4 Ceterum his non obstantibus, non necessario confitenda est talis circumstantia, quamuis. n. circumstantia conscientie, vel dubietatis animi, contra quam peccatur, sit aliquando circumstantia quæ mutat speciem, & ideo necessario confitenda, illud tamen solummodo verum est in his quæ non alia de causa peccata sunt; nisi quia contra conscientiam erroneam, vel dubiam facta sunt, sed in hoc casu non tam censenda est circumstantia, quam lex, contra quam peccatur, priuata & erronea ligans eam habentem. Nau. cit. nu. 70.

Præterea, cum circumstantiæ non semper in speciem specialissimam exprimendæ sint, & peccatum tam contra conscientiam factum, quam contra ipsius dubietatem admissum reduci possit ad vnam speciem, ad peccata, scilicet contra legem animi facta, & propterea confitenda; quicunque tamen confitetur se peccasse, satis videtur illam circumstantiam confiteri, qui. n. confitetur se peccasse, nisi addat se ignoranter errasse, implicite confiteri videtur se scienter deliquisse; Qui. n. confitetur ea, quæ sunt contra legem naturæ, vel diuinam, sunt peccata, illa confitetur quæ ab omnibus fere sciuntur, vel sciri debent esse peccata. c. ignorantia. de reg. iur. in 6. Qui vero confitetur ea, quæ contra leges humanas sunt peccata, etiā confitetur ea, quæ ab omnib. præsumuntur sciri

esse peccata. c. si. de const. & proinde omnes, qui peccata sua confitentur, præsumuntur a confessario sciuisse illa fuisse peccata, quando ea commiserint, nisi addant se ignoranter illa commisisse, tunc. n. quod sit contra legem, peccatum non esset, nisi is qui facit illud, vel sciret illud, vel scire deberet esse peccatum. cap. 2. de const. ignorantia. n. inuincibilis, seu (vt loquuntur Canonistæ) probabilis excusat a peccato, ex S. Th. 1. 2. q. 76. ar. 3. & c. Apostolicæ. de cle. excom. ministr. & ibi Pan. maxime cum scientia, non sit circumstantia peccati, quæ mutat speciem peccati, sed tantum quid necessarium ad hoc, vt lex liget, & ad hoc, vt dicatur peccatum quod contra legem fit. vt docet Caiet. 1. 2. q. 77. ar. 4. & Nau. cit. nu. 72. & 73.

5 Hinc inferitur, quod cum circumstantia scientie, vel dubietatis animi, qua quis scit, vel credit esse peccatum, quod fit, aut raro, aut fere nunquam talis sit, quæ mutat speciem peccati, etiam si aliquando talis sit, quæ peccatum inducit, scilicet quando est erronea; ideo quando erronea non est, necessario explicanda non est; immo satis semper implicite exprimitur, quando exprimitur ipsum peccatum, nisi addatur ignoranter, & sine vilo dubio esse factum. Sicut enim qualitas quæ iure communi inest, vel ex narratis secundum ius commune colligitur, non necessario exprimi debet; vt si quis Archidiaconatū impetret, non oportet vt illum explicet esse curatum; quia iure communi cura ei inest, c. ad hæc. de offic. Archid. & tradit Rota decis. 13. de præb. in antiq. Et qui ait beneficio quod impetrat, inesse potestatem, & necessitatem audiendi confessiones, satis exprimit, illud habere curam, secundum eandem decisionem: ita pari modo iure communi præsumitur, eum qui peccauit, scienter peccasse, ideoque qui confitetur peccasse, confiteri videtur se scienter peccasse; & consequenter quæuis confitens non dicat expresse se scienter, vel dubio animo peccasse, sufficienter sua confitetur peccata, nec tenebitur ad iterandam confessionem eorum peccatorum, quæ sciens; vel animo dubio admisit Nauar. cit. num. 58. 59. & 73.

6 Quamuis autem circumstantia mutans speciem, & specialem habens cum ratione repugnantiam, uel lege speciali prohibita, necessario confitenda sit; quia tamen talis non est omnis circumstantia conscientie, vel dubietatis; sed sola illa, quæ erronea est, & cum alia lege speciali non concurrat; ideo talis sola confitenda erit, quæ conscientiam erroneam inuoluit: lex enim generalis quæ cum alia lege speciali concurrat, actui contra illam facto non dat specialem deformitatem, vt lex de declinando a malo, non dat specialem deformitatem homicidio, quod lege speciali prohibetur secundum omnes; & ideo lex illa de non contrahendo conscientie, vel non se exponendo dubio peccati, cum generalis sit, quando concurrat cum alia speciali, quæ vetat, illum eundem actum quem conscientia dicit non faciendum, non dat ei specialem de-



formitatem, dat autem quando non concurrat cum alia, & consequenter in hoc solo euentu, & non in illo, confitenda erit. Nauar. cit. num. 75.

*An oblitus confiteri circumstantiam necessario confitendam, teneatur iterum confiteri peccatum cum illa circumstantia; an vero sufficiat eam solum confiteri, non confitendo iterum peccatum. Cap. XI.*

S V M M A R I V M.

- 1 Oblitus confiteri circumstantiam necessario confitendā, an confessionem iterare teneatur.
- 2 Circumstantiam necessario confitendam scienter omit- tens, confessionem iterare debet.
- 3 Syluestri opinio de omitteute circumstantiam ex ignorā- tia refertur.
- 4 Circumstantiam necessario confitendam ignoranter omit- tens, solum circumstantiam prius omisam confiteri tenetur.
- 5 Vnico verbo multa peccata explicari possunt.
- 6 Circumstantias necessario confitendas qui ignoranter omi- serint, quid facere debent.

1 **V**Tres facilius intelligatur, exemplis manifestāda est; iurauit, verbi gratia, Petrus se nō percussurum sacerdotem. Item iurauit, vel vouit non blasphematurum, vel non fornicaturum, & tamen postea perensit sacerdotem, blasphemauit, fornicatus est: Postea verò adiens confessorem, confitetur percussorem clericum, blasphemiam, fornicationem, oblitus tamen est confiteri circumstantiam illam, scilicet, qd percussit, fornicatus sit, vel blasphemauerit contra iuramentum: Difficultas modo est, an iatis sit Petro dicere in secunda confessione, accuso me, quod ter licitum, & sanctum iuramentum fuerim transgressus; an vero requiritur etiam, vt iterum confiteatur se semel percutiendo clericum, secundo blasphemando, & tertio fornicando licitum iuramentum violasse?

2 Primo, certum est secundum omnes, si in prima confessione, ex industria omisit circumstantiam, confitendo solum peccatum, tenebitur in secunda confessione non solum peccatum cum illa circumstantia iterum confiteri, sed etiam hoc nouum peccatum de omissione debite circumstantiæ ex industria: sicut qui omitteret vnum peccatum mortale ex industria, & nouum peccatum committeret, & cō- fessionem iterare etiam teneretur.

3 Secundo, quando ex obliuione quis omisit circumstantiam in priori confessione, quāuis Syluester verb. confess. 1. q. 10. sub finem, velit confitendū esse de nouo peccatum simul cum illa circumstantia omisā, ait n. qd si circumstā- tia festi esset necessario confitenda, non sufficeret dicere, Decies vel centies peccaui dieb. festis, sed oportet addere, Talia decē, vel centum peccata in festis admisi, & ait, esse ma-

gnum errorem dicere contrarium. Et ratio pro hac opinione esse potest, quia status peccatoris confessario innotescere debet, qui tamen non patebit nisi confiteatur peccatum simul cum circumstantia omisā.

4 Tertio tamen dicendum est, sufficere confiteri in secunda confessione solum circumstantiam prius omisā, sine confessione peccati prius legitime confessi, & hoc siue confessio secūda eidē sacerdoti, siue alteri fiat. sic Ang. verb. interrogationes. §. 6. & Naua. in c. confideret. n. 105. de pœn. distin. 5. Neque. n. vlla lex est quæ probat peccatum cum circumstantia eidem confessario aperiendum esse, nisi quando vtrumq; memoriæ occurrit. Et deinde peccatum vere vna res est, quamuis varijs circumstantijs, quæ necessario confitendæ sunt, sepiatur, ex Rich. & alijs. q. dist. 19. & ita quamuis in genere morum dici possit multiplex, propter multas deformitates, tamen per modum prædictum confitendi, quo primo ipse actus, deinde circumstantia patefit, illi duplicitati satisficit. Præterea hac ratione optime etiam cognoscitur status pœnitentis, sicut. n. si quis omitteret confiteri peccatum mortale ex obliuione, secundum omnes, talis legitime confessus est, & eius status dicitur sufficienter cognitus confessario, quamuis ex obliuione, & inaduertentia illud omisit, ita a fortiori qui oblitus est confiteri circumstantiam solum, & cō- sequenter sicut ille tantum tenetur confiteri peccatum oblitum; ita iste circumstantiā oblitam: omnia. n. in vtroque casu pari modo se habent, & proinde sicut ille legitime confessus est, qui omisiss multis peccatis per obliuione, alia, quæ meminuit, est confessus: ita & iste, sed & sufficienter cognoscitur status pœnitentis; Nam dum primo confessus est peccatum, aperta est grauitas peccati, & status peccatoris quoad malitiam, quā habet peccatum ex parte obiecti, & prout est Dei offensiuum, quando vero postea in genere manifestatur actus & circumstantia in specie, patefacta est grauitas ipsius, & peccatoris status, quantum ad illam, cui consequens est, totam illius peccati malitiam esse confessario penitus patefactam, & ita satisfaciet sic confitendo, Feci pater quoddam malum in se, quod iam sum confessus, contra iuramentum, quod confiteri antea fui oblitus, & hoc sufficit, siue postea eidē confessario, siue alteri confiteatur. Immo sufficit dicere, Decies iuramentum licitum sum transgressus, qd oblitus antea non fui confessus. Nau. cit. n. 108. & 111.

5 Hanc ē sententiam tenet Caie. verb. confessionis septima conditio. & To. 1. opusc. trac. 5. q. 3. docens posse nos vno verbo centum periuriam, & altero centum furta confiteri, & tamen in tot periurijs, & furtis multa inueniuntur circumstantijs necessario aperiendis. sentit ergo sufficere, quod separatim peccatum, & separatim circumstantias oblitus confiteamur. 6 Hinc infertur, facile ac necessarium remedium illis, qui circumstantias necessario confitendas per ignorātiā, vel obliuionem mul-



# De Conditionibus Confess. &c. Cap. XII. 17

10 tempore tacuerunt; possunt enim supputa-  
tione secum facta secundum hunc modum  
confiteri: quasi decies loco sacro reuerentiam  
necessario debitam violauit. Aliquando per  
ea, quæ seclusa loci circumstantia non fuissent  
peccata; (qualia sunt iudicia secularia, & ma-  
gnæ occupationis contractus. c. decet. de im-  
munit. eccles. 6.) Aliquando per ea, quæ fu-  
issent peccata, sed venialia, (qualia sunt prædi-  
cta ob gloriam venialem facta.) Aliquoties  
per ea, quæ mortalia erant, (qualia sunt furta,  
fornicationes, & confugientium ad ea loca  
exemptiones, & extractions,) quæ tamen a-  
lias arbitror me, quoad sui obiecti malitiam,  
legitimè confessum ante hac fuisse. Nauar.  
cit. nu. 112. & 113. Sic etiam qui omisit confi-  
teri circumstantiam scandali formalis, quia sci-  
licet aliquid dixit, vel fecit, quo alius probabi-  
liter prouocaretur ad peccandum mortaliter,  
reputare secum debet, quoties verisimiliter a-  
liquid, siue de se bonum, siue malum, siue in-  
differens, ea mente & intentione fecerit, aut  
dixerit, quo alium ad peccandum mortaliter  
prouocaret, & tacitis alijs peccatis dicat, se to-  
tius verisimiliter id admisisse. Quamuis in hac  
circumstantia scandali confitenda, non solum  
confitendum est dictum, aut factum aliquod  
ea mente, vt alius ad peccatum mortale pro-  
uocaretur; sed etiam addendum est genus pec-  
cati, ad quod prouocare intendebat; quando  
quidem acta non solum ex obiecto, sed etiam  
ex fine suam speciem in genere morum for-  
tiuntur, secundum S. Th. 1. 2. q. 18. ar. 4. 6. 7. at-  
que Nau. cit. nu. 117.

## De Conditionibus Confessionis legi- timæ. Cap. XII.

### S V M M A R I V M.

- 1 Confessionis conditiones recensentur.
- 2 Confessio debet esse simplex.
- 3 Confessio humilis esse debet.
- 4 Confessio debet esse Pura.
- 5 Confessio Fidelis esse debet.
- 6 Confessio debet esse Frequens.
- 7 Confessio Nuda esse debet.
- 8 Confessio debet esse Discreta.
- 9 Confessio Libens esse debet.
- 10 Confessio debet esse Verecunda.
- 11 Confessio, Integra esse debet.
- 12 Integra debet esse confessio quantum ad mortalia, non autem quoad venialia.
- 13 Mortalia semel legitime confessa, non necessario sunt ite-  
rum confitenda.
- 14 Mortalia omnia, quorum quis memoriam habet confite-  
ri tenetur.
- 15 Confessio in specie facienda est, nec sufficit confiteri in  
genere.
- 16 Confessio debet esse Secreta.
- 17 Confiteri peccata sua per interpretem nemo tenetur.
- 18 Peccata sua scribere, quo memoria succurrat, nemo ob-  
ligatur.
- 19 Peccata sua coram alijs confiteri, an liceat.

- 20 Peccata sua manifesta publice confessario explicare nul-  
lus tenetur.
- 21 Peccata sua ne quis publice confiteretur, prudenter sta-  
tuit Leo Papa.
- 22 Confessio sacramentalis corporali presentia facien-  
da est.
- 23 Confessio qualiter debet esse Lachrymabilis.
- 24 Confessio Accelerata esse debet.
- 25 Confessio debet esse Fortis.
- 26 Confessio qualiter debet esse Accusans.
- 27 Penitens animo dispositus esse debet, vt Deo pro pecca-  
tis suis satisfaciat.

1 **V**ariæ sunt confessionis sacramentalis qua-  
litates, & conditiones quas referunt Do-  
ctores in 4. distin. 17. vbi S. Thom. quæst. 3. ar.  
3. quæst. 4. & S. Anton. 3. par. tit. 14. ca. 1. §. 2. &  
alii alibi; sunt autem numero sexdecim, quæ  
his versibus continentur.

*Sit simplex, humilis confessio, pura, fidelis,  
Atque frequens, nuda, discreta, libens, verecunda:  
Integra, secreta, lachrymabilis, accelerata,  
Fortis, & accusans, et sit parere parata.*

- 2 Primo igitur requiritur vt sit *Simplex*, idest, si-  
ne plica, & obscuritate verborum, ita vt clare  
a confessario peccatum intelligi possit, quod  
tunc maxime fit, quando ea omnia quæ ad  
quantitatem peccati cognoscendam pertinet  
clare exprimuntur, & ita vt confessarius scire  
possit an peccatum sit mortale, vel veniale, &  
cuius speciei; Nō. n. est satis in genere sua pec-  
cata confiteri: verbi gratia non satis est confi-  
teri se deliberate, vel motu primo desiderasse  
res turpes; vel preces horarias sine debita at-  
tentione recitasse; vel morosa, aut alia carnis  
delectatione detentum fuisse; quia huiusmo-  
di æquè de veniali, ac mortali intelligi possunt.  
vnde in hoc casu confessarius penitentem in-  
terrogare, & monere debet, vt simpliciter pec-  
cata sua confiteatur, absque huiusmodi ver-  
bis ambiguï, ita, vt quantitatem, & speciem  
peccati sciat, & an mortale, vel veniale sit, a-  
liquin non videtur sufficienter sua peccata  
confiteri. Naua. in c. fratres. n. 9. de pen. d. 5.
- 3 Secundo requiritur vt sit *Humilis*, ita vt peni-  
tens se miserum & infirmum agnoscat. Qui e-  
nim se iactaret non videtur satisfacere. vnde  
qui confitentur capite cooperto, genu non fle-  
xo, seu sedentes. aut coequitantes confessario;  
Item qui stantes confitentur, quamuis valide  
confiteri possunt, (cum hac confessionē non  
vitiant, si alia requisita adsint) si tamen ita si-  
ne vlla iusta causa confiteantur, peccant sal-  
tem venialiter, propter irreuerentiam, & im-  
modestiam. Nau. cit. num. 11.
- 4 Tertio requiritur vt sit *pura*, scilicet ab im-  
pertinentibus. c. pura. 3. q. 9. & ca. statutum. §.  
insuper. de rescrip. in 6. est enim peccatū saltē  
veniale, confessionem huiusmodi extraneis, &  
impertinentibus confusam facere. Maxime  
autē pura esse debet a peccatis alienis, ne in  
eo loco, & tempore distractionis, aut infama-  
tionis peccatum incuratur. Huiusmodi tamē



impertinentia, aut peccata aliena manifestata confessionem non vitiant, praesertim si poenitens non aduertat se peccare, aut si aduertat se peccare, peccati illius poeniteret, & illud confiteretur. Vnde confessarius & poenitentem admonere debet si in hoc errantem videat, & hortari ut illius poeniteat. Naua. cit. nu. 13.

5 *Quarto* debet esse fidelis hoc est, digna cui si des adhibeatur, hoc est verax: quale vero peccatum sit mentiri in confessione dicitur inf.

6 *Quinto* requiritur ut sit frequens, duobusque modis intelligitur. vno, ut qui frequenter peccat, frequenter confiteatur, quod solum est de consilio, vnde S. Thom. 4. dist. 17. q. 3. art. 3. q. 4. ait hoc facere, pertinere ad bene ipsius confessionis, non autem ad necessitatem. Est enim ad bene esse, quia confessio est optimum medicamentum timorē Dei conseruans, Non est tamen de praecepto, aut necessarium id facere, quia non tenetur homo pluries quam semel in anno ex praecepto regulariter confiteri. Altero modo, ut eadem peccata pluries quam semel confiteamur; secundum quem intelligendi modum etiam continet consiliū, iuxta illud S. Augustini, quanto pluribus confitebitur turpitudinem criminis, tanto facilius gratiam remissionis inueniet. ca. quem poenitet. de poenit. dist. 1. & hic est sensus germanus praesentis conditionis. Quamuis enim per primam confessionem & contritionem peccatorum remissa sint peccata quoad culpam, in sequentibus tamen confessionibus poena & satisfactio temporalis pro illis subeunda, in qua poena aeterna commutata fuit, minuitur, tum propter verecundiam confitendi, tum propter absolutionem sacramentalem, per quam non solum augetur gratia; sed etiam minuitur poena in purgatorio subeunda, ex Caiet. in opuscul. tom. 1. quaest. 4. in materia confess. Vnde utile est eadem peccata saepius cum consciētiā quiete confiteri, quamuis qui scrupulosi sunt, & ex tali scrupulositate confessiones suas saepius iterant, melius facient, si post sufficiens semel confessionem, & absolutionem cessant ab ulteriori confessione; in istis enim non ita utile est saepius confessiones iterare propter scrupulos vitandos. & Nauar. cit. nu. 30.

7 *Sexto* requiritur ut sit Nuda, ita ut non operiatur verbis quae peccati grauitatem, & turpitudinem obscurant, qui enim ita obscurant peccata ut confessarius ea non satis intelligat, non satisfacit, ut enim dicitur in l. de aetate. ff. de interrog. actio. Nihil interest, an quis taceat interrogatus, an obscure respondeat, ut incertū dimittat interrogatorem. Nau. cit. num. 52.

8 *Septimo* debet esse discreta, tum in verbis, ut scilicet honestis vocibus explicentur peccata praesertim carnis; tum in circumstantiis explicandis, maxime in circumstantiis venereis; tū in modo narrandi, ita ut peccata quae simul exprimi possunt, non dicantur diuisim, verbi gratia, potest quis centum periuria vno verbo confiteri, dicens; centies peieravi; centies blasphemavi; centies rem notabilem furatus sum Caiet. tom. 1. tract. 5. q. 3. Nau. in c. consideret.

n. 110. & in c. frates. nu. 53. de poen. distin. 5.

9 *Octauo* requiritur ut sit lubens, id est, voluntaria omnino propter Deum, vel saltem principaliter propter Deum, quamuis impellatur minus principaliter ad id timore infamiae, vel verecundiae. Vnde satisfacit praecepto confessionis qui principaliter confitetur ut veniam peccatorum a Deo impetret, quamuis forte non fuisset confessus, nisi timor infamiae ipsum ad id impulisset. Res. n. iudicari debet secundum id quod est principale. c. non dubium. de sent. excom. Sicut non committit simoniam qui celebrat principaliter ob Deum, quod tamen non fecisset nisi precibus, vel pretio ad celebrandum inuitatus fuisset, ut docet Maior 4. dist. 25. q. 2. colum. 2. Neque canonicus qui principaliter eorum frequentat in Dei honorem, & obsequium, quamuis hoc non faceret nisi lucraretur quotidianas distributiones; & ita quamuis Petrus non fuisset peccata confitetur, nisi pudor, aut timor eum ad hoc impulisset, si tamen his impulsus principaliter confiteatur ut pareat praecepto, & ut sua peccata sibi condonentur, sufficienter confitetur, dummodo cetera interueniant. Naua. d. cap. fratres. num. 58.

10 *Nono* debet esse verecunda; debet enim verecundiam poenitens & intus habere, & praesens quoad confessarium ferre. vnde qui confitetur peccata, quasi historiam aliquam narrando, vel se de illis iactando, nulla ex parte erubescens, quo ad confessarium, neque quoad se, non uidetur satisfacere. c. quem poenitet. de poen. dist. 1. & Nau. cit. nu. 59.

11 *Decimo* requiritur ut sit integra; confiteri enim debet omnia peccata sua, non solum quae dicto, aut facto exteriori, sed etiam quae interna voluntate admisit. c. omnis. de poen. & remiss. ut etiam tradit Concilium Florentinum in §. quartum est. in decreto Eugenij 4. & nuper etiam definiuit Tridentinum sess. 14. c. 5. & can. 7. Immo etiam & peccata reservata, quorum absolutionem confessarius praestare non potest cum alijs illi aperienda sunt. Nau. cit. nu. 61.

12 Intelligitur autem conditio haec primo, de mortalibus, (non autem de venialibus) quae vel confessarius nouit esse mortalia, vel certe dubitat esse talia secundum omnes; quamuis qui dubitat, vel opinatur esse mortalia, pro dubitatis vel opinatis confiteri debet, non pro certo mortalibus, secundum omnes. Venialia autem licet utiliter, & sancte confiteri possunt, non sunt tamen necessario confitenda, ut definit Concilium Tridentinum sess. 14. c. 5. Hoc autem quod diximus, quod non sit necesse confiteri venialia, intelligitur, quando non probabiliter dubitatur an sint mortalia, tunc enim sub dubio necessario confitenda sunt; Extra hunc tamen casum, quamuis utile sit illa confiteri, cum & illa etiam sola sine mortalibus, iuxta materia sacramenti poenitentiae esse possint, ex S. Thom. 4. distinctio. 16. quaest. 10. 2. art. 2. quaest. 3. & Naua in c. quem poenitet. n. 9. de poen. d. 1. & in c. quotidianis. de poen. dist. 3. & in Manu. c. 21. n. 33. non est tamen necessarium

Secundo



- 13 Secundo intelligitur hæc conditio de mortalibus peccatis nondum legitime confessis: non enim tenetur quis mortalia semel legitime confessa, iterato confiteri. ex S. Th. 4. d. 16. cit. & quolib. 1. q. 12. & alijs omnibus.
- 14 Tertio intelligitur de mortalibus, quorum memoriam habet tempore confessionis, post debitum conscientie sue examen, vt colligitur ex Concilio Florentino vbi supra. Vnde si quis diligentiam debitam non adhibuit, quo sua peccata memorie occurrerent, vel si crasse ignorat, vel non dubitat esse mortale, quod deberet scire, vel dubitare tale esse, confiteri tenetur, non solum ea, quæ oblitus fuit, vel ignorauit esse peccata: sed etiam ea quæ cum tali obliuione, & ignorantia confessus fuerit, vt communis opinio cum Rich. in 4. dist. 17. art. 2. q. 6. tradit, & satis euidenter colligi potest ex Concil. Tridentino, sess. 14. cap. 5. & fusius explicat Ioan. Gerlon 2. par. fol. 191. cap. quæritur sub finem. Naua. in d. c. fratres num. 64. & 65.
- 15 Quarto, non sufficit vt quis confiteatur in genere se peccasse in cogitando, loquendo, & operando, talis enim confessio generalis nõ sufficit, sed debet aliqua peccata in specie confiteri; vnde si quis venit ad confessionem, & nullum peccatum in speciali confitetur, quod frequenter accidit in ijs qui frequenter communicant: à confessario monendi sunt, vt confiteantur aliqua, vel aliquod peccatum saltē veniale, etiam ante confessum, si aliquod nõ dum confessum non habeant, vt absolutio sacramentalis illi detur, quia de substantia confessionis sacramentalis est alicuius peccati confessio in particulari. ex S. Thom. 3. part. q. 84. art. 2. Nau. in c. fratres. n. 9. de pœn. d. 5. & Manu. c. 2. n. 5. & sufficit quod sit alicuius venialis confessio ex eo. S. Thom. 4. dist. 16. quæst. 2. art. 2. & dist. 16. quæst. 3. art. 2. q. 3. Nau. in c. quem pœnitet. n. 9. de pœn. d. 1.
- 16 Vndecimo debet esse *Secreta*, quod tripliciter intelligi potest: Primo; ita vt nemo teneatur confiteri peccata sua alijs audientibus. c. quis aliquando. §. secreto. de pœn. d. 1. & ca. omnis. ibi solus, de pœn. & remiss.
- 17 Hinc infertur primo, neminē teneri ad sua peccata per interpretem confitenda, quamuis id facere possit, quando confessarius confitentis idioma non intelligit. ex Scot. in 4. distin. 17. quæst. col. 2. & Caiet. in summa. verb. confessio. in conditione 11. confessio. nis. vbi ait, etiam mutum scientem scribere, posse per scripturam confiteri, quam suis manibus legendam exhiberet confessario, non tamen ad id teneri, sed satisfactorium, si nullo meliori modo quo potest, confiteatur. Quo etiam modo intelligendi sunt S. Tho. 4. dist. 17. quæst. 3. art. 4. & Ioan. Maior. ibidem, quæst. 1. dum S. Thomas dicat confessionem per interpretem aliquādo faciendam esse, Maior autem id negat, siquidem id facere posse penitentē S. Th. ait, non autem ad id tenetur, vt rectē sentit maior. Nau. in c. fratres. n. 86. de pœn. d. 5.
- 18 Infertur secundo, neminem teneri peccata sua scribere quo memorie succurrant, quamuis id licitum sit dum cautē fiat, vt tradit Caiet. & ante eum Maior: in 4. d. 17. q. 2. dicens aliquando teneri hominem sua peccata scribere, vel confiteri ante quadragesimam, quod dictum eius intelligi debet in eo, qui aduertit se verisimiliter non recordaturum in quadragesima, neque vnquam postea tempore oportuno illa peccata, nisi scripta habuerit, de tali enim homine dicendum est, teneri vel ad statim confitendum, vel ad scripturam memorie succurrendum, antequam ea obliuiscatur, aliās id solum de consilio est, non de præcepto. Nau. cit. n. 88.
- 19 Secundo intelligi potest hæc conditio, ita vt non possit quis licitē peccata sua fateri, tertio audiente cui fauet. d. c. quis aliquando. §. non tibi dico, vt te prodas in publicum. Sicut enim grauius est occidere se, quā proximū, c. si non licet. 23. quæst. 5. ita grauius est se, quā proximum infamare. cap. non sunt audiendi. 11. q. 3. quia non solum coram Deo, sed etiam coram hominibus prouidenda sunt bona, & curam de nomine bono habemus 2. Corinth. 8. & Ecclesiast. 41. Nau. cit. nu. 90.
- 20 Hinc infertur primo, neminem teneri ad confitenda sua peccata, etiam manifesta publicē confessario ex Ioan. And. in ca. omnis. de pœn. & remiss. Nauar. cit. nu. 91. 93. vnde quod in Extrauaganti quadam Sixti 4. contra Petrum Oxomensē, cuius caput est, licet ea. significatur, confessionem necessario esse debere secretam; non ita intelligendum est, vt substantia, & essentia confessionis sacramentalis sit secretum: sed quod Christus non præcepit illam fieri publice, immo quod regulariter non debeat publicē fieri. Quamuis aliquando in vindictam scelerum, & alios bonos fines rectē quis publicē confiteri possit, vt declarat Concil. Trid. sess. 14. cap. 14. Nau. in glos. summa. n. 31. de pœn. d. 5. & in Manu. c. 2. n. 5. maximē quando penitens ex magna contritione, & in terra aliena, vbi feruet inter homines penitentia, id facere contingeret.
- 21 Infertur secundo, prouidē fuisse cautum in c. quamuis. de pœn. dist. 1. à Leone Papa, ne homines publicē confiteri cogerentur. quamuis enim feruente diuino amore, parum olim pudebat homines fateri, quod malefecissent, eo quod grauissimē pudebat eos malefecisse: deficiente tamen postea charitate non ita expediens erat, vt sic publicē confiterentur. Nau. in d. c. fratres. n. 93.
- 22 Tertio intelligi potest conditio hæc, ita vt secreta sit, id est, quod facienda sit confessio sacramentalis corporali præsentia. ca. quem pœnitet. de pœn. dist. 1. Siquidem absolutionis forma, quæ habet, Absoluo te. præsupponit absoluentem esse præsentem. Vnde sequitur neque confessionem, neque absolutionem fieri posse per procuratorem, neq; per nuntium, neque per scripturam ita vt mittantur



- tatur a confessario confessio, & vicissim remittatur absolutio, dummodo id facere possit per se. Omnia enim sacramenta personæ propriæ actionem exigunt, cum suscipiuntur, excepto matrimonio, quod per procuratorem contrahi posse non est dubium. c. fin. de procur. in 6. & Nau. in c. quem pœnitet. n. 4. de pœn. d. 1. & in c. fratres. de pœn. d. 5. nu. 94. & Manu. cap. 21. nu. 36. In casu autem quo quis per seipsum confiteri nequit, non tenetur ad confitendum per alium, nec per scriptum, nec per interpretem. Si tamen id faceret, valeret confessio, & absolutio, quæ scriptæ mitterentur, secundum Paludanum in 4. dist. 17. q. 2. art. 1. & Adrian. in 4. de confess. q. 1. col. 6. & Naua. vbi supra.
- 23 Duodecimo debet esse lachrymabilis, id est, cum dolore & displicentia omnium peccatorum mortalium commissorum, cum proposito illa iterum non committendi, neque alia mortalia. cap. pœn. dist. 3. lachrymæ autem corporales etsi viles sint, & optandæ, non sunt tamen necessariae. In hac autem re opus est prudentia in confessario; grauer enim errant quidam confessores, dum interrogant pœnitentes, an displiceant eis peccata commissa super omne odibile particulare puta mortem, paupertatem &c. aut, an proponant vitare mortalia super omne vitandum, puta direptionem, unde nullo modo ad huiusmodi particularia confessarius descendere debet, sed si merito dubitat de nimium tenui pœnitentis displicentia, vel proposito vitandi solum aliquibus bonis, & sanctis motiuis, eum ad dolorem de peccatis concipiendum hortetur. Naua. in d. c. fratres nu. 97.
- 24 Decimotertio requiritur, vt sit accelerata; Quæ conditio est solum de consilio, & de bene esse confessionis, vt optime docet S. Th. 4. dist. 17. q. 3. art. 3. quæstiuncula 4. Quamuis enim debet homo habere propositum saltem virtuale confitendi tempore debito, quia sine illo contritio non contingit; non tamen tenetur regulariter sub nouo peccato confiteri nisi semel in anno, dummodo non occurrat articulus necessitatis, aut summenda sit Eucharistia, & adsit copia Sacerdotis. Nau. cit. nu. 99.
- 25 Decimoquarto debet esse fortis, ita scilicet vt nulla verecundia, nullus timor pœnitentem à confitendo dehortetur, unde qui nullatenus per se solum confessurus fuisset peccata, ob ruborem fortassis ipsum vincentem; si tamen interrogationibus Confessarii pulsatus omnia peccata sua confiteretur, satisfaceret confessioni. arg. c. 1. §. diligens de pœn. d. 6. Eo tamen casu monendus erit pœnitens, vt eum pœniteat eius pusillanimitatis, qua deterrebat à confitendis necessarijs, & ita suadendus est vt illud quoque peccatum quod commisit volendo aliqua occultare, cum alijs confiteatur. Cum enim sit sacrilegium velle aut proponere confessionem dimidiare, c. sunt plures. de pœn. d. 3. & omnia peccata mortalia confitenda sunt. cap. omnis. de pœn. & rem.
- consequenter & hoc propositum omittendi cōfitendum est, & de eo pœnitens, si hoc non aduertit, per confessarium admonendus est. ex d. §. diligens. & Nauar. cit. num. 102. 103.
- 26 Decimoquinto requiritur vt sit accusans, sibi nimirum quod peccauerit, non diabolo, non mundo, non carni. cap. Non est. 15. q. 1. Erit tamen sufficiens accusatio qua principaliter sibi peccata imputat, quamuis minus principaliter eadem imputet diabolo. cap. si enim. de pœn. d. 2. vel sensualitati propriæ iuxta cap. omnis ætas. 12. q. 1. & c. sicut tribus gradibus. de pœn. dist. 1. vel aliquibus alijs: qui etsi non potuerunt dare iustam peccandi causam: aliquam tamen occasionem dederunt. Nau. cit. nu. 105.
- 27 Decimo sexto debet esse parere parata, hoc est, vt pœnitens habeat animum Deo pro peccato suo satisfaciendi iuxta confessarii arbitrium. Hoc vero licet optimum consilium sit, modo Sacerdotis arbitrium sit æquum, non est tamen necessarium, aut de præcepto. Nau. cit. nu. 106. Hoc itaque modo breuiter explicatæ sunt qualitates confessionis Sacramentalis, de quibus nonnulla in sequentibus melioris & facillioris intelligentiæ causa explicanda sunt.

*An, & quale peccatum sit mendacium in confessione factum.*

*Cap. XIII.*

*S V M M A R I V M.*

- 1 Mendacium omne peccatum est.
- 2 Mendacium in confessione factum non est semper peccatum mortale.
- 3 Mendacium in confessione factum circa venialia, aut circa mortalia confessioni extranea, non est mortale.
- 4 Mendacium circa ea, de quibus à confessario interrogatur, non est semper mortale.
- 5 Mendacium circa veniale quo casu mortale esse possit.
- 6 Confitens veniale quod non commisit, cum alijs mortalibus commissis, non peccat mortaliter.
- 7 Confitens mortale, quod scit se non commississe, peccat mortaliter.

1 Quamuis in confesso sit apud omnes mendacium semper esse peccatum, iuxta cap. primum 21. q. 2. & c. super eo de vsur. & multo grauius in confessione dictum. Non est tamen ita certum quale peccatum illud sit. Nam Paludanus in 4. dist. 21. q. 2. ar. 1. ait esse peccatum mortale, propter irreuerentiam quandam sacramenti mentiri in confessionis iudicio, siue causa humilitatis, siue deliberatæ hypocrisis fiat, & S. Ant. 3. partit. 13. cap. 18. in sexta conditione, ait, qui aduertens in iudicio confessionis mentitur, maxime de mortali, peccat mortaliter. Sed & S. Tho. 2. 2. quæst. 69. ar. 1. ait, non teneri nos ad confitendum venialia, si tamen



ea confitemur, & mentiamur, peccamus mortaliter; Quia sicut vis iuramenti mendacium ex se veniale, facit mortale, ita vis iudicij de veniali facit mortale. Idemque clarius eo in loco affirmat Caietanus.

2 Alij tamen & verius docent non semper esse peccatum mortale in confessione mentiri. Nau. in c. fratres. n. 15. de pen. d. 5. Sicut enim in iudicijs mendacium de rebus leuibus, est tantum veniale, ita etiam in confessione mendacium de rebus leuibus, etiam ad confessionem pertinentibus veniale solum erit. Et sicut in omni materia surreptio, & leuitas rei secundum S. Thom. 1. 2. q. 88. ar. 5. & 6. & 2. 2. q. 35. ar. 3. & q. 59. ar. 4. & quaest. 66. ar. 6. excusant a mortali, ita etiam in iudicio tam interioris, quam exterioris fori excusabunt. Sed & tunc solum mendacium in iudicio dictum est mortale, quando ad illud iudicium ita pertinet ut ipsum iudicium peruertat, ut significat S. Th. 2. 2. q. 90. ar. 4. sub finem, dicens, Mendacium contra iudicium, vel doctrinam, esse mortale: Non dicit, quae in iudicio, & docendo mendacia sunt, esse peccata mortalia, sed tantum quae contra iudicium, & doctrinam sunt. Vnde etiam infert ibi Caiet. iudicem qui dum iudicat, aliquot mendacia miscet, non tamen contra iudicium, sed circa imperinentia, peccare quidem, non tamen mortaliter, & pari ratione dicendum est de mendacio in confessione, quod tunc solum est peccatum mortale, quando mentitur in confessione peccati mortalis nondum confessi, vel etiam peccati mortalis prius confessi quod tamen confiteri proposuit. vel etiam in confessione peccati venialis quod confiteri proponit, ut enim Caietanus ait, suo proposito confitendi fecit illud peccatum veniale iustam confessionis materiam, & ita tenetur id, quod super ea dicit, efficere verum. Naua. cit. n. 16. & 17. & 22.

3 Hoc autem quod diximus, intelligi debet de peccatis mortalibus confessis quae tamen proposuit confiteri, & etiam de venialibus, (quae siue prius confessus est, siue non) quae tamen proponit confiteri; Quia mendacia confessioni extranea, & imperinentia etiam circa mortalia, & etiam circa venialia, quae quis non proposuit confiteri, vel si proposuit, illud tamen propositum intra confessionis actionem reuocat, & mutat, non erunt mendacia mortalia. Nau. cit. nu. 18. Quia in his, quae a sola nostra voluntate pendent, & quae liberum est nobis confiteri, vel non, (qualia sunt confessio venialium, & etiam confessio mortalium prius legitime confessorum) donec in aliam transeant obligationem; puta voti, vel contractus, vel delicti, vel aliam, possunt pro libito nostro mutari. Et ita qui mentitur de veniali, vel de mortali prius legitime confesso, non censetur peccare mortaliter: Quia talis censetur vel non proposuisse illa confiteri omnino, & ita non peccat, vel si confiteri ea proposuerit ante confessionem inceptam, postea tamen ea non confi-

tendo, propositum suum intra confessionis actionem reuocasse censetur, & consequenter non peccat. Nau. cit. n. 19. & 20.

4 Hinc infertur, quod qui semel rem habuit cum muliere, vel aliquod aliud peccatum fecit, si interrogatur de his a confessario, Respondeat se non habuisse, vel non fecisse tale peccatum, eo quod vel non proposuit, quae prius legitime confessus est, iterum confiteri, vel si confiteri proposuit, saltem cum interrogabatur a confessario tacite reuocauit propositum ea confitendi. sciens se ad id non teneri, non peccat mortaliter. Naua. cit. nume. 23. & 24.

5 Quando autem poenitens nullum habet peccatum mortale, aut veniale quod confiteri tenetur, nec confitetur ullum quod vere commisit, sed aliquod veniale quod non commisit, in quo confitendo mentitur, talis mortaliter peccat confitendo hoc veniale quod non commisit, non tamen quia mentitur, sed quia quod non erat sacramenti confessionis materia, pro illa substituit, sic enim sacrilegium, & magnam irreuerentiam contra sacramentum committit, facit enim ut forma absolutionis inanis sit dum materiam non aptam, & super quam forma cadere non potest, profert: Non enim potest forma absolutionis cadere super peccatum quod nunquam fuit commissum, & ideo cum talis in hoc euentu nullum aliud confitetur peccatum, nec aliquam materiam nisi falsam substituit, irritatur forma absolutionis, & peccatum sacrilegij committit, iuxta ea quae tradunt Sanct. Thom. 2. 2. quaest. 99. ar. 1. 2. 3. & glossa in cap. sacrilegium 17. q. 4. & Nau. cit. nu. 27.

6 Dixi id esse mortale, quando poenitens non confitetur ullum peccatum quod admisit, si enim confiteretur cum alijs peccatis mortalibus, aut venialibus per ipsum admissis, aliquod peccatum veniale quod non commisit, quamuis sic mentiendo peccaret venialiter, non tamen mortaliter. Ratio autem quare in hoc casu peccaret tantum venialiter, in alio vero casu mortaliter, (cum tamen in utroque casu mentitur solum circa veniale non commissum) est, quia in priori casu, nulla est materia apta & idonea super quam forma absolutionis cadere potest. At vero in posteriori euentu est aliqua apta materia, potest enim poenitens velle ut forma absolutionis sacramentalis valeat eo modo quo potest, & ita vult saltem implicite, ut illa forma cadat super materiam illam quae apta est absolutioni, qualis sunt alia peccata mortalia, vel venialia per eum admissa, & ideo non irritatur in hoc casu forma sacramenti, sicut in priori casu contingit. Sicut & qui super panem, qui non solum est tritico, sed alia minus apta Eucharistiae materiae esset confectus, verba consecrationis proferrer, super aptam partem, & non super ineptam, verba consecratoria proferre censetur, in quo casu valida erit forma consecrationis super illam materiam



teriam consecrationi aptam. Naua. cit. nume. 27.

- 7 Hinc infertur, quod qui confiteretur se peccasse aliqua mortalia, quæ tamen scit non peccasse, aut qui dubitat an peccasset, & faretur se certo peccasse, peccare mortaliter. Nau. cit. n. 26.

Infertur secundo, quod opinio S. Thomæ & aliorum Doctorum, vt vera sit, intelligi debet de mendacio contra iudicium, vel doctrinam, & de peccato in confessione modis supra dictis, non autem de mendacio, quod iudicio, vel doctrinæ, vel confessioni impertinens est. Neque enim voluit Sanct. Tho. omne mendacium in iudicio esse semper peccatum mortale, cum 2. 2. q. 70. art. 4. dicat, quod mendacium in iudicio sit mortale ex genere suo, sicut qualibet alia iniustitia, per quod tacite significabat, in specie nonnunquam esse veniale. Nau. cit. nu. 22.

*Quibus casibus frequentanda, seu iteranda sit confessio.*

*Cap. XIV.*

*S V M M A R I V M.*

- 1 Iteratio confessionis ex quot fontibus oritur.
- 2 Confessio non ex eo iteranda est, quod sit informis.
- 3 Confessio quæ integra non fuit, iteranda est.
- 4 Confessio facta confessario, qui caret iurisdictione, nulla est, & iteranda.
- 5 Confessio iteranda est ob censuram, qua ligatur penitens.
- 6 Pœnitentiam iniunctam non adimplens, an confessionem iterare teneatur.

1 **V**arij casus ab authoribus annumerari solent, in quibus necessaria est confessionis iteratio, qui ex vno horum quinque fontium oriuntur, videlicet ex defectu confessarii, vel contritionis, vel confessionis, vel satisfactionis, vel inhabilitatis.

Primus casus, quo iteranda est confessio, est ex defectu contritionis, & doloris sufficientis in ipso pœnitente, quando scilicet, quis confitetur sine vlllo dolore peccatorum: vel cum dolore quidem peccatorum præteritorum, non tamen cum proposito sufficienti vitandi futura; qualis est, qui dolet se furatum, non tamen habet animum restituendi. Qualis item, qui dolet se fornicatum, non tamen proponit deliberate cōcubinam relinquere. Per talem enim contritionis defectum pœnitentia redditur non vera, cap. Quod quidam. de pœnitent. & remissio. quo casu neganda est absolutio, vt ibi habetur; Si enim penitens tacet huiusmodi propositum, non confitetur integre: Si autem cum alijs peccatis illud quoque propositum non confiteatur, inhabilem se reddit absolutioni; si-

quidem venia non datur nisi correcto. reg. Peccati. de reg. iur. in 6. & c. legatur. 24. q. 2. & ideo si absoluitur, sacrilegium admittit confitens suscipiendo, & confessarius dando absolutionem, propter irreuerentiam, quam sacramento faciunt. arg. c. illud. dist. 95. & cap. per Esaiam. 1. q. 1. & Naua. in cap. fratres. nu. 33. de pœn. d. 5.

- 2 Ceterum non iteranda erit confessio, si doceat de peccatis præteritis, & vitare proponat futura; licet non tam displiceant peccata, nec tam vitanda proponantur, vt ex his confietur contritio, neque attritio talis quæ cum sacramento faciat contritionem: quia cum nemo scire possit, an sit in gratia; Eccles. 9. & cap. fina. de purga. canon. neque etiam scire possit an sit contritus, contritio enim Dei amicum efficit. Neque etiam eo solo nomine iteranda est confessio, quod sit informis, idest, quod sine charitate & gratia fiat. secundum S. Thom. 4. distin. 17. questio. 3. articu. 4. & Caietan. questio. 3. de confess. sicut enim reliqua sacramenta vera esse possunt, dante, & accipiente illa peccato mortali infectis, etiam & sacramentum pœnitentiæ verum esse potest sine gratiæ productione, cum nullibi contrarium de sacramento pœnitentiæ statutum sit. Naua. cit. num. 36. & 37.

Secundus casus est ex defectu ipsius confessionis, quando scilicet confessio non fuit integra omnium peccatorum: vel quia præ verecundia tacetur aliquid necessario dicendum; vel tam crasse de confitendis cogitat, vt omittat ea, quæ communiter omnes confitentur; puta, si non haberet animum abstinendi à mortalibus, quod etiam mulierculæ solent explicare: vel si debitam diligentiam non adhibuit, quo sua peccata memoriæ occurrerent, vel si crasse ignorat, vel dubitat esse mortale, quod deberet scire, in quo casu confiteri tenetur non solum ea, quæ oblitus fuit, vel ignorauit esse peccata: sed etiã da, quæ cum tali obliuione, ac ignorantia confessus fuerit, vt docet Richar. 4. distin. 17. artic. 2. q. 6. & Naua. cit. num. 37. & 65. Sic etiam iteranda erit, quando sit sacerdos non proprio, vt infra, aut quando confitetur proprio, qui tamen notorie ipso iure, vel per sententiam suo titulo priuatus est. Nau. in c. placuit. n. 179. de pœn. d. 6.

- 4 Tertius casus est, ex defectu confessarii, quando scilicet in eo fuit defectus vel potestatis, vel scientiæ, vel voluntatis, ex eo nimirum quia non erat sacerdos, vel non habebat iurisdictionem super cōfitemem, vel nesciuit, vel noluit absolvere, vel tantam doctrinam non habuit, quanta necessario exigebatur in confessario saltem respectu talis confitentis. Nau. in c. 1. §. laboret. nu. 2. de pœn. d. 6.

Item quando est ab ecclesia catholica diuisus. Sacerdos enim hæreticus & pro tali denunciatus iurisdictione caret, nec tali nisi in extrema necessitate confessio licite fieri potest dist. 32. c. præter. §. sciendum.

Item



# Quæ, & qualis diligentia, &c. Cap. XV. 21

Item si sit excommunicatus, vel interdictus, vel suspensus notorius, ita ut nulla tergiversatione elari possit, absolueri nequit ex defectu potestatis; Nec refert quoad hoc an generatim, an vero speciatim sit quis censura notatus. Naua. in d. §. labore. nu. 23.

Quartus casus est ex defectu, & inhabilitate penitentis, ad suscipiendum sacramentum propter censuras ecclesiasticas. Naua. in d. c. fratres nu. 38. de qua re infra.

Quintus casus secundum multos est, quando penitentia iniuncta non impletur, de qua re suo dicitur loco. Hoc vnum ex Adriano interim 4. quæst. 4. de confessione sub finem, addendum est, scilicet, eum, cui penitentia, priusquam absoluitur, imponitur, & non curat illam, quam acceptat, penitentiam memoriam mandare, ac veluti contemnit, teneri postea confessionem illam iterare, si eam non implet. Quia talis peccat mortaliter antequam absoluitur, & cum illud peccatum non confiteatur, confessio desinit esse integra. Verum cum hæc confessionis iteratio non nascitur ex penitentiae obliuione, vel ex eo, quod illa non impletur, sed ex defectu integritatis, optime ad secundum fontem, nimirum ad defectum confessionis reduci debet. Nau. cit. nu. 50.

mittere diligentiam, quo omnia sua peccata occurrant, qualem adhiberet, si quam orationem latinam ad eruditos esset habiturus, aut si de multo & longo tempore impensa pecunia domino vigili, ac avaro rationem esset redditurus. Caietan. in verb. confessio, ait eum, qui credit suam peccatorum inquisitionem esse sufficientem, quamuis vere talis non sit, & ob hoc aliquod tacuerit peccatum, non teneri ad iterationem confessionis, & in materia de confessione quæstio. 5. ait, tunc demum ex integritatis defectu iterandam esse confessionem, quando ex proposito dimidiatur confessio, vel adeo crassa est conscientiae discussio, ut aliqua obliuiscatur. Concilium vero Florentinum, §. Quartum. solummodo docet confitenda esse peccata, quorum habet memoriam, & nihil ait de diligentia necessaria in reducendo ad memoriam peccata, verum in hac re dicendum est

Primo, Nimis rigida censenda est sententia Scoti & aliorum in reducendo ad memoriam peccata: vix enim possumus has curas inter se conferre, siquidem ad pronuntiamdam orationem latinam iuuat ipsa potentia sensitivam quæ dicitur irascibilis, quæ sua natura in ardua fertur: iuuat etiam naturalis inclinatio, iuuat appetitus innatus honoris, & diuitiarum, iuxta proemium Decretalium, & sexti & c. omnis ætas. 12. quæst. 1. & cap. omnes dilectores. dist. 47. Cum tamen è contra appetitus hic sensitivus, quem vocant eò cupidibilem minuat curam recogitandi peccata, quippe qui fugit tristitiam & dolorem, ex tali cogitatione nascentem tanquam quoddam malum; omnis enim tristitia in se quoddam malum est, quamuis aliquando sit secundum quid bonum ex S. Thom. 1. 2. quæst. 39. artic. 1. Nau. in c. fratres. n. 74. Concilium autem Florentinum solum habet homines confiteri peccata, quorum memoriam habent, non autem dicit, habere possunt. Sed præterea nemo tantam adhibere potest curam, & diligentiam, quin maiorem si velit, adhibere poterit, & ita dubij semper essent homines, an ex talis diligentiae adhibendæ defectu, confessiones priores reiterare tenerentur & denique vix aliquis esset è vulgo, qui valide unquam confiteretur.

Secundo, quamuis nullus erat textus in iure ante Concilium Florent. & Trident. sess. 14. cap. 5. & can. 7. qui expressè de hac diligentia reuocandi in memoriam peccata loquatur, fuit tamen ratio naturalis, quæ id dictabat, ut docet Rich. 4. distin. 17. art. 2. q. 6. dicit enim ratio, ut habet Cicero lib. 1. offic. quòd talem curam iustam unicuique negotio adhibeamus, qualem rei gravitas requirit; Vnde cum confessio peccatorum præteritorum negotium sit satis graue & notabile, consequens est, ut qui sua peccata debito modo confiteri velit pro ratione talis negotij, diligentiam aliquam iustam adhibeat super reductione eorum ad memoriam. Naua. cit. n. 69. & 70.

Ter-

*Quæ, & qualis diligentia sufficiens, & necessaria est ad examen conscientiae.*

*Cap. XV.*

*S V M M A R I V M.*

- 1 *Examen conscientiae quanta diligentia faciendum.*
- 2 *Scoti sententia de hac re refertur, & refellitur.*
- 3 *Confiteri volens, conari debet peccata sua ad memoriam reuocare.*
- 4 *Diligentia quæ, & quanta sufficiens ad examen conscientiae faciendum.*
- 5 *Crebro confitens, ad minorem diligentiam tenetur quam qui raro.*
- 6 *Excusari potest quis aliquando ne aliquod peccatum confiteatur.*
- 7 *Confessarius, an, & quando, interrogare debet penitentem de diligentia præmissa in examine facto.*
- 8 *Confessarius quid facere debet, quando penitens se accusat de non præmissa debita diligentia in examine.*

**R**Es hæc satis dubia, & controuersa est inter authores: Scotus enim in 4. dist. 17. quæst. 1. & Palud. ibidè quæst. 2. artic. 1. colum. 2. talem diligentiam in hac re requirunt, qualem pro re ardua in memoriam reducenda penitens adhiberet: Gabriel vero in dicta distin. 17. quæst. 1. colum. 8. solum ait, quod confiteri debet omnia, quæ recordari potest. At vero Ioannes maior ibidem quæst. 3. vult hominem, qui confessurus est, talem debere præ-



- 4 Tertio, tanta diligentia necessaria est, & sufficiens, quanta viro prudenti humano more rem æstimanti necessaria videtur, vel quanta videtur sufficiens vti plurimum hominibus qui sunt illius conditionis, cuius est is qui illam diligentiam adhibet, dummodo bona fide putet esse pro sua fragilitate mediocrem. prout ex Concilio Tridentino in sess. 14. ca. 5. colligi potest. Nau. cit. nu. 75 & 76.
- 5 Quarto, qui crebro confitetur, non tenetur tantam qualibet vice curam adhibere, quantum qui raro confitetur, neque qui paucis, & parvis implicatur negotijs, quantum qui multis, & magnis, neque idiota ad tantam, quantum doctus, qui scit loca, & circumstantias peccati, perierutari tenetur. Nau. cit. num. 71. Multi enim maxime simplices, etsi non se sufficienter preparauerint, ex proposito tamen, & voluntate quam habet respondendi interrogationibus confessarij quia sciunt illum interrogatum, præsertim si sciant confessariū esse prudentem, & doctum, cum tali proposito respondendi, censeri debent sufficientem diligentiam adhibuisse. Nau. cit. nu. 80.
- 6 Quinto, excusatur quis aliquando a confitendo peccato ob ignorantiam, qua putat id non esse peccatum, qui tamen ob eandem ignorantiam non fuit a peccato excusatus: Siquidem ignorantia, qua quis putat aliquid non esse peccatum, excusat aliquando confessionem, ne dicatur minus integra, quæ tamen ignorantia cum a peccato non excusabit, cuius rei hæc ratio reddi potest ex S. Thom. 1. 2. q. 76. art. 3. & 4. & Caiet. ibidem. Quia ignorantia quæ non reddit actum peccandi inuoluntarium, reddere potest omissionem illius confitendi inuoluntariam. Nau. cit. num. 82. prout etiam Adrianus in dub. 6. post 4. quæst. de confessione tradit.
- 7 Sexto, confessarius, qui suspicatur, confitem sine iusta præmeditatione ad confessionem venire (quod est frequentissimum) pœnitentem super hoc diligenter interrogare debet. Iudex enim ex suo officio quantum in se est supplere debet, ne iudicium reddatur nullum c. causam quæ. de iudic. eo modo quo dicemus.
- 8 Septimo, quando pœnitens confitetur, se non ut debebat ad memoriam peccata sua reduxisse, quod quotidie multi timorati viri facere solent, si confessarius videt id a pœnitente fieri, & dici, non quod credat se non adhibuisse debitam diligentiam illam, quam integritas confessionis requirit, sed quia bonarum mētium est vereri, lob c. 9. & timere culpam, ubi non est ca. ad eius dist. 5. aut quod hoc dicit, quia per eam omnia, vel maiora venialia in mentem non reduxit, quod tamen non est necessarium, in hoc casu absolui potest pœnitens sine aliquo scrupulo: vel secundo confessarius existimat illum nō adhibuisse debitam diligentiam & sufficentem in peccatis memorandis, & in hoc casu, aut necessitas urget, scilicet morbus, bellum, & naufragium, & huiusmodi, & in hoc etiam casu absolui debet,

& idem dicendum est de receptione Eucharistiæ, quæ sine scandalo differri non potest, imo sufficit pœnitentia omisæ diligentia & discussionis conscientia, cum ea peccatorum recordatione, quæ illi fuerit possibilis; Nau. in d. ca. fratres. n. 83. & in c. 1. §. diligens num. 15. de pœn. dist. 6. aut nulla urget necessitas, & tunc considerare debet confessarius an ea, qualemcunque adhibuerit diligentiam, cum suis interrogationibus a se factis, aut faciendis, diligentiam mediocrem constituat, & tunc audiri, & absolui potest, & debet, præmissis tamen interrogationibus, quæ videbuntur necessariæ: Vel tertio confessarius videt pœnitentem nolle interrogari, vel etiam si velit, adeo tamen nil præmeditatum venire, ut etiam cū interrogationibus, & responsionibus confessio non fiat integra: & in hoc casu absolui nō debet, sed blandis verbis moneri, ut pro sua fragilitate, priusquam confitetur, præmeditetur saltem tantum, quantum ad integrandam confessionem cum interrogationibus opportunis sufficiat. Nau. in d. c. fratres. nu. 83.

*Qua ratione constat confessionem debere esse integram, & an aliquo in casu confessio legitima esse possit, quamuis non sit integra. Cap. XV 1.*

S V M M A R I V M.

- 1 Integritas confessionis, qua ratione constat, aut probatur esse necessaria.
- 2 Difficultas integre confitendi, allatis certis casibus, ostenditur.
- 3 Remedia afferuntur, quibus vti debet pœnitens, quando integre confiteri non expedit.
- 4 Persona complicit non est confitenda.
- 5 Ratio huius rei affertur.
- 6 Habens reservata, & non reservata, quid facere debet.
- 7 Habens reservata, quamnam observare tenetur.
- 8 Confessarius qualiter se gerere debet, cum habente reservata.
- 9 Confessus habenti potestatem absoluendi a reservatis, sed vnus reservati oblitus, quid faciat.
- 10 Absolutus ab inferiori a non reservatis, sed antequam absoluitur a superiori de reservatis, si novum peccatum committat, quid facere debet.
- 11 Confessio per accidens fieri potest non integra.
- 12 Due personæ, diverso tempore, vnum absolventes, cum solum sacramentum perficiunt.

1 **R**es hæc de solis peccatis mortalibus intelligitur, quæ alias non fuerunt vnquam confessario legitime manifestata; siquidem non necesse est venialia omnia confiteri, & mortalia, quæ quis semel legitime confessus est, & ab eis absolutus, non tenetur vnquam iterum confiteri.

Et quidem varias rationes afferunt Doctores, cur confessio peccatorum mortalium nondum legitime confessorum integra esse debeatur. Nam S. Th. in 4. dist. 17. q. 3. ar. 4. quæst. 1a



# Quaratione constat, confess. &c. Cap. XVI. 25

la 2. & Palud. ibidem. docent, Quod sicut medico corporali infirmus omnem suam infirmitatem notam facere debet, quo recte illi inderi possit, ita medico spirituali omne animi vitium cognitum esse debet. Quæ tamen ratio Durando non placet, propter discrimen quod inter medelam animi, & corporis cernitur; siquidem medela corpora, quæ vnum sanat morbum, alium aliquando auget, medela vero animæ, quæ est sola contritio, & gratia Dei, æque omnes animi morbos sanat. Hinc ipsemet Durandus illam rationem affert, quod confessio respondere debeat contritioni, & ideo sicut contritio esse non possit, nisi sit omnium peccatorum mortalium; ita neque confessio. Verum neq; hæc ratio probat necessario omnia peccata vni, & simul confitenda esse; Nam & satisfactio respondet etiam contritioni, & tamen iuste potest penitens satisfacere de alijs uno tempore, dilata satisfactione aliorum in aliud tempus. Vnde tam S. Thomæ, quam Durandi rationes, congruitatem tantum, non autem necessitatem integritatis probant. Nulla ergo ratio humana reddi potest, quæ sola necessario concludat integram omnino debere esse confessionem, sed id lege tantum cautum est iusta, & æqua, ut quis omnia peccata mortalia nondum confessa, post debitam diligentiam in examine conscientie adhibitam, confiteatur, quæ consuetudo iam inde ab ecclesiæ principio vsque hodie seruata est, & à Christo in Apostolos, & ab eis ad nos vsque deriuata est. Quæ integritas satis iure antiquo, & nouo canetur, prout colligi potest, ex c. Non potest. de pœn. dist. 1. & ex c. sunt plures. de pœn. dist. 3. & ex cap. 2. §. cautus. & c. fin. de pœn. d. 6. & ex cap. omnis vtriusque sexus. de pœn. & remis. & ex Conc. Triden. sess. 14. c. 5.

Quia verò nonnulli casus contingere possunt in quibus durum sit omnia confiteri, maxime quia aliquando exinde penitens occasionem confessario peccandi daret; ut si mulier probabiliter putaret se sollicitatum à confessario, si se fornicatam fuisse confiteatur; vel probabiliter arbitretur, cum ad luxum mouendum, si ei suam turpitudinem patefaciat. Deinde quia aliquando tales circumstantiæ confitendæ sunt, quarum confessione detegeretur alia persona, quo casu non videtur debere, neque posse talis deregere, neque manifestari, verbi gratia, quando quis rem habuit cum matre, aut mediator fuit, quod illam terius haberet, quam matrem confessarius nouit; ideo non videtur, quin saltem aliquando licitum sit confessionem dimidiare, ita ut non teneamur integrè confiteri. Ceterum quid in his casibus faciendum sit, dicemus.

Primo, circumstantiæ huiusmodi aperiendæ sunt confessario, quando is est persona, quam putamus profuturam, & non obfuturam, argum. capit. Hoc videtur. 22. quæst. 5. & Nauarr. in. ca. consideret. num. 96. & seq. de pœn. dist. 5.

Secundo, Quando confessarius non est ta-

lis persona, penitens debet ei confiteri ita velatus, & transformatus, ut neq; ex uoce, neq; ex nomine cognoscatur a confessario, non enim tenetur penitens manifestare nomen, aut quis sit dicere, nisi quantum ad ea, quæ necessaria sunt ad hoc Sacramentum, ad quod non est necessarium scire, quod nomen, aut quod domicilium sit penitenti, neque an sit coniugatus, si non peccauit contra matrimonium, neque an sit religiosus, si non violauit paupertatem, castitatem, aut obedientiam, satis enim est, ut penitens certum reddat confessarium, quod confiteri ei possit, & ipse eum audire, & ab ipso absolui ex Caietano in summa verb. confessio. & Naua. cit. num. 79.

Tertio, si non sit locus huic remedio, querere debet facultatem confitendi alteri, vel à proprio Sacerdote, vel ab eius superiore, non tamen potest eo ipso alteri confiteri, nisi Sacerdos sit in culpa propter ignorantiam, vel quia confessiones reuelat, ex Paludano in 4. dist. 16. q. 3. sub finem. & Nauar. vbi supra.

Quarto, quando nulli horum remediorum est locus, quamuis S. Thomas. in 4. dist. 16. & Palud. in 4. dist. 21. quæst. 3. colum. 4. velint detegendam esse tertiam personam; Immo Paludanus ait, mulierem committentem incestum cum fratre suo debere hoc confiteri, quamuis frater confessario notus sit, quem etiam sequuntur Gabr. ibid. quæst. 1. dub. 2. & Maior. quæst. 3. arg. 8. & Syluester. Verb. Confess. 1. quæst. 24. verior tamen opinio docet in hoc casu tacendam esse personam, & peccatum; sic enim expresse testatur Innoc. in c. omnis. colum. 2. de pœn. & remis. & Hostiensis ibidem colum. 4. vbi ait, Quod qui iusta de causa non vult confiteri proprio Sacerdoti, neq; reperitur alius, cui confiteatur, & necessitas urget, illi confiteri debet omnis circumstantiis, unde periculum, vel damnum sequi posset. Immo idem docet Ioan. Maior. in 4. dist. 15. quæst. 5. colum. 5. versic. sed remanet. qui sibi contrarius eo in loco ait, quod qui occidit fratrem Sacerdotis, vel habet circumstantiam, quam Sacerdos reuelare solet; vel est tale peccatum, quod Sacerdotem moueret ad peccandum; vel si quis propriam consanguineam cognouerit, quæ est filia Sacerdotis, talia peccata confiteri non tenetur. Sed & S. Thomas in 4. dist. 17. quæst. 3. art. 4. ait, penitentem probabiliter timentem periculum peccandi ex confessione obuerturum, confessario, vel sibi non teneri ad eum confitendum, etiam si non fiat facultas confitendi alteri ab ipso, vel a superiore; affirmans insuper eum sola contritione, confessione non præmissa, in illo casu communicare posse, tanquam qui confessarii facultatem non haberet, iuxta gl. in c. De homine. de celeb. Miss. multoque magis illo tantum tacito peccato eiusq; confessione in aliud tempus opportunum dilata, alijs confessione apertis communicare potest, secundum Caiet. in summa. verb. confessionis decima conditio. ubi etiam asserit, Non esse confitendum peccatum cum reuelatione confessionis.



fectionis, aut cum famæ, aut vitæ periculo, quo in casu, ait, fieri potest aliorum peccatorum confessio, omiſſis illis, quorum confessio aliis esset damnosa. Nauar. cit. num. 100. 101. & Ma. c. 7. nu. 2.

- 5 Huius autem dicti ratio est. Quia concurrentibus duabus legibus contrariis, minor cedit maiori. (sic enim lex de non furando cedit legi de pascendo fame morientem. c. pasc. d. 86. iuncto. c. si quis propter necessitatem. de furtis.) lex autem de non lædendo alterum, cum sit Diuina, & naturalis, maior est quam lex de confitendo integre, quæ licet Diuina sit, non tamen Naturalis, sed positiua, seu ex tempore data, & ideò lex de huiusmodi circumstantia confitenda, cedere debet legi de non infamando proximum, cui consequens est, quod talis circumstantia, & peccatum taceri debet, prout etiam docet Rich. in 4. dist. 21. artic. 4. q. 4. & art. 5. quæst. 2. & Nauar. cit. num. 95. & 99. Qui etiam cum Paludano & alijs omnibus docet, eum, qui confiteri non posset circumstantiam mutantem speciem, sine confessionis sibi factæ reuelatione, ad illam confitendam non teneri, multoque minus ad idem præstandum in casu nostro obligatus erit.

- 6 Quinto, quoad casus reſeruatos, a quibus confessarius inferior, aut parochus pœnitentem absolueri nequit, eo quod sunt peccata superiori reſeruata, tenetur etiam pœnitens in hoc casu, tam peccata reſeruata, quam alia omnia mortalia confiteri parochi, aut confessario inferiori, quicquid Ioan. Maior in 4. dist. 15. quæst. 5. id neget. Quando igitur pœnitens aliquod peccatum reſeruatum habet, secundum communem ecclesiæ, & Doctorum vsum, infraſcripta obseruare debet.

- 7 Primo enim adeat eum, cui reſeruata sunt, & ei omnia peccata confiteatur, & ab omnibus absoluator. Naua. in c. 1. §. cautus. nu. 11. de pœnitent. distinct. 5.

Secundo, si ille superior nolit audire omnia, potest confiteri illi sola reſeruata, & postea ea. & alia omnia confiteatur proprio confessario, qui possit eum absolueri ab omnibus, etiam si superior non absoluiſſet a reſeruatis. Nauar. cit. nu. 12.

Tertio, si prius adeat inferiorem, qui eum a reſeruatis absolueri non possit, confiteatur illi omnia, qui absoluet eum a non reſeruatis (si modo non sit excommunicatus, si enim esset excommunicatus non debet vlla ratione illum absolueri, ne sacrilegium committat) & postea remittat eum ad superiorem pro absolutione a reſeruatis, cui confitebitur sola reſeruata, & ab eis solis absoluator. Nau. cit. num. 13.

Quarto, potest pœnitens per se, uel per alium adire superiorem, & ab eo impetrare commissionem secretam verbo, vel scripto, ut absoluator a suo confessario, uel alio. Naua. cit. nu. 13.

Quinto, potest pœnitens confiteri suo confessario omnia sua peccata, & absolui ab eo

de quibus ipse possit absolueri, & deinde confessarius per se, uel alium, seu epistolam petere a superiore, ut faciat sibi facultatem absolendi quendam hominem in genere, nullo pœnitus expreſſo, qui ei confessus est tale peccatum, cuius absolutio est illi reſeruata, in qua re difficilem se ostendere non debet superior, si tamen dare noluerit hanc facultatem, vtendum erit modo secundo. Nau. cit. nu. 14.

Sexto antequam confessarius ad remedia prædicta descendit, interrogare debet pœnitentem, an habeat aliquam Bullam sui Episcopi, vel Papæ, facientem potestatem confessario absolendi illum in tali casu, videat etiam confessarius, an ille casus sit de eorum numero, a quibus ipse absolueri possit, & si possit, pœnitentem sine absolutione dimittere non debet. Nau. cit. nu. 17. & Man. c. 26. nu. 6.

- 9 Septimo, qui confitetur confessario habenti potestatem absolendi ab omnibus peccatis, & censuris, uel ratione Bullæ alicuius, uel ratione temporis, quia concedebatur Iubilæum, & per obliuionem inaduertentiam, uel ignorantiam, qua nesciebat id esse peccatum, omiserit confiteri aliquid, quod erat reſeruatum superiori, uel censura aliqua Ecclesiastica innodatum a solo superiori deſeabili, & absolutus fuerit a confessario ab alijs etiam, & absoluitur ab eo, ita ut a quocunque inferiori postea absolui poterit, licet teneatur illud confiteri quando occurrerit memoria, uel aduerterit, uel sciuerit esse peccatum, secundum Palud. 4. d. 18. q. 5. col. pen. Gabr. 4. dist. 17. q. 1. sub finem, & Adrian. in 4. quæst. 4. de confess. col. 10. & Naua. cit. nu. 32. & Man. c. 26. nu. 6.

- 10 Octauo, qui confessus est inferiori, & ab eo absolutus est de non reſeruatis, si dum ad superiorem pro reſeruatorum absolutione habenda vadat, aliquod peccatum mortale de nouo committit, in hoc casu, si superior audire velit etiam peccatum non reſeruatum de nouo commissum, illud cum reſeruatis pœnitens confiteri debet, si vero superior reſeruatum tantum audire velit, tunc superiori reſeruatum solum confiteri debet, & postea illud nouum peccatum mortale suo confessario confiteri debet, ex qua triplici absolutione particulari vna tantum erit sacramentalis, & integra absolutio, & idem dicendum de quadruplici, puta, si iam secundo superiori confessus, & rediens ad confitendum tertio inferiori, aliquod reſeruatum admittat, ob quod oporteat eum ad superiorem quarto redire, ut ab eo absoluator. Naua. cit. num. 22.

- 11 Hinc infertur primo, quod licet absolute & per se loquendo, confessio debet esse integra, per accidens tamen ob aliquam, quæ contingunt, fieri potest non integra. Et quod communiter dicitur confessionem omnium peccatorum integram esse debere, id quidem verum est secundum se, & simpliciter, & secundum confitentis propositum, quâuis per accidens partialis esse potest, ut ex dictis constat.

- 12 Infertur secundo, duas personas, diuerſe tempo-



# Quod confessio alieno, &c. Cap. XVII. 27

tempore, & multis forte interiectis diebus, & actionibus, altera post alteram absoluentes, unicum perficere Sacramentum, ita ut ex duabus absolutionibus, vel aliquando ex tribus, vel quatuor, una integra sacramentalis constituitur, adeo ut gratia sacramentalis, quam sacramentum ex opere operato confert, tum demum poenitenti conferatur, quando ab ultimo (i. vel a secundo, quando sunt duae absolutiones, vel a tertio, aut quarto, quando sunt tres, vel quatuor absolutiones, ut in praedictis exemplis videre licet) datur absolutio, siue is superior, siue inferior fuerit. Naua. cit. num. 20. & 21. Vnde fallitur Adrianus, qui in 4. q. 4. de confess. col. 9. docet absolutionem illam, quam facit is, cui sola reservata deteguntur, non esse sacramentalem.

*Quod confessio alieno sacerdoti sine licentia proprii facta, nulla, & irrita sit. Cap. XVII.*

S V M M A R I V M.

- 1 Confessionem alieno, sine proprii licentia factam, nullam esse, quis primo statuit.
- 2 Sacerdos alienus quare valide aliquem absolueri non potest.
- 3 Confessio paracho intruso facta non valet.
- 4 Confessus bona fide paracho intruso, habita scientia rei, quid facere tenetur.
- 5 Confessus in pueritia sacerdoti alieno ex ignorantia, confessionem iterare tenetur.
- 6 Sacerdotes ante Concilium Trid. cuilibet sacerdoti confiteri poterant.
- 7 Confiteri sacerdoti meliori, quo sensu S. Augustinus consuluit.
- 8 Papa a sacerdote, cui se subijcit, valide absolui potest, et quare huius sit ratio.
- 9 Consuetudine introduci nequit, ut quis ab alieno sine licentia proprii valide absolui possit.

**V**eritas haec iam inde a tempore antiquo manifesta est: Siquidem Dionysius primus, qui floruit circa annum Domini 250. parochias diuisit, & unicuique paracho suam plebem commisit, prohibens ne quis alterius parochiae terminos, aut ius inuaderet 13. quaest. 1. capit. Et Calixtus Papa circa annum Domini 228. statuit, ut nullus alterius parochiam usurparet, nec alterius parochum iudicaret. Ut habetur 9. quaest. 1. cap. 1. & Urbanus secundus circa annum Domini 1100. statuit, ne quis sacerdos alienum parochianum ad poenitentiae sacramentum suscipere, sine proprii licentia. cap. placuit. de poenit. dist. 6. Et cap. 2. de paroch. prohibetur vni paracho, ne alterius parochianum ad Missam admittat diebus Dominicis, quod multo magis de admissione ad sacramentum poenitentiae intelligendum est. Hoc ipsum vero expresse in c. omnis vtriusque sexus. de poen. & remiss. habetur, ne quis. scilicet

no sacerdoti confiteatur, nisi prius licentiam a proprio perat.

Ratio etiam pro hac re est, quia ad hoc ut confessarius aliquem absoluat, cum sit actus iudicialis, ut tradit Concilium Trident. sess. 14. can. 6. & 9. habere debet potestatem, & iurisdictionem in actu, & ipsius exercitio, & consequenter poenitens ei subditus esse debet, ut optime tradit Palud. in 4. dist. 17. quaest. 3. colum. 2. Nauar. in cap. qui vult. num. 4. & in cap. placuit. num. 6. de poen. dist. 6. At vero sacerdos alienus, licet iurisdictionem habeat in habitu, actu tamen non habet. 16. quaest. 1. c. Adjicimus. §. ecce. & c. generaliter. §. ecce. & ideo valide sibi non subdatum absolueri non potest, cum sine iurisdictione nemo iudex esse possit. clem. 1. cum glo. 1. de offic. deleg. & Caiet. tom. 1. opusc. tract. 7. quaest. unica. & Adrian. in 4. quaest. de confess. dub. 8. & Panor. in d. cap. omnis vtriusque sexus. Quod etiam tradunt Concil. Trid. vbi supra, & Florentinum in decreto Eugenij 4. §. quartum. Vbi dicitur, minister huius sacramenti est sacerdos habens auctoritatem ordinariam absolueri, vel ex commissione superioris, & ideo confessio facta alieno sine licentia proprii nulla est, & iteranda. Nauar. in d. cap. placuit. num. 175.

Hinc inferitur primo, quod confessio facta paracho, qui sine vlla superioris licentia, & auctoritate se in beneficium intrusit, nulla sit, & iteranda ex Panorm. in capit. Nihil. colum. penult. de elect. & capit. dudum 2. colum. 8. tit. eod. & ex communi opinione. & Nauar. in d. c. placuit. num. 177. Quia talis sacerdos actuali iurisdictione caret, quae tamen necessaria est ad absolutionem a peccatis.

Inferitur secundo, quod confessio quae fit ei, qui se gerit pro paracho ecclesiae, & tamen possessionem non habet, ipso etiam iure ex defectu iurisdictionis actualis sit nulla, & iteranda. ex Paludano in 4. dist. 17. q. 3. & aliis omnibus. & Nau. cit. num. 178.

Inferitur tertio, quod pari ratione qui confiteretur paracho, qui notorie ipso iure, vel per sententiam est suo titulo priuatus, iterare tenetur suam confessionem. cap. Dudum 2. de elect. vbi habetur quendam suo titulo priuatum, animas sibi commendatas damnabiliter decepisse, scilicet, quia absolutiones subditorum erant nullae. Dixi, Notorie priuatum ipso iure, si enim quis priuaretur suo titulo, & possessione iuris, non tamen ita notorie, quin possessionem facti retineret, & a superiore tolleraretur, in eo casu gesta per ipsum in foro conscientiae valerent, ita ut non tenerentur, etiam postquam scirent eum, cui confessi fuerant, titulo suo iure ipso priuatum fuisse, tales confessiones iterare. ex Panorm. in d. c. Dudum 2. & Nau. cit. in c. placuit. num. 179. & 180.

Inferitur quarto, quod qui confiterentur bona fide intrusis, vel alijs sacerdotibus alienis, putantes id sibi licere, tenentur cum primum sciuerint, se non potuisse illis confiteri, omnes



confessiones illis factas iterare. ex Ioan. And. in d. c. Dudum 2. vbi ait tales confessos saluari non per sacramentum, quod nullum erat, sed propter sacramenti fidem. Tenentur tamen tales, cum primum sciant se non potuisse illis confiteri, confessiones eis factas iterare. Nauar. cit. num. 181.

5 Infertur quinto, quod qui in pueritia, aut per aliam rusticitatem, & ignorantiam errantes, confessi sunt alienis sacerdotibus, eas confessiones iterare tenentur, non tamen alias, quas post eas suis parochis, vel alijs super eis iurisdictionem habentibus fecerunt. etiam si cum eas facerent, meminerint peccatorum, quæ illis alienis confessi fuissent, nec tamen illa veris parochis vquam confitebantur; Quia bona fide putarunt se illa legitime confessos fuisse. Et ita qui in pueritia confessus esset alieno sacerdoti, & post 20. vel 30. annos se alienis in pueritia confessum fuisse recordatur, tenetur solum ea cōfiteri peccata, quæ alieno confessus erat sacerdoti, easq; confessiones iterare, non autem illas, quas postea proprio sacerdoti in adolescentia & iuuentute fecisset Nauar. cit. num. 182.

6 Infertur sexto, qua ratione factū sit, quod omnes presbyteri ante prohibitionem Concilij Tridentini sess. 23. de reformatione. capit. 13. passim eligebant singulos presbiteros indifferenter, quibus confitebantur quorum tamen multi nullam iurisdictionem in confitentes habuerunt. Id enim fecerunt, vel quia ut nonnulli volunt, cum presbyteri sint ceteris doctiores, ut plurimum, & mundiōres, & frequenter celebrare, & alijs Sacramenta ministrare deberent, quæ a solis mundis tractanda sunt, ideo concessum est a iure, ut possint sibi eligere proprios confessores, qui quantum ad hoc sunt superiores, sicut vnus medicus ab alio curatur, non inquam medicus, sed in quantum infirmus, ut docet S. Thom. in 4. distin. 17. quæstio. 3. artic. 3. quæstio. 4. ad quartum, vel certe, quia id fecerunt presbyteri de facultate tacita, vel expressa Superiorum. Papa enim, Episcopus, parochus, & denique omnes Prælati hoc vidētes, scilicet quod sacerdotes omnes deligant sibi passim confessarios, qui eos ligent, & absoluant, & nullo modo repugnantes, tacite velle videntur, ut id fiat, & ita hoc faciūt ex licentia proprii. Nauar. in d. c. placuit. num. 33.

7 Infertur septimo, quomodo verum illud, sit, quod habet Sanct. Augustinus in libro de peniten. capit. 10. dicens, ut qui confitetur, Sacerdoti meliori quam potest confiteatur, significans licitum esse confiteri cuicumque saltem meliori Sacerdoti, & doctiori. Siquidem id verum erat tempore S. Augustini, qui floruit circa annum Domini 400. quo tempore Sacerdotes omnes eorum confessiones audire poterant, qui ei volebant confiteri, etiam si parochiani alieni essent; tunc enim acceperunt iurisdictionem in habitu & actu, nulla lege, aut superioris imperio ab exercitio impeditam. Et quamuis Dionysius Papa

13. quæst. 1. cap. 1. & Calixtus Papa primus 9. q. 1. cap. 1. hanc potestatem & iurisdictionem eis abstulerant, quia tamen eo tempore bona pars mundi non receperat fidem Christi, nec leges eorum recipiebantur communiter, (leges autem quæ non sunt receptæ, non ligant. dist. 4 §. leges.) valide tunc omnes ad se accedentes abtoluere poterant, postea autem tempore Urbani secundi qui floruit circa annum 1100. constitutione adita, in capit. placuit. de pen. dist. 6. ut nemo postea alterius Parochiam, sine licentia ad pœnitentiam reciperet, & innouata, ab Innocentio III. in capit. omnis vtriusque sexus, de pœnit. & remiss. potestas hæc illis ablata est. Nauar. in cap. Sacerdos §. quod autem. num. 2. & in cap. placuit. num. 27. de penit. dist. 6. Quamuis rectius dici potest S. Augustinum loqui seruatis seruandis, & eo modo optimo quo iure potest, confiteatur optimo, ita scilicet, ut qui habet facultatem eligendi confessarium, eligat optimum eorum, quos eligere potest. Consultum ergo Augustinus, ut qui eligere possit confessarium, (siue id conueniat ei iure communi, ut patet in Prælati; siue ob proprii Parochi ignorantiam; siue quia Parochus dat ei licentiam; siue quia id sponte sua facit, quia nimirum, iam semel legitime omnia sua peccata confessus est, & cupit ea iterum confiteri,) in his casibus, eligat optimum cui confiteatur. Nauar. in cap. Qui vult. num. 88. & 98. & in cap. Sacerdos, §. Quod autem. de pen. dist. 6. num. 4.

8 Infertur Octauo, Quod licet Papa nullum habeat superiorem, nec aliquis iurisdictionem super eum habeat actu, vel habitu cap. cuncta per mundum. & capit. Nemo. quæst. 3. a Sacerdote tamen cui se subiecit valide absolui potest. Quia Sacerdotes omnes in ordinatione accipiunt iurisdictionem in habitu absoluendi & ligandi eos omnes, qui se legitime subiecerint; (vnde Sacerdotes omnes sunt tanquam iudices chartularij, id est, iudices quibus concessa est potestas iudicandi volentium se illius subiecere causas. l. ff. de iudic. agunt. & cap. adiciamus. §. ecce. 16. quæst. 1. & Panorm. in Clem. 1. de privilegiis.) quæ habitualis potestas diuinitus cum ordine presbyterii immediate a Christo datur cui potestati Diuinæ Papa cum non habeat superiorem, potest se cui voluerit Sacerdoti subdere, & ab eo absolui, non enim dedecet Papam Diuinæ se subdere potestati. Nauar. in dicto capit. Qui vult. num. 20. & in d. capit. placuit. num. 19. de penit. dist. 6. vnde & Papa se alicui subdens Sacerdoti confitetur, a quo valide per iurisdictionem & potestatem in presbyterio acceptam, & spontaneam subiectionem ei ab ipso Papa factam absolui potest.

9 Infertur Nonno, ita necessarium esse ad absolutionem obtinendam, ut quis proprio Sacerdoti peccata sua mortalia nondum legitime confessi aperiat, ut nulla consuetudine introducti possit, quod aliquis præter proprium aut



# Quod confessio alieno, &c. Cap. XVII. 29

aut sui superioris licentiam, confessorem sibi eligere valeat, qui eum valide absoluerit, vel ligare potest. ut habetur in c. si Episcopus. de pœn. & rem. in 6. Dixi peccata mortalia nondum legitime confessa, quia si fuerint prius legitime semel confessa, aut peccata venialia tantum, ea cui voluerit Sacerdoti confiteri potest, & ab eo absolui. Quilibet enim Sacerdos habet iurisdictionem in confitentem, habitalem quidem in ordinatione, quæ in actualem reducitur per legitimam confitentis subiectionem; confitens autem legitime se illis subijcere potest, quoad mortalia semel legitime confessa, aut venialia peccata, licet prius confessa non fuerint; quia in his aut expressam, aut tacitam saltem habere creditur licentiam a lege, vel legislatore, ut ea cuicumque voluerit Sacerdoti confiteatur. Sed nec unquam potestas hæc Presbyteris adempta fuit, quia ad medicandum, & consulendum habenti tantum mortalia confessa legitime, aut venialia, nulla opus est scientia vel prudentia, sed sola verba Sacramentalia pronuntiandi scientia. Quoniam de his neque contritio habenda est necessario, neque confessio facienda, ut omnium fere una est sententia, in c. omnis. de pœn. & remiss. & tradit S. Thom. 3. p. quæst. 87. art. 1. Ideo enim Urbanus Secundus in c. placuit. de pœn. dist. 6. prohibet, ne quilibet cuiusvis audiat confessionem, quia quilibet Presbyter ad id idoneus non est propter ea, quæ confessarium scire oportet; & quia multo facilius, ut plurimum, id discernet proprius Parochus, qui mores & ingenia confitentium novit, quam alienus. Quæ sane ratio cum non se extendat ad habentem tantum mortalia legitime confessa, aut sola venialia. neque c. Placuit. de pœn. dist. 6. ad ea extendi debet. Nauar. in d. c. placuit. num. 23. Quia tam debet stringi, vel ampliari lex, quam ampla vel stricta est ipsius ratio. c. Suggestum. & c. meminimus. de appellat. & Pan. in c. fin. de rescrip. Dixi, non posse vlla consuetudine introduci, ut quis cui voluerit Sacerdoti confiteatur sine licentia proprii, hoc enim satis colligitur ex c. Si episcopus. de pœnit. & remiss. in 6. & c. placuit. de pœn. dist. 6. & c. omnis vtriusque sexus. de pœnit. & remiss. & nouissimi ne ex Concilio Tridentino sess. 23. de reform. c. 15. & Nau. cit. num. 43.

*Quibus in casibus licitum est alteri sine licentia proprii confiteri.*

*Cap. XVIII.*

*S V M M A R I V M.*

- 1 Ignorantia proprii an causa sufficiens sit, ut alieno, sine proprii licentia, confiteri quis possit.
- 2 Verecundia an causa sufficiens sit, ut quis alteri sine licentia proprii confiteri queat.
- 3 Parochianus domicilium in diuersis locis habens cui confiteri debet.

- 4 Vagabundi quibus confiteri possunt.
- 5 Iter faciens, seu nauigans, cui confiteri possit.
- 6 Parochianus in aliena parochia delinquens parochi loci confiteri non potest.
- 7 Scholares, mercatores, & peregrini quibus confiteri possunt.
- 8 Ratihabitio proprii, an, & quando sufficit, ut quis alteri valide confiteatur.

**M**ulti casus ab Authoribus enumerari solent, in quibus licet alicui alteri sine sacerdotis seu parochi proprii licentia confiteri, quorum

Primus est, ignorantia proprii, tunc enim ob proprii ignorantiam licitum erit ipso iure alteri confiteri, prout habetur in c. placuit. de pœn. dist. 6. quamuis non parua inter Doctores in hoc casu differentia est, an necessaria sit petita saltem, licet non obtenta proprii licentia; ex eo quod in casu ignorantie Urbanus II. in d. c. placuit statuit nequis alteri sine proprii licentia confiteatur nisi quando proprii est ignarus; significans in hoc euentu illud etiam sine eius licentia licere. vnde & glossa tertia in d. c. placuit. nec proprii parochi consensum in casu ignorantie necessariū esse docuit, cuius etiam opinionis est Palud. in 4. dist. 16. quæst. 3. sub finem. & dist. 17. q. 3. colum. 7. quia tamen postea Innocentius III. in c. omnis vtriusque sexus. de pœn. & remiss. decreuit, non licere confiteri alteri sine proprii licentia, nec vllum omnino casum excipit, sed absolute statuit, quod qui iusta de causa alteri confiteri vult, prius petere, & obtinere licentiam a proprio sacerdote debet; ut utramque caput efficax maneat, in casu ignorantie peti saltem, licet non obtineri proprii licentia debet, sic enim dicendo, neque c. Placuit. omnino emendatur, quia non est necessarius parochi consensus, prout in d. c. placuit. dicitur; neque c. omnis vtriusque sexus. hac ratione d. c. placuit. contradicit, sed omnino efficax, & in suo robore manet, quoad petitionem licentiae. Quod etiam Hostien. & Panor. in d. ca. omnis num. 17. & Adrianus III. de confess. post quæstionem quintam, dub. 8. col. 2. sub finem tradunt, asserentes requiri ut in casu etiam ignorantie petatur proprii licentia, quamuis non obtineatur; Nauar. in c. placuit. num. 146. & 171. de pœn. d. 6. Quia causa illa qua parochianus talis a suo proprio recedit parochus, in culpa proprii parochi fundatur, ut propterea merito petita, licet non obtenta proprii licentia, alteri confiteri possit. In quo etiam casu ut docet Glossa secunda in d. cap. placuit. de pœnit. dist. 6. credendum est penitenti asserenti parochum suum esse ignarum, ad effectum, ut ab alieno audiri possit eius confessio, & valide absolui; quia verisimile non est quempiam ad confessionem cum mendacio venire. Nauar. in d. cap. placuit. num. 171. vnde & S. Thom. Quodlib. 1. art. 12. docet parochiano dicenti iam se confessum, & communionem petenti habendam esse fidem. cui etiam fauet Extrauag. inter cunctas. §. super confessione.



sione. de privileg. vbi doctrina illa S. Thomæ in duobus solum casibus limitatur, quando scilicet pœnitens esset excommunicatus, vel notorius peccator haberetur. Vnde etiam Glossa singularis elem. 1. de privileg. & Cardin. ibidem quæstio. 15. docent, non peccare Monachum, si à se communionem petenti, & affirmanti se licentiam parochi sui habere crediderit, & communionem impertierit. Naua. cit. num. 173. & 174.

- 2 Secundus casus, in quo quis alteri cōfiteri possit sine proprii licentia, à quibusdam creditur esse, Erubescencia, seu verecundia; sed male; neque enim hic casus in iure exprimitur, & omni ratione caret; quia, quo plus verecundia patitur pœnitens, eo plus satisfacit. c. quæ penitet. de pen. dist. 1. immo vna de conditionibus bonæ confessioni necessariis verecundia est. Nauar. in c. fratres. n. 59. de pen. dist. 5. Quod si verecundia tanta sit, ut periculum sit, ne pœnitens constituatur in periculo tacendi aliquod peccatum, vel aliquam eius circumstantiam necessario confitendam, talis verecundia iusta causa erit petendi licentiam, ut alteri confiteatur, in qua licentia concedenda faciles se præstare debent parochi, ut monet S. Thom. in 4. dist. 27. Naua. in c. qui vult. §. sacerdos num. 99. & in ca. placuit. n. 151. de pen. dist. 6. Quamuis enim aliquando ex tali licentia, nonnulla mali occasio nascatur; per eam tamen multo maioribus malis occurritur secundum eundem S. Thom. vbi supra in 4. dist. 17. quæst. 3. art. 3. quæst. 4. ad 6. & in lib. contra impugnantes religionem. c. 4. Quod si proprius licentiam dare noluerit, sibi ipsi imputet pœnitens, cum non veritus sit Deum offendere; Neque enim hac de causa sine licentia alteri confiteri potest; & merito, quia aliqui non solum erubescunt suis parochis confiteri, sed etiam alijs; immo aliqui erubescunt suis parochis id scientibus, alios adire; vnde & quandoque in habitu vadunt simulato, ut Paludanus in 4. dist. 27. q. 6. sub finem testatur. Verum consideratis circumstantiis facilis esse debet parochus in concedenda licentia ut alteri confiteatur, alias secundum S. Thom. in 4. dist. 17. vbi supra peccat; cum multi (ut ipse affirmat) & experientia quotidiana docet, ita infirmi sint, ut potius sine confessione morerentur, quam sacerdoti proprio confiterentur, adeo ut cauti & prudentes confessarii esse debent, ne licentiam negando conscientias subditorum illaqueant, & illis, & sibi ipsis cōsequenter laqueum damnationis iniiciant. Naua. in d. c. placuit. num. 119.

- 3 Tertius casus est, secundum Hostiensem in summa de pœnitentia. §. cui confitendum, cū quo conueniunt Raym. & Goffred. quando alienus parochianus transfudit domicilium suum, sed in hoc falluntur, quia eo ipso quo suum transfert domicilium, fit parochianus alterius parochi, ad cuius parochiam migravit, & ita confitendo illi, confitetur proprio sacerdoti, non alieno. iuxta ca. fin. de paroch. & c. proposuisti. de foro compet. & Na-

uar. cit. nu. 76. Sin vero domicilium non mutat, sed cumulat; quia scilicet in vtraque parochia ex æquo habitat, puta, quia in altera hyemat, in altera æstiuat; seu qui vno die, vel mense, in vna habitat, altero vero die, vel mense in altera habitat, quicquid Paludanus in quarto. distinct. 17. quæstio. 3. quem sequitur S. Anton. par. 3. tit. 17. ca. 9. dicat confessionem faciendam esse ei, in cuius parochia habitat, quam confiteretur; verius tamen est in tali casu vtriusque parochiæ parochi confiteri posse; quia vterque suus parochus est. Naua. cit. nu. 77. & 78. vnde in c. cum quis. in Secundo Responsio. de sepult. in 6. habetur, quod mortuo eo, qui in duabus Parochiis se collocabat æqualiter, si sepulturam in loco tertio eligeret, quartam canonicam vtrique Parochiali deberi. Si ergo vtrique, & nō illi in cuius Parochia degit, quando mortem obiit, quarta canonica debetur; pari ratione, qui ex æquo est Parochianus duorum, vtrique confiteri potest, etiam quando in altera degit. Debet tamen talis parochianus duorum moriens sepeliri in ecclesia vbi mortuus est, si non elegerit aliunde sepeliri, confiteri vero potest parochi cui voluerit horum duorum.

- 4 Quartus casus dicitur, quando quis vagabundus est. I. hæres absens, ff. de iudic. vagabundus autem dicitur, qui nullibi certum habet domicilium. Glossa in d. l. hæres absens. §. proinde. Quo sane casu vagabundus ille non solum confiteri potest parochi, in cuius parochiam peruenerit, sed etiam cuilibet alteri Sacerdoti quem elegerit, ut Paludanus, & S. Antoninus vbi supra testantur. & Naua. cit. n. 79. & 80. Sicut enim parochiani suo parochi confiteri tenentur, ita e contrario parochus suorum parochianorum confessiones audire tenetur, secundum omnes in c. omnis. de pen. & remiss. & glo. sing. in Clem. Dudum. de sepul. verbo impendit. et ideo cum nullus parochus vagabundi confessiones audire tenetur, nisi qui voluerit; sic ille nulli confiteri tenebitur, nisi ei, cui ipse voluerit. Naua. cit. num. 81.

Quintus casus est, cum quis querit domicilium, quo se conferat, proprium relinquens iter faciendo, vel nauigando. Siquidem & iste sine domicilio esse censetur. ff. ad Municipali. l. labeo. & proinde idem de isto ac de vagabundo dicendum est, ut cui ipse voluerit, confiteri possit. Naua. cit. num. 82.

- 6 Sextus casus est Parochianus delinquens in parochia. Talis enim ut existimat Hostiensis alteri, illi scilicet in cuius parochia delinquit, & non suo parochi confiteri potest. Quod idem docent Palud. & Anton. vbi supra. Sed male, Nemo enim ut docent glossa in ca. placuit. 6. q. 3. & in ca. placuit. 1. 16. q. 1. & Panor. in c. cum contingat. num. 26. de foro compet. ratione delicti forum conscientia fortiri potest. & Parochus extra suam parochiam sui parochiani confessionem licite audire potest ut ipsemet Host. cit. §. cui confitendum. col. 1. testatur, quia hæc est iurisdictio voluntaria, non contentiosa Naua. cit. num. 83. & 84.

Septimus



7 Septimus casus est scholaris ratione studij, & idem de mercenarijs, negotiatoribus, & alijs violatoribus, & peregrinis dicendum erit. Si enim de licentia suorum parochorum, vel Episcoporum, ad scholas, Emporia, & alia loca vadant, licentiam quandam sumendi suo tempore Sacramenta tacitam & implicitam habere censentur, sin vero absq; vlla superiorum licentia hæc faciant, nulla neque expressa, neque tacita huiusmodi licentia perfruentur, sicut nec peregrini. Nauar. cit. num. 67. & 86. Hinc illud Glossæ Cle. i. verb. Parochialis. de privilegio. dicenti scholarium presbyterum parochialem esse illum, cuius habitant parochiam, vt verum dicat, de illis scholaribus intelligi debet, qui vel nullum alibi domiciliū constituerint; vel certe parochum illius propter loci distantiam pro Sacramentis suscipiendis commodè adire non possunt. Quo etiam modo & illud c. i. de celeb. Miss. quod habet, parochum vnius Ecclesiæ providere debere peregrinis, hospitibus, & alijs de Sacramentis necessarijs intelligitur de illis, qui cum parochi licentia peregrinantur, vel iter faciunt, & etiam de his qui sunt in articulo mortis. Nauar. cit. num. 93. & 97.

8 Octavus casus est secundum Hostiensem vbi supra, si ponat spem suam in Sacerdote proprio, quod ratum habeat. arg. c. Lugdunensis. 9. q. 3. cui fauet & illa regula iuris in 6. Rati habitationem retrahi, & mandato non est dubium comparari. Quem tamen casum merito refellit Paludanus in 4. d. 17. quæst. 3. Sacramentum enim quod a principio nullum fuit, non potest postea per vllam rati habitationem validari, eo quod Sacramenta vt valida sint, propriam suam requirunt materiam, & formam, adeo vt neque ipsemet Papa in alia materia conficere illa potest, quam in ea quæ a Christo instituta est, & ideo minister Sacramenti poenitentiae sit Sacerdos actualem habens iurisdictionem, secundum Conc. Florent. & Trident. sess. 14. ca. 5. & 7. consequenter absolutio Sacramentalis facta ab eo qui iurisdictionem actualem non habet valida non est, ita vt nec consuetudine possit postea, nec rati habitatione validari, quod ab initio valida non fuit. Nauar. cit. num. 105. Ceterum facile possunt hæc duæ sententiæ, vt docet Syl. verb. confessor. i. quæst. 6. colum. 2. concordari, vera enim est illa Hostiensis, sententia, quando Sacerdos poenitentem absoluit spe ratificationis præsentis, nimirum quando Sacerdos ille alienus existimat probabiliter proprium contentum esse illis tempore, quo ipse suum parochianum absoluit: sicut etiam vera est Paludani & S. Antonini & aliorum opinio, quando sacerdos poenitentem absoluit spe ratificationis futuræ, s. si proprio parcho placuerit. Si. n. sunt duo Sacerdotes qui ita inter se affecti sunt, vt vtrique tantum, vel plus placeat, quod sui parochiani, seu sibi, seu alteri Sacerdoti amico suo, saltem tacite confiteantur, in hoc casu, si parochianus aliquis vnius parochi confessus fuerit alteri parcho, ami-

co suo, talis confessio valida erit propter licentiam horum parochorum inter se, non expressam, sed tacitam, hoc est, non propter ratificationem futuram, sed præsentem quæ tunc est quando absoluit. Cum enim parochus scit, & videt parochianum suum alteri confiteri, nec tamen prohibet, aut contradicit, tacite concedere videtur illi licentiam confitendi, & alteri parcho absoluendi facultatem.

*Quis dicitur Proprius Sacerdos.*  
Cap. XIX.

S V M M A R I V M,

- 1 Proprii Sacerdotis nomine, in cap. Omnis, de poen. & remiss. quid intelligitur.
- 2 Proprii sacerdotis nomen, in c. omnis vniuocè, non æquiuocè sumitur.
- 3 In diœcesi Romana, vnus tantum est ordinarius, scilicet Papa.
- 4 Prælati exempti, iurisdictionem quasi episcopalem in subditos suos habent.
- 5 Papa nullum habet superiorem.
- 6 Cap. omnis vtriusque sexus, quodnam preceptum explicet, diuinum, an humanum.
- 7 Licentia proprii necessaria est, vt quis alteri confiteri possit.
- 8 Proprii sacerdotes, quinam, & quot sunt.

1 **C** Vm in c. omnis vtriusque sexus. de poen. & reit. constitutum sit vt confessio proprio sacerdoti fiat, quid tamen nomine proprii sacerdotis intelligendum sit, non ita inter se conveniunt authores. Siquidem S. Bon. in 4. dist. 17. art. 5. q. 2. & Scorus & Richardus ibid. ar. 3. q. 1. tres huius nominis significationes asserunt, siquidem primo commissiue proprius sacerdos dicitur, quicumque potest poenitentem absolvere, siue propria potestate, siue commissa, & siue commissio fiat ab homine, siue a iure, vt sunt delegati a iure ca. ad abolendam. de hæret. & c. irrefragabili. de offic. ordin. quo modo eiusdem contentis multi sunt sacerdotes proprii. Communiter secundo proprius sacerdos dicitur, qui propria auctoritate, vel officio, tanquam prælati ordinarius, absolvere potest, vt Papa omnium fidelium, Episcopus omnium diœcesanorum, & sacerdos parochianus omnium suorum parochianorum. Proprie autem tertio dicitur sacerdos proprius, cui commissæ est specialis cura in certa parochia, qui administrat sacramenta populo suo, quem habet in illa ecclesia. Nauar. in cap. placuit. num. 131. de poen. d. 6.

2 Hinc Præfati Doctores docent vocem Proprii sacerdotis in illo ca. omnis. æquiuocè sumi, ita vt in prima parte, proprius sacerdos dicatur tam ordinarius, quam commissarius, seu delegatus: in secunda vero parte pro solo ordinario sumi volunt, quandoquidem in illa dicitur. Quod si alieno confiteri voluerit, petat a proprio



*prio licentiam*. Quia non sufficit eam petere à commissario, aliàs fratres mendicantes potestatem committendi haberent, quod est falsum.

Communis igitur & uerior sensus est, toto hoc capite nomen; *Proprij sacerdotis* uniuocè semper & eodem modo sumi, ita scilicet, ut is proprius semper sacerdos dicatur, qui habet potestatem ordinariam iure communi ordinario; ordinarius enim est, qui iure communi ordinario, sine alterius licentia, & electione habet actu iurisdictionem in foro conscientie, & confessionem audire potest. Nauar. cit. nu. 137. Quæ ratione quilibet fidelis, ut plurimum saltem tres proprios sacerdotes, seu ordinarios habet, nimirum parochum, de cuius parochia est; Episcopum, de cuius diocesi est; & Papam, ubicunque ille sit; quia est Pontifex non solum urbis, sed etiam orbis, ut Hostien. in c. omnis. de penit. & remiss. tradit, & Nauar. cit. nu. 124 127. & 136.

3 Quæ tamen communis doctrina intelligi debet primo, de penitente qui est extra Episcopatum Romanum, in illa enim diocesi cui solus Papa præest, unus est tantum ordinarius, scilicet, ipse Papa, cum in ea diocesi non sit alius episcopus, neque Prælati, qui quasi episcopalem habeat iurisdictionem præter Papam. Nauar. cit. n. 125. unde penitens ibi tres ordinarios, aut sacerdotes proprios non habet.

4 Secundo autem nomine *Episcopi* intelligitur etiam prælati quasi Episcopi, scilicet aliquis, qui super penitentem iurisdictionem habet quasi episcopalem; quorum de numero sunt omnes monachi & alij, qui subiiciuntur non Episcopis ullis, sed alijs prælati, qui vel immediatè Romano Pontifici subiunguntur, aut mediantibus alijs Prælati, qui tamen non sunt Episcopi. Nauar. cit. nn. 126.

5 Tertio autem ab hac communi, & uniuersali doctrina excipitur ipse Papa, qui nullum habet superiorem, nisi quem ipse delegerit. ex c. Nemo. cum gloss. & c. aliorum. 9. q. 3. & Nauar. cit. nu. 127.

6 Hinc constat sensus Decretalis omnis utriusque sexus. de pen. & remiss. & qualiter tres partes continet, in quarum prima *omnis utriusque sexus fidelis &c.* est præceptum diuinum de semel in anno confitendo; tenetur enim Christianus omnis postquam ad annos discretionis peruenerit, ex lege diuina omnia sua peccata confiteri; per hoc autem ecclesiæ statutum, solum limitatur tempus, intra quod quis confiteri debet, Neque solum confiteri tenetur lege diuina, sed etiã lege diuina confiteri tenetur proprio sacerdoti, aut alieno de proprii licentia. In secunda uero parte. *Si quis alieno sacerdoti confiteri uoluerit*: continetur dispensatio, & relaxatio quædam primæ partis, ostenditurque simul præceptum hoc de semel in anno confitendo proprio sacerdoti, esse disiunctiuum, scilicet, ut talis annua confessio uel proprio sacerdoti fiat, uel alteri de proprii sacerdotis licentia, ita scilicet, ut qui

vult alteri confiteri, prius à proprio licentiam petat; unde satis est, ut uel primam, uel secundam partem adimpleat, siquidem confitendo proprio sacerdoti, seu ordinario, primam partem adimplet, confitendo autem commissario adimplet secundam. Quod expresse significat Concilium Florentinum in decreto Eugenij IV. §. quartum. quando ait, minister Sacramenti Pœnitentiæ est sacerdos auctoritatem absolueudi habens ordinariam; uel ex commissione superioris, scilicet, ordinarij, quo iam diximus modo. Nauar. cit. nu. 132. 133. & 137.

7 In tertia uero parte, quæ continetur his uerbis. *(um aliter ipse* (scilicet alienus sacerdos) *illum non possit absolvere uel ligare*; expresse statuitur & definitur quod licentia proprii sacerdotis sit necessaria, & sufficiens ad hoc, ut alienus, alterius subditum ualide absolue- re possit. Nauar. cit. nu. 133.

8 Hinc colligitur quomodo intelligendum sit quod tradunt Panor. & alij in d. c. omnis de pen. & remiss. & Hostien. in summa. de penit. §. cui confitendum. & Cardin. in clem. dudum. de sepult. §. si uero. & Palud. in 4. distin. 17. quæst. 3. quod plures sint quam tres proprii sacerdotes. Quorum Primus est Papa in toto mundo. Secundus est legatus in sua prouincia. Tertius est penitentiarius Pape. Quartus est Archiepiscopus dum uisitat prouinciam, hoc enim tempore est proprius sacerdos subditorum suorum suffraganeorum, & eos absolue re potest c. nostro. de penit. & remiss. Quintus est Episcopus in sua diocesi. Sextus est Archipresbiter ecclesiæ cathedralis. Septimus est Vicarius generalis Episcopi. Isti enim audire possunt omnes in diocesi. arg. l. cum prætor. ff. de iud. & c. officium. de offic. Archidia. Octauus est præbiter parochialis in tota sua parochia. Nonus est Vicarius prælatorum. Decimus omnes habentes licentiam ab aliquo prædictorum. Undecimus sacerdos ille, qui eligitur a Papa in ipsius confessarij, & qui ab Episcopis, & Archiepiscopis, Patriarchis, Cardinalibus, & similibus prælati superioribus, & inferioribus, dummodo sint exempti, ut patet ex c. si de pen. & remiss. constat enim quinam ex dictis sint proprii & ordinarij, & qui commissarij & delegati sunt. Nauar. cit. nu. 138.

*Confessarium cui licet eligere, is eum, qui non exercet curam animarum, eligere potest. Cap. XX.*

S V M M A R I V M.

- 1 Habens licentiam à proprio eligere potest etiam non habentem curam animarum.
- 2 Electus à penitente ex licentia proprii, cuius auctoritate absoluit penitentem.
- 3 Quilibet sacerdos in sua ordinatione iurisdictionem accipit.



*accipit iure diuino.*

4 *Subiectio voluntaria penitentis non sufficit, ut ab alieno sine proprii licentia absolui possit.*

1 **V**ltra licentiam eligenti datam, ut cui voluerit sacerdoti confiteatur, quicquid glossa in c. omnis utriusque sexus. de pen. & remiss. velit etiam, ut in confessarius electus curam animarum habeat, vel ordinariam, vel ex commissione, verior tamen Doctorum sententia tenet posse eum, qui facultatem eligendi confessarium habet, sibi quemcunque sacerdotem eligere, etiamsi nullam animarum curam actu exerceat. Ut docent Parnorm. in clem. 1. de offic. deleg. & And. Sicul. in c. post cessionem. col. 1 r. de probat. Palud. in 4. dist. 17. q. 4. Angelus verb. confessio. 3. §. 4. & Siluester verbo confessor. 1. quaest. 5. & Gabriel in 4. dist. 18. quaest. 2. artic. 3. dub. 5. & Nauar. in c. placuit. nu. 49. & 53. de penit. dist. 6. dummodo tamen executionem sui ordinis habeat, hoc est, modo non sit prohibitus, excommunicatus, uel suspensus. Quae ueritas satis manifestè significatur in d. c. omnis. de pen. & remiss. quod solum habet, ut qui vult alteri quam proprio confiteri, petat & obtineat licentiam proprii: nihil aliud exigens quam proprii licentiam. Quod etiam docet Adrianus in 4. de confess. dub. 1. post 5. quaestionem. Quilibet enim sacerdos in ordinatione clauem potestatis ligandi & soluendi recipit, qua tanquam iudex ecclesiasticus dignos recipere, & indignos excludere debet a regno. Extrau. Quia quorundam. de uerb. signific. & Concil. Trid. sess. 23. cap. 15. expresse affirmat quemlibet sacerdotem absoluedi potestatem habere, si uel beneficium parochiale obtineat, uel alias idoneus ab episcopis per examen iudicetur, & proinde quilibet talis quamuis animarum cura careat, absolvere & ligare potest, dummodo materiam debitam habeat, materiam vero debitam habet eo ipso quod penitens de licentia proprii sacerdotis eligendo ipsum in confessorem, iam se ei subiicit ut materiam debitam. Nauar. cit. nu. 50. 51. & 52.

2 Hinc infertur, quod sic electus à penitente ex proprii licentia, non absoluit auctoritate à parochiano, uel paracho proprio accepta, sed auctoritate propria, quam accepit in ordinatione sua, quam exercere potest habita materia. Vnde Paludanus in 4. dist. 22. quaest. 3. colum. 2. rectè annotauit nullum confessarium, quicumque sit ille, cum absoluit, dicere debere; (auctoritate Episcopi, vel curati &c.) quandoquidem eo modo, quo est auctoritas in homine, apud omnem per æque est sacerdotem, sed superior, aut parochus dat sibi materiam, non tamen potestatem ei dat episcopus, nisi quando eum primo ordinat. Sicut enim princeps dat alicui artificei licentiam utendi arte sua, puta medicina, quod non est ei dare artis potestatem, sed relaxare materiā: sic conferuntur ordines, & audiuntur confessiones in parochijs aliorum de licentia eorū,

per quam licentiam sola offertur materia, non tamen datur potestas noua, sed oblata semel debita materia, sacerdos ex ipsa ordinis natura, propria auctoritate absoluit. Nau. cit. num. 45. 46. & 55.

3 Ex his sequitur, qua ratione fieri potest, quod licet quilibet sacerdos in sua ordinatione iure diuino iurisdictionem, & potestatem absoluedi a peccatis accipit, quam nec Summus Pontifex ei tollere potest, neminem tamen absolvere potest, eo ipso solum quod iure humano ab ea exercenda impeditus sit, dum ei debita subtrahatur materia, in qua illam exerceat. Ut optimè Paludanus in 4. dist. 17. quaest. 3. colum. 7. vers. Tertius; annotauit, sicut enim vino & pane subtractis presbyter non consecrat, etiamsi in ordinatione consecrandi acceperit potestatem, neq. sine aqua baptizat, ita populo subtracto a subiectione alicuius presbyteri, subtrahitur ei quoque materia, in quam soluendi potestatem exerceat, & ita non absoluit. Nau. cit. num. 48.

Ceterum hæc differentia est inter potestatem consecrandi, & absoluedi sacerdotibus in eorum ordinatione concessam, quod illam Papa nec tollere potest, nec ita impedire, ut per eos facta consecratio non efficiat verum corporis Domini Sacramentum, hanc vero absoluedi potestatem impedire, & tollere potest, eo quod hæc iurisdictionem exigit, & superioritatem aliquam super eo, in quem est exercenda, & ideo cum omnis iurdictio à Romani Pontificis auctoritate dependeat. ca. proposuit. de concess. præben. & ca. Quodcunque 24. quaest. 1. potest illam ita tollere, & impedire, ut absolutio ipso iure non teneat. Nau. cit. nu. 44.

4 Infertur etiam quod non sufficit sola poenitentiae subiectio voluntaria, ut electus illum absolueret possit, sed requiritur etiā proprii parochi ipsius penitentis licentia. c. omnis utriusque sexus. de pen. & remiss. & fuse tradit Palud. in 4. dist. 17. q. 3. col. 7. & Nau. cit. n. 49. & post Concilij Tridentini decretum sess. 23. de reform. c. 15. constat nullum, etiam Regularem, posse confessiones secularium, etiā sacerdotum, audire, nec ad id idoneum reputari, nisi aut parochiale beneficium, aut ab Episcopis per examen, si illis videbitur necessarium, aut alias idoneus iudicetur, & approbatione, quæ gratis detur obtineat, priuilegiis, & consuetudine quacunque, etiam immemorabili, non obstantibus.

*Habens à Papa, uel Episcopo suo facultatem eligendi confessarium, id nulla parochi sui licentia petit a facere potest. Cap. XXI.*

*S V M M A R I V M.*

1 *Habens licentiam à Papa, uel Episcopo eligendi confessarium, sine parochi licentia, ei confiteri potest.*

2 *Primi-*



- 2 *Privilegium ita interpretandum est, ut aliquid præter ius commune operetur.*
- 3 *Parocho non fit præiudicium ex eo, quod sine licentia eius, ex papæ, vel episcopi licentia, alieno confiteatur.*
- 4 *Vicarius episcopi licentiam dare potest, ut quis alteri, sine proprii licentia, confiteri possit.*
- 5 *Vicarius Rectoris alicuius ecclesiæ an licentiam concedere possit, ut quis alteri confiteatur.*
- 6 *Peregrini cum licentia parochi peregrinantes, quibus confiteri possunt.*

**Q**uamuis nonnulli olim ut glossa 6. & Ioan. And. & Panorm. ex parte, in cap. omnis vtriusque sexus. de pœnit. & remiss. illius opinionis fuerint, ut crederent eum quia Papa, uel episcopo suo facultatem haberet eligendi confessarium, illum non posse sine proprii sui parochi licentia adeo ut docuerint eos qui sine parochorum suorum licentia Prædicatoribus, & Minoribus, quibus audiendi potestas facta fuit per clem. Dudum. de sepult. confitentur (quæ etiam facultas postea extensa fuit ad fratres Augustinianos per Clementem V. & ad Carmelitas per Ioannē 22. secundū Ioan. And. in d. c. omnis. colum. pen. sub finem. & Naua. in cap. placuit. nume. 185. de pœn. d. 6. & hodie ad omnes fere religiosos extenditur.) teneri iterum parochis suis propriis confiteri; verior tamen & communis Doctorum consensus docet, nulla ratione necessarium esse proprii parochi consensum, & licentiam; Nā in c. omnis de pœn. & remiss. solum requiritur consensus proprii Sacerdotis, ad hoc ut quis alieno confiteri valide possit, & absolui, & ita cum tres vniuscuiusque ferè Christiani proprii Sacerdotes sint, Papa videlicet, Episcopus, & parochus; sufficiet vniuscuiusque horū licentia ad valide alieno Sacerdoti confitendum. Sed præterea quoties aliqua iurisdic-tio in solidum est penes multos, ita ut quilibet eorum sine alio procedere possit, tunc vnus potest committere sine alio, & omnia alia facere, perinde ac si alius cum eis in illa iurisdictione non concurreret. l. 1. ff. de offic. consul. & Panorm. in c. prudentiam. de offi. delegat. & proinde cum potestas ligandi, & absoluendi in foro conscientie, penes tres prædictos in solidum sit; Quilibet eorum absolute-re, & absolutionem committere alteri potest. Nau. cit. nume. 58. & 59.

- 2 Huic conforme est illud, Quod privilegium ita interpretandum sit, ut aliquid præter ius, immo & contra ius commune largiatur, c. si Papa. de privilegiis. in 6. & l. si quādo, ff. de leg. 1. cuius rei casus est expressus in c. In his. de privilegiis. vbi habetur, Quod Prædicatores, & Minores, quibus concessum erat cum altari viatico, vbi vellent celebrare, posse illud facere, etiam sine Prælatorum licentia; quoniam (inquit textus) Alioqui nihil ea indulgentia speciale concederet. Cum igitur nihil iuuaret licentia de confessario eligendo à Papa, vel Episcopo concessa, si necessaria esset parochi quoque licentia, cum hæc sola sufficeret,

consequens est illam minime necessariam esse. Vnde communis est Doctorū opinio hæc eligendi licentiam posse à Papa, vel Episcopo solo concedi, sine vilo parochi consensu, ut tenent Domin. & Perus. in cap. 2. de pœn. & remiss. in 6. & glossa ibid. & Adrianus de confessione. dub. primo. post quæst. 5. Palud. 4. dist. 17. q. 4. colum. 3. & Felin. in c. 1. colum. 6. de rescriptis. dicens ita fuisse per Eugenium Papam declaratum. immo & S. Anton. in 3. par. titu. 17. cap. 9. colum. 2. asserit contrariam sententiam glossæ sextæ. Ioannis Andreæ, & Panor. damnatam esse per Clementem III. in quodam Privilegio Prædicatorib. concess. cuius initium est. Quidam tenere & c. Nauar. cit. num. 60.

- 3 Neque hac ratione, aut præiudicium vllum infertur parochi, aut pervertitur ordo ecclesiasticus, aut parochorum imminuitur potestas, dum sine licentia eorum, ex concessione Papæ uel Episcopi solius, alieno sacerdoti confiteri possint; siquidem ut recte docet S. Tho. in tractatu contra impugnantes religionem. & in 4. dist. 17. quæst. 3. artic. 5. quæst. 4. ad primum. per huiusmodi licentiam potius parochi onus auferitur, quam præiudicatur, præiudicium enim non fit alicui, nisi subtrahatur ei, quod est in fauorem ipsius indultum; iurisdictionis autem potestas non est commissa alicui homini in fauorem suum, sed in utilitatem plebis, & ad honorem Dei, & ideo, si superioribus expedire videatur ad salutem plebis, & ad honorem Dei promouendum, quod alij, quæ sunt iurisdictionis, committant, nulum fit præiudicium inferioribus prælatis; nisi illis qui quærunt, quæ sua sunt, non quæ lesu Christi, & qui gregi præsumunt non ut pascant sed ut pascantur.

Sed præterea potest superior licentiam hæc concedere etiam cum inferioris, & parochi præiudicio; Nec tñ licentia hæc odiosa dicitur, & propterea restringenda; Quia tunc solum iurisdic-tio odiosa censeri debet, & limitanda, quando eam concedens nihil de tali præiudicio cogitauit, ut tradunt Alexander libr. 2. consil. 115. colum. 8. & Decius consil. 113. & in ea. super eo. de offic. delegat. & Nauar. cit. nu. 60. 61. cum tamen satis constatin hoc euentu non cōtingere; Quandoquidem Papa, & Episcopus licentiam confitendi alieno parochi concedentes, satis exprimunt se licentiam illam concedere, etiam si parochus aliquis exinde præiudicium sibi fieri existimaret.

- 4 Primo hinc infertur, quod qui habet licentiam confitendi alieno Sacerdoti ab episcopo, siue Vicario Episcopi, vel Legati, etiam si sine licentia parochi confiteri potest, quoniam & hos proprios esse confessarios eorum, quibus præsumunt, nemo negat. arg. cap. 1. de offic. delegat. & cap. 2. tit. eod. in 6. & cap. 2. de consuetud. & c. Romana. de appell. in 6. & Nauar. cit. num. 62.

Secundo infertur, eos, qui cum licentia Vicarij alieno confitentur, legitime confiteri; siue



# Habens a Papa, vel Episc. &c. Cap. XXI. 35

sue is sit Vicarius perpetuus, qui ponendus est in ecclesia parochiali alteri annexa. iuxta c. extirpandæ. §. qui vero. de præben. de illis enim, & de parcho, seu rectore principali idē ius est. Clem. 1. de offi. vic. Siue sit Vicarius generalis Episcopi, cuius tribunal vnum & idē est cum Episcopi tribunali. c. Romana. de appell. in 6. & c. 2. de consuetud. in 6. Siue sit Vicarius temporalis, qui propter absentiam Rectoris ab Episcopo ponitur. cap. cum ex eo. de elect. in 6. & glossa in simili in Clem. 1. de privileg. super verb. presbyteri. Siue sit Vicarius ab alio rectore, vel vicario perpetuo ad modicum tempus positus ex Petro ab Anchorano in Clem. 1. de offi. vic. notab. 4. In quibus omnibus casibus confessio facta alieno, de licentia proprii facta censetur, & per eam satisfit c. omnis. de pœn. & remiss. Nau. cit. n. 69. Quamvis enim delegatus inferioris, vel delegati a principe regulariter subdelegare nequeat, l. a iudice, C. de iudic. & c. cum causam. de appell. falsit tamen vt notat Glossa 3. in c. is, cui. de offi. delegat. in 6. quando inferior subdelegandi facultatem concedit, vt in his casibus contingit in quibus tacite & implicite conceditur facultas agendi omnia illa, quæ ipse rector, vel committens ibi tanquam rector agere posset, vt usus, & experientia docent, ex Adriano in 4. de confess. dub. 2. Nauar. cit. nu. 70. 71. & 72. mens enim parochi est iusta de causa non residens, et Vicarium instituentis, vices plenas suo Vicario committere, quoad Sacramentorum administrationes, etiam quoad delegandam & dandam facultatem, quam ipse præfens daturus esset, si in agenda cura resideret. Secus autem quādo solum personæ industria, quoad ministerium aliquod eligitur sine animo tam plenæ concessionis faciendæ; tunc enim nihil aliud eius fidei committitur, quam ministerium illud, in quod electus, vel substitutus est.

Textio infertur, quod si rector accersat aliquem sacerdotem, vt sibi iuuat in confessionibus, is non poterit eiusmodi licentiam tribuere, quia non constat de mente rectoris; ut. n. notat Syluester in verbo. excommunicatio 7. casu 14. dubio vndecimo, Rector talis, aut aliquis alius superior, qui ad modicum tempus adiutorem accersit, vel vicarium ponit, probabiliter iudicatur non esse illius mentis, vt concedere velit suas vices, etiam cum oporteret, ad delegandum, & vocandum alios coadiutores; quamvis etiam secus in hoc casu censendum erit, quando de huiusmodi mente, vel per coniecturas, vel per suam, vel aliorum pristinam consuetudinem in hoc satis apparet. Nau. cit. num. 74. & 75.

Quarto infertur, eum qui de Papæ, vel Episcopi licentia alias legitime sua peccata est confessus non teneri, vel semel in anno ad parcho suo confitendum Nauar. cit. num. 75. & 117. & 119. vt satis constat ex ijs quæ in Extrau. Ioan. 22. cuius initium est. vas electionis continentur.

Quinto infertur, quod peregrini qui cum

parochi licentia peregrinantur, confiteri possunt his, quibus confitentur illius loci homines, in quem se receperint. concedens. n. licentiam peregrinandi, concedere etiam videtur ea, sine quibus commodè peregrinari non potest. l. pen. ff. de usufruct. Vnde cum quis commodè peregrinari nequeat sine sacramentorum refectione, eo ipso quod peregrinandi licentiam concedat, etiam confitendi licentiam concessisse censetur. Quāvis enim viatores secundum declarationem Eugenij quarti vniuersalis vocis oraculo confiteri, & communicare possunt in locis vbi se reperiunt, peregrini tamen nihil tale possunt, nisi quando cum facultate Episcopi, aut parochi peregrinantur. secundū Palud. in 4. dist. 17. q. 4. col. 7. & S. Ant. 3. par. tit. 17. c. 4. & Nau. cit. num. 68. Qui duo auctores in eo tamen falluntur, quod existimant, episcopum concedentē licentiam peregrinandi, concedere etiam licentiam, vt ab episcopis casibus absolui possunt. Quia etiam si expressē concedat licentiam eligendi confessarium, non tamen censetur concedere facultatem vt absolui possit a casibus reſeruatis, prout experientia docet, & aperte satis colligitur ex c. 2. de pœn. & remiss. in 6. in primo Responso: Immo quando concedit alicui omnem suā facultatem ad audiendum confessiones, et absolueudum auditos, non censetur concedere casus sibi reſeruatos iure communi, aut suo particulari, aut consuetudine generali, uel speciali. arg. cap. si. de offi. uic. in 6. & eorum quæ docet Ioan. And. eod. tit. in cap. tua. & ideo multo minus licentiam peregrinandi concedens, ullo modo tacite ut quis a casibus reſeruatis absoluaſur, concedere censetur. Nauar. cit. num. 63. in Man. c. 27. nu. 256.

*Confessarij eligendi licentia, à Papa, Episcopo, vel ab alio facultatem habente concessa, nec prima electione finitur, nec morte concedentis moritur.*

## Cap. XXII.

### S Y M M A R I V M.

- 1 Sermo simpliciter probatus de primo actu intelligitur.
- 2 Facultas ad confessarium eligendum data electione prima non finitur, & quare.
- 3 Licentia de confessario eligendo concessa mortuo concedente non expirat.
- 4 Sententia excommunicationis contra furtum committentes lata, quare morte illam proferentis expirat.

**E**T si sermo simpliciter prolatus de primo actu intelligi debeat. l. dotis promissio. ff. de iure dot. ut securitas ueniendi data bannito. de solo primo ueniendi actu intelligitur, ex Bar in l. 1. ff. ad l. Iul. de adult. & Pan. in c. 2. de treug. & pace. & potestas arbitro data in compro-



compromisso de prorogando termino compromissi, si non est dictum, *Semel, aut pluries*, intelligitur de prima & unica prorogatione; Nilominus tamen confessarij eligendi licentia data electione prima non finitur, vt recte tradit Palud. in 4. dist. 17. quæst. 3. col. 3. expressè affirmans eum, qui facultatem habet eligendi confessarium, posse nunc eligere vnum, & nunc alium, toties, quoties voluerit. Nauar. in cap. placuit. nume. 169. de pœn. d. 6.

- 2 Neque aliquid obstat regula illa, quæ solum vera est, & intelligenda in odiosis, & onerosis; vnde cum dispensatur cum aliquo, vt duo beneficia obtinere possit, intelligitur de duobus primis. cap. Non potest. de præben. in 6. Et quando quis dotem alicui, cum nupserit, promittit, accipitur de primis nuptijs tantum. l. dotis promissio. ff. de iure dot. Quod etiam in alijs exemplis manifestum est. Secus autem dicendum erit in parum onerosis, & satis fauorabilibus. l. placet. ff. de lib. & post. hu. vt tradunt Oldrad. consil. 32. Anan. consil. 170. §. hoc sermone. Decius in cap. Quanto. de iudic. & Panorm. in c. cum Apostolus. col. 1. de censib. vnde cum gratia eligendi confessarij nulli onerosa sit, sed tota fauorabilis, & in animarum fauorem concessa, quo possit consilium de optimo confessario deligendo liberius exequi, & de rebus ad salutem anime pertinentibus melius instrui, actu & electione prima non censetur finiri. Nau. cit. num. 170.

Hinc falluntur Calderinus consil. 16. & Felin. in c. 2. de treuga & pace. & in c. omnes leges. dist. 1. col. 4. & Rochus de iure patron. verbo Honorificum. q. 10. Qui disputantes, An gratia concessa patrono laico de præsentando vno post alium, iuxta c. Quod autem. de iure patron. intelligi debeat, de prima vice tantum, nec ne? docent patronum posse semel aut iterum, quot volet cumulando præsentare, non autem tertias vel quarta vices. Quod sane dictum falsum est, vel quia vt docet Decius in cap. Quanto. col. 3. de iudic. fauor ecclesiarum esse videtur, vt laicus cumulando multos præsentare possit, vt sic ecclesia illorum optimum admittere possit; vel certe, quia potestas illa variandi etiam cumulatiue laicis patronis concessa, si non respiciat ecclesiæ utilitatem, at saltem gratiam quandam & fauorem ipsorum patronorum continet, & ideo nec prima, nec secunda vice finietur. Nauar. cit. num. 170.

- 3 Ex eodem etiam fundamento constat licentiam de confessario eligendo concessam, non expirare mortuo concedente, prout tradunt Palud. in 4. dist. 17. quæst. 3. col. 3. & Innoc. in c. Quod translationem. de offic. legat. vbi ait, indulgentias a legato concessas, etiam finita eius legatione durare. Sed & potestatem habens de aliquibus beneficijs conferendis nulla persona expressa, morte concedentis non expirat ca. si cui. de præben. in 6. & in cap. si super gratia. de offic. delegat. in 6. ubi similis omnino casus habetur. Glossa etiam in Clem. Dudum. de sepult. §. statuimus. ver-

sic. ac deinde. in verbo, Concesserunt. docet licentiam fratribus præsentatis concessam, non modo concedentis morte non expirare, sed nec reuocari posse, vt patet ex Extrau. Inter cunctas, §. duos. de priuileg. sicut nec dispensatio ab Episcopo concessa parochio ad septennium de non residendo, vt studeat, reuocari valet, ex glossa in cap. cum ex eo. de elect. in 6. Verbo. septennium. Ex quo etiam fundamento Card. receptus communiter docet in Clem. fin. de elect. quæst. 3. facultatem accipiendi ordines a quocunque maluerit Episcopo concessam, morte concedentis non expirare. sicut nec licentia concessa alicui de celebrando in domo sua, morte concedentis terminatur. ex Rota, in Antiq. decis. 580. quæ est 86. de rescrip. in nouis. & Rota in iisdem antiquis, decis. 882. quæ in nouè rubricatis est 87. de rescrip. ait, Quod qui gratiam habet a Papa factam, simul ac ipsius manu signatur, perfectam esse, nec morte illam facientis expirare. Nau. cit. num. 162. & 163.

- 4 Hinc infertur qua ratione sententia excommunicationis lata contra omnes furtum committentes, expirat morte illam proferentis. ex glossa recep. in c. A nobis. 1. de sent. excō. Et etiam inhibitiō artis exercendæ alicui facta, morte, vel depositione prohibentis terminatur. l. fin. ff. de pœnis. Siquidem ut recte notat Panor. in ca. pen. de cler. non resid. aliud dicendum est de sententia odiosa, & conditionaliter facta, & lata sine causæ cognitione; aliud vero de gratia, & concessione fauorabili, qualis hæc est de licentia concessa, vt quis alteri confiteri possit. Quo etiam modo diluitur lex illa fin. ff. de pœnis. loquitur enim de iudicis præcepto inhibitorio sine causæ cognitione lato, quod inhibetis officio finito, ipsum quoque finitur. Nauar. cit. num. 165. Quicquid ergo S. Anton. 3. par. tit. 17. capit. 6. §. fin. & Syluester in Verb. confessor 1. quæst. 7. contrarium asserant, ex eo quod mandatum reintegra morte mandantis expirat cap. gratum. & cap. relatum. de offic. deleg. & l. mandatum. Cod. eod. & quia licentia concessa alicui de non residendo, morte concedentis expirat. ex glossa in cap. penult. de cler. non resid. Dicendum tamen est cum alijs non expirare. licet enim mandatum de aliquid faciendo morte mandantis expiret; non tamen gratia, facultas, aut licentia aliquid faciendi concessa. Nauar. cit. num. 162. Illud autem de clerico non residendo, nostram potius probat sententiam, vt Ioan. And. Card. & Panor. affirmant. immo ipsa glossa penult. ibidem docet, eiuſmodi licentiam de non residendo ab Episcopo concessam, posse per successorem reuocari, hoc loquendi modo significans, eam morte concedentis non esse reuocatam. Nauar. cit. num. 166.



# Confess. parochianorum, &c. Cap. XXIV. 37

*Confessiones parochianorum, quoties illi volunt, parochus audire tenetur.*

Cap. XXIII.

S U M M A R I U M.

- 1 Parochus quibus temporibus confessiones suorum audire tenetur.
- 2 Parochus toties parochianorum confessiones audire obligatur, quoties illi confiteri volunt.
- 3 Richardi, & Sylvestri opinio circa obligationem parochorum refellitur.

**Q**uidam eius opinionis sunt, quod parochus illis solis temporibus debito necessitatis parochianum audire tenetur, quibus parochiani sibi confiteri obligantur. Quam sententiam Richardus in 4. distin. 18. art. 2. quæst. 3. & Sylvester. verbo confessor. 1. quæst. 1. tenet, eo quod nullo iure cauetur, parochum teneri pluries, quam semel in anno suorum parochianorum confessiones audire. c. omnis. de pœn. & remiss. Et quia multi ob inanem gloriam forte plus satis confessionem frequentarent; Alij solum venialia, vel iam semel cōfessione legitima detecta aperire vellent, & parochi nil aliud vnquam, quam confessiones audirent.

2 Verius tamen sentiunt ij, qui docet, toties parochum teneri ad confessiones parochianorum audiendas, quoties illicōfiteri velint, nisi per hoc a maioribus, vel eque necessarijs curæ oneribus auocetur, vel probabili ei ratione, seu coniectura constet, quod non expedit illos iam frequenter audire. Vt erudite tradit Adrianus in 4. de confessione. dubio 8. post quæst. 5. Nauar. in c. placuit num. 152. Quia Vicarius, & seruus dominū suum imitari debet. & ita cum dominus dignatus sit peccatorem in gratiam suam recipere, quoties peccator ad dominum conuerteri vult, & a peccato recedere, Ezech. 18. & 32. & prima quæstione septima, capitulo, Si quis omnem. vtique & ipse parochus qui Christi Vicarius est, et eius uices gerit, quoties subditus voluerit, illum audire, & sacramentum penitentiae ministrare tenetur. Eadem enim ratio delegatum, quæ delegantem mouere debet c. super literis. de refer. Deinde etiam pastoris est, gregem suum pascere, & a luporum morsibus illatum custodire, iusfirmum consolidare, & grotum sanare, & contractum alligare. Ezech. 34. Non enim est iusta pastoris excusatio, si lupo oues comedat, eo nesciente c. quamuis. de reg. iur. cum ergo maximum præsidium recuperandi oues perditas, & conseruandi a luporum inuasionem sit sacramentum confessionis, cum multi non essent contriti, aut peccatorum remissionem assequuturi, nisi adhibito sacramento, probabile admodum est, quod parochi eos audire tenentur, quoties petierint. Sed præterea olim omnes teneban-

tur ter saltem in anno communicare. ca. & si non frequentius. de consecr. dist. 2. & consequenter tenebantur saltem ter in anno confiteri, cui consequens est parochos ad ter cōfessiones audiendum obligatos fuisse, nulla autem lege videtur eis illa obligatio remissa, relaxatio enim c. omnis. de pœn. & remiss. in fauorem, et exonerationem solum penitentium facta est, & ideo in odium eorum non est retorquenda. l. quod fauore. C. de leg. & regula. Quod ob gratiam. leg. 6. Multorum item opinio est, scilicet, Ioannis Maioris in quarta distinctione decima septima, quæstione secunda, Adriani in quarta, de confess. dub. octauo. & Caiet. verb. confessio. & Nauar. cit. num. 159. quod quoties quis putat se non recordaturum peccati mortalis, in quadagesima, quod admisit, toties teneri ad illud antea confitendum, sæpe autem timere quis potest ne peccatum quod nunc bene confiteri potest, illius postea in quadagesima obliuiscatur, & ita sicut iste prius confiteri, ita illius confessionem parochus audire tenetur.

3 Neque obstant quæ a Richardo, & Sylvestro afferuntur; Siquidem in c. omnis. de pœnitent. & remiss. solum asseritur, parochianos semel saltem in anno ad confitendum si peccarunt, teneri, nihil autem dicit an parochi eos pluries confiteri volentes audire, nec ne, teneantur. Neque de aliquo præsumendum est, ad confessionem, qui præcipuus est modestiæ actus, superbia incitari, quamquam id aliquando contingat. Et qui solummodo confiteri volunt venialia, aut mortalia prius legitime confessi, prudenter admonendi sunt, ne id faciant, nisi communicare voluerint, quamuis vtile etiam sit, habita temporis, & personarum ratione, & pluries confiteri. Nauar. cit. num. 160.

*An liceat aut necesse sit aliquando confiteri laico. Cap. XXIV.*

S U M M A R I U M.

- 1 Laico confessio non est necessario facienda.
- 2 Laico in articulo mortis confessionem faciens an peccet.
- 3 Sacerdos omnis a quibuscunque peccatis, & censuris in articulo mortis absolvere potest.
- 4 Laico in articulo mortis confessus si conualescat eadem peccata proprio confiteri tenetur.
- 5 Laicus, cui quis in articulo mortis confessus est, ad secretum tenetur.

**R**es hæc manifesta est, non esse necessarium laico confiteri, sed neque licere ea mente, & intentione vt putet absolutionem sacramentalem a laico vlla ratione impendi posse; Quia absolutio a peccatis ab ecclesiæ clauibus pendet. Extrauag. Quia quorundam. Ioan. 22. §.

D quod



quod autem. de verb. sign. constat autem solos presbiteros claves habere, ut ibidem declaratur. Vnde glossa memorabilis. in c. pastoralis. §. preterea. de offic. ordin. ait, confessum laico etiam tempore necessitatis, ab ipso absolui non posse. Nec ullibi est textus iuris humani, vel diuini docens nos ad hoc teneri. Immo vero si quis ea mente laico confiteretur, ut ab eo absolueretur, grauiter peccaret. Sacrilegi enim crimen est, absolutionem peccatorum accipere ab illo, qui non est potestatis id faciendi capax; immo & ab illo, qui eiusmodi potestatem non habet. Est enim irreuerentia facta rebus sacris, quam sacrilegium esse constat ca. sacrilegium 17. q. 4. & gl. ibidem. & S. Tho. 2. 2. q. 99. art. 3. & Nau. in c. Qui vult. nu. 74 & 78. de poenit. dist. 6.

- 2 Hoc tamen limitandum est in ignaris, si enim quis adeo ignarus sit, ut putet omnem laicum posse absolui in articulo mortis, & ab eo in hoc casu absolutionem peteret, talis utique a peccato mortali ignorantia iuris excusaretur, ex Scoto in 4. distin. 17. quaest. 1. & Gabr. ibi q. 2. dub. 7. & Nauarr. cit. numer. 81. Quamuis enim dari nequeat ignorantia probabilis iuris diuini quod naturale est, dari tamen potest ignorantia probabilis iuris diuini positiui, quale est hoc, scilicet quod necessario sit confitendum sacerdoti. Ut in simili materia tradit Caiet. 10. 1. opusc. tract. 5. q. 5.

Quod vero S. August. ait lib. de vera & falsa poenitentia ca. 10. & habetur in c. qui vult. de poen. dist. 6. Quod si desit sacerdos, ut confiteatur proximo, puta laico, vel clerico qui non est sacerdos, ut recte docent Richar. in 4. distin. 17. arti. 2. q. 1. & Scot. ibidem. quaest. 1. & Gabr. vbi supra, & Card. in c. Quem poenit. de poen. distin. 1. de consilio tantum, non autem de precepto, intelligendum est. Naua. cit. nu. 75. Vnde in nullo casu tenetur quis laico confiteri, neque uenialia, neque mortalia.

- 3 Hinc infertur primo, quod licet quilibet sacerdos, etiam excommunicatus, haereticus, schismaticus, aut alio quouis modo ab absolueundo prohibitus, quam ex iurisdictionis defectu, a quibuscunque peccatis, & censuris quoscunque absolui possit, ut patet ex Concilio Trid. sess. 14. ca. 1. 3. & 5. can. 4. & Naua. in d. ca. Qui vult. nu. 88. & in Man. c. 27. n. 171. Laicus tamen in articulo mortis, neque ab excommunicatione, neque a peccatis absolui potest, cuius diuersitatis rationem optimam tradit Paludanus in 4. dist. 17. q. 3. col. 2. dicens, quod ideo sacerdos non proprius potest absolui in articulo mortis tam a peccatis, quam a censuris; quia verisimile est, Papam velle, ut tali tempore quouis absolui possit a peccatis, cui talis potestas communicari potest; Quia ergo quilibet sacerdos talis potestatis capax est, & peccatorum absolutio praexigit absolutionem a censuris, ideo per quandam consequentiam videtur ei etiam commissam absolutio a censura. Quae ratio cessat in laico, cui peccatorum absolutio etiam a Papa committi non potest, ut ibidem Paludanus, versic. Tertia

conclusio. docet & Nauarr. citat. numer. 86.

- 4 Hinc infertur secundo, eum, qui etiam in articulo mortis confessus est laico, vita postea durante, teneri ad confitendum eadem peccata proprio sacerdoti, aut alieno de propria licentia, ut docet glossa in c. pastoralis. §. preterea. de offic. ordin. & in capit. 2. de poen. & remission. in 6. & Nau. cit. nu. 83.

Infertur tertio, quod excommunicatus, qui laico in articulo mortis confiteretur, in loco sacro sepeliri non possit, donec propter contritionem illam, quam confitendo monstrauit, ab illa excommunicatione absolueretur, ut tradit Imola in l. prima col. 3. ff. de publ. iudi. quia laicus eum ab excommunicatione absolui non potuit, excommunicatus autem donec absolueretur ab habente potestatem, in loco sacro sepeliri non potest. Et quamuis laicis dari potest a Papa potestas excommunicandi, & absolueudi ab excommunicatione, ut ait glossa in cap. preter. verbo. Ducibus. distin. 32. non tamen eam censetur dare etiam rati ubique mortis articulus instat, & deest sacerdos, eo quod tunc temporis mensura est, ut possit quis a peccatis absolui, ad quorum absolutionem cum praerequisita sit absolutio ab excommunicatione, etiam & facultatem absolueudi ab excommunicatione concedit, quae ratio, ut diximus cessat in laico, qui capax non est potestatis, & iurisdictionis absolueudi a peccatis. Naua. cit. nu. 85. & 86.

- 5 Infertur quarto, quod laicus, cui in articulo mortis sit confessio, licet poenitentem a peccatis absolui non possit, tenetur tamen ad eam celandam, non solum ex sigillo secreti, sed etiam ex sigillo confessionis, secundum Paludanum, & omnes in 4. dist. 21. & Nauarr. cit. num. 73. Quicquid Felinus in c. pastoralis §. preterea. de offic. ordin. contrarium dicat, affirmans talem laicum ad secretum teneri solum ex sigillo secreti.

*Confiteri bis eadem peccata, nemo lege humana obligari potest. Cap. XXV.*

#### S V M M A R I V M.

- 1 Confiteri bis eadem peccata nemo obligatur.
- 2 Ioannis Poliati errores circa confessionem referuntur.
- 3 Poenitens se ex voto ad eadem peccata saepius confitenda obligare potest.
- 4 Statutum Cisterciensium, quo confessi confessarij superiori deputatis, iterum Abbati confiteri eadem teneantur, ut intelligendum.
- 5 Monachi Nigri semel in mense confiteri tenentur.
- 6 Confessi mendicantibus an eadem parochis suis, saltem in paschate, confiteri teneantur.

1 Quid olim glos. prima in ca. placuit de poen. dist. 6. docuerit, obstringi possunt homines, ut peccata quae semel legitime confessi sunt, eadem iterum confiteantur; cuius etiam opinionis est Archid. ibid. in verb. confiteor. dicens, teneri omnes confiteri semel in anno proprio parochio, ex cap. omnes utriusque.



# Confiteri bis eadem peccata, &c. Cap. XXV 39

utriusque sexus. de pœn. & remiss. etiã si alij cõfiteantur intra annum. & clarius glo. sexta in d.c. omnis. vbi ait eum qui confessus est habetibus facultatem audiendi parochianos alienos, teneri iterum proprio parochio confiteri. Verius tamen sentiunt, qui nulla lege humana obligari quempiam posse affirmant, vt sine suo consensu teneatur eadem peccata semel legitime confessa, iterum in confessione aperire. Sic enim præter alios multos docent Gerson in lectio. 2. super Marcum. Palu. in 4. dist. 17. q. 5. col. 2. & Adrian. in 4. de confessione q. 5. col. 3. & Nauar. in c. placuit. nu. 112. de pœn. dist. 6. & in c. contrarium. num. 20. de pœn. dist. 5. & S. Thom. quodlib. 1. art. 12.

Hanc veritatem pluribus docet Ioan. 22. in Extrau. vas electionis. de hæret. quæ continet tria illa dicta cuiusdam Ioan. Poliaci hæretica esse. Quorum primum erat, quod confessus fratribus teneretur eadem peccata proprio sacerdoti confiteri. Secundum erat, quod stante statuto c. omnis utriusque sexus. de pœn. & remiss. non potest summus Pontifex facere, vt parochianus proprio sacerdoti, seu parochio ecclesiæ confiteri nõ teneatur. Tertium erat, quod Papa dare non potest licentiam, siue facultatem audiendi confessionem, immo nec Deus, qui confessus habenti generale licentiam, teneatur eadem peccata iterum proprio parochio fateri. Quæ omnia hæretica esse definiuntur, & ibidem damnantur. Huius autem rei ratio esse potest, quia ecclesia non obligat ad nimis difficile. arg. cap. Tum. de iureiur. & facit cap. alligant 26. q. 7. nimis autem difficile, & intollerabile esset, vt aliquis sine suo consensu ab homine aliquo quantalibet iurisdictione illustri obligari posset ad confitendum iterum peccata, quæ legitime confessus est, & ab eis absolutus. Nau. cit. num. 113. qua ratione conuictus, Ioan. Maior in 4. dist. 17. q. 6. qui maxime contendit opinionem gl. defendere, non audet affirmare hoc statui posse, quo ad totum populum; sed solum quoad religiosos.

Hoc quod diximus intelligendum est, quando non accedit consensus ipsius pœnitentis, potest enim quis sed ad id voto obligare, cum sit res de se bona, & laude digna; verbi gratia, si quis ad euitandum aliquod peccatum voueret se quoties id admitteret, bis confessurum. Immo etiam si ei hoc præciperetur pro pœnitentia, & eam acceptaret; tunc enim eam teneretur adimplere, non tãtum ea ratione, quod acceptauit, quantum ea, quod a confessario ad id ligatus fuit, tanquam a iudice, qui perinde habet potestatem ligandi, ac absoluedi, iuxta Concilium Tridentinum. sess. 14. c. 8. & can. 15. Naua. in dict. c. placuit. num. 115. & 116. & in c. contrarium. nu. 17. de pœn. dist. 5. Hinc tamen non infertur, lege vlla humana posse quempiam ad id astringi. Quemadmodum & quis obligare se potest ad castitatem, & virginitatem seruandam; non tamen humana lege ad id astringi potest. 32. quæst. 1. c. integritas.

Hinc infertur primo quid sentiendum sit de statuto illo monachorum Cisterciensium, apud quos statutum est, vt omnes semel in anno suis Abbatibus confiteantur ea, quæ alijs confessarijs etiam sui ordinis à superioribus deputatis, prius confessi essent, & ab iisdem absoluti, quod statutum a duobus Romanis Pontificibus confirmatum fuit. Quod sane statutum licet durum & difficile sit, ex eo tamen licitum est, quia id euenit propter ipsorum monachorum consensum expressum & explicitum, uel implicitum, & tacitum. Quoniam qui ordinem illum profitentur, tacite videntur, se velle subijcere omnibus statutis illius ordinis, & ideo tacite videntur consentire se sua peccata bis confessuros. Sicut qui se ordine sacro initiari permittit, tacite se ad castitatem seruandam obligat; siue id vocemus votum tacitum, siue legis obligationem ex illo consensu tacito resilientem, vt pluribus docet glossa in c. de illo. dist. 32. Nauar. in d. ca. placuit. nu. 109. & 118.

Infertur secundo qua ratione statui potest, prout de facto statuitur, in clem. ne in agro. §. sane. de statu monach. ad confitenda sua peccata semel in mense obligentur, & hoc etiam si sola venialia habeant, vt docet Caiet. 10. 1. opusc. tract. 5. q. 2. dicens oportere eos hoc casu venialia cõfiteri, & tamen statui nequit, ut quis bis mortalia cõfiteatur; cuius diuersitatis ratio est, eo quod durius multo est bis mortalia, & omnia confiteri, quam venialia, & eorum ea, quæ voluerit tantum, vt Caietanus vbi supra subtiliter notat, dicēs, quod illa clem. ne in agro. §. sane. non habet, vt Monachi sua omnia peccata confiteantur semel in mense, sicut illud ca. omnis utriusque sexus. de pœnit. & remiss. sed solum habet, vt semel in mense ad confessionem accedant, & ita, vt confiteantur omnia mortalia si habent aliqua, & si talia non habent, venialia quæ voluerint. Constat enim nullum obligari posse ad omnia venialia confitenda, iuxta illud, delicta quis intelligit. psal. 18. & quoad obligationem expressit Concilium Tridentinum. sess. 14. c. 5. Nau. cit. num. 110. & 122.

Infertur tertio quis sensus sit Extr. vices de treug. & pace, in qua Sixtus III. reprehendere videtur Mendicantes religiosos, eo quod docent parochianos non teneri saltem in Paschate, proprio Sacerdoti confiteri, quia (inquit Pontifex) de iure, scilicet capitul. Omnis utriusque sexus. de pœnitent. & remission. teneretur parochianus saltem in Paschate, proprio confiteri Sacerdoti. Quæ Pontificis verba, cum pars sint ca. omnis utriusque sexus, eo modo intelligenda sunt, quo caput illud, ita, scilicet, vt vel semel in anno proprio Sacerdoti confiteantur, vel de ipsius parochi, seu proprii Sacerdotis superioris licentia confiteantur alteri. Non tamen inde infertur, eum, qui fratribus Mendicantibus cõfessus, & absolutus est, teneri iterum in Paschate suis parochis confiteri, siquidem qui prædictis fratribus cõfiteatur, hoc de Papæ licentia, & pinde



de proprii Sacerdotis consensu, & licentia, alteri confitetur, cum multi sint Sacerdotes proprii, ut superius dictum est. Nau. cit. num. 108. & 117. Illa uero Extravagans, inter cunctas. Ioan. 22. §. ceterum. quæ habet monendos esse fratres, ut in suis concionibus populum exhortetur, quo suis parochis saltem semel in anno confiteantur, asserendo id ad animarum profectum pertinere, solum probat, utile quidem esse peccata eadem bis confiteri, non tamen id esse necessarium. Nauar. cit. num. 111. & 112.

*De Conditionibus Confessarij.*  
*Cap. XXVI.*

S V M M A R I V M.

- 1 Confessarius, ut recte confessiones audiat, quas conditiones habere debet.
- 2 Confessario necessaria est scientia soluendi, & ligandi.
- 3 Bonitas confessario ad confessiones audiendas necessaria.
- 4 Prudentia tam inquisitiva, quam iudicativa, confessario necessaria est.
- 5 Confessarius Pœnitentem, an peccata sua diligenter in memoriam reuocauerit, interrogare debet.
- 6 Confessarius pœnitentem, an aliqua excommunicatione ligatus sit, interrogare non tenetur.
- 7 Pœnitentem in ipsamet confessione, quænam Confessarius interrogare debet.
- 8 Confessarius quando peccat, non interrogando pœnitentem.
- 9 Confessarius in hoc Sacramento iudicis officium exercet.
- 10 Secretum, observare tenetur confessarius, et quæ huius sit ratio.
- 11 Reuelare confessionem quando censetur confessarius.
- 12 Sigillum, seu secretum quare appellatum.
- 13 Secretum confessionis Sacramentalis maius est quouis alio secreto, fortiusque ligat.
- 14 Sigillum confessionis frangens, grauius peccat, quam qui quoduis aliud sigillum uiolat.
- 15 Circumstantia, qua uiolatio secreti naturæ in uiolationem secreti confessionis transit, confitenda est.
- 16 Cui aliquid dicitur cum hac protestatione, Hoc tibi dico in confessione, sigillo tantum naturæ, non sigillo confessionis tenetur.

1 **S**olent communiter octo conditiones enumerari, quas confessarius habere debet, quæ in illis duobus uersiculis a S. Thoma in fine 4. dist. 17. realis continentur.

*Confessor dulcis, affabilis, atque suavis,  
Prudes, discretus, mitis, pius, atq. benignus,*

Ceterum & aliæ sunt, quæ magis necessariae sunt, quæ ex c. Qui uult. de pœn. dist. 6. colligi possunt: Quarum

Prima est, ut habeat iurisdictionem actualem; Quamuis. n. omnis Sacerdos in ordinatione presbyterij iurisdictionem habitualement accipit, hæc tamen non sufficit nisi pœnitens sit illi subiectus auctoritate ordinaria, uel de-

legata. c. adijcimus. §. ecce. & c. generaliter. §. ecce. r. 6. q. 1. Immo nec sufficit, esse subiectum ei quoad aliqua peccata, ad hoc ut ab omnibus peccatis absoluat. sed oportet confitentem, quoad omnia confessario subijci. unde si habuerit peccata superioris arbitrio reservata, non poterit ab eis absolui, sed oportet eum ad illum, cui sunt reservata superiorem confingere, pro eorum absolutione. gloss. in ca. 2. de pœn. & rem. in 6. & Nauar. in c. Qui uult. nu. 6. de pœn. d. 6.

2 Secunda est, ut habeat scientiam soluendi, & ligandi. scientiam uero soluendi is uidetur habere, qui formam absolutionis facere nouit. de qua infra. Ille uero uidetur habere scientiam ligandi, qui monere nouit pœnitentem, a quibus debeat recedere, a quibus abstinere necessario, qualem item & quantam pro peccatis sibi apertis pœnitentiam agere debeat. arg. c. Quæ ipsis. dist. 38. & c. Quod quidam de pœnitent. & remiss. Quamuis enim ut infra dicemus pœnitens non teneatur suscipere pœnitentiam a confessario iniunctam, debet tamen eum admonere illius, nisi quando desperatio in eo timeri posset. Non est autem necessaria scientia canonum pœnitentialium in confessario, ita ut peccet, qui audit confessiones sine illorum scientia; aut ita ut sine illa non possit ligare pœnitentem; quia hoc nullo iure cautum est. & quia hac nostra ætate, raro, uel nunquam in foro conscientiae, illorum canonum pœnitentiae imponuntur; satis enim est quod pœnitentem moneat multo maiorem pœnitentiam ipsius peccatis esse debitam, quam sit illa per eum tunc imposita. Nauar. cit. num. 7.

Docere etiam tenetur pœnitentem ea, in quibus uiderit eum errare, dum putat aliqua esse peccata, quæ non sunt; aut e contrario aliqua non esse quæ sunt. Dum item credit aliqua esse peccata mortalia, quæ uenialia sunt; uel e contrario uenialia, quæ sunt mortalia, præsertim in his, quæ pœnitens scire tenetur. Docere etiam tenetur, si uiderit errantem ex causa censuras ecclesiasticas. Aliquando etiam pro qualitate pœnitentis, alium ad contritionem maiorem suorum peccatorum hortabitur; alium consolabitur, alij humilitatem, seu modestiam suadebit, alium, ut bene de Deo speret, eriget, aliquando uero nihil monebit imprudentis. n. confessarii fuerit, uiro se multo eruditiori multoque meliori magna cum diligentia sua peccata confitenti, sermone longo, & inepto prædicare. Præsertim, quando qui confitetur, est sacerdos eruditus, qui crebro celebrat, & crebro confitetur. Nauar. cit. num. 50. §. 1. & §. 2.

3 Tertia est bonitas, qui enim aliena iudicaturus est crimina, immunis esse debet a crimine. cap. qui uult. §. sacerdos. de pœn. dist. 6. quamuis ut infra dicemus, crimen ut plurimum confessarii non efficit, quo minus confessio illi facta, & absoluto ab eo lata teneat. Nauar. in c. qui uult. §. sacerdos. num. 3. Multo minus sacerdos hereticus, & ab unitate ecclesiae paratus, schismaticus, uel excommunicatus



## De Conditionib. Confess. &c. Cap. XXVI. 41

vel interdictus, vel suspensus notorius, ita vt nulla tergiversatione celari possunt, idoneus confessarius erit. Nauar. in d. cap. qui vult. §. laboret. num. 22.

4 Quarta est Prudentia tā inquisitiua, quam iudicatiua, c. qui vult. §. careat. & §. diligens. de pœnitent. distin. sexta. Et quidem in interrogationibus quas multoties confessarius facere tenetur, magna opus est prudentia, multum vadunt ad confitenda peccata sua tali pręmeditatione pręmissa, quę sine interrogatione confessarij non sufficit, cum illa vero erit sufficiens. Immo contingere potest aliquando, vt confessarius mortaliter peccaret nō interrogando. Hęc autem prudentia inquisitiua necessaria est, tum in interrogationib. pręambulis ad ipsam cōfessionem; tum in interrogationib. in confessione ipsa faciendis. Primo interrogatio pręambula & necessario facienda est, An pœnitens cōfessarij iurisdictioni subsit, quando id ignoratur. Quare ante omnia confessarius ignotum interroget, cuius sit, & cuius parochiæ, an diplomata & Bullas habeat Apostolicas, vel ordinariorū, quibus electio confessariorū sit ei concessa. Absolutio enim illius, qui iurisdictionem in absolueudum non habet cum exercitio, ipso iure nulla est. Quia nulla est sententia a non suo iudice lata. c. at si clerici. de iudic. & Cod. si a non compet. per totum. Si tamen confessario asserat pœnitens se, vnde cūq; sit, posse ab eo, vel iure cōmuni, vel particulari absolui, rogareque illum, ne velit cuius sit, vel quis cognoscere, satisfactum est confessario. Nauar. in d. cap. Qui vult. §. diligens. num. 16. & 11.

5 Secundo interrogatio pręambula & necessaria est, qua quęrendum est, an iusta diligentia pręmeditatus fuerit pœnitens peccata sua. Nam fieri non potest humanitus, vt qui longiam tempore non est confessus, & assuetus est frequenter peccare, si subito nil pręmeditatus ad cōfessionem veniat, satis integre sua peccata confiteatur, etiam si confessarij iuuentur interrogationibus. Et ita si comperit pœnitentem confessarius sua peccata minime pręcogitasse, debet eum dimittere, quo ante pręcogitet, quam confiteatur, modo necessitas aliud non suadeat, vt quia mors aut naturalis, aut violenta imminet, aut sine scandalo nequit differri communio. Tunc enim sufficeret pœnitentia omisæ prędiscussionis cum ea, quę illi fuerit possibilis peccatorum recodatione. arg. c. 2. de pœn. distin. 7. & tradit Adrianus in 4. de confessione, dubio 6. post q. 5. & Naua. cit. §. diligens num. 14. & 15.

Quid vero agere debet confessarius, si non habet compertum, sed solum suspicatur pœnitentem non adhibuisse iustam in reminiscendo peccata diligentiam; Quid item, si pœnitens confiteatur se non satis conscientiam examinasse, quod multi confitentur, diximus in c. 15. in versic. 6. & vers. 7.

Tertio interrogatio pręambula est & necessaria, vt putat Caietanus, an confessurus a-

liqua teneatur excommunicatione, a qua confessarius absoluere nequeat: An item in tali sit malitiæ statu, quem deferere nolit, puta si est vsurarius, qui ab vsuris exercendis nō vult abstinere, concubinaris, qui concubinā non sit abiecturus, occupator alienorum, sine illorum restituendorum voluntate, multa sacerdotia sine causa obtinens, quibus animarum regendarum cura inest, qui tamen nullū illorum sit relicturus. Alij tamen non minus vere putant, hanc interrogationem non esse a confessario necessario faciendam, quamuis licite fieri possit. Siquidem vt in ca. quod quidam. de pœn. & remiss. habetur, confessionem illius, qui a peccato recedere nolit, nō esse respiciendam, sed audiendam. Frequenter etiam contingit, vt monitionibus & exhortationibus sacerdotis, quę post confessionem fiunt, pœnitens conteratur. Et experientia docet, eum, qui confessus est peccata sua, multo sollicitiorem esse, quo absoluitur, ne pereat illi labor ille grandis in pręmeditandis & confitendis peccatis susceptus, quam ante confessionem. Et nulla ratione respuere debet confessarius illum, qui vellet confiteri, non obstāte comminatione de non absolueudo illum, si saltem esset ipsius parochus, & tēpus quadagesimæ. Nau. cit. n. 12. & 13.

In ipsa autem confessione confessarius permittere debet pœnitentem, si id expedire videat, vt sine vlla interrogatione confiteatur, quę meminerit, quęque ad confitendum recogitarit, siue ordinate, siue confuse illa narret. confessio enim quę sine interrogatione fit quodam modo magis spōtanea videbitur, & ex tali pœnitentis relatione docebitur confessarius, quas partes interrogando debet attingere. In interrogando autem confessarius tria pręcipue seruare debet.

Primum est, vt interroget de peccatis, et nō de fabulis. vel alijs non necessarijs, & impertinentibus.

Secundum est, vt non interroget, nisi de peccatis consuetis, & quę communiter sunt nota explicet, ne pœnitens discat mala, quę nescit.

Tertium est, vt non descendat nimis ad particulares circumstantias peccatorum carnalium. Sufficit enim habere vltimam speciem peccati in huiusmodi, & circumstantias quę cadūt sub specialem prohibitionem, & è longinquo, & cum verbis honestis, vnde nullo modo descendat ad alia specialiter, puta, mulier confitetur, quod fuit cognita extra vas debitum, non quæretur postea vbi, vel quomodo, & alia huiusmodi. Immo in huiusmodi casu, vt notat Caietanus, confessarius prudēs non debet permittere vt pœnitens longius illas pollutiones explicet, sed dicat ei, vt secum cogitet verisimilem numerum, quoties extra vas naturale fuerit polluta, & uno uerbo explicet, Toties in hūc modum peccaui; Quod ipsum in peccato mollitiei, & alijs similibus casibus faciendum est. Nauar. cit. num. 2. 3. 4. & 5.



8 Confessarius autem toties mortaliter peccat non interrogando, quoties credit aliquid necessario confitendum taciturnum confitentem ex obliuione, vel verecundia nisi interrogetur, secundum Angelum verb. interrogationes, cui fauet c. iudicantem 30. q. 5. vbi dicitur, iudicantem cuncta rimari oportet, & ordinem rerum plena inquisitione discutere. Contingit etiam aliquando, vt confessario ipsius conscientia dicter facienda esse interrogationes; Vnde tunc eas facere tenetur. c. fin. de praescript. Quando vero bona fide credit, nihil de necessarijs a penitente omissum, siue quod omnes peccatorum locos ordine suo attingerit, siue quod paruo ante tempore confessus fuerit, siue quod eum sciat vita esse rectissimam, non tenetur interrogare, iuxta non nunquam id faciendo imprudenter ageret, & venialiter saltem peccaret. Nauar. cit. num. 1. & 7.

9 Necessaria etiam est prudentia iudicatiua, etenim confessarius iudex est spiritualis. cap. qui vult. §. caueat. de poen. dist. 6. Qui vero iudicare debet aliquid, oportet vt illud prius cognoscat. l. de qua re. ff. de iud. si enim iudex ciuili, experientiam eaularum habere debet. licet iuris. C. de iudic. & qui de matrimonio cognoscit, canonum scientiam habere debet. ca. 1. de consang. & affinit. multo magis id in confessario est necessarium, vt colligitur ex cap. omnes distin. 38. & ca. cum in cunctis. de elec. vbi dicitur, cum aetatis maturitate, & morum honestate, literarum quoque scientiam in cunctis ecclesiae ministris esse necessariam. Vnde Osee 4. dicitur, Tu scientiam repulisti, & ego repellam te, ne sacerdotio fungaris mihi. & Panor. in c. venerabilib. de preb. ait, clericum qui suo necessaria officio nescit, peccare, si non studeat. & ita in confessario necessaria omnino est prudentia iudicatiua. Nauar. in cap. Qui vult. §. caueat. num. 1. & 2. de poen. dist. 6.

10 Quinta est obseruantia secreti, vt ex ca. omnis viri utque sexus. de poen. & remiss. & ca. sacerdos. de poenit. distin. 6. constat, cuius rei nonnulli eam rationem assignant, quod sacerdos vices Deigerat, & proinde secretum tenere debet sicut Deus, qui peccata condonata occultat, & regit. psal. 33. eadem enim ratio que mouet delegantem, & delegatum mouere debet. c. super literis. de rescrip. Quae tamen ratio parum probat, cum multi alij praeter confessarium celare peccata teneantur, qui tamen non sunt Vicarij Dei, & etiam quia multorum peccata celanda sunt, quibus neque condonata sunt peccata, neque absolutio a confessario praestita. Nauar. in ca. sacerdos. num. 32. de poen. dist. 6.

Alia autem ratio est, quia iura naturae praecipunt, vt quis secretum seruet, quod ei committitur. Prouerb. 11. ius enim naturae est, vt faciamus proximo quae nobis ab eo fieri volumus. Matth. 7. Vnde cum vnusquisque velit vt secretum quod alij committit, non publicetur, & ipse etiam, quod sibi commissum est, seruare debet. Nauar. d. c. sacerdos. num. 3.

11 Hinc inferitur primo, peccare contra legem naturalem illum, qui secretum alterius in ipsius dedecus reuelat, siue illud vitium sit naturae, siue a voluntate pendens, siue verum, siue falsum. Nauar. cit. num. 4.

Inferitur secundo, eum in hanc legem peccare, qui legeret schedulam alterius peccata continentem, cuius initium id significaret, quia forte sic incipit; Memoriale peccatorum meorum, quo illa facilius olim, cum opus fuerit, recorder. Ex tali enim principio scit, aut scire debet, eum qui illa scripsit, haec nemini palam fieri voluisse. Nauar. cit. num. 9.

Inferitur tertio, contra hoc naturae praecipitum peccare eos, qui alienas literas, quae clausae sunt, aperiunt, nisi id ex consensu expresso, vel praesumpto mittentis, vel eius, cui mittuntur, faciat, vel nisi id facere auctoritate publica possit. Talis siquidem peccat mortaliter, cum contra iustitiam faciat, ex S. Thom. 2. 2. quaest. 59. art. 4. tollit enim ius alterius, scilicet aperiendi literas tam mittenti, quam ei, cui mittuntur, tollit item custodiam, quae vtrique illorum conuenit. Nauar. cit. n. 10. & 11.

Dixi nisi ex consensu mittentis, vel eius, cui mittuntur, id faciat, qui enim literas amici, vel socij aperit, bona fide credens ratam habitum iri eam literarum apertionem ab illis, non peccat.

Sic etiam non peccat, qui auctoritate publica id facit; Quia ratione praefectus, vel praefecta aperiens literas monachis, seu monialibus suis missas, vel eas quas ipsi ad alias mittunt, non peccat, quoniam lege publica id eis licet. capit. Non dicatis. 12. quaest. prima. Neque maritus dum literas uxori missas, vel contra reserat, sed neque pater aperiens literas filij in sua potestate manentis: quoniam marito, & patri haec, & alia maiora iura sunt super uxorem, & filios. cap. duo ista nomina. 23. quaest. quarta, & l. prima, & secunda. Cod. de patria potest.

Et pari ratione bellorum tempore, in confinibus regnorum aperire literas auctoritate publica licitum erit. Nauar. cit. n. 18. & 19.

12 Alia ratio & magis principalis quare confessarius ad hoc secretum seruandum teneatur, est, Quia Christus confessionis sacramentum instituens, illa omnia instituisse censetur, sine quibus confessio a nemine fieret, aut frequentaretur & amaretur, sed potius haberetur odiosa, & ita cum experientia constet, quod nullus confiteretur nisi sciret peccata sua non fore reuelanda, ideo lex de celanda illa strictissime ligat, & a Christo ipso lata est, ut docet Sanct. Tho. in quarto distinctione 21. quaestione tertia articulo primo quarela prima. Dicitur autem sigillum in hac materia, debitum, seu obligatio aliquid celandi, ex eodem Sanct. Thom. vbi supra, quaestiuicula 3. appellatur autem sigillum per metaphoram; Quemadmodum enim sigillum rem celatam tenet, quo non aperiatur, nec palam fiat, quod sigillo clauditur, ita debitum, vel obligatio tenendi aliquid secretum



tum efficit, ne res aperiatur. Vnde sigillum secreti naturæ nil aliud est, quam debitum, vel obligatio celandi aliquid iure naturæ induta, & sigillum confessionis nil aliud est quam debitum, vel obligatio celandi confessionem. Nau. cit. num. 33. & 35.

An, & qualiter licitum est confiteri existens in peccato mortali.

Cap. XXVII.

S V M M A R I V M.

- 1 Peccatum confessarii non inuadat confessionem illi factam.
- 2 Peccatorem ut sacramenta conferat, communiter inducere non licet.
- 3 Peccatorem, quibus casibus, ut sacramentum ministret, sine peccato inducere licet.
- 4 Sacramentum a sacerdote existente in mortali, non parato, scienter petens, mortaliter peccat.
- 5 Actum ordinis sacri in mortali exercens mortaliter peccat.
- 6 Predicans in mortali an mortaliter peccet.
- 7 Existens in mortali, an corrigendo alium ex officio, peccet mortaliter.
- 8 Sacramentum in mortali ministrans mortaliter peccat.

1 **P**rimo certum est, peccatum confessarii non efficere, quo minus, ut diximus supra, confessio illi facta, & absolutio ab eo data teneant; quia ut habetur c. intra catholicā 1. q. 1. nihil minus a malo, quam a bono sacerdote in sacramentis suscipitur, & c. si iustus. & c. dedit. eadem causa & quæst. & c. si celebrat de cler. excom. ministr. cuius rei optimā reddit rationem S. Thom. in 3. p. quæst. 64. ar. 6. ad secundum. Quoniam qui ad sacramentum accedit, suscipit sacramentum a ministro ecclesiæ, non in quantum est talis persona, sed in quantum est minister ecclesiæ, & ideo quandiu eb ecclesiæ toleratur in ministerio, licitum est ab eo sacramentum suscipere, neque suspiciens ab eo sacramentum, peccato illius communicat, sed communicat ecclesiæ, quæ eum tanquam ministrum exhibet. Si vero ab ecclesiæ non toleretur, puta, cum degradatur, vel excommunicatur, vel suspenditur, & ut talis denuntiatur, peccat, qui ab eo sacramentum sumit, quia communicat peccato ipsius. Nauar. in c. Qui vult. §. sacerdos nu. 3. & 4.

2 Secundo certum est, communiter, & regulariter loquendo non licere inducere aliquem peccatorem, ut sacramenta conferat, cuius dicti ratio est, quia daret causam peccandi, & consequenter ipse peccaret, capitulo finali, de iniuriis, nā nō solum qui faciūt, sed etiam qui consentiunt digni sunt morte. Rom. 1. & cap. 1. de offic. deleg.

3 Dixi communiter id non licere, quia, ut recte docet Caietanus in tertia par. quæstio. 64. artic. 6. in duobus casibus licet inducere indignum & malum ministrum, ut det sacramentum.

Primus est, quando ad id tenetur minister, quia nemo peccat petendo actum sibi debitum a suo debitore. c. intelleximus. & c. si vere.

13 Hinc infertur primo, maius esse confessionis sacramentalis secretum, quam aliud quodlibet, etiam quam secretum naturæ, & fortius ligare quam illud, ad illud enim celandum tenemur lege naturæ tantum, ad secretum vero confessionis, & lege naturæ, & lege diuina positiua tenemur; ita ut nec pro necessitate spiritali eius, qui confessus est, vel pro scandalo euitando sigillum secreti confessionis licet detegere. c. sacerdos. de poenit. dist. 6. sicut licet, quando nudum occurrit secreti naturæ sigillum, etiam si vestiatur iuramento de non reuelando illo. Nauar. cit. num. 34. & 37.

14 Sequitur secundo, sigillum secreti naturæ superius esse ad sigillum secreti confessionis sacramentalis, omne enim sigillum confessionis est sigillum secreti naturæ, non tamen contra omne sigillum secreti naturæ est confessionis sigillum, & ita quamuis quodcumque horum sigillorum frangēs mortaliter peccet, grauius tamen qui sigillum confessionis violat, quam qui sigillum secreti naturæ, sicut grauius peccat, qui iurauit celare, quam qui solum promisit. cap. 5. 22. quæst. 1. & gloss. in c. iuramenti. 22. quæst. 1. & Nauar. cit. num. 38.

15 Infertur tertio, quod cum omnis illa circumstantia necessario confitēda sit, quæ speciali prohibetur præcepto, utique confitenda erit illa, qua violatio secreti naturæ in violationem secreti confessionis transit, cum circumstantia hæc speciali præcepto prohibita sit, nempe lege diuina positiua de celanda confessione tacite lata.

16 Infertur quarto, eum, cui aliquid dicitur cum protestatione, *Hoc tibi dico in confessione, vel quasi in confessione*, non teneri confessionis sigillo, licet teneatur naturæ secreto, secundum Innoc. in c. omnis vtriusque sexus. de poen. & remiss. prope finem. & Panor. ibidem Palud. in 4. d. 21. quæst. 3. & Adrian. in 4. de confess. dub. 10. colum. 4. post quintam quæstionem, Neque peccat, aut irreuerentiam vllam sacramento facit, qui tradit, vel recipit in confessione illud, quod non est confessum; Quia nō est mens hominum dicere, vel facere per hoc confessionem, vel confessionis sigillum, seu etiam obligationem celandi æqualem illi, quæ per veram confessionem contrahitur, sed solum est mens obligandi sub graui peccato ad celandum, sicut & sub graui per confessionem esset obligatus, quamuis non sit par grauitas in transgrediendo. Nau. cit. num. 39. & 40.



re. de sent. excom. Qua ratione, excusantur qui petunt sacramenta a suo pastore habente concubinam, si modo non usque adeo notorie teneat, ut nulla tergiversatione celari queat.

Secundus est, quando ex parte petentis ad est articulus necessitatis, quia eget illo, & minister paratus est ministrare sacramentum. Qua enim ratione licet indigenti petere mutuum ab usurario, eadem licitum est indigenti petere sacramentum ab indigno parato ad ministrandum. Vnde Innoc. & Panor. in cap. in ciuitate. de usuris. docent non peccare accipientem usuras ab eo, qui paratus est ad mutuandum sub illis. Et S. Thom. in 2. 2. quæst. 78. ar. 4. docet licitum esse uti peccato alterius ad bonum, quia Deus utitur omnibus peccatis ad bonum aliquod, ex quolibet enim malo bonum elicit, ut post S. Aug. epist. 153. docet Caietanus 2. 2. quæst. 78. art. 4. & habetur c. monet 22. q. 1. & Nauar. cit. num. 6.

Hinc infertur primo peccare mortaliter eum, qui petit sacramentum, vel missam ab eo, quem scit esse in peccato mortali, & non est paratus id facere, multoque magis peccat sacerdos, qui in peccato mortali sacramenta ministrat; Quod ipsum docet glossa in dicto cap. qui vult s. sacerdos itaque. de pœn. dist. 6. in verb. iudicibus. ubi ait, confessarium omnem, qui in peccato mortali existens confitentem absoluit, mortaliter peccare, non alia ratione id probans, nisi quia sacramentum administrat in mortali. Hoc tamen verum solummodo est in eo peccatore, qui nouit, aut credit, se in peccato mortali manere. Qui enim probabiliter credit se contritum esse, etiam si coram Deo reus sit peccati mortalis, non peccaret celebrando, absoluendo, aut aliquod aliud sacramentum ministrando, sicut nec quisquam sacramentum petendo peccaret. ut Doctores scholastici in 4. distin. 9. & ibi Palud quæst. 2. docent. & Nauar. cit. num. 9. 10. 20. & 21.

Infertur secundo, peccare mortaliter eum, qui ratione ordinis, vel consecrationis sue aliquem actum ordini, vel consecrationi alicui peculiariter deputatum in peccato mortali exercet; Qua ratione subdiaconus apparatus subdiaconali epistolam, & Diaconus similiter Euangelium cantantes in peccato mortali mortaliter peccant; secus autem si in choro tanquam quilibet laicus actus illos exercent. Sic etiam sacerdos aquam, ut sacerdos in mortali benedicens, peccat mortaliter, quia is actus ordini est sacerdotali deputatus. Quæ actum si tempore interdicti exerceret, irregularitatem incurreret, secundum Innocen. in capitulo finali, de excess. prælat. Sic etiam sacerdos in mortali baptizans ut sacerdos, peccaret mortaliter, non tamen si simpliciter tanquam laicus in necessitate baptizet in mortali, sicut neque si preces horarias vel simpliciter pronunciat, vel in choro cantet in mortali, peccat mortaliter, quia is actus neque est ulli ordini peculiaris, neque peculiariter deputatus, cuius rei signum est, quod horas di-

cens, vel cantans in choro tempore interdicti irregularis non efficitur, secundum eundem Innocentium, ubi supra. & Nauar. cit. num. 15. 16. & 17.

Infertur tertio, peccare mortaliter eum, qui prædicat in peccato mortali; Quoniam prædicandi actus, quamuis lege diuina non sit alicui ordini deputatus, est tamen lege Canonica, nempe Diaconatus. capitulo clerici vigesima prima, distinct. & capit. perlectis. vigesima quinta distinctione, & pluribus docet Caiet. secunda secundæ, quæstio. 187. articulo primo, & 3. par. quæstio. 64. art. 6. & Nauar. cit. num. 14.

Infertur Quarto, Quo modo intelligendus sit S. Thom. in 4. dist. 5. & 19. & 24. ubi ait peccare mortaliter eum, qui in peccato mortali aut corrigit alium ex officio, aut facit aliquid aliud, quod sui muneris, siue officij spiritualis sit, quem in hac re sequutus est Adrianus Quodlib. 8. quæst. 1. Siquidem illa temperata sunt per ipsummet Sanct. Thomam in sua Summa, quæ posterior est, & resolutione suæ doctrinæ continet, nimirum in 2. 2. quæstio. 33. artic. 5. & quæst. 60. art. 2. & 3. parte quæst. 64. artic. 6. & ibi Caietanus. ubi docent duo esse necessaria ut Ecclesiæ minister utens spiritualibus peccet mortaliter; vnum est, ut id faciat tanquam ecclesiæ minister; Alterum, ut actus ille, quem exercet, ad consecrationem pertineat; quales sunt illi, qui alicui ordini sunt peculiariter deputati. & ideo in 2. 2. q. 33. art. 5. docet Prælatum, vel superiorem peccatorem iuste posse alium cum humilitate, & charitate corrigere; et 2. 2. quæst. 60. art. 1. ait Prælatum, quando non est in publico peccato, nec ex suo iudicio scandalum sequitur, iuste iudicare posse eum cum humilitate. Qua ratione potest Episcopus, vel alius Prælatus etiam in peccato mortali existens, sine nouo mortali peccato sententiam dicere, Decimas petere, ecclesias visitare, & similes actus exercere, cum ista sint actus qui ad iurisdictionem, & non ad consecrationem specialem pertinent, cuius rei signum est: quod ut docet Innoc. ubi supra, non incurritur irregularitas horum actuum exercitio tempore interdicti, quæ tamē incurritur per exercitium actuum, qui alicui ordini deputati sunt. Nauar. cit. num. 12. & 13.

Quamuis autem non extet præceptum aliquod speciale quod transgreditur ministrans Sacramentum aliquod in mortali, Siquidem prohibitiones quæ in scripturis sunt, inducere solum videntur consilium, & decentiam, non autem præceptum; est tamen generale præceptum præcipiens ut *sancta sancte tractentur*, ut docet Dionysius in ca. 1. Eccles. Hierarchia in fine. & epist. ad Demophilum, quod transgreditur ministrans Sacramentum in mortali; adeo ut ipsimet contrahentes Matrimonium peccent mortaliter, si illud contrahendo in mortali existant, cum ipsi huius Sacramenti ministri sint, ex Conc. Trident. sess. 24. de ref. Matrimonij. cap. 1. in fine. Nauar. cit. num.



# Qualis scientia necess. est, &c. Cap. XXVIII. 45

num. 10. & in summa de poen. d. 5. num. 33. & 34. non est tamen necessarium ad hoc ut quis Sacramentum ministret, quod confessionem præmittat, excepto Eucharistiæ Sacramento, in cuius susceptione prærequiritur actualis confessio, data copia confessoris, ex Conc. Trid. sess. 13. c. 7. & can. 11. in reliquis satis est quod se ponat in gratia per contritionem, aut saltem probabiliter putet se in gratia, & contritum esse ad hoc, ut sine nouo peccato illud ministrare, vel suscipere possit. Nau. d. §. sacerdos. num. 10.

## Qualis scientia necessaria est in confessorio. Cap. XXVIII.

### S Y M M A R I V M.

- 1 Confessarius omni ex parte absolutus, totam theologiam moralem, & ius canonicum, et civile scire debet.
- 2 Confessario non satis est, quod formam tantum absol- uendi sciat.
- 3 Scientia maior in confessario vnius, quam alterius loci requiritur.
- 4 Confessario omni quam scientia iudiciaria est ne- cessaria.
- 5 Confessario quinque secundum Caiet. scitu necessaria sunt, et quam hac sint?
- 6 Confessarius quando sine sufficienti scientia confes- siones audiens peccat mortaliter.
- 7 Scientia Medica confessario est necessaria, et quam illa sit.

**M**ateria hæc quamuis non ita facile in particulari declarari possit, quia in om- nibus eadem scientia non requiritur, nec suf- ficit, utcumque tamen varijs dictis rem ipsam explicabimus.

Primo igitur certum est, Confessarium vn- dequaq; absolutum scire debere totā Theo- logiam moralem, & ius canonicum, cum ci- uili; immo & constitutiones Synodales, & le- ges ciuiles particulares illius prouinciæ, vel diocesis, in qua confessiones audit. Et quidem de scientia canonum res manifesta est, ex d. 23. c. Qui Episcopus. & dist. 38 ca. Quæ ipsi. De scientia legum patet etiam ratione, Si qui- dem omnis iniustitia est peccatum mortale, nisi surreptio vel imperfectio, vel paruitas ex- cuset, ut docet S. Thom. 2. 2. quæst. 59. ar. 4. le- ges autem omnes non aliud continent, quam quod hoc, vel illud, iustum, vel iniustum sit, in hoc, vel in illo casu. Quotidie etiam occur- runt difficultates, An. talis emptio, vel per- mutatio sit iusta, vel iniusta? An sic, vel sic ex testamento, vel ab intestato obuientia te- neant? An primogenitus ex primogenio, vel Maioratu teneatur iusto Matrimonio fratres, vel sorores locare? An teneatur conferre im- pensas, quas in reb. Maioratus, siue primo- genij præcessor fecerat? An teneatur soluere debita a præcessore contracta, & alia similia, de quibus quotidie confessarium interrogari

contingit, quæ sine legum scientia sciri non possunt. Nauar. in c. Qui vult. §. caueat. num. 9. & 10. de poen. d. 6.

Secundo, Quamuis Caietanus, & aliqui alij existiment sufficere aliquando ut confessa- rius sciat tantum formam absoluendi, quan- do. s. penitens est puræ vitæ, & magnæ doctri- næ; verius tamen est requiri in confessarijs a- liquando maiorem doctrinam, aliquando ve- ro non ita necessarium est ut multa doctrina polleant. Quamuis enim ratione confitentis in hoc casu proposito, minor in confessario scientia sufficiat, quoad ipsum tamen confes- sarium, ut recte suo munere fungatur, maior videtur necessaria: quia quo quisq; est a pec- cato purior, eo exiliora confitetur, & conse- quenter confessario intellectus subtilior vi- detur necessarius, ut sciat an sit mortale, vel veniale, & ut sciat an penitens a peccatis mor- talibus, vel venialibus dehortandus sit. Et præ- terea quo penitens est doctior, eo peccata subtiliora, & obscuriora confitetur, quæque alij non putant esse peccata, & proinde nisi doctus sit confessarius, vix intelliget quanti- tatem, & qualitatem peccati; non est tamen negandum quin confessarius talis multoties confitentis scientia iuuari, & instrui possit. Nau. cit. num. 13. 14. 15. & 16.

Tertio, non necessaria est tanta doctrina in confessario vnius loci, quanta alterius. Non enim requiritur tanta scientia in confessario pagi, quanta in confessario ciuitatis, aut lo- corum maritimorum, vbi magna requiritur scientia propter contractus subtiliores ibi fie- ri solitos. c. oportet. 8. quæstio. 1. vnde in sta- tutis Gallicanæ ecclesiæ habetur, in oppidis muro cinctis non esse committendam curam animarum eis, qui non studuissent tres annos Theologiæ, vel alteri iurium, vel artium non essent Magistri. Nau. cit. num. 17. & 18.

Quarto, Maior eruditio requiritur ad hoc ut quis habeat curam animarum, quam ut sit presbyter, ut enim quis presbyter sit, suffice- re videtur quod sciat cantare, legere, & con- struere verba illius linguæ, & idiomatis, in quo Missam est celebraturus ex glossa. 1. re- cepta in Clemen. 1. de concess. præben. immo duo posteriora, scilicet legere, & construere sufficere videntur, secundum Domin. in ca. si pauper. de præben. in 6. qui uero habet curam animarum, cum hæc sit ars artium ex Innoc. 3. in cap. cum sit. de arat. & qualir. ordin. plu- ra necessario curatus scire tenetur. Nauar. cit. num. 19.

Quinto, Cuius confessario, qui audiendis generatim confessionibus præficitur, neces- saria est scientia iudiciaria, qua iudicet primū quæ hominum acta peccata sint, & quæ non; quæ item peccata mortalia, & quæ venialia, & quando in aliquo fuerit dubitatio, ut do- ctiores & peritiores consular. ex S. Thom. in 4. dist. 17. cui fauet c. omnis utriusq; sexus. de poen. & remiss. Hoc tamen quod diximus, in- telligi debet de his, quæ ut plurimum sciun- tur esse peccata, & ex genere suo esse morta- lia,



lia, vel venialia, ex S. Anton. 3. par. ti. 17. c. 16. §. 1. alias rarus inueniretur, qui confessarius esset idoneus. Scire etiam debet circumstantias peccatoris, & peccati, necessarias ad confitendum. Nauar. cit. nu. 20. 21. 22. & 23.

5 Sexto, Caietan. verb. confessor, quinque ait a confessario necessario esse cognoscenda, Primum, an peccator sit excommunicatus. Deinde an teneatur ad restitutionem. Tertio, an sit in statu damnationis, id est, an sit in proposito manendi in peccato mortali. Quarto, An peccatum habeat reſeruatum. Quinto, an sit, quoad hoc ei subditus. His addi potest & sextum, ut scilicet confessarius ille, qui clericos audit, habeat etiam scientiam casuum, in quibus iure inducitur irregularitas. Et quāuis Caietanus neget hoc sextum, eo moris argumento, Quod irregularis a peccato absolui potest, nō deleta irregularitate, ut patet ex c. Deus qui de pœn. & remiss. ubi Sacerdos simplex absoluitur ab homicidio iure communi solo attento, sed non ab irregularitate, quam solus Papa tollit. ca. 1. de re iudic. in 6. nihilominus tamen concessio hoc, quod peccatum sine irregularitate tolli possit, verius est, necessariam esse confessario clericorum confessiones audienti scientiam casuum, in quibus irregularitas incurritur, vel saltem ut sciat dubitare, ut sic cum opus fuerit, doctiores consulat. Siquidem confessarius non solum scire debet absolueri peccatorem, sed etiam monere eum a quibus abstinere debet. c. 1. de pœn. dist. 6. in principio & fine. & c. omnis vtriusque sexus. §. sacerdos. de pœn. & remiss. cum tamen certum sit confessarium admonere nō posse presbyterum irregularem, ne amplius celebret, vel ne ordinibus suis utatur, donec ab illa irregularitate liberetur; neque ut relinquat beneficium in irregularitate quæsitum, nisi sciat casum, propter quem factus est irregularis: Sed neque potest scire dubitare de tali casu, an liceat, necne, si omnino tales casus ignoret. Præterea etiam secundum ipsum Caietanum scire tenetur confessarius an presbyter sit irregularis, maxime si habeat beneficium in irregularitate quæsitum; cum enim habeat voluntatem celebrandi, & retinendi beneficium illud, in statu malo perseverat. arg. c. saepe. de reſtitut. spoliat. c. sicut tuis. de simonia. & regu. peccatum. de reg. iuris. in 6. & Naua. cit. nu. 24. 25. & 26. Ex his ergo sex enumeratis, tria quidem prima, & sextum omnibus confessariis, etiam summis, omnino necessaria sunt, cum talia sint, quibus ignoratis, oportet ignorare quoque illa, quæ necessario sunt facienda, vel de necessitate præcepti, vel de necessitate Sacramenti: Quartum vero, videlicet, casuum reſervatorum cognitionem, habere debet confessarius, qui non est vniuersalis mundi totius confessarius, quales rari sunt. Naua. cit. num. 27.

6 Septimo, Confessarius, qui hac diligentia non facta, & sine hac excommunicationum scientia confessiones audit, mortaliter peccat, nisi per accidens excusetur, puta, quia

pœnitens est vir doctus, & nouit prædicta; aut quia est tali animæ puritate, ut præsumatur ab huiusmodi laqueis liber. Siquidem, sine huiusmodi scientia confessiones audiens, periculo probabili se obijcit male absoluendi, ut palam est; exponens autem se periculo peccandi mortaliter, peccat mortaliter. Eccles. 3. Hæc autem scientia non est ita exigenda, ut omnia peccata, excommunicationes, & circumstantias in promptu habeat confessarius; sed satis erit, quod audiendo confessiones dubitare sciat de excommunicatione, de reſervatione, de statu, & quod habito consilio, vel recurſu ad libros, aut doctiores recte iudicare sciat, secundum ea quæ tradit Innoc. in cap. cum in cunctis. de elect. & Nauar. cit. num. 29. 30.

7 Octauo, ultra scientiam hanc iudiciariam necessaria est etiam confessario scientia Medica, qua scilicet animæ pœnitentis mederi sciat, secundum ea quæ docet Caietanus in summa, verb. confessor, & colligitur ex c. omnis vtriusque sexus de pœn. & remiss. & ex ca. 1. §. Quibus cognitis. de pœn. dist. 6. ita scilicet ut sciat oleo Diuinæ misericordiæ, vel vino Diuinæ iustitiæ impenitentem emollire, desperantem erigere, pusillanimum confortare. Non sufficit autem ut putat Caietanus, quod confessarius sciat talem ita consulere, & hortari, vel per se, uel mittendo ad alium; Quia ut habetur in c. Qualis. & cap. licet. 8. quæst. 1. pastor non bene fungi videtur suo officio, si ouem a se pascendam alteri remittat: Nemo enim creditori nolenti alium debitorem delegare potest, & se liberare. l. si stichum. §. fin. ff. de nouat. & deleg. præsertim cum in hac confessionis materia, hominis industria electa sit necessaria. capit. fin. §. fin. de offic. deleg. & Nau. cit. num. 32. & 33.

### Quis ad sigillum confessionis obligetur. Cap. XXIX.

#### S V M M A R I V M.

- 1 Secretum non solus confessarius seruare tenetur.
- 2 Secretum quinam præter confessarium obseruare tenetur.
- 3 Secretum ut alij a confessario seruent, qua lege cautum sit.
- 4 Secretum reuelans confessarius grauius peccat quam alij.

1 Q Vicquid aliqui solum confessarium ad hoc sigillum obligari velint, ea ratione moti, quod de nullo alio iure diuino, vel humano, cautum sit, ipsum hoc sigillo teneri adeo ut tam in cap. omnis vtriusque sexus de pœn. & remiss. quam in c. sacerdos. de pœn. dist. 6. silentium huius rei solis sacerdotibus imponitur; Communis tamen & vera omnium Doctorum in 4. distin. 21. sententia est, quod omnis, qui alicuius confessionem sacramentalem



# Quis ad sigillum confes. &c. Cap. XXIX. 47

talem nouerit, siue clericus fuerit, siue laicus, & siue licite, siue illicite, siue immediate, siue mediate id didicerit, ad illam celandam hoc sigillo tenetur. Nauar. in cap. sacerdos. nu. 42. de poen. dist. 6.

2 Ex quo infertur, quod nō solum sacerdos, cui fit confessio, & laicus, cui propter necessitatem aliquis aliquando confitetur, & interpretes, per quem linguæ ignarus confitetur sacerdoti, confessionem celare tenetur; sed etiā is, qui casu, vel astu, alicuius confessionem audiuit. Item is, cui causa consilij petendi reuelata est: quin etiā & is, cui causa detrahendi, & infamandi confessum, panderetur. Ratio est, quia res ad quemcunque transit, cum onere suo transit. ca. ex literis. de pignoribus, cap. pastoralis. de decimis. confessio autem simul ac facta est, ita ut habeat formam sacramentalem, habet illud onus annexum, quod omnino celari debeat. & ideo ad quemcunque peruenit, cum onere suo peruenit. Naua. cit. num. 43. 44.

Hinc fit, quod si confessarius alicui diceret, Hoc, & illud didici a tali per eorum confessiones, ea tibi reuelo, non quo celes, sed, quo magis publices; talis cui sic reuelatur confessio, non solum eam celare tenetur sigillo secreti naturæ, sed etiam sigillo secreti confessionis, velit, nolit, qui reuelat, & uelit, nolit, cui reuelatur. Nauar. cit. num. 45. quia ad quæ licite, vel illicite confessio peruenit, cum illo onere secreti, quocunque vadat, ut supradictum est, pergit.

3 Neque obstat, quod nulla lege diuina, vel humana prohibetur alius, quam sacerdos, a reuelanda confessione; institutio enim confessionis sacramentalis talis est, ut non solum liget confessorem, sed etiam ne ulli reueletur alicuius confessio sacramentalis, ita ut obligatio secreti seruandi non in personam primarie cadat; sed in rem ipsam, scilicet confessionem. Sicut ius pignoris non cadit in personam rem ipsam pignori tradentem, sed in rem ipsam pignori traditam, ut ad quemcunque perueniat, semper cum suo pignoris onere & iure transeat: adeo ut licet sacerdos confessarius, & alij non sint omnino similes, quo ad omnia; quia scilicet confessarius eam nouit ut Deus, alij ut homines, & sacerdoti imponitur poena ordinaria cap. omnis utriusque sexus. de poen. & remiss. scilicet depositio, alijs vero poena arbitraria: tamen quoad rem & qualitatem primariam similes sunt; quia ad omnes pariter illa confessio transit cum onere suo secreti seruandi. Nau. cit. num. 46.

4 Infertur etiam ratio quare tam in d. c. omnis. de poenit. & remiss. quam in cap. sacerdos. de poeniten. dist. 6. solius sacerdotis mentio fit, & illi poena depositionis imposita sit; quia scilicet sicut sacerdos grauius peccat reuelando confessionem, quam alij qui eam celare tenentur, & frequentius contingit sacerdotibus reuelandi potētia quam alijs: ita illorum mentio præcipue facienda erat, illisque grauior poena imponenda fuit, ne vlla ratione eam

reuelarent; ex quo tamen non infertur alios ad eam celandam etiam non teneri, arg. cap. non afferamus. 24. quæstio. prima. & ad hoc facit illud Ioannis Andr. cap. dispendia. de rescrip. in sexto, dicentis legem quidem aliquando ad vnum casum extendi, non autem ipsius penam. Naua. cit. num. 47. & 48.

## Quid sub sigillum confessionis cadit. Cap. XXX.

### SUMMARY.

- 1 Sigillum confessionis an sola peccata confessa continet.
- 2 Persona, cuius nomen penitens iuste, vel iniuste exprimit in confessione, tacenda est.
- 3 Confessionis reuelator, quis censendus.
- 4 Confessarius dicens, Ego Ioannem absolueri non potui; aut Ioannes non vult penitere, an reuelator confessionis sit.
- 5 Reuelator confessionis non est confessarius dicens, ego absolui Ioannem a peccatis suis.
- 6 Reuelator confessionis non est confessarius dicens, tale peccatum mortale audiui in confessione.
- 7 Reuelator confessionis non est confessarius, si ob scita in confessione, moneat superiorem ut provideat Monasterio, ne quis inde exeat.
- 8 Penitentes ipsi an ad sigillum teneantur.

1 **V**idetur sub sigillo confessionis, id est, sub debito, seu obligatione tacendi & tegendi confessionem, nihil aliud quam peccata in confessione detecta, contineri. eo quod tam in c. omnis utriusque sexus. de poen. & remiss. quam in cap. sacerdos. de poen. dist. 6. solum mentio fit de peccatore, & peccato tacendo, de alijs autem nihil statuit. Ceterum communis Doctorum sententia est, non solum peccata mortalia, & venialia, sed etiam eorū circumstantias siue necessario confitendas, siue alias, sub hoc sigillo contineri. Alia item omnia, quæ licet peccata non sunt, illis tamen detectis directe, vel indirecte adduci posset auditor, quo agnoscat confessum aliquod certum peccatum perpetrasse, unde in d. c. omnis. dicitur; Caueat autem, ne aut verbo, aut signo, aut alio quouis modo prodat peccatorem. dubium autem non est, quin circumstantijs, & alijs prædictis detectis, peccator statim proderetur, & consequenter hæc omnia necessario celanda sunt. Nau. in c. sacerdos. nu. 52. 53. de poen. dist. 6.

2 Hinc infertur Primo, quod tacenda sit tertia persona, cuius nomen a confitente iuste, vel iniuste fuit expressum; siquidem sub confessionis sigillum ea omnia cadunt, quæ vel confitens, vel confessarius iusta de causa voluerit esse secreta; quæque directe, vel indirecte ad peccatoris cognitionem spectant, quorum de numero constat esse tertiam personam, cum qua confitens peccauit. Nauar. cit. num. 160.

Infertur



3 Infertur secundo, quis sit confessionis reuelator, qui enim parochus suo parochiano publice Eucharistiâ petenti responderet, non possum tibi dare, quia habes peccatum a quo non possum te absoluerè, confessionem reuelare censetur, hoc enim modo loquendi significat penitentem sibi confessum esse aliquod peccatum mortale, eo quod non nisi mortalia reservari solent. arg. gl. c. 2. de pen. & rem. in 6. Pal. in 4. dist. 21. q. 3. col. 1. Adrian. & alij. & Nauar. cit. num. 53.

Tertio, confessionem reuelatis, qui dicit, ille mihi confessus est multa & magna peccata, ex Palud. in dicta quæst. 3. Sic, etiam is, qui duobus, vel tribus auditis viris, vel feminis, de vna illarum diceret, Hæc est virgo, vel hæc nullum mortale habet: confessionem reuelat, significat enim alias nō esse virgines, arg. c. Nonne. de præsumpt. Nau. cit. num. 54.

Quarto, confessionem reuelatis, qui alteri dicit se absoluisse quendam a peccato simonia in confessione, ex cuius narratione & qualitate audientis, qui scit, cuius erat ille confessorius, facile conijcere potest, quis esset is, qui fuit absolutus. Nau. cit. num. 58. Sic etiam confessarij mutuo inter se confessiones auditas conferentes, ad hunc modum, Quidam miles, Quenam mulier venit ad me hodie, & hoc & illud confessa est, confessionem reuelare censetur, Quamuis. n. personas non nominant, facile tamen poterat alteruter confessorius scire, qui, & quales alteri confessi essent illo die, & consequenter quis, aut quæ illarum talia peccata confessa fuit. Nauar. cit. num. 59.

Quinto, confessionis reuelator est, qui dicit, Illum mihi confessum non absolui. significat enim se audiuisse aliquod peccatum annexum habēs aliquam censuram, excommunicationis scilicet, vel alterius censuræ, vel quod penitens non sit bene dispositus: talia enim solent auditores conijcere ex huiusmodi sermonibus; Quicquid contrarium dicat Caietanus, ea ratione ductus, Quod hæc negatio, Non absolui nullum penitētis peccatum manifestat, vt, enim, diximus, his auditis, conijcitur pœnitentem illum vel non esse bene dispositum, vel habere casum reservatum, aut peccatum cui annexa est aliqua censura. Multoq; magis confessionem reuelaret, qui diceret, Nō absolui, quia est impenitens, quia non vult restituere, aut cōcubinam relinquere. Nauar. cit. num. 63. 64.

4 Sexto, confessionem reuelat, qui diceret, Ego non possum, aut non potui ipsum absoluerè, quia non video penitentiam publicam de peccato publici concubinatus, apostasiæ, vsuræ &c. Quia licet huiusmodi peccata commissâ sint publica, non tamen potest confessarius reuelare peccata publica publice peccantium sibi confessa. Cum enim confessarius dicere non possit, ille mihi suum peccatū publicum concubinatus est confessus, consequenter dicere nequit. Non possum, aut non potui absoluerè illum, quia publici pec-

cati non penitet publice, sic enim dicens clare significaret illud peccatum notum fuisse ipsi in confessione, quod nunquam dicere licet. Nam secundum omnes, quamuis penitens esset in al. quo peccato publico, si tamē illud non confiteretur confessario suo, non posset illi ob hoc denegari absolutio: vnde negando se posse absoluerè a peccato publico cuius eum non penitet, reuelat penitētem sibi confessum esse peccatum publicum, cuius non absoluit illum, & ita huiusmodi sermone reuelaret peccatum in confessione expressum, quod non licet, siue sit priuatum, siue publicum. Nauar. cit. numer. 61. 62. 65. & 66.

Septimo reuelat confessionem qui diceret, Ille non vult penitere, iste est obduratus in peccato suo. sic enim reuelat quod scit per confessionem, Quia ille confitēdo dixit, ego nolo relinquere statum meum malum, Vnde talia verba dicendo, reuelaret id quod scit tantum per confessionem. Nau. cit. num. 67.

5 Octauo infertur, Non esse reuelatorem confessionis illum, qui diceret, Ego audiui Petri confessionem, & peccata, & absolui ipsum a peccatis suis. Quia sic dicendo, nec manifestat peccata mortalia, nec venialia in specie, immo nec vllum mortale in genere, sed solum dicit, Hic confessus est mecum. & non est reuelatio confessionis, quod dicat eū absoluisse a peccatis suis, quia licet significet illum confessum sibi esse venialia saltem, tamen nullum veniale in specie manifestat, & notum est omnibus neminem diu sine veniali viuere posse. Nauar. cit. num. 68. & 69.

Hoc tamen intelligi debet, nisi quando quis alicui adeo secreto confessus est, vt nolit sciri ab aliquo se tali Sacerdoti confessum esse. vt quando vxor fratris ipsius confessarij contra maritum peccauit, & confiteretur alteri omnia sua peccata, vt postea reliqua peccata præter illud vnum, fratri mariti, confiteatur, qui quidem si sciret illam alteri fuisse confessam, aliquid mali suspicaretur. Nau. cit. num. 71.

8 Nono, confessionem non reuelat, Qui dicit, vado ad audiendam reconciliationem talis, qui suis minutissimis peccatis, vt solet, monebitur: Quia is solum venialia peccata illius in genere reuelat. Neque reuelat confessionem, qui electione Prælati occurrente, ideo alicui suum denegat suffragium, quod illum criminofum esse nosset ex sola ipsius confessione. Neque reuelat Confessionem Abbas, qui Monacho denegat copiam adeundi oppidum, aut illi Prioratum penitus manualet tollit, ob causam iustam sibi in confessione sola notam, dummodo id caute fiat. Nauar. cit. num. 74.

6 Decimo, confessionis reuelator nō est, qui diceret, Tale, vel tale peccatum mortale audiui in confessione, modo ita caute loquatur, vt nullatenus in notitiam eius, qui peccauit deueniri possit. Neque qui petit consilium circa peccatum auditum in confessione, ita vt



vt non sciatur cuius sit peccatum. c. officij. de peni. & remiss. Nau. cit. num. 75. Quicquid in hoc vltimo casu contrarium dicat Panorm. in cap. ominis vtriusque sexus. de penitent. & remission. Notab. vltim. Nam illud cap. omnis. solum prohibet peccati confessi reuelationē, quando, scilicet, ita reuelatur, vt ipse quoque qui peccauit, cognoscatur. Nauar. citat. num. 79.

Vndecimo infertur, confessarium dicere posse, immo & superiore iubente teneri ad dicendum, quæ per confessionem nouit, si alia via didicerit, modo ita illa proferat. ac si nullo tenus per confessionem nosset siue illa nouerit, antequam ei confessio fieret, siue postea. ex S. Tho. in quarto distinct. 21. alioquin enim aliquando veritati fieret præiudicium, & copia probationis tolleretur, scilicet, si Sacerdos a iudice in testem vocaretur. Si enim duobus, quorū alter sit Sacerdos, videntibus, quisquam delinquat, & mox Sacerdoti, qui viderat eum delinquentem, ea mente confiteatur, ne testari possit, præiudicium veritati in hoc casu fieret, si non liceret confessario ea de re testari.

Secus autem quando confessarius rem aliquam per solam confessionem sciret, tunc enim eam rem reuelare non posset, etiam si superior sub excommunicationis pœna iubeat, ut omnes ea de re aliquid scientes illud manifestent. ex gloss. 1. in ca. sacerdos. de pen. dist. 6. & Felin. in cap. intimaui. colum. 3. de testibus. & Nauar. cit. num. 161. 162. & 166.

7 Duodecimo, confessionem non reuelat confessarius monialium, qui per confessionem nosset vnam ex illis a Monasterio nocte proxima extrahendā, si Abbatissam moneat huius rei, ut sic impediatur tale peccatum, reuelare autem personas, etiam si absque illarum reuelatione satis occurrere nequiret tanto peccato, nō licet, quamuis, vt ea de re quod quisque sciret, superior illius confessarij sub excommunicationis pœna ad illam Abbatissam referre iuberet. Nauar. cit. num. 167.

8 Decimotertio infertur, etiam confitentes teneri ad celanda, quæ ipse confessarius dixerit, quoniam & illud ad forum Dei spectat, vnde penitens peccat detegendo censilium, vel penitentiam, vel alia sibi a confessario iniuncta, quæ talia sunt, quibus iure ridiculus efficiatur, qui ea iniūxit, aut consuluit. Quod idē dicendum est de omnibus alijs, quæ confessarius confitenti ea mente dixit, vt essent inter ipsos secreta, secundum Paludan. in 4. distinct. 9. q. 3. & Adrian. in 4. de confession. quæst. 5. dubio 10. columna 13. & Nauarrus cit. num. 115



An sit aliquis casus, in quo liceat confessario auditam confessionem reuelare.

Cap. XXXI.

S V M M A R I V M.

- 1 Confessarius ex licentia penitentis confessionem reuelare potest.
- 2 Penitens cogi nequit, vt confessario licentiam det reuelandi confessionem.
- 3 Licentia a penitente data ad suam, vel alterius utilitatem spirituales. uel temporales dari debet.
- 4 Opinio Turrecrematis de requisitis ad licentiam dandam confessario a penitente refellitur.
- 5 Confessarius audita in confessione an ut Deus, uel ut homo scire censetur.
- 6 Penitens quo casu ob alterius utilitatem confessario licentiam reuelandi confessionem dare poterit.
- 7 Licentia data confessario reuelandi confessionem, nunquam in penitentis, aut alterius præiudicium extendi potest.
- 8 Laicus audita iuste, uel iniuste in confessione sine penitentis licentia reuelare non potest.

1 **V**Nus casus est, in quo secundum omnes licitum est confessionem reuelare, scilicet, cum confitentis licentia. Sic S. Thom. in 4. distinctione vigesima secunda Bonau. ibidem. Palud. etiam ibi quæstione tertia, articulo tertio Siluester. verb. confessio 3. quæst. 3. S. Anton. 3. part. titulo 22 §. 1. Archid. & Alexand. in cap. ipsi Apostoli 2. quæst. 7. Ioan. Andr. in cap. lectæ. de renunciat. Panorm. in c. significasti. de adult. Felin. in c. testimonium. de testibus, & in cap. Nemo c. in tantum. & c. Matthæus. de simonia. & Nauarr. in capit. sacerdos. num. 117. & 151.

Quæ veritas satis colligitur ex d. ca. significasti. de adult. vbi sacerdos videtur reuelasse confessionem, scilicet, adulterium sibi in confessione detectum, & tamen non punitur; Quod alia ratione fieri non potuit, nisi quia ex licentia ipsius mulieris adulteræ reuelasset. Secundum Panormitanum in d. cap. significasti.

Nec obstat, quod sigillum confessionis, id est, debitum eam celandi, inductum sit non solum in fauorem ipsius confitentis, sed etiam totius populi Christiani, ne à confessione retrahantur, ita vt priuatus penitentis consensus non valet contra ius publicum, ad dandā licentiam confessario, vt confessionem reuelare possit: Quia licet hoc sigillum principaliter in fauorem publicum inductum sit, ne homines à confessione retrahantur, cui fauori penitens renunciare nequit, ex hac tamen licentia ipsius penitentis, nihil huic fauori publico detrahatur, sed potius additur, siquidem eo prouiores erunt homines ad confitendum, quo certo certius intellexerint confessionem suam nunquam alijs detegendam sine proprio ipsorum consensu; immo neque cum ipsorum consensu, si fuerit aliqua



ex parte confitenti damnosum; neque enim manifestari potest confessio etiam cum suo consensu nisi ad aliquam utilitatem ipsius pœnitentis. Nauar. cit. num. 156.

- 2 Hæc autem licentia reuelandi confessionē à pœnitēte confessario dari debet sponte, & dari potest tam ad suam, quam ad alterius nō contemnendam utilitatem spiritualem, aut temporalem. Nauar. cit. num. 158.

Dixi hanc licentiam reuelandi sponte dandam esse a pœnitente, non enim cogi potest quis ut hanc licentiam det confessario, cum hoc esset contra decus pœnitentis, & in grande detrimentū eius, & sacramenti confessionis. Qua de causa Palud. in 4. distinct. vigesima prima, & S. Anton. in 3. part. titulo 17. capitulo vigesimo secundo, docent coactam licentiam non sufficere, ut sacerdos audita in confessione reuelare possit. Vnde peccaret iudex qui aliquid præsumeret cōtra captum, eo quod sic captus dare nolit licentiam confessario reuelandi ea, quæ in confessione audierit: Immo si in tali casu pœnitens licentiam confessario daret, non posset sacerdos audita reuelare. Nauar. citat. numer. 158.

Dixi licentiam hanc dari posse ad spiritualem utilitatem suam, ut cum casus est perplexus, nec satis aperte sine personæ, quæ cōfessa est, expressione solui potest, ut cum agitur de pluralitate beneficiorum, quam constat in vna persona licitam esse, in altera vero illicitam. Nauar. cit. numer. 158.

- 3 Dixi etiam dari posse eam licentiam ad utilitatem temporalem suam, vel alterius. Quāuis enim Scotus in quarto distinct. 21. Bonau. & Durand. ibi. & Richard. & Angelus. verbo confessio 3. §. 5. velint sacerdotem audita in confessione reuelare posse de licentia pœnitentis, ad ea solum quæ in foro conscientie prodesse possunt pœnitenti, seu ad solam utilitatem spiritualem ipsius pœnitentis, non autem quæ ad alia, scilicet, non quæ ad forum exterius spectant, eo argumento persuasi, quod confessarius scit peccata ut Deus, & non ut homo, & ideo de illis testificari non poterit; Tamen verius est pœnitentem dare posse cōfessario hanc licentiam, ad suam, aut alterius utilitatem temporalem. Ad suam quidem temporalem, veluti cum agitur de ipso criminoso ad suos ordines restituendo, vel ad quampiam dignitatem promouendo, ut colligi potest ex c. Domino sancto. distin. 50. & tufius ex Archi. Dominico, & utroque Cardinali in cap. ipsi Apostoli 2. q. 7. sæpe enim contingit, ut probari possit in foro exteriori aliquem esse emendatum, & purgatum a crimine c. At si clerici. §. de adulterijs. versi. post pœnitentiam peractam. de iudic. & c. testimonium. ibi. si vero sit de crimine emendatus. de testibus. Quæ emendatio secundum omnes Glossas, & Doctores probari debet per sacerdotē, cum tamē sacerdos ille fidem facere nequeat de huiusmodi vitæ nouitate, nisi testificetur, quod talis sibi confessus est, & absolutus, & pœnitentiam fecerit. In aliquo ergo casu pote-

rit sacerdos ex licentia pœnitentis testificari de confessione sibi facta, etiam in foro exteriori, ita ut ei credatur. Nauar. cit. num. 152. & 158.

- 4 Neque valet quod ait Turrecrem. in c. sacerdos. de pœn. distinct. 6. debere pœnitentem in tali casu, extra confessionem dicere confessario, quod prius dixerat in confessione, per quam licentiam confessarius iam sciet ut homo, quod prius tantum sciebat ut Deus, ita ut tali scientia ut homo, testificari possit de illius emendatione, quandoquidem non ut Deus, sed ut homo testificari debet in iudicio. Quia remedium istud iuris periculosum esset cum enim iam confessarius scit illud ut homo, si postea citatus fuerit in testem, etiam cogi possit ad testificandum illud ad alium effectum, quam sit ille propter quem pœnitens ei dedit licentiam reuelandi, maximè si aliquis alius prius de ea re testis, vel aliud iudicium præcessisset, ut tradit Felin. in cap. Matthæus. de simonia & Nauar. cit. num. 154.

Secretum enim quod quis scit, ut homo, etiam si reuelatum sit ei dicendo, hoc dico in confessione, & iurauerit se non reuelaturum, tenetur de illo deponere, si ducatur in testem, secundum Innocent. & communem, in c. omnis de pœnit. & remis. Sed neque sufficit ad probandam emendationem, quod dicat ei extra confessionem, quia nisi pœnitens aliam ei dederit licentiam, non poterit testificari, se audisse ab eo illud peccatum in confessione, & eum absoluisse, cum enim sic dicere tantum poterit, illud sibi dictum fuisse secreto extra confessionem, hac ratione nihil concluderet ad probandam eius emendationem, ut constat. Nau. cit. nu. 154.

- 5 Deinde quāuis dicatur quod sacerdos scit illa, ut homo, quæ scit in confessione, quia tamen scit illa tali via quæ non sufficit ad illa cuiquam reuelandum, lege diuina id vetante ideo etiam illa sciens ut homo, non poterit illa reuelare nisi ex consensu pœnitentis, & ita manifestum est posse pœnitentem dare licentiam confessario reuelandi audita in confessione, etiam in foro exteriori, non solum ad spiritualem, sed etiam ad utilitatem suam temporalem. Nauar. cit. nu. 155.

- 6 Ex quibus etiam constat posse pœnitentem dare licentiam confessario reuelandi audita in confessione, ad alterius utilitatem temporalem, veluti cum producit in testem, in causa civili, & obiecto in ipsum crimine ac probato allegatur esse emendatus. Nauar. cit. num. 158.

- 7 Hinc inferitur, quod quotiescunque vel in generali, vel in speciali datur facultas confessario reuelandi, talis facultas non debet extendi in pœnitentis, vel alicuius alterius perniciem, siue ad iocum, aut animi solatium tantum, sed solum ad manifestationem, quo in ipsius pœnitentis, aut alterius utilitatem spiritualem, vel temporalem redundaret. Si enim nec sacram aliquam scripturam ad iocandum trahere liceat, ut docent Concilium Tridentinum



tinum; sess. 4. §. fi. & S. Thom. 2. 2. q. 168. artic. 2. ad primum, multo minus nec sacramentis, nec confessionis sacramentalis sigillo ad iocum uti licebit. Nauar. in citat. num. 119. & 159.

8 Infertur etiam, quod laicus cui facta esset confessio, aut qui casu, aut astu, a duertenter, & ex proposito confessionem clanculariam ignorante penitente audit, aut quiuis alij, qui cum non essent sacerdotes, licite, siue illicite alicuius confessionem audierunt sacramentalem, nullo modo possunt, aut debent eam manifestare nisi de licentia confitentis, & ad eum finem solum ad quem data est licentia. Naua. cit. num. 113. & 155.

tis licentia audita in confessione reuelare liceret, proculdubio confessio omnibus odiosa redderetur, immo & in illo casu, nullus peccatum illud confiteri vellet. Vnde merito Doctores in quarto distinctione vigesima prima. & Adrianus in 4. de confess. post quintam quaestionem, dubio 10. & Caiet. tomo primo opusc. tractat. vigesimoprimum, quaestio. vnica. versus illum tanquam pestilentem reiiciendum esse docent. Naua. in c. sacerdos. numer. 119. de pen. dist. 6. adeo, vt nec propter haeresim commissam, vel committendam ex sola confessione notam, vnquam reuelare confessionem licet.

2 Secundus casus, in quo licitum esse putant confessionem reuelare, est, quando crimen committendum aperitur, scilicet, si quis confiteretur se cum alijs hostibus decreuisse ciuitatem comburere, aut haeresi quadam populum inficere, neque illum huius mali propositi poenitet, cum enim talis non eo modo confiteretur, qui ad absolutionem proficit, capit. quod quidam. de penit. & remiss. in hoc euentu Alexand. in quarta part. quaest. 78. membr. secundo articulo secundo Hostiens. Ioan. And. Panorm. Petrus de Ancharanno in cap. omnis vtriusque sexus. de penitent. & remission. Decius in cap. cum non ab homine. de iudic. colum. 3. Angelus, & Siluester in verbo, confessio tertia quaestione quinta, confessarium crimen illud reuelare posse existimant. Qui tamen grauiter in hac re lapsi sunt, si enim tale crimen confessum, confessarius sine penitentis licentia reuelare posset, certe nullus est, qui in eo casu crimen illud confiteri vellet. Nau. cit. nu. 120.

Alij ergo omnes, vt S. Tho. Scotus, Palud. Bonauent. in quarta distinct. 21. & idem Hostiensis in summa de penit. §. in quo. Turrecrem. in cap. sacerdos. de penit. distinct. 6. & Caietanus in tomo primo opusc. tractat. 21. quaestio. vnica. id nullo modo licere docent, vnde Caietanus vbi supra rogatus ab alio Cardinali respondit confessarium, cui manifestata est in confessione deliberatio occidendi Regem, vel Summum Pontificem, cum proposito id ad effectum ducendi, non posse illud reuelare. Cuius etiam opinionis est Innocen. in cap. omnis. & in cap. quod quidam. de penit. & remission. vbi ait, confessionem mereri sacerdoti tanquam ministro Dei, non solum quando penitens confitetur, vt poeniteat, sed etiam quando in peccato remanere proponit, & proinde tale crimen reuelare non possit. Et quamuis in eo casu talis confessio absolutionem non mereatur ob confitentis indispositionem, est tamen illa confessio sacramentalis, & talis, quae sigillo secreti confessionis tenenda est, nam etiam confessio facta laico secundum omnes celanda est, & tamen talis absolutionem mereri non potest. Nau. cit. num. 122. 123. & 124. Huius autem opinionis ea ratio est, quia eiusdem rationis, & fori est cognoscere peccatum, vt absoluendum, & impedimentum absolutionis faciendum, ad eundem. n. spectat com-

E 2 dem-

## An in alijs casibus liceat reuelare confessionem. Cap: XXXII.

### S Y M M A R I V M.

- 1 Haeresis crimen an confessarius absque penitentis licentia reuelare possit.
- 2 Crimen committendum in confessione expositum an confessarius reuelare possit.
- 3 Crimini committendo, vt obuiet, quid faciet confessarius.
- 4 Intrans syluam cum alijs, vt aliquem occidat, & peccatum hoc confessus, quid faciet confessarius, ne confessionis reuelator censeatur.
- 5 Sigillum confessionis obligat etiam cum periculo uitae.
- 6 Confessionem reuelare non potest confessarius sine penitentis licentia, etiam si reuelatio in honorem penitentis cederet.
- 7 Papa cum confessario dispensare nequit, ut confessionem reuelet.
- 8 Reuelatio confessionis sine licentia penitentis est res per se mala, perinde ac mendacium.
- 9 Sigillum secreti confessionis fortius ligat, quam sigillum secreti naturae.
- 10 Parochus quo casu licite matrimonio illos coniungere potest, inter quos impedimentum esse nouit.
- 11 Confessarius an circa confitentem ita se gerere debeat extra confessionem, sicut si confessionem non audiisset.
- 12 Eligens indignum, quem sola confessione talem esse nouit, penam suspensionis incurrit.
- 13 Persona peccatoris confessi nec ad capiendum consilium in re dubia manifestari potest.

1 **P**raeter casum reuelandi confessionem ex licentia penitentis ad suam, vel alterius utilitatem spiritualem, vel temporalem; Aliqui saltem in alijs duobus casibus id licere volunt, quorum Primus est, quando crimen haereseos detegitur, iuxta illum versiculum antiquum, *Est haeresis crimen, quod nec confessio celat.* Et ita siue haeresis commissa, siue committenda sit, si in confessione aperiatur, licitum esse putant confessario, vt eam reuelet. Ceterum si aliquo alio casu praeterquam ex confiten-



dēpnare, & absoluerē, & Ioan. vigesimo, simul data fuit potestas ligandi, & absoluendi pœnitentem. Sicut enim manifestatio peccati cum contritione est causa absoluendi, ita manifestatio cum animi obstinatione est medium condemnandi, & proinde sicut vñum recipit, vt minister, & Vicarius Dei in foro conscientie, ita & alterum, cui consequens est, quod eadem sit vtriusque celandi ratio. Nauar. cit. num. 125.

3 Casu itaque occurrente huiusmodi, confessione, videlicet, deliberationis disseminandæ hæreseos, vel aliorum criminum committendorum quamlibet magnorum, a qua forte nolit, qui confessus est, desistere; immo forsitan proponit cum alijs socijs ea peragere, omnia facere debet cōfessarius, quibus obuietur delicto committendo sine aliqua eius, qui confessus est, significatione, monendo Episcopū, vel Regem, vel alium, cui ea res curæ erit, vt inuigilent super gregem, & ciuitatem, eo quod lupus rapax, & inimicus aliquis eum destruere, vel inuadere tentet, nullo tamen modo reuelanda est pœnitentis persona, etiam si sola illius expressio sit remedium illi hæresi fugandæ, vel impediendæ, vel alijs delictis reprimendis, nilque aliud sufficiat. Nauarr. cit. num. 124.

4 Tertius casus est, in quo licet authores nolint reuelandam esse confessionem, dubij tamen sunt quid facere debet cōfessarius, quando intrauerit siluam, vbi quidam qui eum comitati sunt conuenerunt illum ibi interficere, quorum tamen vnus pœnitentia ductus, ei hoc peccatum in ipso ingressu siluæ confitetur; An, scilicet, teneatur siluam ingredi, vel redire; siquidem si eam ingrediatur, certum est se moriturum, cum tamen lex naturalis a Deo data sit, qua quisque se, & vitam suam tueri obligetur; E contra vero si siluam non intret, sed regrediatur, confessionem pœnitentis reuelare videtur, ceteri enim comites iustam habebunt causam, & occasionem suspicandi, ideo eum non intrare, quia vnus eorum confessus est delictum, & ita non intrando reuelare videtur confessionem. Hinc Ioannes Maior in quarto distin. 21. & Adrianus in 4. de confess. post quinquam quæstionem dubio. omnino volunt sacerdotem debere redire, & non intrare, eo quod lex de vita tuenda diuina, & naturalis, & proinde fortior est, quam lex de celanda confessione quæ est naturalis tantum: sed neque redivisus ille vllomodo ex sua natura talis arcani, & peccati manifestatiuus est. Quod si fortè manifestatiuus sit illius, nihil tamen sit palam alijs, quod illis prius notum non fuerit, illi enim prius talem conpirationem norunt; sed præterea manifestatio hæc in ipsius pœnitentis decus, & honorē cedit, ostendit enim confitentis pœnitentiam. Nauar. citat. numer. 135. ob quæ argumenta dubius est, Scotus in quarto distinct. 21. q. 2. ad tertium, & potius sententiam maioris sequendam putat.

5 Alij tamen verius cum Richardo in quar-

to. distin. 21. art. 4. quæst. 2. ad quintum, existimant in hoc casu teneri siluam intrare, etiam cum certo vitæ suæ periculo, potiusquam redeundo reuelare confessionem, in quo casu moriens martyr Christi efficietur. Quamuis enim lex de se tuendo sit naturalis, lex vero secreti confessionis sit diuina positiua, & ceteris paribus, diuina & naturalis, qualis est illa de se, vitæque sua tuenda, præstet diuine positiuæ, qualis est de seruando sigillo confessionis, in hoc tamen casu cetera non sunt paria, cum illa de se tuendo lata sit ad propriam vtilitatem, sigillum vero confessionis ad vtilitatem publicam, ne scilicet cōfessio fiat odiosa, sed magis grata & amabilis, vt patet a simili, Nam lex de seruando secreto est naturalis, lex vero de seruando secreto cōfessionis partim est naturalis, partim vero diuina positiua, & tamen qua parte est positiua diuina, fortior est quam qua parte est naturalis, & non alia ratione, nisi quia qua parte est diuina positiua totius Christianitatis decus & commodum respicit, qua vero est naturalis, solum decus & vtilitatem eius respicit, qui secretum commisit. Nauar. cit. num. 139.

Præterea licet ille redivisus simplex, & non intrare siluam, non sit sua natura manifestatiuus delicti confessi, cum huiusmodi tamen circumstantijs erit, videlicet, cum illa confessione in ingressu siluæ facta, & tali tempore quando nulla erat spes, vel suspicio regressus sacerdotis: maximè quando sacerdos ille prius talem regressum nullo modo, aut signo significaret, sed potius ostenderet se libentius, & alacrius alijs siluam intraturum; his enim consideratis circumstantijs comites merito patefactam conpirationem in confessione conijcere possunt: sicut a simili, Non est signum homicidii tenere ensē strictum in manu, sed neque cum eo currere; At vero cum alijs circumstantijs erit, nimirum, si ensis sit cruentus, & illius lator exeat e domo vbi quis nuper sit vulnere mortuus, nec vllus, alius in domo reperitur; sic enim ferre ensē strictum erit signum & indicium certissimum homicidij, ex Ioann. Andr. & Specul. titu. de probatio. §. fina. versic. decimotertio, numer. decimonono. & Panormit. in capit. tertio loco de probatio. colum. 4. Nauar. cit. numer. 136. & 137.

6 Deinde quamuis nullum patefiat peccatum quod prius cognitum non fuit, patefit tamen confessio peccati in confessione tantum noti, & ita reuelator est confessionis. Nam secundum omnes, confessarius qui meretricis publicè & palam quæstum facientis confessionem audit, dicere non potest; Hæc mihi mulier confessa est, se esse meretricem. Contra omnes item est, confessarium patefacere posse confessionem sine confitentis licentia, etiam si manifestatio illa cederet in honorem pœnitentis, multoque minus eam in hoc casu palam facere poterit, cum illa non solum in honorem & decus

pœni-



penitentis non cederet, sed potius in eius ruinam & perniciem; fieri enim potest ut talis regressus confessarij, & confessionis manifestatio, causa sit mortis ipsius penitentis, quem comites forte occiderent, eo quod tale delictum manifestauerit. Sed præterea ex aliorum opinione sequitur confessarium posse patefacere penitentem sibi confessum esse hoc, & illud peccatum, quæ nouit is, cui ea patefiunt, quod contra omnes esse constat. Ex quibus omnibus constat teneri potius sacerdotem in tali casu siluam intrando mortem subire, quando redeundo confessionem reuelare iudicaretur, dummodo nulla alia sit iusta redeundi occasio, & excusatio, qua comites credant redire nisi ob criminis manifestationem. Naua. cit. num. 138. & 139.

7 Hinc infertur primo, sigillum confessionis adeo stricte obligare, ut neq. ipse Papa, etiam ob maximam reipublice utilitatem, cum confessario dispensare possit, ut vlllo in casu, præterquam ex licentia penitentis confessionem reuelet. Cum enim Papa dispensare non possit super scandalo, c. si quando. de rescript. & Panor. in ca. cum teneamur, de præben. & expresse Innoc. in c. inquisitioni. de sent. excom. multo minus super hac reuelatione confessionis sacramentalis, quæ non sine maximo & grauissimo scandalo fieri potest, ca. sacerdos. de pen. distin. 6. dispensare valet. Est enim lex diuina quæ iubet confessionem sacramentalem teneri secretam, Papa vero dispensare non potest circa legem Diuinam, licet illam aliquando declarare poterit, in aliquo casu locum non habere, ut tradit S. Thom. 1. 2. q. 100. art. 8. Et quamuis non solum in iuramento, c. 1. & 2. & ca. verum. de iureiur. sed etiam in voto ex iusta causa, c. Magnæ. de voto. & S. Thom. 2. 2. quæst. 88. art. 10. & q. 89. art. 9. dispensare possit, non tamen in secreto & a sigillo confessionis Sacramentalis dispensare queat, quia nulla potest ad id faciendum iusta causa reperiri. Nauar. cit. numer. 130. 131. 132. & 133.

8 Infertur secundo, reuelare confessionem nisi quando id de licentia fieret confitentis rem esse per se malam perinde, ac fornicationem, & mendacium, & proinde sicut nec dispensare potest Papa ut quis licite adulterium committat, vel mætiatur, quando per vitium adulterij, vel mendacij Reipublica in tuto locari posset, non enim sunt facienda mala, ut inde bona sequantur. Rom. 3. ita neque in reuelatione confessionis dispensare potest, etiam si per reuelationem eius maxima Reipublicæ mala & damna impedirentur. Nauar. cit. num. 140.

9 Infertur tertio, fortius ligare sigillum secreti confessionis, quam sigillum secreti naturæ, illud enim nullo nisi vno casu, scilicet ex licentia penitentis, reuelare licet, Hoc autem multis casibus sine vlla dispensatione, vel licentia reuelare licet, veluti qui solus nouit, eum, qui cum Berta contrahere ponit, prius cum ipsius cōsanguinea occulte rem habuif-

se, ac ideo affinem illi esse, cum qua vult contrahere, impedimentum illud reuelare tenetur, & consequenter crimen illud occultum. argum. capit. super eo. de consang. & ca. præterea. 2. de spōsal. in hoc enim casu, si ille monitus, ab illo matrimonio contrahendo desistere nolit, potest ille qui solus nouit tale crimen occultum & impedimentum reuelare, quicquid Ioan. Maior. in 4. dist. 21. falso id neget. Naua. cit. num. 14. 27. & 129. cuius rei ratio est, quoniam ad impediendum matrimonium nondum contractum, vnius viri de impedimento testimonium ad probationem plenum sufficit, c. præterea. 2. responso. de testib. Immo & sola fama id efficit. capit. super eo. de consang. Nauar. cit. num. 28.

Pari ratione si quis alteri secreto diceret, Petrum hac nocte occidam, urbem cras comburam, tale, vel tale malum admittam, si postquam ab illo talis secreto monitus sit, ut ab huiusmodi malis desistat, noluerit desistere, nec alia ratione impedire possum mala illa nisi peccatum reuelando in tali casu possum, & teneor illud reuelare. Siquidem in hoc casu lex illa de seruando secreto locum non habet, concurrit enim cum alia lege naturæ, scilicet, Eripe illos qui ducuntur ad mortem, quæ fortior est illa de seruando secreto: concurrentibus vero duabus naturæ legibus contraria in aliquo casu dicantibus, standum est illi, quæ fortior est. Fortior autem est lex de eruendo aliquo a spiritali, vel temporali morte, quam lex de seruando famam, ut constat, quia sicut bona famæ bonis fortunæ præstant: ita bona famæ a corporis bonis excelluntur. Nauar. cit. num. 23. 24. 25. & 30. & Man. cap. 18. num. 61. & c. 25. num. 43.

Hæc tamen nullo modo liceret reuelare si audirentur, & nota illi essent per confessionem Sacramentalem tantum, ideoque longe strictius est sigillum secreti confessionis, quàm sigillum secreti naturæ.

10 Infertur quarto posse quem licite matrimonio coniungere illos, inter quos impedimentum nouit esse legitimum, puta si quis confessus fuerit suo parrocho rem habuisse cum aliqua, cum cuius intra quartum gradum consanguinea nunc matrimonium contrahere deliberat. Quamuis enim parochus eum monere debet, ne id faciat, si tamen publice petata parrocho, ut ipsos matrimonio coniungat, non obstante scientia talis impedimenti, eos coniungere tenetur. argum. capit. si sacerdos. de offic. ordin. Nau. cit. num. 144.

Pari ratione si parochus in confessione nouerit aliquem excommunicatum, secreto eum monere debet ne Eucharistiam petat: si tamen is publice coram alijs peteret, tenetur eam ipsi præbere. Et præterea quamuis talis parochus illum in secreto, dum solus est, vitare possit, coram alijs tamen non potest, etiam si extra confessionem secreto id nosset. capit. cum non ab homine. de sentent. excommuni. & capit. si sacerdos. de offic. ordin.



Hodie vero excommunicatum, donec denunciatus fuerit, vitare non tenetur, vt constat ex Extrauag. Ad Euitanda scandala. Martini V. Nauar. cit. numer. 145. & Man. cap. 27. numer. 35.

11 Infertur quinto, non esse omnino verum, quod quidam affirmant, nempe confessariū quoad confitentem, ita se gerere debere extra confessionem, sicut se gessisset, si eum nullatenus audiuiſſet. Nam primo si nullatenus audiuiſſet excommunicationem, vel impedimentum Matrimonii, de quib. supra, nō posset eum, vel secreto monere, vel in secreto euitare, & tamen audita confessione id efficere potest. ca. cum non ab homine. de sent. excomm. Secundo, si quis per solam confessionem sciret aliquem esse malum virum, quāuis per omnes alias vias eum haberet vt bonum, occurrente tamen prælati electione, in eundem, si non audiuiſſet eius confessionem, & posset, & deberet eligere, quem tamē propter scientiam in sola confessione habitam, nec debet, nec potest eligere, aut illi suffragari. argum. cap. cum in cunctis. §. fin. de elect. & cap. perpetuo. de elect. in 6. & cap. si sacerdos. de offic. ordin. & Nau. cit. num. 146.

12 Infertur sexto, eum, qui eligit indignum, quem sola confessione talem esse nouerat, incurrere pœnam suspensionis, de qua in ca. cum in cunctis. §. fin. de elect. Siquidem in illo cap. iuncto ca. cum Nintoniensis. eod. tit. pœna illa eligenti scienter indignum imponitur; vnde cum talis confessarius sciens indignum eligat, & ea scientia sciens, quæ facit ipsum peccare, pœnam illam incurrit. Nam vt constat, tam efficax est scientia per confessionem quæſita, quam alia secreta, quippe quæ in ipso foro Dei est acquisita; & ideo si priuata & secreta, alia notitia incurrere facit hanc pœnam suspensionis, etiam & ista facit c. inter ceteras. de rescript. & Nauar. cit. num. 147. & 148. Quamuis etiam secundum allegata, & probata iudicare debet confessarius quando iudex est, & non secundū propriam scientiam, ca. pastoralis. §. quia vero. de offic. deleg. & ca. iudicet. 3. q. 7. tamen ex tali scientia priuata, cōfessarius iudex multum se iuuare potest, vt diligentius rem perscrutetur, secundum omnes. vnde vtile est, quod talis delinquens, recusatione, vel alio iusto modo illius iudicis, cui crimen confessus est, iudiciū, si possit, declinet, quoniam non mediocriter illa priuata scientia illum iuuabit ad inquirendum diligentius veritatem, immo & ad confirmandum contra eum iudicium. Nauar. cit. num. 149.

Infertur septimo secundum omnes iuste posse confessarium electoribus dissuadere aliquid in prælatum electionem, ob solam malitiam de ipso per cōfessionem cognitam, modo ita rem gerat vt nullo modo peccatum ipsius vlli prodat. Nauar. cit. num. 150.

13 Infertur octauo, quomodo intelligendum sit cap. officij. de pœnit. & remiss. vbi habetur, quendam confessarium detexisse peccatum

sibi in confessione patefactum. Nam licet legatus ille Papæ peccatum reuelauerit, vt consulere, in dubio casu quid esset faciendum, quod licet, vt ex ca. omnis vtriusque sexus. de penit. & remis. colligitur, non tamen manifestauit peccatorem; immo neque peccatum mulieris ita reuelauit, vt peccator cognosci valeret, quod licitum est. Nauar. cit. num. 78. & 125. Quod vero in ca. Matthæus. de simonia. habetur, Matthæum Cardinalem pro consilio habendo peccatum, & peccatorem Papæ reuelasse; & in capit. lectæ. de renunciat. dicitur Archiepiscopum quendam reuelasse etiam Papæ peccatum, & peccatorem, qui ipsi confessus erat, non probant licere aliquando peccatorem reuelare; quia non constat ex capit. Matthæus. an ille Cardinalis illud nouerit. ex confessione pœnitentis, sed exinde solum colligitur, secrete id Papæ reuelasse, quæ duo longe inter se diuersa sunt, quorum vnum ex iusta causa licitum esse potest, alterum vero nulla de causa sine licentia pœnitentis licet. Illud vero capit. lectæ. nihil loquitur de peccati confessione, sed de renunciationis cuiusdam manifestatione. Nec vllum eo in loco, verbum est, quod significet Abbatem, de quo ille textus agit, confessum fuisse sacramentaliter Archiepiscopo; sed solum confessum fuisse humiliter, secrete, & reuerenter, vt quemlibet aliquod crimen coram superiore confitentem decet. Nauar. cit. num. 127. & 129.

### De Absolutione, & forma absoluendi. Cap. XXXIII.

#### S V M M A R I V M.

- 1 Absolutionis forma iudicatiua esse debet.
- 2 Absolutionis de substantia sunt illa solum verba; Absoluo te.
- 3 Absolutionis forma superflue additur, Et restituo tibi sacramentis Ecclesiæ &c.
- 4 Absolutionis forma quomodo verificatur, quando peccata prius ob contritionem dimissa fuerant.
- 5 Absolutionis forma male additur, Absoluo te auctoritate Papæ, vel Episcopi.
- 6 Absolutionem a peccatis tria præcedere debent, et quænam illa sint.
- 7 Post absolutionem datam quæ facere debet confessarius.
- 8 Absoluendo a censuris, quatuor obseruet confessarius, et quænam illa sint.
- 9 Post absolutionem ab excommunicatione mandata, ista & rationabilia pœnitenti imponere debet.
- 10 Absolutio quasi ad cautelam facta, qualiter fieri oportet.
- 11 Absoluens ab excommunicatione, quem non potuit, quid postea habitare rei notitia facere debet.
- 12 Absolutio sub conditione propria de futuro fieri nonquit.



## De Absolutione, & forma, &c Cap. XXXIII. 55

**P**rimo quidem absolutionis forma quoad se iudicatiua esse debet, Ego te absoluo ab omnibus peccatis tuis, in nomine Patris, & Filij, & Spiritus sancti; non autem optatiua, vt Absoluat te Deus: prout ex Ioan. 20. constat, vbi dicitur; Quorum remisistis peccata, remissa sunt: & in Concilio Florentino sub Eugenij decreto. §. quartum sacramentum, declaratum fuit. & Matth. decimosexto, dicitur quodcunque solueris super terram, vbi constat in vtriusque locis dici, Remiseritis, & solueritis, nō autem, optaueritis remitti, aut solui. Quod ipsum docet S. Thom. 3. part. quæst. 84. artic. 3. Non est tamen neganda iusta esse forma illa; Ego tibi remitto peccata tua. ex S. Thom. in illo artic. tertio, ad tertium & Caiet. ibidem. Naua. in c. qui vult. num. 9. de poenit. distin. 6. Illæ uero absolutiones, quæ publicè fiunt in Ecclesia ad Primam, & ad Completorium, s. Misereatur tui omnipotens Deus &c. & illæ, quas Confessarij omnes dicere solent, Dominus noster Iesus Christus te absoluat, &c. & Misereatur tui omnipotens Deus, &c. non sunt propriæ absolutiones, sed preces pro absolutione a Deo imponenda emissæ. Naua. cit. num. 10.

Secundo, de absolutionis substantia sunt illa solum verba, *Absoluo te*, ex S. Thom. & Caietano, & Concilio Florentino vbi supra. & idem de illis verbis; *Remitto tibi*, vel *Con dono tibi*, sentiendum est. Nau. cit. num. 18. reliqua verba de essentia absolutionis non sunt; conuenienter tamen adduntur ipsi formæ absoluedi verba illa; *Ab omnibus peccatis tuis*. Naua. cit. num. 31. Male autem & periculose a nonnullis addi solet, *De contritis*, quia non solum contrita, sed etiam attrita peccata possunt per absolutionem deleri; hoc autem verbum, *Contritū* omnino excludere videtur attrita, sicut albū nigrum; superflue etiam additur, *De oblitis*, seu, *De non confessis*; si enim debitam adhibuerit diligentiam poenitens, vt peccatorum suorum recordaretur, & tamen dum confitetur alicuius, vel aliquorum oblitus fuerit, nihilominus tamen absolutio sacramentalis extenditur ad ea, quæ per obliuionem tacita fuerunt. Naua. cit. num. 32.

Est tamen obliuio peccatorum poenitenti noxia; quia licet oblita etiam sine culpa, simul cum alijs virtutē absolutionis sacramentalis deleantur, tamen non potest poenitens de peccatis oblitis sic absolui, quin cum in memoriam redierint ea confiteri teneatur, vel statim, vel tempore ad id destinato, & præterea absolutionis sacramentalis virtus, qua magna poenæ pars peccatis in purgatorio debite condonatur, non tam efficaciter peccatis obliuioni traditis, ac alijs applicatur. Præterea quoties indulgentiæ a sede Apostolica hijs, qui confitentur, conceduntur, etiam poenitens peccatorum per obliuionem inculpabilem omisorum delendis profuit. Naua. cit. numer. 33.

Immo, & peccatum reseruatū, vel cui censura erat annexa, probabiliter obliuioni tradi-

tum definit esse reseruatū, & absoluitur ab illa censura, quando confessarius potestatem habebat absoluendi etiam a talibus, & absol uisset, si ei fuissent confessione aperta, secundum Palud. in quarto dist. 18. quæst. 5. colum. pen. Gabr. 4. dist. 17. quæstio. 1. sub finem. Adr. in 4. quæst. 4. col. 10. de confess. & Naua. cit. num. 32. & in c. 1. §. cautus. num. 32. de poen. dist. 5. iuxta ea quæ diximus ca. 16. §. 8. versic. septimo.

**3** In forma etiam absolutionis superflue additur, *Et restituo te unitati fidelium sanctæ Ecclesiæ, & sacramentis eius*. Siquidem si iam absolutus sit, eo ipso quod fidelis sit, iam de se restitutus est. Quod vero a quibusdam etiam in absolutionis forma addi solet, *Absoluo te ab omnibus peccatis tuis, si & in quantum possum & debeo*, quamuis nō omnino male additur; quia fieri potest vt confessarius ea verba dicat, non quia dubitat de casu sibi patefacto, an sit reseruatū, tunc enim nec potest, nec debet se ingerere ad absoluendum ab illo casu, sed remittere ad superiorem; sed quia poenitenti esse possunt aliqua peccata, quæ oblitus est, a quibus confessarius absolueri nequiret, tamen simpliciter satis est illa verba omittere, quam addere. Naua. in d. c. qui vult. num. 31. de poen. d. 6.

Ex dictis colligitur, quod licet huiusmodi particulæ formæ absolutionis sacramentalis necessariæ non sint, neq; necessitate præcepti, neq; sacramenti; Hæc tamen forma; *Absoluo te ab omnibus peccatis tuis*, quæ mihi confessus, quæq; oblitus es, cum omnibus circumstantijs, utilis esse potest quo simpliciores confessarij admoneantur, non solum eius mentis esse debere, vt a peccatis sibi palam factis absoluant confitentem; sed etiam ab omnibus, quæ ille poenitens palam fecisset, si ea cum suis circumstantijs fidei memoria tenuisset. Nau. cit. num. 31.

**4** Quamuis aliquando sacerdos poenitentem non absoluit vel propter aliquod impedimentum ipsius poenitentis, vel quia iam per contritionem solam antequam ad sacramentum accedit, gratiam consecutus sit, & absolutus a peccatis; verum tamen dicit Sacerdos, cum poenitenti ait; *Absoluo te a peccatis tuis*. Quoniam absolutio, in quantum exit a Sacerdote, semper est efficax & certa; licet quandoq; ex parte illius cui fit, inefficax maneat, omnia enim Sacramenta ex se sunt signa, & causæ certissima gratiæ quamuis nonnunquam propter poenitentis indispositionem, gratiam, & culpæ remissionem non causent. Quando autem poenitens contritus accedit, & consequenter in gratia est, confessarius quidem eo casu per suam absolutionem non remittit culpā, quia non inuenit illam in poenitente, confert tamen gratiæ augmentum, quæ ex sua natura sufficiens est, ad delenda peccata si ea in poenitente inueniret, & etiam aliquam partem poenæ purgatorii remittit, si qua talis post contritionem reman sit, Naua. in c. voluissent. §. ex ijs. n. 10. de poen. d. 5. & in d. c. Qui vult. n. 16



5 In forma absolutionis Sacramentalis inep-  
tè ab aliquot confessarijs additur, *Absoluo te*  
*auctoritate Papæ, vel Episcopi, vel parochi.* Siquidẽ  
omnium in foro conscientie absolutionum  
vna est auctoritas, & potestas ministerialis a  
solo Deo in susceptione ordinis Sacerdotalis  
collata, & non quando audiendi confessionẽ  
copia, siue licentia eis facta est, vt additamen-  
tum illud significat, sed tunc solum concedi-  
tur eis materia subdita. Nauar. d. ca. Qui vult.  
num. 19.

At vero in absolutione voti, iuramenti, ex-  
communicationis, & similibus, vti solent cõ-  
fessarij, scilicet, Confessarius seu Pœnitentia-  
rius Romæ, his verbis; *Auctoritate Domini nostri*  
*Papæ, cuius Pœnitentiaria curam gerimus,* & rectè,  
quia hæc iurisdictionis sunt, & non ordinis,  
& non talis iurisdictionis, quam ordo necessa-  
rio requirat, & ita non a Deo immediate cum  
Sacramento assumuntur, sed a Christi Vica-  
rio, vel alijs inferioribus communicantur.  
capitul. ita Dominus. distinctio. decima sex-  
ta.

Possunt tamen excusari qui absolunt a pec-  
catis dicendo, *Auctoritate Papæ, Episcopi, vel*  
*parochi &c.* quia possunt illis verbis signifi-  
care se tunc habere sibi materiam subiectam  
quãprius nõ habuerunt, vel potetiam quam  
prius habuerunt habitualement, redactam tunc  
esse in actu, exercendo illam superioris aucto-  
ritate, iuxta illa quæ tradit Panor. in Clem.  
1. de priuilegiis. & Nauar. citat. numer. 21. 22.  
& 23.

6 Ante absolutionem verò a peccatis con-  
fessarij, vt plurimum tria præmittere debent, 7  
scilicet, precationem, qua pœnitens a Deo ab-  
solvatur, quæ ut plurimum fit per *Misereatur*  
*tui &c.* vel per, *Dominus noster Iesus Christus te*  
*absoluat;* vel per utrumque, hoc tamen non est  
de substantia, sed neque de præcepti neces-  
sitate; est tamen congruum, & conueni-  
ens.

Secundum est, manus impositio super ca-  
pite pœnitentis; Sed neque hoc est absolutio-  
ni substantiale, neque de necessitate præcep-  
ti, secundum S. Thom. 3. part. q. 84. ar. 4. Im-  
mo aliquando facere malum est, puta cum  
pœnitens est femina, & forte molli pulchritu-  
dine, ac molliter ornata, secundum Palud. in  
4. dist. 22. quæst. 3.

Tertium est relaxatio a censuris, si quibus  
pœnitens est nodatus, & hoc licet fortè non  
sit substantiale absolutioni peccatorum, est  
tamen necessarium necessitate præcepti, si  
confessarius videt eum esse illis nodatum.  
Nam Paludanus in 4. dist. 22. quæst. 3. docet  
per excommunicationem hominem incapace  
esse absolutionis. Quando vero nescit  
confessarius, an pœnitens ullis censuris sit im-  
plicitus, tunc non præceptum, sed consilium  
tantum est, absolvere illum ad cautelam prius  
a censuris. Et non solum prudens consilium  
erit absolvere ab excommunicatione maio-  
re, vel minore, sed etiam ab omni censura, ad  
quam sua potestas extenditur. Nauarrus

cit. numero 25. 26. 29. & 30.

Et quamuis, si Sacerdos dicens *Absoluo te,*  
ea mente sit, vt velit eum absolvere ab omni-  
bus, a quibus ipse iuste potest, siue censure sint  
illæ, siue peccata, sufficeret ad hoc, ut non so-  
lum a peccatis, sed etiam a censuris absolui-  
se dicatur, maxime si recta intentione super  
pœnitentem dixerit, *Absoluo te in nomine patris, et*  
*filij, et spiritus sancti,* (mente autem prædicta vi-  
detur esse sacerdos, qui rectam intentionem  
faciendi, quod debet, habet.) ex Ioan. Gerso-  
no in 2. par. fol. 183. col. 1. sub ca. confessio. &  
clarius fol. eod. col. 3. sub capit. excommuni-  
cationum. (cuiusmodi animum habent fere  
omnes confessarij qui absolunt expresse, vel  
virtualiter, dum absolvere proponant a neces-  
sarijs;) secus tamen si dicerent super pœniten-  
tem, & adderent, quod fere omnes faciunt:  
*Absoluo te ab omnibus peccatis tuis in nomine patris,*  
*etc.* Nam per hanc additionem, videtur eorum  
intentio ad solam peccatorum absolutionem  
restringi, adeo vt si qui taliter absoluit, roga-  
retur, num ea mente fuerit, vt etiam a censu-  
ris absolvere voluerit, fortassis responderet  
non fuisse, & saltem pœnitens, eam solum de  
absolutione a peccatis iuste intelligere pos-  
set, præsertim cum absolutio a peccatis alia  
longe sit ab absolutione censurarum, quia il-  
la Sacramentalis; hæc non: illa fit potestate  
immediate a Deo accepta, hæc vero alia: vn-  
de prudentius faceret qui vtramque absoluo-  
tionem, id est, prius a censuris, & postea a pec-  
catis faceret. Nau. in c. 1. §. cautus num. 33. de  
pœn. d. 5. & in d. c. Qui vult, nu. 27.

Post absolutionem vero tria facere confes-  
sarij debent, scilicet, invocationem Trinita-  
tis, per illa verba; *In nomine patris, et filij, et spiritus*  
*sancti.* Signum crucis, quod faciunt, dum illa  
proferuntur, & pœnitentiæ iniunctionem. Quæ  
tria licet non sint de absolutionis essentia, &  
substantia, conuenienter tamen & merito fre-  
quentanda sunt. Inuocatio enim Trinitatis  
quædam protestatio est confessarij, qua se nõ  
sua virtute, sed Diuina, non auctoritate sua,  
seu auctoritatie, sed ministerialiter tantum  
absolvere confitetur. Signum autem crucis  
adeo est in absolutione illa res apta, vt Ste-  
phanus Papa in c. Nunquid. de consecr. d. 5.  
dixerit omnia charismata sacerdotalis misse  
crucis figura perfici. Pœnitentia vero vel an-  
te, vel post absolutionem sacramentalem, vel  
etiam in ipsa absolutione, iniungi potest, &  
quocunque horum modorum iniungatur,  
æque sacramentalis est, quamuis melius est  
ante absolutionem iniungere. Nauar. cit. nu-  
mero 35.

Vtile vero est, vt confessarius iniungat pœ-  
nitenti bona quæ fecerit in remissionem pec-  
catorum. Cum enim tres gradus sint bonorum,  
quibus satisfacimus, vnus eorum, quæ nos ip-  
si voluntarie assumimus; Secundus eorum,  
quæ sub conditione, si ea fecerimus, imponun-  
tur, & Tertius eorum, quæ in particulari no-  
bis imponuntur a confessario, hic tertius est  
magis satisfactorius quam secundus, & secun-  
dus



## De Absolutione, & forma, &c Cap. XXXII. 57

us quam primus, qui nullatenus est sacramentalis, & ideo bona satisfactoria per confessarium in satisfactionem iniuncta ceteris parib. plus poenae purgatorio luendae tollunt, quā quae voluntarie a penitente assumuntur. arg. c. quem poenitet. de pen. dist. prima. Nauar. cit. num. 36.

Per illam vero clausulam, quicquid boni feceris &c. quamuis nihil necessario faciendum praecipitur, neque illis verbis pura & absoluta iniunctio poenitentiae fiat, est tamen conditionalis: & ideo ex intentione confessarii si impleatur conditio, bona illa sic generatim sub illa tacita conditione iniuncta magis erunt satisfactoria, quam ea quae voluntarie a poenitente fiunt, non sunt tamen ita satisfactoria, sicut illa, quae in particulari, & pure a confessario imponuntur, cum haec sacramentalia omnino sint, & obligatoria. Quo autem magis quis se ad aliquid faciendum obligat; tanto illud, ceteris paribus, est melius, & Deo gratius. ex glossa recepta in clem. 1. de reliq. & venerat. sanctorum. verbo. seipsum. Nauar. cit. num. 37. 39.

8 In absolutione a censuris, si quem certo confessarius excommunicatione nodatum noverit, quatuor servare debet. Primum est, ut accipiat iuramentum, quod stabit mandatis ecclesiae cap. primo cap. ex tenore. ca. de cetero. de sentent. excomm. Secundum est, si sit excommunicatus pro culpa notoria, praemittatur sufficiens emendatio, seu satisfactio ca. ex parte prima de verborum signific. & si pro contumacia notoria excommunicatus sit, prius solvat expensas ca. venerabilibus. §. porro. de sentent. excomm. in 6. Sin vero culpa, seu contumacia pro qua excommunicatus est, dubia fuerit, satis erit dari cautionem sufficientem & idoneam, per iura praedicta. Et si non potest satisfacere in duobus casibus prioribus, nec dare cautionem idoneam in alijs, praestet iuramentum. Tertium, quod servari debet est, ut absolvatur per eum, qui tulit sententiam, vel per superiorem eius, vel alium, cui sit ab excommunicatore, vel superiore facta facultas cap. pastoralis. §. praeterea. de offic. ordin.

Quartum est, ut absolutio fiat cum psalmo Misere mei Deus, vel alio poenitentiali, & cum oratione, Deus cui proprium est &c. sed in ea parte, quae dici consuevit; Quem delictorum catena constringit, ponatur, loco catena, excommunicatio, cum alijs praescriptis precib. cap. nobis 2. de sentent. excomm. & fufius tradit S. Ant. 3. par. tit. 24. c. 77. §. 1. Nauar. cit. num. 53. 54.

Post absolutionem faciat confessarius, seu alius absolvens illi mandata iusta, & rationalia, alias appellare posset. cap. ut debitus. de appellat. ex S. Antonino ubi supra, & alijs; quod verum est in exteriori foro; in interiore autem satis est non acceptare illa, quia in eo foro non appellatur, cum secretum sit c. si sacerdos, de offic. ordin. Erit autem mandatum iustum, si excommunicato a iure iniungatur prin-

cipaliter, ne contra illum canonem unquam veniat; puta incendiario, ut nunquam incendat, percutienti clericum, ut nunquam percutiat, & similia. 23. quaest. 8. cap. pessimam. Aliquando etiam requiritur cautio, quod de cetero talia non faciat. Extrau. grauem. de sentent. excomm. sin vero sententia apparet iniusta; nullum mandatum fiat absoluto. argum. cap. sacro. de sentent. excomm. Defunctus autem excommunicatus, & in loco sacro sepultus, cum absoluitur, non exhumetur, sed sepulchrum eius verberetur, ut sit circa viuos. capit. a nobis. de sentent. excomm. Nauar. cit. num. 54. & 55.

Quamuis excommunicationis absolutio regulariter fieri debeat servatis illis quatuor, maxime quando certo constat poenitentem aliqua excommunicatione nodatum esse, quia tamen nullum eorum quatuor de essentia absolutionis est, nec commode servari possit forma praescripta, iusta de causa omitti possunt, ita ut absolutio simplici verbo fiat, dicendo, Absolvo te ab excommunicatione, vel rebenedico te, & etiam quibuscunque alijs similibus verbis, dummodo absolvens intendat id facere. ex glossa in cap. cum desideres; de sentent. excomm. Rich. in 4. dist. 18. ar. 10. quaest. 5. S. Anton. 3. part. tit. 24. cap. 77. Quia absolutio ab excommunicatione non est sacramentalis, sed potius quiddam consequens iudiciariam iurisdictionem, & ideo verba ipsa efficaciam habent ab intentione dicentis, unde satis est ut verba quibus utitur, suam intentionem exprimant, scilicet remotionem excommunicationis, in absolutione autem peccatorum quae sacramentalis est, non ita. Nauar. cit. num. 56. 57. 59. & 69.

10 Quando autem nescitur an poenitens excommunicatus sit, & absolutio veluti ad cautelam fieret, quod ferè ab omnibus fit confessarijs, nullum quatuor praedictorum videtur servandum, sed simpliciter facienda est absolutio, sub hac, vel simili formula; *Auctoritate, qua fungor, siue iure communi, siue privilegio tibi, vel mihi undecunque ad id concessa, absolvo te ab omnibus censuris excommunicationis maioris, vel minoris, interdicti, & suspensionis, si quibus quomodolibet ligatus existis, quatenus iuste possum.* Cum enim hac consuetudo sit omnium, servanda est. arg. ca. fin. de consuetud. postea vero absolvat eum a peccatis, si possit, absolutio enim a peccatis, absolutionem a censuris praerequit 26. q. 6. cap. si presbyter. Quamuis frequenter perfecta est confessio, cum iusta censurarum, quibus ligatur, ignorantia, vel obliuione, facienti enim quod in se est, ut recorderetur peccatorum & censurarum, & in eo animo existenti ut ea confiteretur, & satisfaceret si sciret, absolutio negari non potest. Sicut etiam qui confessus est alicui potenti. eum ab omnibus suis peccatis & censuris absolvere, & quaedam referuata inculpabiliter oblitus fuerit, a quouis inferiori ab eis postea solui potest, secundum Palud. in 4. dist. 18. quaest. quinta colum. pen. Et qui mortale aliquod peccatum obli-

uisci-



niscitur, aut non aduertit, absoluitur ab eo, nulla pro eo pœnitentia, saltem speciatim, iniuncta.

- 11 Cum contingat quem ex facto absoluere alium ab excommunicatione, de qua non potest, cum postea aduerterit, debet, si potest, certificare absolutum de errore suo, hoc est, dicere illi, se eum, cum non posset, absoluisse, eique consilium debet, ut impetret absolutionem ab habente potestatem absoluendi eum, & interim habere illum, ac si non absoluisse, quia stultus non debet esse melioris conditionis, quam sapiens cap. eum qui, de præben. in c. & cap. 1. de postul. prælat. Naua. cit. numer. 60 Quando autem Episcopus alicui committit absolutionem ab omni excommunicatione simpliciter, non poterit propter hoc absoluere illum excommunicatum, cuius absolutionem non commisisset in specie, forte, quia erat excommunicatus propter damnū illatum Episcopo, vel aliquid simile. arg. regulæ. in generali in 6. secundum Paludanum in 4. & S. Ant. in 2. par. tit. 24. cap. 77. §. 1. Nau. cit. num. 61.

- 12 Absolutio ab excommunicatione quamuis fieri possit sub conditione rei præteritæ, vel præsentis, quia hæc non est proprie conditio. l. cum ad præsens ff. si cert. petat. & Panor. in ca. 2. de baptismo, sub conditione tamen propria, quæ de futuro est, puta, si satisfecerit, fieri non debet, nec taliter absolutus, simpliciter absolutus censetur. c. actus. de reg. iur. in 6. & S. Anton. in cap. 77. ubi supra; facta tamen sic absolutio valebit, & erit efficax, quando conditio illa adimpletur, non prius. arg. cap. præterea 2. de appell. & cap. si pro te. de rescrip. in sexto. Nauar. cit. num. 62. 63. 64. & 65.

*Absolutio excommunicato alicui,  
vel ab excommunicato facta  
an ipso iure teneat.  
Cap. XXXIV.*

S V M M A R I V M.

- 1 Excommunicatus sciens petens prius a peccatis, quam ab excommunicatione absolui, peccat.
- 2 Error Angeli dicentis posse quem prius a peccatis, quam ab excommunicatione absolui refellitur.
- 3 Excommunicationem probabiliter ignorans si a peccatis absoluitur, valide absoluitur.
- 4 Excommunicatum se sciens, sed tamen putans posse se prius a peccatis absolui, si absoluitur a peccatis, ualet absolutio, sed peccat confessarius.
- 5 Pœnitens excommunicatus sciens, aut scire debens, se a peccatis prius absolui non posse, si absoluitur, non ualet absolutio.
- 6 Absolutio ab excommunicato data ualet.

- 1 **M**ateria hæc quamuis difficilis sit, quid tamen in ea probabiliter dicendum sit, in sequentibus dictis exponemus.

Primo, certum est, tam pœnitentem, qui sciens se excommunicatum maiori, vel minori excommunicatione; a peccatis se absolui patitur, quam confessarium eum absoluentem, sacrilegium committere. De pœnitente constat, eo quod etiam excommunicatus minori excommunicatione exclusus est a participatione sacramentorum cap. si celebrat. de cler. excom. ministr. De confessario etiam patet, quia dat sacramentum ei qui, est incapax, & ab eorum participatione semotus, & ita sacramento abutitur, quod est sacrilegium. ex S. Thom. 2. 2. quæst. 69. artic. 3. Excommunicatus enim adeo a Diuinis est segregatus, ut licet eum peccati pœnituerit, eis tamen interesse non potest cap. sacris. de his quæ vi. & ita cum sacramentorum perceptio præ omnibus alijs diuinis excommunicato prohibita sit, adeo ut excommunicatus minori, quamuis alijs diuinis interesse poterit, sacramenta tamen percipere nequit d. cap. si celebrat. & cap. Engeltrudam 3. quæst. 4. consequens est sic absoluentem mortaliter peccare, cum absolutio a peccatis sacramenti pœnitentiæ pars sit. Vnde in cap. A nobis. 2. de sent. excomm. habetur, excommunicatum, qui cum signis contritionis moritur, haberi quidem, quoad Deum pro absoluto a peccatis, sed donec ab excommunicatione absoluitur, non esse illi communicandum. Nauar. in cap. fratres. n. 38. de pœn. distin. 5.

Hinc infertur falli Angelum, qui in verbo confessio 5. §. 10. docet posse confessarium absoluere pœnitentem a peccatis, remittendo eum pro absolutione excommunicationis ad superiorem cui illa excommunicatio reseruata est. Non enim valet, quod ait, hæretico excommunicato etiam si relapsus fuerit, dari posse sacramentum, quoties ad ecclesiæ gremium redierit, cap. super eo. de hæret. in 6. hinc enim solum probatur talem absolui posse a peccatis, non tamen antequam ab excommunicatione absoluitur. Nauar. cit. num. 39. 40. & 41.

Nec obstat, quod quis ab vna excommunicatione absolui possit, & tamen manere ligatus altera, capit. cum pro causa. de senten. excomm. & cap. ex parte. de offic. ordin. ut ideo absolui possit a peccatis, sine absolutione ab excommunicatione: Quia absolutione vnius excommunicationis non repugnat alteri excommunicationi, sicut absolutio peccatorum repugnat excommunicationi, quia absolutio ab excommunicatione non est de numero diuinorum excommunicato prohibitorum, sicut absolutio a peccatis, quæ vnum est ex septem sacramentis. Nauar. cit. num. 42.

Et quamuis vere pœnitens de peccatis, ab ipsis absolutus est coram Deo, sine eo quod absoluitur ab excommunicatione, & proinde restitutus videtur ecclesiæ sacramentis, saltem in foro conscientie. arg. c. ponderet. dist. 50. & c. dixi. & c. magna. de pœnit. dist. 1. non tamen inde sequitur absolui quempiam pos-



# Absolutio, data excom. &c. Cap. XXXIII. 59

se a peccatis, non premissa excommunicationis absolutione, vt recte docent Rich. in 4. distin. 18. artic. 9. quæst. 5. & Palud. in 4. dist. 17. quæst. 5. colum. 4. & distin. 22. quæst. 3. Quia primo nemo scit an sit odio, vel amore dignus. Eccles. 9. & deinde licet excommunicatio aliquando non tollat amicitiam Dei, veluti cum quis iniuste excommunicatur, tollit tamen externam communionem, & etiam internam quæ fit mediante institutione ecclesiæ, qualis est communicatio in sacramentis, in missa, & alijs precibus. ex Caiet. tom. 1. tract. 31. quæst. 13. & Fel. in cap. si. de test. co- gen. & Naua. cit. nu. 43. 44. & in c. 1. §. cautus. num. 24. de pen. dist. 5.

3 Secundo, excommunicationem qua iuste ligatur, iuste ignorans, vel eam oblitus, si absoluitur a peccatis, vere absoluitur, ita vt nō teneatur confessionem iterare. Quia res quæ culpa caret, in damnum vocari non debet ca. 2. de constit. & cap. sine culpa. de reg. iur. in 6. Vnde in cap. Apostolicæ. de cler. excom. ministr. habetur, excommunicatum, qui ob iustam ignorantiam diuina celebrauit, excusatum esse. Et certe si impetratio beneficii ab eo, qui se probabiliter excommunicatū ignorat, tenet, cum tamen sit lex, quæ declarat collationem beneficii excommunicato factam non valere, cap. proposuit cum gloss. de cler. excom. ministr. & glossa 2. in d. cap. Apostolicæ. & Felin. in ca. sicut tuis. col. 2. de simonia. A fortiori valebit excommunicato absolutio a peccatis facta; cum nulla extet lex, quæ habeat absolutionem a peccatis excommunicato factam, esse ipso iure nullam. Naua. in d. c. fratres. n. 45. & 46.

Hinc colligitur bona regula & consolatio- nis plena, pro multis, qui confessi sunt ignorantes se excommunicatos, si bona fide confessi sunt peccata, & non meminerunt se vlla excommunicatione teneri, & absoluti fuerint, non tenentur ad confessionis iterationem, quamuis consulendum est vt ab excommunicatione absoluantur. Quæ regula ex doctrina Caietani colligi potest in summa, verb. absolutionis impedimenta. & verbo. confessionis iteratio. & in Quæstione 1. de qualitate confessionis. Nauar. cit. num. 50.

4 Tertio, qui scit, & fatetur se excommunicatum, & siue iuste, siue iuris, vel facti fictione & errore ductus putat se absolui posse a confessario; si ab eo prius absoluitur a peccatis, quam ab excommunicatione, siue quod non posset, siue quod non meminisset, vere absoluitur a peccatis, male tamen facit confessarius. Ratio est, Quia excommunicatus preces horarias persoluens, satisfacit, ex glossa in ca. præsbyterum. dist. 28. & Quia Sacramenta data, vel recepta ab excommunicato valida sunt. Nauar. cit. num. 47.

4 Quarto, Penitens & excommunicatus qui sciret, aut scire deberet se absolui non posse a confessario si absoluitur, inutilis est absolutio, cuius ratio non est, vt multi putant, quod excommunicatio reddat excommunicatum

talis absolutionis incapacem; sed quia huiusmodi penitentis non est integra confessio; aut si est integra, se tamen indignum absolutione reddit. Quia aut non confitetur illud peccatum, quod committit, volēs absolui ab excommunicatione, & esse particeps illius Sacramenti a quo est exclusus, & sic confessio non est integra, & iteranda est; aut confitetur illud peccatum, & tamen vult absolui, & ita caret proposito abstinendi a futuris peccatis, & id palam facit confessario, & sic indignum se reddit absolutione, & proinde absolutio ei data ipso iure inutilis est, Naua. cit. num. 48.

6 Quinto, Absolutio ab excommunicato data, licet dari non debeat, tenet tamen ipso iure. vt Angelus in verbo Confessio. 5. §. 10. & Caietan. in verbo Confessio iteranda. & Tomo 1. opusc. tract. 5. quæstio. 5. docent, vbi secutus S. Thom. in 4. distinct. 17. quæst. 3. art. 4. tenet confessionem & absolutionem informes, sine contritione & attritione iusta validas esse, modo integra sit peccatorum confessio. Nauar. in ca. 1. §. cautus num. 25. 26. de pen. distin. 5. Pro quo quinto dicto facit, quia professio facta ab excommunicato tenet cap. cum illorum. de senten. excommu. Item matrimonium ab excommunicato contractum tenet capit. significasti. de eo qui duxit in matrimon. quam poll. per adult. Eucharistia etiam per excommunicatum consecrata, verum est sacramentum. argumen. cap. de homine. de celeb. Miss. sic etiam excommunicatum confirmatum nemo iterum confirmare audet. & excommunicatus ordinatus, sacramentum ordinis suscipit, licet illius executionem non accipiat. cap. 1. de eo qui furt. ordin. suscip.

Nec huic obstat quod excommunicatus a perceptione sacramentorum sit separatus; quoniam id verum est in eo sensu quod male facit sciens & prudens ea percipiendo; non tamen in hoc, quod ea sint ipso iure nulla, vt in alijs sacramentis, quæ iterari possunt, & etiam in illis quæ iterari nequeunt, manifestum est. Nau. d. §. cautus. num. 31.

*Confessarius penitenti contrarius in opinione an ipsum absolueret possit. Cap. XXXV.*

*S V M M A R I V M.*

- 1 Confessarius penitentem sibi parere nelentem, an absolueret possit.
- 2 Pars affirmatiua, vt verior ab authore defenditur.
- 3 Ignorans probabiliter ius aliquod humanum, contrafaciendo non peccat.
- 4 Matrimonium inter aliquos non valere sciens, an cum eis dissimulare possit, & debeat.
- 5 Confessarius penitenti consulere potest, vt suam opinionem sequatur.



**I**N hac quæstione difficili. an scilicet confessarius absoluere possit confitentem, qui non vult parere confessario, eo quod ipse confitens sequitur alios Doctores, contrarium eius quod confessarius tenet opinantes, & credentes: Exempli gratia, confessarius est in ea opinione, quod non licet alicui, etiam cum licentia Papæ, habere plura beneficia, quorum vnum est suo statui sufficiens.

At vero, qui confitetur est in contraria opinione, secutus alios Doctores, qui tenent contrarium, & ideo non vult ei parere. Quidam existimant in hoc casu pœnitentem illum absoluendum non esse, immo quod eum absoluendo confessarius peccaret, ea ratione moti, quia sicut confessarius in eo euentu a pœnitente interrogatus, an hoc ei liceret, non posset ei iuste respondere, id ipsi licere, quia ita respondendo, aut consulendo, illud agendum consuleret, quod ipse maxime credit esse illicitum, & contra legem Dei, & contra conscientiam suam; quod non licet. Roman. 14. & c. fin. de rescrip. ita neque ob eandem causam pœnitentem illum absolueri licite potest.

Sicut a simili, Medicus opinans aliquid maxime egroto noxium, et toxicum esse, non potest propter aliorum sententiam contrariam ei suadere, seu consulere, vt id, quasi conuenientem medicinam, sumat.

**2** Probabilior tamen eorum opinio est, qui affirmant confessarium licite posse pœnitentem illum absoluere. Nauar. in capit. si quis. de pœnit. distin. 7. numer. 67. Pro qua sententia facit cap. Quia circa. de consang. quod habet, dissimulari posse cum his, qui bona fide putant, legitimum esse inter se Matrimonium, si ex separatione graue scandalum sequi dubitaretur.

In quo casu dici nequit, id licere, ob tolerantiam Papæ ex certa scientia manantem, quæ vim dispensationis habet, ex glossa, & Panormitan. ibidem, qui docent, aliud esse impunitate & facto tolerare, aliud respondendo dicere, toleramus, vel toleratur. Nam priore casu, vt plurimum non inducitur dispensatio, capit. cum iam dudum. de præben. posteriore autem inducitur, quod caput illud, quia circa. probat. ex Panorm. in cap. nisi. colum. pen. de præben. quæ responsio vera non est, quia etiam si talis dissimulatio Papæ vim dispensationis obtineret, non tamen propterea matrimonium illud, quod nullum erat, roboratur, sine animo de nouo contrahendi.

Non enim sufficit, vt Matrimonium inter aliquos consanguinitate coniunctos roboretur, quod superueniat legitima dispensatio, nisi matrimonium quoque noue contrahatur, vt clarè colligitur, ex capit. 1. de eo qui duxit in matrim. quam poll. per adult. & glossa ibidem. vnde sola dissimulatio Episcopi etiam cum expressa Papæ dispensatione efficere non potuit matrimonium vali-

dum sine nouo consensu; multoque minus illud cum sola implicita Papæ dispensatione effecit. Nauar. cit. num. 69. & 70.

**3** Neque etiam dicere possunt contrariæ opinionis authores, illos, de quibus agitur in illo cap. quia circa. a peccato excusari ex ignorantia, Papam tamen, vel Episcopum, qui sciebant eorum Matrimonium inuaidum esse, non excusari a peccato negligentia monendi eos.

Hoc enim ex eo falsum esse constat, Quia cum quis ob ignorantiam probabilem iuris saltem humani, bona fide aliquid facit, quod non præiudicat tertio, faciendo illud non peccat; Neque tenetur parochus, Episcopus, aut alius aliquis eum illius erroris admonere, vt rectè docent Adrianus in 4. de confess. dub. 7. post quintam quæstionem, & alij: immo male faceret si moneret, & ex hoc aliquod scandalum immineret. Vnde Adrianus ibidem. colum. 4. sub finem, optime docet, eum Sacerdotem, qui solus nouit, quod mariti vxor propria viuebat, quando hæc secunda, quæ ipsi confitetur, ei nupserat ignorans, quamuis sciat eam confitentem verbis suis fidem habituram, non teneri tamen ei hoc indicare, immo, si hoc indicaret, male facturum; cum in detectione nulla sit utilitas, & ex apertione illius secreti, perplexitatem, vel difficultatem illi incuteret. Mulier namque sciens eum verum maritum suum non esse, forte vellet discedere cum scandalo mariti ignorantis; vel forte vellet adherere, & maritus nolet de nouo consentum in Matrimonium præbere. Nauar. cit. num. 71. 72.

**4** Est igitur casus in d. capit. Quia circa. in quo, qui credit, Matrimonium inter aliquos non valere, cum eis dissimulare potest, etiam si superior, & eis dicere in bono statu viuere, immo & debet, quando scandalum ex contrario facto nasci dubitaretur, Cui consequens est etiam confessarium posse absoluere pœnitentem, quem videt ignorantia iuris humani probabili a peccato excusari; maxime si suspicaretur eum de veritate monitum illam non amplexurum. Immo Paulus. in 4. distinct. 17. quem refert, & sequitur S. Anton. 1. par. tit. 3. capit. 10. §. 10. colum. 10. docet, confessarium qui dubitat, num illud, cuius confitentem non pœnitet, sit mortale, quod pœnitens negat esse, quin immo ait, se consilio peritorum illud fecisse, de quibus ob eorum vitam, & eruditionem probabile est bene consulisse, iudicio pœnitentis se posse conformare. Nauarr. cit. num. 54. & 73.

**5** Sed neque contrariæ opinionis ratio aliquid valet dicimus; enim, posse confessarium pœnitenti consuiere, vt suam opinionem sequatur; hoc enim non est contra scientiam agere. Siquidem aliud est, me credere aliquid esse faciendum; aliud te contrarium agentem excusari, vt ex Extrauag. Graue. de reliq. & ven. Sanct. constat.

Potest



Potest enim quis firmiter credens B. Virginem conceptam fuisse sine peccato originali, consulere alteri contrariam opinionem menti, ut sua opinione utatur. Deinde ut docet Adrianus dubio septimo columna penultima. Si sacerdos solus novit affinitatem impediens Matrimonium esse inter confitentem, & Bertam, quamvis Matrimonium sit inutile, potest ei consulere, & suadere ut eam pro vxore, maritali affectu tractet. Nauar. cit. num. 74.

Illa vero similitudo de Medico allata non est ad propositum. Quia in casu nostro nullum est periculum agenti, aut consulenti, cum iudicatur iusto errore excusari a peccato: At vero ibi est periculum mortis ægroto, & Medici consulentis opinione, & ita non potest illi periculo, quamvis solum sit opinatum, & fortassis a veritate alienum causam dare.

Potest tamen dicere ægroto, eum, (si alij fuerint eo doctiores, & peritiores) sequendo eorum consilium non peccaturum; quavis fuerit contra suam sententiam, & opinionem secundum Adrianum. & Naua. cit. num. 75.

*Satisfactio quid sit, & quæ opera pro penitentia imponi, & assumi possunt.*

Cap. XXXVI.

S V M M A R I V M.

- 1 Satisfactio quot modis accipi potest.
- 2 Satisfactio quidnam sit, & qualiter definitur.
- 3 Peccans Deo pro iniuria ei facta satisfacere tenetur.
- 4 Satisfactio qualiter a S. Augustino definitur.
- 5 Penitentia a confessarius imposita regulariter de operibus aliis indebitis intelliguntur.
- 6 Confessarius opera aliis debita in penitentiam iniungere potest.
- 7 Satisfactio quæ sit Deo pro peccatis, an rationem habeat iustitiae.

**S**atisfactio, ut docet Scotus in quarto distinct. 15. quæstion. prima bifariam accipi potest, videlicet large, id est, pro solutione cuiusvis modi debiti; stricte uatem pro tertia parte Sacramenti penitentiae. Generaliter autem accepta comprehendit restitutionem, est enim genus ad ipsam, ut innuit glossa capit. peccati venia. de regul. iur. in 6. stricte uero, seu specialiter ab illa differt; eo quod restitutio est redditio rei acceptæ, vel damni illati recompensatio, seu repositio rei in eum statum quem habuit. l. restituere. ff. de verb. signific. & latius tradunt Doctores in quarto distinctione decima quinta. Non enim est solutio ratione culpæ contra Deum commissæ, immò po-

tius est cessatio a peccato iuxta communem sententiam in quarto distinction. 15. & colligitur ex capit. sæpe. de restit. spoliat. & Nauar. in capit. satisfactio, num. 1. de poenit. distinct. 3.

2 Satisfactio specialiter accepta, nempe pro tertia Sacramenti Penitentiae parte, est compensatio facta Deo, seu passio voluntaria pena pro peccato ad Deum offensum placandum, cum proposito amplius non offendendi eum. ex S. Thom. quarto distinction. 15. quæstion. prima articul. primo quæstion. prima & alijs.

Dicitur tamen passio, potius quam compensatio, quia compensatio propriè non est simplex solutio, sed debiti & crediti inuicem inter se contritio, qualis non videtur omnis, de qua loquimur, satisfactio. Dixi, voluntaria; quia debet esse actus virtutis, ex S. Tho. in quarto distinction. 15. articul. primo, & alijs; omnis autem actus virtutis debet esse voluntarius, unde & poenæ, quæ licet aliquo modo inuoluntariæ sint, quia tamen sub ratione boni libere a voluntate eliguntur, vere satisfactoriæ sunt, ut colligitur ex eodem Sanct. Thom. 1. 2. quæstio. 13. articul. sexto. Quo fit, ut etiam per mortem, & alia mala etiam a Deo ipso nobis missa, & quæ necessario subimus possumus satisfacere, voluntarie acceptando illa in purgationem peccatorum, ut probat S. Thom. in quarto distinct. 15. quæst. prima. articul. quarto quæstion. secunda, & nuper definiuit Concilium Tridentinum in session. 14. capit. 8. & 9. & can. 13. Dixi, poenæ, accipiendo nomen hoc generaliter pro quacunque læsione, labore, & dolore animi, corporis, honoris, vel pecuniæ, unde oratio, licet frequenter sit valde dulcis, & suavis, quatenus tamen aliqua ex parte fatigat mentem, dici potest poenæ satisfactoria, ut tradit S. Tho. in quarto distinct. 15. quæstio. prima articul. quarto quæst. tertia. Dixi, pro peccato, ad differentiam passionum, quæ ob aliud assumuntur. Dixi, cum proposito amplius non offendendi Deum; quia hoc videtur esse de substantia veræ satisfactionis, ut colligitur ex S. Thom. ubi supra quæst. 1. artic. 3. & Nauar. cit. numer. 2. 3. 4. 5. & 6. & Manua. cap. 3.

3 Hinc infertur primo, eum, qui peccauit, non solum teneri ad damnum illatum alteri restituendum, si quod intulit. capit. si res. 14. quæst. 6. & capit. peccatum. de regul. iur. in 6. verum etiam ad satisfaciendum Deo pro offensa, & iniuria irrogata ei per rebellem transgressionem eius mandatorum, siue alteri noceat, siue non; hoc est necessarium est penitenti propositum Deo satisfaciendi in hac vita per penitentiam, aut indulgentiam, vel in purgatorio per penam. Nauar. citat. numer. 1.

4 Infertur secundo, quis sensus sit definitionis S. Augustini de satisfactione in capit. 54. de eccles. dogmatibus ubi ait, satisfactio est causas peccatorum excidere, & illorum

F fug-



suggestionibus aditum non indulgere. Cum enim satisfactio duo respiciat, quorum vnum est redditio debiti, seu placatio offensi, alterum vero est cautio, & abstinencia a nouo debito, & a noua offensa; Doctor ille sua definitione solum hoc secundum expresse tangit, primum vero tantummodo insinuat; nam definiendo expresse oportere cauere a nouo peccato, nouaque offensa, tacite videtur dicere oportere peccati pœnitere, vel offensa pœnam pati. Per causas vero quas excidere oportere dicit, non remotam illam peccandi causam videlicet fontem peccati originalis; quæ causa licet diminui possit, omnino tamen tolli humanitus nequit, sed causas peccandi, & occasiones propinquas intelligit, vt recte Sanct. Thom. in quarto distin. 15. annotauit. & Nauarr. cit. numer. 7.

5 Pœnitentiæ, quæ a confessarijs imponuntur, communiter & regulariter de orationibus, ieiunijs & alijs operibus alias indebitis sunt intelligendæ. Cum enim confessarius minister ecclesiasticus sit, ad tutiorem partem iudicium suum inclinat, ideoque id quod est amicitia præteriens, ad id, quod est iustitiæ, se conuertit. Et quoniam ex parte iustitiæ inest satisfactio, vt ex alias non debitis fiat; ideo confessarij opera alias debita non imponere censentur, sed opera solum illa ad quæ alias pœnitens non tenetur. Nauarr. in cap. qui vult. num. 44. de pœn. dist. 6.

6 Potest tamen confessarius opera alias debita in pœnitentiam imponere, quæ si ad eum finem fiant, & applicentur, virtute clauium pœnitenti proderunt, si in charitate fiant. Vt tradit, & probat Caietanus tomo 1. opusc. tract. 6. quæst. 1. & Nau. cit. numer. 40. & 44.

Siquidem vnum & idem opus a vario procedens principio, varium habet effectum, & variæ virtutis fit actus, verbi gratia, ieiunium, quo veretur quis, ne plus satis comedat, abstinencia est: idem, si eo vtatur, vt libidinem reprimat, castitas est, si autem, quo Deo quis se hostiam exhibeat, religio, & sacrificium est, si vero quo pro peccato satisfaciatur, pœnitentia est, vt ex S. Th. 2. 2. q. 85. ar. 3. colligitur.

Sicut econtra mala eo peiora sunt, ceteris paribus, quo pluribus è fontibus manant. Si enim fornicatur quis, quo & delectetur simul & furetur, fornicatio, & furtum erit. Præterea vnum & idem opus alias debitum Deo, sufficit & ad illud soluendum, & ad bene merendum vitam æternam, & consequenter, immo & maiore cum ratione, potest esse satisfactorium pœnæ pro peccatis debitæ. Quod si per opus alias debitum, solui poterit & debitum, & etiam simul effici, vt ex iustitia ei reddatur præmium vitæ æternæ, multo magis suffi-

ciet, vt etiam sit satisfactorium pro pœnâ purgatorio debita.

Nec certe vlla ratio est, cur in casu, quo tenetur eleemosinam facere pœnitens, illam in satisfactionem pœnitentialem confessarius dirigere non possit. Quæ res ex eo corroboratur, quod multorum laudanda confessariorum antiqua consuetudo habet, vt absoluto dicatur; Quicquid boni feceris, & facere proponis, & proposueris, & mala quæ sustines, & sustinebis, sint tibi in remissionem peccatorum &c. Nauarr. cit. numer. 42. & 43.

7 Nec obstat, quod pro decem, quæ debent Petro ex emptione, non possum ei satisfacere per decem, quæ mutuo ab eodem accepi l. prima ff. de solution. & proinde neque ieiunio, quod alia ratione debeo, potero pro peccatis soluere. Nam vt bene notat Caietanus tomo primo opusc. tract. sexto, quæstione prima illud verum est solum de satisfactione, quæ est intra limites iustitiæ, non autem de satisfactione illa quæ magnam naturam amicitia, quam iustitiæ sapit: quia illa ius attendit, hæc autem voluntatem offensi & offendentis respicit, quod amicitia magis est, quam iustitiæ.

Quia igitur Deus non omnimodam a nobis iustitiam requirit, sed potius instar amici nobiscum agit, proinde Deo saltem ex ratione amicitia, ex operibus alias debitis pro peccatis satisfacere possumus. Quæ omnia clare ex Concilio Tridentino sessione decimaquarta, capitulo nono, & capitulo decimotertio colliguntur, vbi hæc habentur verba; Tanta est diuinæ munificentiae largitas, vt non solum pœnis sponte a nobis pro vindicando peccato susceptis, aut sacerdotis arbitrio impositis, sed etiam temporibus flagellis a Deo inflictis, & a nobis patienter toleratis apud Deum patrem per Christum Iesum satisfacere valeamus. &c. clare ex Nauarr. cit. numer. 44. & 45.

### *Pœnitentia in mortali facta, an sit satisfactoria. Cap. XXXVII.*

S V M M A R I V M.

- 1 Pœnitentia a confessario imposita, in peccato mortali facta, valet.
- 2 Opinio Doctorum dicentium satisfactionem ex charitate factam non valere, refellitur.
- 3 Opus sacramentale recedente fictione sortitur effectum.
- 4 Caietani opinio de satisfactione sacramentali, eius valore, examinatur.

1 Primo certum est, & quasi communis Doctorum sententia, omnem pœnitentialem satisfactionem a confessario impositam,



# Poenitentia in mortali facta, &c. Cap. XXXVII. 63

fitam, etiam si extra charitatem fiat, sufficientem esse, quoad forum militantis ecclesiae, ita ut non teneatur eam iterare, ut docent Scotus in quarto distinct. 15. questio. 2. & Durandus & alij in quarto distinct. 16. & Caietanus tomo primo opusc. tract. sexto, quaestione prima Quorum omnium ratio est, quia satisfactio huiusmodi sacramentalis est, quippe quae tertia pars est sacramenti, & proinde per hoc satisfacit ecclesiae, etiam si informis sit, sicut etiam & per confessionem informem ecclesiae precepto satisfit.

Præterea hoc ipsum ex consuetudine ecclesiae manifestum est, non enim solum ieiunia, & elemosinas, verum etiam neque orationes solita est ecclesia iterum imponere poenitentibus, qui eas semel soluerunt. Nauarr. in cap. qui vult. num. 5. de poeniten. distinct. 6.

Secundo, quamvis multi Doctores in 4. distinct. 15. & distinct. 16. ut Sanct. Thom. Bonauen. Richar. Durand. ibidem, & Caietanus tomo primo opusc. tract. 6. quaestione prima existimant, nullam satisfactionem sacramentalem extra charitatem factam, quicquam prodesse ad expiationem poenae pro peccato apud Deum debita, eo quod opera illius, qui mortali culpa est infectus, & consequenter Dei hostis est & inimicus, Deus in satisfactionem culpae illius non acceptat; Tamen verius sentiunt Scotus in quarto distinct. 15. quaestione prima & Parisienses ibidem, existentem in peccato mortali posse pro temporali poena suis peccatis per contritionem deleri debita satisfacere; quia hæc opinio magis Dei misericordiam exaltat, sicut altera Dei iudicium inculcat, miserationes autem Dei super omnia opera eius psal. 144. & ideo Apostolus Iacobi 2. ait, & misericordia superexaltat iudicium.

Pro qua opinione facit, quod poena venialis debita, temporaria est, sicut & poena mortali iam condonata præscripta; veniale autem sine mortali deleri potest. Nauarr. cit. num. 46. & in d. cap. qui vult. §. sacerdos num. 27. & 28.

Tertio, ex opinione omnium poenitentia, & satisfactio sacramentalis extra charitatem facta, valida erit, quando recuperata charitate poenitens ad cor redierit. Nam regulariter opus sacramentale, utpote opus Dei recedente fictione sortitur effectum, ut de baptismo constat in capitu. Tunc valere de consecrat. distinct. 4. & pari ratione de confirmatione, ordine, confessione, & extrema unctione idem esse iudicandum. Satisfactio autem sacramentalis pars sacramenti est, vimque habet ex clauibus secundum omnes, & ideo si contingat, ut informis sit, sortietur effectum postea veniente forma nempe charitate, & per eam fuggata fictione. Naua. in d. c. qui vult. num. 48.

4 Quarto, quamvis Caietan. tom. 1. opusc. tract. 6. quaest. 1. dicat satisfactionem sacramentalem non sortiri postea totum effectum, quem sortita fuisset, si in charitate facta fuisset, ea ductus ratione, quod sacramentalis satisfactio plus se tenet ex parte humani operis, quam diuini, scilicet, sacramenti. Cuius oppositum est in baptismo, in quo totum est opus Dei, & hominis est solum ministerium. Cum igitur in satisfactione sacramentali opus præcipue est poenitentis, & parum habet sacramenti, ideo licet satisfactio sacramentalis informis, aliquem effectum postea sortiatur ex illa parte, qua sacramentalis est, non tamen totum ex illa præcipua sui parte, qua humanum opus mortuum habuit. Quæ consideratio quamvis æqua videtur, quia tamen nullo scripturæ testimonio nititur, verius dicendum videtur, talem satisfactionem totum suum sortiri effectum accedente charitate, quem sortita fuisset si in charitate esset peracta, Quia magis, vel minus esse sacramentale, parum videtur facere, modo sit sacramentale. Nauar. cit. num. 49.

*Poenitentiam sibi impositam a confessario, de consilio, vel de præcepto, poenitens an acceptare teneatur.*

Cap. XXXVIII.

S V M M A R I V M.

- 1 Poenitentiam a confessario impositam, poenitens acceptare an, & quando teneatur.
- 2 Poenitentiam semel acceptatam, poenitens adimplere tenetur.
- 3 Poenitentia imposita debet esse discreta.
- 4 Iudicis fori interioris, & exterioris in poena imponenda, ratio diuersa.
- 5 Poenitens quo sensu in manu Sacerdotis se ponere debere intelligitur.
- 6 Cap. statuimus. de Maled. explicatur.
- 7 Poenitens, religionis ingressum, in poenitentiam sibi iniunctam, acceptare non tenetur.
- 8 Poenitens ex contemptu, vel negligentia notabili, poenitentiam discretè impositam non adimplens, peccat mortaliter.
- 9 Confessio legitime facta, iteranda non est, ex eo solo, quod poenitens poenitentiam iniunctam, & acceptatam non impleat.

1 I N hac quaestione satis difficili, & inter auctores multum cōtrouersa. Quicquid S. Th. Palud. & alij in 4. dist. 20. Maior. in 4. dist. 17. q. 2. Almain. 4. d. 18. col. 4 & Rossensis in art. 5. contra Lutherum, & S. Anton. 2. par. tit. 1 4. c. 19. §. 18. poenitentem de præcepto, poenitentiam impositam acceptare, & acceptatam adimplere, velint obligari; eo quod confessarius superior est poenitentis,

F 2 etiam si



etiam si pœnitens sit Papa, ex gloss. sing. in capitu. sanè. 2. de offic. deleg. Homo autem sub peccato obedire tenetur superioris præcepto, unde 1. Reg. 15. dicitur, si quis principi non obediat, morte moriatur.

Verior tamen sententia est, Quod pœnitens non tenetur de præcepto antequam absolatur pœnitentiam impositam a confessario acceptare, sed liberum ei est acceptare, vel non acceptare; & satis est ut ea mente, sit, ut velit in hoc seculo, vel in purgatorio de eis satisfacere, ita ut absolatur a confessario, si eum absolovere voluerit.

Quod si confessarius illum absolovere noluerit, nisi pœnitentiam discrete taxatam suscipere velit, iuste quidem confessarius ei absolutionem negare potest, & iuste etiam potest pœnitens alium adire confessarium, cui confiteatur ex integro, quem minorem ei pœnitentiam impositurum iri credat: Si tamen pœnitentiam iniunctam pœnitens semel acceptavit, vel non renuit, nec ad alium confessarium, a quo absolueretur, refugit, ante absolutionem compelli non potest eam pœnitentiam acceptare, si non vult absolui; si tamen accepit, vel non renuit, & absolutus sit, eam adimplere tenetur. Nauarr. in capit. 1. §. ponat. numer. 4. 5. & 6. de pœnitent. distinct. 5. & in c. contrarium. num. 17. ead. dist.

- 2 Ratio autem cur in vno casu eam adimplere tenetur, & non in altero, est, quod quemadmodum vouere consilij est, reddere tamen votum est præcepti: capitu. Magnæ. de voto. ita pœnitentiam acceptare, si non absolutus abire velit; liberum videtur pœnitenti, modo velit ipse aliter, quam per pœnitentiam iniunctam hic satisfacere, vel saltem in purgatorio: acceptam vero adimplere tenetur; non tantum ea ratione, quod accepit; quantum ea, quod a confessario ad id ligatus fuit, tanquam a iudice, qui perinde habet potestatem ligandi, ac soluendi, iuxta Concilium Tridentinum sess. 14. capit. 8. & can. 15. quamquam Sorus in quarto distinct. 18. quæst. 2. putat, confessarium non posse ligare pœnitentem inuitum ad illam pœnitentiam sine ipsius acceptatione. Nauarr. in dict. capit. contrarium. numer. 17. in Man. capit. 26. numer. 20. Hinc in capit. significauit. de pœnitent. & remiss. habetur, Quod propter austeras pœnitentias non sint pœnitentes a seruitio Ecclesiæ retardandi.

Et Hostiensis in summa de pœnitent. & remiss. §. & an sicte. versic. quid de operibus. ait, potius solam orationem Dominicam iniungendam esse pœnitenti, quam dimittere illum insolutum. Immo Caietanus in Summa. verbo. satisfactio, ait, tantam posse pœnitentis esse indispositionem, ut sine ulla penitus pœnitentia absolui possit, modo, pœnitens velit saltem in purgatorio satisfacere.

Præterea pœnitentia iniuncta a Sacerdote, si non est tanta, quantam peccata pœnitentis exigunt, non erit ob eam peccata absolutus a tota pœna, secundum Sand. Thom. & alios in quarto distinct. 20. unde si cut pœnitentia iniuncta, & acceptata, & peccata non liberat penitus a purgatorio, ita videtur æquum, ne quis cogatur illam iniunctam suscipere. Nauarr. in dict. §. ponat. numer. 5.

- 3 Debet tamen pœnitentia iniuncta esse discreta, quia si indiscretè iniungeretur, ex omnium opinione pœnitens eam acceptare non teneretur; qualis esset si melancholico, & ad desperationem prono imponatur ea quæ melancholiam, & tristitiam augent, ut sunt ieiunium panis & aquæ, & vitatio recreationum honestarum cum personis honestis, ex Richardo in quarto distinct. 18. artic. 5. Item si quis pœnitenti debilissimo multa ieiunia iniunxerit, aut lectionibus faciendis, uel reddendis, & precibus horarijs multis dicendis occupatissimo, psalterij, vel magnæ illius partis multarum aliarum precationum onus imposuerit; non teneretur ea acceptare. Immo tanta potest esse aliquando pœnitentis contritio, ut nulla penitus ei satisfactio, & pœnitentia sit imponenda. capit. Mensuram. de pœnitent. distinct. 1. Quæ vero pœnitentia penitus æqua sit, & quæ non sit maior condigna, vel minor, nullus præter Deum arbitrari potest. d. cap. mensuram. Nau. cit. nu. 8.

- 4 Nec istis obstat quod confessarius Superior sit, ut ei pœnitens obedire teneatur; illud enim si quis principi non obedierit, morte moriatur, & huiusmodi, intelligitur de his, quæ iuberi possunt volenti, & nolenti, non de his, quæ volenti tantum, qualis est hæc pœnitentiæ iniunctio. Iudex enim fori exterioris delinquenti velit, nolit, pœnam meritam imponere potest, non autem iudex fori interioris; cuius differentia ratio est, quod forum internum respicit tantum utilitatem animæ pœnitentis; & ita pœnitentia in eo foro iniuncta, quasi mandatum in ipsius utilitatem factum in consilium transit l. 2. §. fin. ff. mand. quamuis ab illo differat; quia hæc pœnitentia acceptata necessario adimplenda est argu. capit. tempora 26. quæst. 7. illud autem mandatum etiam post acceptationem non ligat d. l. 2. ff. mandat. forum autem externum commune & publicum bonum respicit. Nauarr. cit. numer. 11.

5 Hinc infertur primo, quomodo intelligendum sit illud capit. 1. §. ponat. de pœnitent. distinct. 5. ubi dicitur, quod pœnitentem ponere se debeat omnino in potestate iudicis, in iudicio sacerdotis, nihil sibi reseruans sui, sed paratus sit omnia eo iubente facere. Illud enim dicitur consulendo, non præcipiendo, sicut & alia multa illius capituli, etiam



## Pœnitentiam impositam an &c Cap. XXXVIII. 65

etiam intelligitur, ita vt non contemnat pœnitentiam impositam adimplere, sic enim erit mortale eam non implere ex contemptu, alias non; vel etiam intelligi potest de his, ad quæ pœnitens tenetur etiam secluso confessarij præcepto, tenetur enim pœnitens obedire confessario præcipienti ei vt eijciat concubinam è domo, aut famulam, cui periculose conuiuit, tenetur etiam vitare omnes occasiones proximas delinquendi. ex Richar. in quarto distinct. 18. artic. 3. quæst. 5. & Adrian. in quarto de pœnitent. tenetur etiam obedire confessario præcipienti ei restitutionem male ablatorum, secundum omnes. argum. capitu. saepe. de restitut. spoliat. & Sanct. Thom. secunda secundæ quæst. 62. art. vlt. Primus tamen intelligendi modus germanior videtur. Nauar. cit. numer. 9. & 10.

6 Infertur secundo, quis sensus sit capitu. statuimus, de Maled. vbi dicitur, Qui pœnitentiam suscipere renuerit, ei ingressus Ecclesiæ interdicendus est, & in obitu ecclesiastica careat sepultura. Hoc enim de fori exterioris pœnitentia, non autem interioris intelligendum est, constat enim confessarij muneris, & potestatis non esse pœnitenti nolenti pœnitentiam impositam suscipere, vel iniunctam implere, ecclesiæ ingressum interdicere, aut ecclesiastica priuare sepultura talem, ne hac ratione confessionem reuelaret. Nau. cit. num. 13.

7 Infertur tertio, Non teneri pœnitentem ad acceptandum religionis ingressum in pœnitentiam sibi iniunctum: quia religionis ingressus voluntatis est, & præcipi non potest c. integritas 32. q. 1.

Neque potest confessarius iniungere alicui carcerem perpetuum, quo solo pane vescatur, & aquam solam bibat, cum hoc grauius sit quam religio. Quod si aliquot canones, vt capit. si ille. distinct. 50. capit. dictum. distinct. 81. capit. de lapsis 16. quæst. 6. capit. admonere 33. quæst. 2. capit. tuæ. de poenis. dicant aliquem esse recludendum in Monasterium ad agendam pœnitentiam, intelliguntur loqui solum in foro exteriori, non de interiori conscientia foro.

Sed neque canones illi 47. pœnitentiales, quos colligit Hostien. in summa. de poeniten. & remiss. ad hoc instituti sunt, vt poenam in eis contentam pœnitenti volenti, nolenti confessarius imponat, sed vt volenti tantum iniungat, aut iudex ecclesiasticus in foro pœnitentialem exteriori, idest, cum agitur ad pœnitentiam, tantum eam subire præcipiat.

Neque pro peccato publico & manifesto, cogi potest pœnitens a confessario vt pœnitentiam publicam subeat & ideo cap. 1. de poeniten. & remiss. quod habet, manifesta peccata non esse occulta pœnitentia purganda, in foro conscientia penitus in-

teriori locum non habet. ex S. Anton. 3. par. tit. 14. capit. 17. §. 6. & Nauarr. cit. numer. 14. 15. & 16.

Pœnitentia vero quæ a religiosis in capitulo delinquentibus imponitur, eo quod imponitur a superiore iurisdictionem etiam in foro exteriori habente, quamuis non sit sacramentalis, ligat. Nauarr. in capitu. qui vult. numer. 12. de poeniten. distinct. sexta.

8 Infertur quarto peccare mortaliter pœnitentem, qui per contemptum vel negligentiam notabilem non adimplet pœnitentiam discrete impositam, contemptus enim efficit, vt peccatum sit, quod alioqui non esset, secus autem si ex obliuione, vel negligentia leui eam non adimpleret, tunc enim mortale non erit, vt colligi potest ex his quæ docent Gerson secunda parte 33. alphab. sub litera F. & sub litera M. & Caieta. prima 2. quæstio. 77. articul. quarto. & Nauarr. in cap. contrarium. numero 18. de pœnitent. distinct. 5.

9 Infertur quinto, confessionem legitime factam, non esse iterandam ex eo solo capite, quod pœnitens pœnitentiam iniunctam & acceptam non impleuerit, siue eam ex contemptu, siue ex negligentia, siue ex obliuione omiserit, sed satis est quod confiteatur obliuionem, negligentiam, vel contemptum quo pœnitentiam acceptam adimplere omisit ex Sanct. Thom. Quodl. primo articul. 12. & quarto distinct. 17. quæstio. tertia articul. tertio querela 5. Maior quarto distinct. 17. quæstio. sexta Adrian. in quarto de confess. quæstion. sexta colum. pen. in fine. Caiet. verbo. confessio iteranda. Nauarr. in d. c. contrarium num. 19. & 20.

Quia qui semel legitime confessus est sua peccata, cogi non potest vlla humana auctoritate vt eadem peccata iterum confiteatur. Sic tamen pœnitentiam discretam impositam & acceptam adimplere omittens peccat. Vnde falluntur Rich. in quarto distinct. 17. articul. secundo quæst. 8. argum. 4. Anton. 3. par. tit. 14. capit. 19. §. 19. & Syluester verbo. confessio 1. q. 3. qui ex sola omissione pœnitentia iterandam esse putant confessionem.

Quorum opinio solum vera est, quando pœnitens ex eo quod considerat pœnitentiam sacramentalem, siue illam quæ a confessario imponitur, maioris efficaciam ac virtutis esse, quam illam, quæ sponte a pœnitente sumitur, & mente reuoluens maiorem forte poenam a Deo condonari ob vnius diei ieiunium a confessario præceptum, quam quatuor dierum ab ipso pœnitente assumptum, velit Deo pœnitentia sacramentali satisfacere, tunc enim talis pœnitens iterum confiteri tenebitur peccata omnia, vel saltem illa ob quæ pœnitentia principaliter imposita fuit, si confessarius ille, cui prior



prior confessio facta erat non inueniatur, vel iam oblitus sit peccata quæ ei confessa fuerunt, & pœnitentiam non recorderetur: Sin vero pœnitens nolit satisfacere per pœnitentiam Sacramentalem, sed per aliam sua sponte suscipiendam in hoc sæculo, vel in Purgatorio, tunc propter o-

missionem pœnitentiæ impositæ confessionem iterare non tenebitur; Quia sicut non tenetur omnem pœnitentiam acceptare, ita neque pœnitentia sacramentali pro omnibus satisfacere tenetur. Nau. cit. num. 22. 23. & 24. Et hæc de sacramento pœnitentiæ, & singulis eius partibus.

F I N I S.



V E N E T I I S.

Ex Typographia Baretij Baretij]

M D C X V.